





*Consignet ad Bibliothecam S. Angel:
Vallimontang*

ANECDOTUM

VENERABILIS SERVI DEI

BEATI ANGELI CARLETTI.

J. Carletti. MS. de Albani.
1578
17. 17.

A NECDOTUM
VENERABILIS SERVI DEI
BEATI ANGELI CARLETTI
A CLAVASIO PEDEMONTANI

ORDINIS MINORUM REGULARIS OBSERVANTIE
S. FRANCISCI

I N Q U O

Author agit DE CONTRACTIBUS, eosque explanat, vestigia
præsertim sequens SANCTI BERNARDINI DE SENIS

N U N C

Primo in Lucem editum, congruisque Notis illustratum
studio, & labore

PATRIS FRATRIS HONORII MARENTINI
DE SUMMARIPA MEMORIS

EJUSDEM ORDINIS, ET PROVINCIÆ SANCTI THOMÆ APOSTOLI
IN PEDEMONTIO.



MEDIOLANI M. DCC. LXVIII.

EX TYPOGRAPHIA JOSEPHI MARELLI.

Cum approbatione Superiorum.

JUSSU R. A. P. DIONYSII CAJETANI DE POASCO Delegati
 Generalis Nos infrascripti perlegimus Opus inscriptum :
*Anecdorum Venerabilis Servi Dei Beati Angeli Carlessi a Cla-
 vasio Pedemontani Ordinis Minorum Regularis Observantiae
 Sancti Francisci, in quo Author agit de Contractibus, eosque ex-
 planat, vestigia praesertim sequens S. Bernardini de Senis: nunc
 primo in lucem editum, congruisque notis illustratum studio,
 & labore Patris Fratris Honorii Marentini de Summaripa
 Nemoris ejusdem Ordinis, & Provinciae S. Thomae Apostoli
 in Pedemontio: in quo & B. Angeli, & annotationum
 Authoris ingenium perspicax, acutum, solers, sanam do-
 ctrinam gravissima Legum auctoritate communitam, uber-
 rimam eruditionem, accuratissimum probabiliorum senten-
 tiarum delectum sumus demirati. Quare egregii Editoris
 nomen dignum est, ut cum B. Angelo non magis, quam
 cum aeternitate conjungatur; ac dignissimum est opus ut
 in publicam lucem prodeat.*

Dat. Astæ ex Coenobio S. Bernardini septimo Kalen-
 das Augusti An. 1768.

*F. Fulgentius Maria Riccardi a Taurino Ord. Min.
 Reg. Obs. Sacrae Theologiae Lector Generalis.*

*F. Amedeus Buissonus a Taurino Ord. Min. Reg. Obs.
 Sacrae Theologiae Lector Generalis.*

Fr. Paschalis a Varisio Lector Emeritus, Catholicae Majestatis in Regali Matritensi Congressu pro Immaculata Virginis Conceptione Theologus, ac totius Ordinis Minorum S. P. N. Francisci Minister Generalis, & in Domino Servus.

Cum Opus, cui titulus est : *Anecdorum Venerabilis Servi Dei Beati Angeli Carletti a Clavasio Pedemontani Ordinis Minorum Regularis Observantiae S. Francisci &c. a R. P. Honorio Marentini de Summaripa Nemoris Nostrae Observantis Provinciae S. Thomae Apostoli Lectore Jubilato, & Ex-Provinciali compositum, a duobus Patribus Theologis de Ordine nostro, quibus id commisimus, revisum, & approbatum fuerit; vigore praesentium facultatem eidem concedimus, quatenus, servatis servandis, illud Typis mandare possit.*

Dat. Mediolani e nostro Conventu Giardini die 30. Novembris 1768.

FR. PASCHALIS A VARISIO
Minister Generalis.

L. S.

De Mandato Reverendiss. in Christo Patris

F. Joannes Dominicus de Solerio Definitor Generalis
& Pro-Secretarius Generalis Ordinis.

LECTORI BENEVOLO.



EMINERIS eorum, Lector, quæ promisi, quum anno proxime præterito Typis Mediolanensibus publici juris feci Manuscriptum hujus Venerabilis Servi Dei, in quo agit de Decem præceptis Decalogi, & de Septem vitiis Capitalibus: Pollicitus scilicet eo temporis sum vulgare duas alias ejusdem Beati Tractationes statim atque absolutæ forent Annotationes, quibus eas illustrare meditabar. Habeto igitur nunc ex his duabus unam, alteram accepturus, vita comite, anno uno, vel alio proxime sequenti.

Hujus Anecdoti in cognitionem veni legens vitam Sancti Bernardini Senensis, quam anno 1744. Venetiis emisit Pater Frater Amedeus Maria de Venetiis felic. mem., hystorico-criticis Annotationibus illustratam; Scriptor enim ipsius pag. 334. recensens Opera Sancti Bernardini, hæc habet col. 2. — *Il Trattato de' Contratti incomincia così. Incipit Tractatus Contractuum compilatus ex dictis Sancti Bernardini compendiose per Venerabilem Fratrem Angelum de Clavasio Ordinis Minorum Provincia Januæ. Questo Frat' Angelo fu Vicario Generale della Osservanza, ed è l'Autore della Somma detta Angelica* —. Ut primum hæc legi, quum Vitam tunc scriberem Beati Noltri, cujus cultus ab immemorabili tempore eidem præstitus a Benedicto XIV. Pontifice Maximo solemnî Decreto fuerat approbatus die 25. Aprilis 1753.: Per epistolam rogavi Adm. R. Patrem Fratrem Joannem Illuminatum de Venetiis Provinciae nostræ Venetæ Ex-Ministram Provincialem (jam
c vivis

e vivis sublatuſ erat P. Amedeuſ Maria, de quo ſupra) ut mihi, ſi id fortuito ſciebat, indicare non dedignaretur, qua in Urbe, qua in Bibliotheca, quo in Archivio ſervabatur Anecdotuſ. Et protinuſ pro ſua humanitate nedum patefecit locuſ, in quo extabat, Patavii videlicet in Bibliotheca noſtri Cœnobii ſub titulo Sancti Franciſci Magni, & ſignate in pluteo num. XLVIII.; ſed inſuper paullo poſt requiſituſ miſit ad me Anecdotuſ ipſuſ. Eſt hoc Chartaceuſ, charactere ſemigotico exaratuſ, injuria temporis non corroſuſ, & una cum nonnullis Manuſcriptis alioruſ Veteruſ Scriptoruſ in uno eodemque volumine poſituſ. Quuſ & propter veterem charactereſ, & propter multipliceſ ſyllabarum contractioneſ ab antiquiſ Amanuenſibuſ adhibitae, difficillimuſ eſſet ipſuſ tranſcribere, ſociuſ laboriſ adſcivi Perilluſtreſ Dominuſ Marinuſ Cucchuſ, unuſ ex Cuſtodibuſ Regii Archivi, in legendiſ obſoletiſ vetuſtiſſimiſ characteribuſ ſingulareſ: Et, abſoluto exemplari ad verbuſ exſcripto, mutatuſ Anecdotuſ, unde ad me venerat, cum gratiaruſ actione remiſi.

Inventione hujus Anecdoti candide expoſita, putarem neminem reperiri, qui velit ambigere, an Beatuſ Noſter vere fuerit iſtiuſ Tractationiſ Author. Præterquamquod veriſimile non eſt, aliuſ neſcio quem uſurpare voluiſſe nomen non ſuū in evulganda re, quæ, ut fert ipſe tituluſ, potiuſ eſt collectio doctriſ Sancti Bernardini ſuper Contraſtibuſ, quam Tractatio ex toto ab Authore Marte ſuo elaborata: Id ſuadet, & probat non ſoluſ doctriſ cum Angelica pleruſque congruens, ſed vel maxime, quod perſæpe eundem omnino ſervat reruſ ordinem, iſſidem omnino verbis mentem aperit ſuam; ut non immerito ſuſpicer in condenda Summa Angelica multa ex hoc Tractatu ſæpe numero ad verbuſ exſcripiſſe. Idem magiſ
ma-

magisque confirmatur, quia in Tractatione *de Restitutionibus* hujus Tractatus semel iterumque meminit, prima nempe Consideratione art. 3. tit. 4. dub. 2., & eodem articulo tit. 17. dub. unico: Et quidem tanquam Operis a se ipso lucubrati, ad quod legentes remittit, ut de iis rebus, quas ibidem examinat, plene erudiantur. Porro Tractationem *de Restitutionibus* eidem adjudicant quotquot agentes de Scriptoribus Ecclesiasticis ejus Opera recensuerunt. Et ipsi igitur tribui debet præsens Tractatus.

Ex hoc planum omnibus fit, duas hasce Tractationes insimul non esse confundendas, ut unum, idemque innuant Opus a Beato Viro elaboratum: Quum reapse duæ lucubrationes sint invicem distinguendæ, ab eodem Authore in ordinem positæ, & successivis temporibus evulgatæ. Erravi iccirco, & meipsum fefelli, dum in Præfatione Manuscripti Mediolani, ut dixi, jam Typis consignati pag. xiii. & xiv. ambas Tractationes in unum complexum, ex eo deceptus, quod Author, vel ut verius dicam, Exscriptor in eodem Manuscripto inquit pag. 109. — *Et de hoc require plenius in Tractatu Contractuum, & Restitutionum, ubi plene tracto* — (vitio Amanuensis id tribuendum censeo, qui, cum forte scriptum esset in Tractatu Contractuum, & in Tractatu Restitutionum, vel aliud simile, errante oculo, & manu aliquid omisit: Quod norunt Theologi propter consimilem causam compluries contigisse in aliis operibus exscribendis, sicuti evidenter ostendunt Monachi Benedictini in Observationibus ad Prologum Sancti Hieronymi in Epistolas Canonicas). Nondum ad manus meas pervenerat Anecdotum *de Restitutionibus*, dum ita scripsi. Quapropter hinc sciens Authorem Tractationem *de Restitutionibus* edidisse, illinc præ manibus duntaxat habens præsens Anecdotum, in quo identidem de Restitutionibus sermo fit: Adhuc nescius, quomodo

x
res vere se haberet, phrasim ipsam manuscripti adoptavi, quam vitiatam probare tunc non poteram, nihil eidem addens, nihilque detrahens. Verum quum, antequam prælum quiesceret, lucubratio Authoris de Restitutionibus mihi fuisset exhibita, statim, me ipsum quasi corrigens, Monitum quoddam in fine ejusdem Manuscripti ponendum misi, in quo unum Opus dicitur, & exprimitur ab altero vere, & perspicue distinctum. Res igitur explorata nunc est Anecdota Contractus exhibentia, & Restitutiones esse invicem distinguenda; & distinctis temporibus, distinctoque titulo fuisse a Beato Nostro scripta.

Quum, sicuti monui, in *Traſtatione de Reſtitutionibus* legentes remittantur ad præſens Anecdotum, palam fit, hoc eſſe ipſa vetuſtius, & anteriori tempore conſcriptum. Sed quo anno ſignanter, Deus ipſe noverit. Ne verbum quidem de hoc reperio ſive in una, ſive in altera lucubratione. Immo, quod hanc rem nobis reddit magis imperviam, nec mentio fit alicujus muneris, quo Author tunc in Ordine fungeretur. Ne igitur divinare cogar, unice dicam, Authorem primo edidiſſe præſens Anecdotum, ſecundo Traſtationem de Reſtitutionibus, tertio Summam Angelicam, quarto demum Manuscriptum recentem a me pervulgatum (de Operibus tantum loquor, quæ ego vidi, fateor enim & alia conſcripiſſe, quæ, omni licet adhibita diligentia, uſque ad hoc tempus invenire non potui). Id evidenter oſtenditur, quia in hoc Anecdoto non allegat Opera poſterius recitata: Quia in Traſtatione de Reſtitutionibus meminit hujus Anecdoti: Quia multa ex his duabus lucubrationibus ad verbum tranſtulit in Angelicam: Quia denique in Manuscripto ſemel iterumque laudat Angelicam, ut videre eſt pag. 91. & 109.

Supereſt nunc, ut nonnulla dicam de Operis præſtantia,
& uti-

& utilitate. Præstantia ex eo præsertim potest ostendi, quod Author oratione simplici, & plana, omnia perspicuis, congruisque legibus firmat tum Civilibus, tum Canonicis, a quibus solis plerumque in hac potissimum materia repetenda veritas est. Posset iccirco cum Augustino lib. *de Mendacio* cap. 1. legenti denuntiare — *Eloquium noli quærere Multum enim de rebus laboravimus Unde prope nulla fuit nobis cura verborum* —. Quæ sit ejusdem utilitas, evinci potest tum ex re, de qua Author agit, quæ ubique gentium factitatur, & communius est humanæ societatis exercitium: Tum ex modo, quo eandem exhibet, exponendo primum, quod ab hominibus solet fieri, declarando postmodum quid ab iisdem fieri debeat, ut hic, vel ille Contractus immunis sit a peccato: Tum ex legibus propriis, & apertis, quæ non ab omnibus Scriptoribus proferuntur, & quarum ignoratio in causa est, cur non solum agentes a recta via persæpe deflectant, verum etiam bonus quandoque dormitet Homerus. Sed quorsum hæc! Opus ipsum in luce, atque oculis omnium erit; Et iccirco unusquisque judicare poterit, quanti sit faciendum, & an Author, ipsum in ordinem collocando, communi hominum commodo, utilitatique servierit. De hoc uno igitur te Lectorem Benevolum etiam atque etiam rogo, ut a judicio de Opere ferendo te cohibeas, donec librum a calce ad carceres attente examina-veris — *Sane quisquis legis, nihil reprehendas, nisi cum totum perlegeris, atque ita forte minus reprehendes* —. Augustinus ibidem.

Eo demum, quo quisque in veritatem ferri debet, amore ingenue fateor, mendum irrepsisse in paginam 99. Manuscripti jam vulgati, ubi in textu legitur — *Quicumque mutavit super pignus rei mobilis, quom legendum sit* — *Quicumque mutnavit* —: item in paginam 100., ubi pariter

ter in textu habetur -- *non erit usura, sed iustitia*, quum dicere oporteat -- *sed iniustitia* -- Item in pag. 136., ubi annot. 23. legitur *Lamindum Britanium*, quum sit legendum *Pritanium*, vel *Pritanum* -- in paginam item 236. Annotatione 4. Ea enim Scripturæ verba, quæ ibidem tribuuntur Isaïæ 18. vers. 21, leguntur Ezechielis 18. vers. 21. & seq. Gravius postmodum est, quod excidit pag. 154., ubi scripsi -- *His excommunicationibus adde novissime latas a Benedicto XIV., videlicet contra improbos homines, qui Sacerdotes apud Judices Ecclesiasticos falso sollicitationis insimulant, & contra Confessarios &c.* -- Non ita sane, non ita est. Tametsi Summus Pontifex in sua Constitutione incip. *Sacramentum Pœnitentiæ* edita Kal. Junii an. 1741. statuerit, Confessarios, qui extra mortis articulum, & casum extremæ necessitatis audebunt absolvere personas complices in peccato turpi, in excommunicationem incidere -- *Et nihilominus si quis Confessarius secus facere ausus fuerit, majoris quoque excommunicationis pœnam, a qua absolvendi potestatem Nobis solis, Nostisque Successoribus duntaxat reservamus, ipso facto incurrat* --: Hanc pœnam tamen non extendit ad impios calumniatores, de quibus unice constituit -- *Ut igitur tam nefaria audacia, & tam detestabile facinus metu magnitudinis pœnæ coerceatur, quæcumque persona, quæ execrabilis hujusmodi flagitio se inquinaverit, vel per se ipsum innocentes Confessarios impie calumniando, vel scelesse procurando, ut id ab aliis fiat, a quocumque Sacerdote quovis privilegio, auctoritate, & dignitate munito, praterquam a Nobis, Nostisque Successoribus, nisi in fine vitæ, & excepto mortis articulo, spe absolutionis obtinendæ, quam Nobis, & Successoribus prædictis reservamus, perpetuo careat.*

Addi illic poterat, immo debebât, altera Excommunicatio ab eodem Summo Pontif. lata in sua Constit. incip.

cip. *Ubi primum* die 2. Junii 1746. contra defendentes posthac praxim exquirendi nomen complicitis in Sacramentali Confessione, denunciata poenitentibus, nisi revelent, Sacramentalis absolutionis negatione: quum & ipsa sit Summo Pontifici reservata. En verba ipsa Pontificiæ Constitutionis: *Statuentes insuper, ac decernentes, ut quicumque cujuscvis status, gradus, conditionis, dignitatis, & ordinis, etiam speciali, & individua, ad effectum, ut hisce Nostris presentibus comprehendantur, mentione & expressione digni, ausus in posterum fuerit docere licitam esse hujusmodi praxim, prout ea in relato Nostro Brevis exponitur, ac reprobat, vel scribere, aut loqui præsumpserit in ejusdem damnata praxis defensionem; vel ea, quæ in dicto Brevis contra eandem praxim decreta sunt, impugnare, aut in alienos sensus temere detorquere, seu interpretari, incidat ipso facto in excommunicationem, a qua non possit, præterquam in articulo mortis, ab alio, quacumque etiam dignitate fulgente, vel auctoritate suffulto, nisi a Nobis, vel a pro tempore existente Romano Pontifice, absolvi.*

Die 9. Septembris 1768.

I M P R I M A T U R .

F. Dominicus Pinus O. P. S. Theol. Magister , & Commissarius S. O. Mediol.

J. A. Vismara pro Eminentiss. & Reverendiss. D. D. Card. Archiepiscopo .

Vidit Julius Cæsar Bersanus pro Excellentissimo Senatu .

AUTHORES

Quorum mentio fit a BEATO Nostro
in hac Tractatione sua.

ACcursius, non ab Amiterno sextidecimi sæculi vir doctissimus, sed patria Florentinus, Jurisconsultus celeberrimus, qui Glossam edidit super universo Jure Civili, obiitque Bononiæ an. 1229., ætatis suæ annum agens 78.

Albanus Abbas ab Insula, seu Insulensis, Doctor Sorbonicus, & Monachus Clarevallensis, qui ob multiplicem eruditionem Doctor universalis nuncupabatur, & mortuus est anno 1294.

Alexander de Ales, seu Alensis, Ordinis Minorum, Doctor Irrefragabilis appellatus, Magister Sancti Bonaventuræ a Balneoregio, insignis Theologus Facultatis Parisiensis, qui Parisiis mortalitatem explevit anno 1245.

Alexander ab Alexandria, vulgo apud Italos *della Paglia*, alias Lombardus, Ordinis Minorum, qui anno 1313. in Comitibus Barcinonensibus ad Præfecturam Ordinis fuit promotus, & post annum, & quartum sui Regiminis mensem Romæ fato cessit in Cœnobio Aracœlitano. Scripsit in Magistrum sententiarum, Summam quæstionum Sancti Bonaventuræ, Tractatum de Usuris &c.

Angelus de Perusio Baldi Frater, in jure Civili doctissimus, apud Jureconsultos celeberrimus, multa in sua facultate volumina composuit, e quorum numero Commentaria super Cod. lib. ix., super Digest. vetus lib. xxiiii. super novo lib. xii. Infort. lib. xiiii., super Institut. lib. iiii. Mortuus est anno 1423.. Ita Trithemius.

Antonius de Butrio, insignis Jureconsultus Bononiensis, qui ex hominum vita demigravit circa annum 1407., vel 1408. scripsit in Decretales, & in Sextum.

Archidiaconus. Ni fallor, hic est Joannes de Anania Archidiaconus Bononiensis, vir in Jure Canonico peritissimus, qui inter alia edidit Commentaria super libros Decretalium, & Bononiæ in Domino obdormivit an. 1455., vel 1457., vel 1458., juxta diversum Scriptorum placitum.

Ari-

Aristoteles. Hic Philosophus Græcus toti Orbi est notissimus, Nicomachi filius, discipulus Platonis, & Magister Alexandri Magni Regis Macedonum. Natus fuit Stagiræ anno ante Christum Redemptorem 384., & Calcide mortuus anno 322., ætatis annor. 63.

Azo. Floruit hic sæculo Ecclesiæ duodecimo, & Jurisprudentiam docuit tum Bononiæ, tum Montis Pessulani super modo, quo ipse interiit, Doctores non conveniunt.

Baldus, Petrus scilicet, ab Angelo ipsius Fratre distinguendus, Jurisconsultus celeberrimus, Bartoli discipulus, Patria Perusinus, qui Papæ tumultus fuit anno, ut creditur, 1400., habitu Franciscanorum indutus annum agens 76.

Bartolus discipulus Cyni Pistoriensis, Magister Baldi, & ipse Jurisconsultus clarissimus. Ortus fuit Saxiferrati in Umbria, & mortuus anno salutis 1355., vel 1356., vel 1359.

Sanctus Bernardinus Senensis Ordinis Minorum Regularis Observantiæ, Massæ natus anno 1380., vel ut alii scribunt, 1383., Aquilæ in Vestinis tumultus an. 1444., annum agens supra sexagesimum, qui anno ab ipsius obitu sexto a Nicolao V. Summo Pontifice in Sanctorum numerum relatus est.

Cynus Pistoriensis, Jurisconsultus, Magister Bartoli, Author Commentariorum super Codice, & parte Digestorum, qui Bononiæ cessit e vita an. 1336.

Franciscus de Mayronis Ordinis Minorum, nuncupatus Doctor Illuminatus, qui omnium primus sustinuit Parisiis Actum illum vere singularem, qui dicitur Sorbonicus, a sexta nempe Matutina ad sextam usque Vespertinam, cui unus ex Ordine Minorum initium dat, alter ex Ordine Prædicatorum finem imponit; Ex quo derivatum est illud in Galliis commune proloquium: *Franciscanus aperit, Dominicanus Sorbonam claudit* --. Ortum habuit in Provincia Franciæ, & florebat sæculo Ecclesiæ quartodecimo. Scripsit in libros sententiarum, in Sacram Scripturam, & alia bene multa.

Girardus Obdonis, vel Oddonis, aut Othonis, & ipse Gallus, Ordinis Minorum, qui anno 1329. Minister Generalis fuit renunciatus, & anno 1342. ad Patriarchatum Antiochenum evehctus. Doctor Moralis nuncupabatur. Scripsit in quatuor libros sentent., in Sacram Scripturam &c.

Goffredus. Hic fortassis est Goffridus Andegavensis, Ordinis Sancti

Sancti Benedicti, Abbas Vindocinensis, & postmodum Sanctæ Romanæ Ecclesiæ Cardinalis, qui multa scripsit egregia, obiitque anno 1132. septimo Kal. Aprilis.

Gregorius de Arimino, Ordinis Sancti Augustini, Doctor Authenticus appellatus, & insignis Theologus. Ordinis sui præfecturam adeptus est anno 1357., & anno 1358. Viennæ in Austria vitæ finem implevit.

Guillelmus, vel, ut alii scribunt, Willelmus, vel Gullielmus de Monte Lauduno, Jurisperitus. Scripsit in aliquos Titulos Juris Civilis, in Clementinas, Extravagantes &c.

Hostiensis, scilicet Henricus de Bartholomeis, ortus Segusii in Subalpinis, splendor, & fons juris appellatus, Author Summæ utriusque juris, quæ dicitur Aurea, ex Archi-Episcopo Ebredunensi creatus Episcopus, & Cardinalis Hostiensis ab Urbano IV. Summo Pontifice, qui propterea communiter nuncupatur Hostiensis, e vivis sublatus anno 1271. Hujus Summa congruis adnotationibus illustrata publici juris facta est Venetiis apud Hieronymum Scottum anno 1570., & Taurini anno 1579. apud Hæredes Nicolai Bevilacqua.

Hugo de Castronovo Ordinis Minorum, quem Paulus Britius inter Scriptores hujus mæ Provinciæ connumerat, & Anglum dicit Wadingus ad an. 1308. num. 66. Ex oppido de Novo Castro in Anglia. Scripsit in quatuor libros sententiarum, super Reportatis, de Finali Judicio, & de Antichristo. Florebat anno 1322., & vitam finivit in Conventu Parisiensi.

Jacobus de Arena, Parmensis, Jurisconsultus celeberrimus, qui scripsit super Codice, Digestis, & Infortiato, variasque disputationes, & claruit anno Domini 1300.

Innocentius IV. Pontifex Maximus, antea Sinibaldus Fieschi, splendor Canonistarum, qui Glossas edidit in jus Canonicum, aliasque Opera adeo insignia, ut Pater Juris, & Pater Veritatis passim appellaretur. Patria erat Genuensis, seu Januensis, inauguratus fuit Pontifex anno 1243., & anno 1254. fato functus Neapoli in Campania.

Joannes Andreæ Jurisconsultus, quem alii Bononiæ, alii prope Florentiam natum volunt. Scripsit Commentaria in quinque libros Decretalium, Glossas in sextum, & Clementinas &c. Vir Doctissimus, a Bonifacio VIII., uti dicitur, lumen Mundi appellatus, vocatus a Trithemio Fons Canonum, & dubiorum Cautissimus.

tissimus Interpres. Obiit Bononiæ peste confectus anno 1348.

Joannes Calderinus Jurisconsultus, patria Bononiensis, a Joanne Andreæ in Filium adoptatus. Vixit circa annum 1360. scripsit Commentaria in libros Decretalium, Decisiones, Consilia &c., & Bononiæ in Ecclesia Prædicatorum sepultus est.

Joannes de Lignano Jurisconsultus, Philosophus, & Mathematicus, qui multa scripsit super jure Canonico &c.. Legebat Bononiæ, & vitam finivit anno 1383. die 16. Februar., in cujus Inscriptione sepulchrali inter alia hæc leguntur:

Gloria Legnani, titulo decoratus utroque

Legibus, & Sacro Canone dives erat.

Laurentius de Redulphis patria Florentinus. Hujus meminit Author tanquam Jurisconsulti in Indice Scriptorum Summæ Angelicæ præfixo.

Petrus de Ancharano, seu Ancharanus, Jurisconsultus, patria Bononiensis, & Baldi Auditor. Florebat anno 1410., Commentaria edidit in Decretales, Clementinas &c., & Bononiæ sepultus fuit in templo Sancti Dominici anno 1416., vel 1417.

Raynerius de Forolivio Jurisconsultus, qui multa scripsit super Jure Civili, & ex hominum vita demigravit anno 1358.

Richardus de Mediavilla, vulgo Middleton Anglus, Ordinis Minorum, & Doctor Oxoniensis, Doctoris solidi, Copiosi, ac Fundatissimi nomen consecutus, vir in sacris litteris, & in jure Canonico peritissimus. Multa scripsit, obiitque anno 1304.

Rodonsis, Guillelmus nempe, qui Glossas edidit super Summam Casuum Conscientiæ Sancti Raymundi de Peñafort Ordinis Prædicatorum.

Scotus, idest Joannes Duns Scotus Ordinis Minorum, de cujus patria disputatur, an Anglus fuerit, vel Scotus, aut Hibernus. Oxonii docuit, & Parisiis, obiitque Colonix anno 1308. die 8. Novembris, ætatis suæ anno circiter 34., Doctor subtilis communiter nuncupatus.

Speculator, scilicet Guillelmus Durantes, seu Durandus, Speculator appellatus, ex Provincia oriundus, qui Romæ obiit anno 1296., & in Ecclesia Sanctæ Mariæ super Minervam tumulatus est. Vir in utroque jure doctissimus, qui inter alia præclara suæ eruditionis monumenta posteritati reliquit Speculum Juris in tria volumina distinctum.

S. Thomas de Aquino, Doctor Angelicus merito appellatus,

natus

XIX

natus anno 1224, vel 1225., vel 1227., Doctor Parisiensis, multorum Operum Author, toti Orbi notissimus, qui Universæ Carnis viam ingressus est in Monasterio Fossæ Novæ anno 1274., ætatis suæ anno circiter 50., Sanctorum Catalogo adscriptus anno 1323., & anno 1567. inter Ecclesiæ Doctores cooptatus. Ipsi-
us Sacræ Reliquiæ Tolosam translatae sunt jussu Urbani V. anno 1368.



CONSI-

xx
CONSIDERATIONUM & ARTICULORUM
HUJUSCE TRACTATUS DE CONTRACTIBUS
GENERALIS SERIES.

CONSIDERATIO PRIMA. *De Emptione, & Venditione, p. 1.*
 ARTICULUS PRIMUS. *De Mercatoribus, ac mercaturæ exerci-*
citatione, p. 2.

ARTICULUS SECUNDUS. *De temporis licita, vel illicita vendi-*
tione, p. 39.

ARTICULUS TERTIUS. *De emptione reddituum prædialium. p. 59.*

CONSIDERATIO SECUNDA. *De usuræ perpetratione, p. 69.*

ARTICULUS PRIMUS. *Quid sit usura, ibid.*

ARTICULUS SECUNDUS. *Quare prohibeatur usura, p. 144.*

ARTICULUS TERTIUS. *Qualiter committatur usura, p. 152.*

CONSIDERATIO TERTIA. *De Societate, p. 221.*

ARTICULUS PRIMUS. *De Societate pecuniæ, ibid.*

ARTICULUS SECUNDUS. *De Soccida animalium, p. 255.*

BENEDICTI XIV., PII V., & SIXTI V. *Constitutiones, p. 314.*
& seq.

E R R A T A

C O R R I G E

Pag. xvi. l. 7. Pessulani super modo
 Pag. 20. l. 17. usucapionibus
 Pag. ibid. l. 18. transferuntur
 Pag. 53. l. 1. Hæc idem
 Pag. 111. l. 32. Dominium
 Pag. 142. l. 17. Et paullo post
 Pag. 146. l. 19. nempe
 Pag. 173. l. 29. (ait Dominus)
 Pag. 223. l. 17. Clemens III.
 Pag. 225. l. 9. damnum, vult
 Pag. 236. l. 29. reliquid
 Pag. 249. l. 7. & si
 Pag. 294. l. 17. de eodem, gravando
 Pag. 296. l. ult. careat
 Pag. 312. l. 13. modo

Pessulani. Super modo
 usucapionibus
 transferuntur
 Hoc idem
 Dominum
 Et paullo post
 neque
 (ait Dominus)
 Innocentius III.
 damnum vult
 reliquit
 et si
 de eodem gravando
 caveat
 modos



INCIPIT



RACTATUS Contractuum compilatus
ex dictis Sancti Bernardini com-
pendiose per Venerabilem Fratrem
Angelum de Clavasio Ordinis Mi-
norum Provinciæ Januæ.

(1) **D**E Contractibus agit Sanctus Bernardinus Tomo secundo suorum Operum serm. 32., & tredecim sequentibus, in quibus primo expendit originem dominiorum, descendit postmodum ad mercaturam, & quascumque contractuum species, & singillatim ad usuram: quæ omnia ita dilucide exponit, ut non immerito possent ii Sermones inscribi: Integer & absolutus Tractatus Contractuum. Hos Sermones respicit Author, tamen Sanctus Bernardinus hac de re etiam scripserit Tomo primo serm. 35., quem potes quoque consulere. Eos igitur duntaxat inscriptos *De Evangelio æterno* in hac lucubratione appellabo.

Contractus, quem Græci vocant *Synallagma*, est duorum, vel plurium consensus ultro citroque obligationem pariens ff. *de verborum significatione* L. *Labeo*, nedum quoad res, ut in emptione, venditione, aliisve similibus, sed etiam quoad personas, ut in contractu Matrimonii. Jure igitur scriptum est Institut. *de verborum obligationibus* §. 7. -- *Non solum res in stipulatum deduci possunt, sed etiam facta* --, & 85. *de Regulis juris* in Sexto -- *Contractus ex conventionem legem accipere dignoscuntur*.

Circa primam Considerationem, quæ de emptione, & venditione est, triplex articulus est tractandus, & declarandus, quorum primus erit de Mercatoribus, mercantiæve

A

exerc-

exercitatione: secundus de temporis licita vel illicita venditione: tertius de pecuniarum, & prædialium reddituum ad vitam emptione.

(2) Hic tractatus constat tribus Considerationibus. Prima, ut audisti, est de emptione, & venditione: secunda de usura: tertia de Societate. Primam dividit Author in tres Articulos, in tres itidem secundam, tertiam vero in duos duntaxat. De primo hujusce considerationis articulo loquitur S. Bernardinus loco cit. serm. 33., de secundo autem & tertio serm. sequenti, videlicet 34.

Redituum prædiorum nomine Author intelligit fructus ex prædiis provenientes, quos cum S. Bernardino vocat Reditus prædiales. Dicuntur prædia redditua, sicuti tributa, quæ persolvebantur a Romanis, prædia dicebantur tributaria: & a Jureconsultis prædium dotabile vocitatur, quod mulieri datum est in dotem.

Primus inquam articulus est de Mercatoribus, mercantiæve exercitatione. Ad cujus declarationem quatuor quæruntur dubia.

PRIMUM DUBIUM. Utrum Mercatores Reipublicæ sint utiles?

Respondeo, quod sic, ut patet per Scotum in 4. dist. 15. quæst. 2.: quia quod uni patriæ est abundans, alteri est necessarium: & quum per ipsos ubi est necessarium transferatur, patet quod utiles sunt: & multis aliis respectibus, quos omitto.

(3) Rem hanc declarat Scotus ibidem art. 2. § *sequitur*. Inter respectus, seu rationes, quos omittit Author, sane locum habet ille quem ibi exponit S. Bernardinus art. 1. cap. 1. inquit -- *Illi quoque, qui in colendis agris, & in cæteris artibus mechanicis occupantur, aut regimini Reipublicæ, seu juxta militia operam præstant, commode, & opportune adire non possunt Terras ad res, quibus egent, emendas, & deferendas: nec insuper ad hoc omnes industriam, & peritiam habent: propter quod Reipublicæ expedit, quod huic officio aliqui ad hoc idonei mancipentur* --. Ecclesia ipsa utilitatem hanc cognovit; & ideo 24. q. 3. cap. *si quis Romipetas* vetuit, ne Mercatores novis onerarentur pedagiiis -- *Si quis Mercatores novis teloniorum, & pedagogiorum exactionibus moleflare sentaveris, donec satisfeceris, communione carcat christiana*.

SECUN-

SECUNDUM DUBIUM. Utrum omnes Mercatores sint utiles Reipublicæ?

Respondeo, quod non, sed solum tria genera ipsorum secundum Scotum ubi supra: quorum primum genus sunt mercantiarum portitores, qui portant, ut dictum est, de patria, ubi abundant merces, ad patriam, ubi sunt necessaria. Secundum sunt mercantiarum conservatores, qui quantitatem emptam conservant, ut aptius suo tempore inveniantur: quia de longinquo portantes non sine magno incommodo possunt statim vendere, nec insuper quilibet indigens potest statim currere ad emendum. Tertium sunt mercantiarum immutatores, seu melioratores, qui videlicet industria, seu arte sua, faciendo de lana pannum, & hujusmodi ipsas immutant. Omnes igitur supradicti Reipublicæ sunt utiles, & licite reportare possunt utilitatem ex hujusmodi, ut patet 91. dist. cap. *Clericus* 1. 2., & prima Cor. 9. v. 7. *Nemo militat stipendiis suis.* & Matth. 10. v. 10. *Dignus est mercenarius mercede sua.*

(4) Ad hæc tria genera omnis mercatura mediate, vel immediate reducitur. Eadem scribit S. Bernardinus ibidem, ferm. scilicet 33. art. 2. cap. 6. Author citans caput *Clericus* 1. 2. duo capitula intelligit, quæ habentur in eadem distinctione, & ambo incipiunt *Clericus*. In horum primo scriptum est -- *Clericus victum, & vestimenta sibi artificioso, vel agricultura, absque officii sui duntaxat detrimento, parat* --. In horum secundo ita legitur -- *Clericus, quantumlibet verbo Dei eruditus, artificioso victum quærat. Omnes Clerici, qui ad operandum validi sunt, & artificiola, & literas discant* --. Audiant hæc Clerici otiantes, & cognoscant vel inviti verum Ecclesiæ spiritum: præsertim quum de seipso dicat Paulus Act. 20. v. 34. -- *Ipsi scitis quoniam ad ea quæ mihi opus erant, & his, qui mecum sunt, ministraverunt manus istæ* --: & Apostoli, de quibus Jo. 21. v. 2, post Christi passionem iterum incubuerunt, piscationi, ut animadvertit Anacletus super lib. 3. Decretal. Tit. 1. num. 132. hoc idem ostendens.

Quod Author citat ex prima Cor. ita legitur in Vulgata -- *quis militat stipendiis unquam* --: & quod ex Matthæo, in Vulgata scriptum est -- *Dignus enim est operarius cibo suo* --. Modicum hoc literale discrimen ex eo provenire puto, quod tum multæ erant latinæ Editiones, qui-

bus utebantur Catholici, & nondum Ecclesia unam duntaxat præ omnibus adamaverat, quod factum novimus a Patribus Tridentinis sess. 4. in Decreto de editione & usu sacrorum librorum hisce verbis -- *Insuper eadem sacrosancta Synodus considerans non parum utilitatis accedere posse Ecclesie Dei, si ex omnibus latinis Editionibus, quæ circumferuntur, sacrorum librorum, quamam pro authentica habenda sit, innotescat, statuit, & declarat, ut hæc ipsa vetus, & vulgata Editio, quæ longo tot seculorum usu in ipsa Ecclesia probata est, in publicis lectionibus, prædicationibus, & expositionibus pro authentica habeatur, & ut nemo illam rejicere quovis prætextu audeat, vel præsumat.* Hæc duo Scripturæ loca eadem de causâ a S. Bernardino citantur, sicuti ab Authore laudata sunt.

Possunt tamen secundum Scotum, ubi supra, tales etiam nocere Reipublicæ, quum videlicet recipiunt a Republica ultra industriad, & pericula, immoderatum lucrum. Omnes autem alii, qui nec conservant, nec transferunt, nec mutant mercantias, ut sunt qui contractus pecuniarum faciunt, quos contractus aliqui nominant *Stochos*, aliqui *bistracti*, & hujusmodi, quod parum refert, quia, ut dicitur de verborum significatione Extra cap. *Intelligentia*, ubi scriptum est -- *Intelligentia dictorum ex causis est assumenda dicendi, quia non sermoni res, sed rei est sermo subiectus* -- : & etiam quia dispositio non cognoscitur ex nomine, sed ex effectu oritur L. cum precario ff. De precario. Tales, inquam, sunt valde Reipublicæ perniciosi secundum Scotum ubi supra propter tres pessimas corruptelas: quarum prima est *incerti pretii*, quo simplices decipiuntur, quum certificari non possunt. Secunda *injusti pretii*, quia vilius emunt, & carius vendunt, & sic carissimam inducunt. Tertia *pretii periculosi*, ita quod mercatores, qui timent Deum, faciant ad pauperiem devenire, quia prædictos contractus nolunt facere. Contra quos facit caput quod *Palea* est, quod scribitur 88. dist., & incipit *Ejiciens*, & secundum Scotum deberent exterminari de patria, & in exilium dari. Nec aliqua consuetudo excusat eos, nec multitudo facientium hoc.

(5) Eadem habet S. Bernardinus loco nuper citato. *Stochos* idem Sanctus

Etus exponit ibidem inquiens -- quos contractus quidam nominant *Stochos*, quia multos impia crudelitate transfigunt --. Exponit item vocabulum *bis-tracti* scribens -- *A. quibusdam bistracti*, quia bis devorando substancias aliorum injuste trahunt.

Lex cum precario ab Authore citata est secunda sub eo titulo ita incipiens, in qua sic legitur -- Cum precario quis rogat, ut ipsi in eo fundo morari liceat, supervacuum est adjici, ipsi, suisque; nam per ipsum suis quoque permissum uti videtur.

Capitulum, seu caput *Ejiciens* iccirco dicitur Author, quod *Palea* est: quia reipsa plus habet exaggerationis, quam veritatis; contendit enim mercaturam exerceri non posse sine peccato -- quia, ut ait, homo mereator vix, aut nunquam potest Deo placere. Et ideo nullus Christianus debet esse mereator, aut, si voluerit esse, projiciatur de Ecclesia Dei Sic qui emit, & vendit, sine mendacio, & perjurio esse non potest --. Capitulum hoc, quemadmodum & proxime sequens, quod & ipsum *Palea* est, in aliquibus exemplaribus desideratur, & sumptum fuit ex authore Operis imperfecti, quod sub nomine Chrysostomi circumfertur. Apposite iccirco de eodem loquens S. Bernardinus Serm. cit. art. 1. cap. 3. scribit -- ad quod dicendum quod Chrysostomus exaggerative ibi loquutus est: pro eo quod pauci sunt mercatores, qui debitam mensuram justitiam intendunt in suis mercessionibus, & observent, & qui multis aliis vitiis non peccent: aut absque dubio non est in hoc dicto sequendus, cum nullam habeat pro se rationem cogentem, seu sacre Scripturae auctoritatem --. Eadem habet Correctio Romana super eodem Capitulo monens -- hac palea . . . est autem sumpta ex authore Operis imperfecti, ejus multa sententia partim rejicienda, partim in bonam partem interpretanda sunt --. Dum igitur Author usurpat capitulum *Ejiciens*, hoc accipe in primo sensu a S. Bernardino nuper declarato: quia mercatura, si in seipsa spectetur licita est, & ab omni peccato libera, ut fuisse ostendit idem Sanctus ibi art. 1. per totum, & Author ipse paullo antea dixerat -- omnes igitur supradicti . . . licite reportare possunt utilitatem ex hujusmodi.

Jure merito postmodum concludit Author -- nec aliqua consuetudo excusat eos, nec multitudo facientium hoc --: quia, quum tria ab ipso enarrata divino, & naturali jure sint vetita, nulla consuetudo potest contra ipsa legitime introduci, & præscribere cap. Cum tanto Extra de consuetudine -- Cum tanto sint graviora peccata, quanto diutius infelicem animam detinent alligatam, nemo sane mentis intelligit naturali juri, ejus transgressio periculum salutis inducit, quacumque consuetudine, qua dicenda est verius in hac parte corruptela, posse aliquatenus derogari --. Secus foret dicendum, si sermo esset de lege humana positiva, civili, vel canonica; consuetudo enim, si sit rationalis, in hac parte præscribit, ut ibidem dicitur -- licet etiam longævæ consuetudinis non sit utilis auctoritas, non tam

men est usque adeo valitura, ut vel juri positivo debeat præjudicium generare, nisi fueris rationalis, & legitime sit præscripta --. Sed casus, de quo in præsentī, legem non respicit humanam positivam; divinam immo, & naturalem, ut dixi.

TERTIUM DUBIUM. Utrum mercatura, quam prædictum triplex genus mercatorum, qui Reipublicæ sunt utiles, exercet, sit licita secundum debitum modum facta, & debite circumstantiata?

Respondeo, quod sic. Ratio, quia Esdræ lib. 2. cap. ultimo prohibetur negotiatoribus, ne vendant venale in die sabbati: ex quo sequitur, quod in aliis diebus sit licita, quia unius inclusio alterius est exclusio, ut L. *Maritus C. de Procuratoribus*, & e converso, cum ibi notatis. Simili quoque ratione probatur Matth. 21. v. 12., ubi invenitur Christum vendentes solum in Templo ejecisse, & redarguisse. Confirmatur similiter esse licitam per cap. *Per vestras Extra de donationibus inter virum & uxorem*, ubi Papa consuluit pecuniam dari ad mercantiam. Patet etiam 88. dist. quasi per totam. Nec obstat quod habetur in cap. *Ejiciens*, quia ibi sermo est de mercantia, quæ debitis circumstantiis non modificatur.

(6) Hoc ipsum probat S. Bernardinus ibi art. 1. per totum. Consulto Author super hac re citat ultimum caput secundi libri Esdræ: quia hic primitus in sacris literis mentio fit expressa venditionum in die sabbati, & hæc improbantur -- & contestatus sum, ut in die, qua vendere liceret, venderent -- ibi v. 15. -- & Tyri habitaverunt in ea inferentes pisces, & omnia animalia, & vendebant in sabbatis filiis Juda in Jerusalem -- ibi v. 16. -- & objurgavi optimates Juda, & dixi eis: quæ est hac res mala, quam vos facitis, & prophanatis diem sabbati! -- ibi v. 17. -- Cæterum in genere, ut ajunt, omnia hæc, & his similia jam prohibita legebantur: puta Exodi 20. v. 10. -- Septimo autem die sabbatum Domini Dei tui est; non facies omne opus in eo tu, & filius tuus &c. -- Exodi 31. v. 15. -- sex diebus facietis opus, in die septimo sabbatum est, requies sancta Domino: omnis, qui fecerit opus in hac die, morietur --: Levitici 23. v. 3. -- sex diebus facietis opus: dies septimus, quia sabbati requies est, vocabitur sanctus. Omne opus non facietis in eo --: Deuter. 5. v. 14. -- septimus dies sabbati est, idest requies Domini Dei tui. Non facies in eo quidquam operis tu, & filius tuus &c. --: & alibi pluries.

In

In citato cap. *per vestras*, quod est Innocentii III. hæc leguntur -- *Mandamus, quatenus dosẽm assignari faciatis eidẽm sub ea, quam potest, cautione prastare: vel saltem alicui mercatori committi, ut de parte honesti lucri dictus vir onera possit matrimonii sustinere.*

In dist. 88., quam laudat Author, singulare est quod legitur cap. *Fornicari* -- *Fornicari, omnibus semper non licet: negotiari vero aliquando licet, aliquando non licet: ansequam enim Ecclesiasticus quis sit, licet ei negotiari: factio jam non licet* -- Ratio est in promptu: quia fornicatio de se & intrinsece est mala, non autem negotiatio, quæ, dummodo fiat ut oportet, illæsa conscientia potest exerceri.

Nota, quomodo caput *Efficiens*, quod Paleam esse diximus, Author interpretatur; ita enim loquens præluxit Correctioni Romanæ superius productæ, idque docuit, quod legimus cap. *quid est aliud eadem dist.* -- *Negotiatores ergo illi abominabiles existimantur, qui iustitiam Dei minime considerantes per immoderatum pecunie ambitum polluantur, merces suas plus perjuris onerantes, quam pretiis.*

QUARTUM DUBIUM est. Quæ sint debitæ circumstantiæ, sive modi, quibus mercantia debet esse modificata?

Respondeo, quod sunt multiplices. Prima quod sit persona secularis ipsam exercens: quia Clericis & Ecclesiasticis viris est prohibitum negotiari 2. ad Timot. 2. v. 4. -- *Nemo militans Deo implicat se negotiis sæcularibus* --, & 88. dist. cap. *Negotiatorem*, & cap. seq., & Extra *Ne Clerici vel Monachi* per totum. Poena est eis, ut deponantur, si se non correxerint cap. *Clericus* 91. dist., & Extra eod. tit. cap. *Sed nec*.

(7) Caput *Negotiatorem* ita habet -- *Negotiatorem Clericum, & ex inope divitem, ex ignobili gloriosum quasi quamdam pestem fuge* --. Caput sequens est cap. *Fornicari* paullo antea recitatum. Caput *Clericus* ita statuit -- *Qui vero non pro emendo aliquid in nundinis, vel in foro deambulant, ab officio suo degradentur* --. Caput denique *Sed nec* ita præscribit -- *Si quis autem adversus hæc venire tentaverit, quia contra doctrinam Apostoli dicentis: Nemo militans &c. seculariter agit, ab Ecclesiastico fiat ministerio alienus* --. Clerici nomine potiori jure intellige Monachos & Regulares, nedum quia eos exprimit Titulus Decretalium -- *Ne Clerici vel Monachi secularibus negotiis se immisceant*, sed præsertim quia ipsi specialiori modo se Deo consecrarunt -- *Cum Monachum non faciat habitus, sed professio regularis* --, ut perbelle Clemens III. cap. *Porrectum Extra de Regularibus*.

Cave tamen ne credas quaecumque negotiationem esse Clericis interdictam; scriptum est enim. *Extra Ne Clerici vel Monachi cap. Multa sunt, primo scilicet -- Non tamen justum negotium est contradicendum propter necessitates diversas, quia legimus sanctos Apostolos negotiatores fuisse; & in Regula B. Benedicti praecipitur provideri, per quorum manus negotia Monasterii procurantur. -- Quod nam porro sit iustum hoc negotium Clericis non interdictum, vide Benedictum XIV. de Synodo Diocesis lib. 10. cap. 6.: vendere scilicet res ex propriis praediis collectas, aliaque agere his similia.*

Dices fortassis, quod, si lege canonica hortantur Clerici ad aliquod artificium exercendum, ut superius monui num. 4., vix, aut ne vix quidem componi hoc potest sine aliqua negotiatione. Iterum dico leges canonicas summo opere exoptare, ut Clerici non orientur, sed in honestam incumbant artem: idque probat Benedictus XIV. loco proxime laudato num. 2. inter alia producens Zenonem Episcopum Majumæ in Palæstina, qui lineas vestes texendo sibi & pauperibus necessaria procurabat, tametsi Ecclesiam haberet divitem & opulentam. Falsum tamen est inferri ex hoc negotiationem aliquam saecularem Clericis esse licitam: quum unice inferatur quædam negotiatio improprie talis, non lucri causa exercita, quæ Clericis permessa est.

Secunda, quod propter bonam causam seu intentionem fiat, quæ duplex est secundum Alexandrum de Ales. Prima propter necessitatem, ut possit sibi, & suæ familiæ satisfacere secundum decentiam sui status. Secunda propter pietatem, ut scilicet lucretur ad distribuendum pauperibus, & ad alios pios usus: quia ex Ecclesiaste 4. v. 8. propter cupiditatem, sive alium malum finem, non licet; immo tale peccatum est negotiatio, quale est intentio mala, seu finis, propter quem fit. Concordat Raynerius in Tit. *de negotiis.*

(8) Hæc ipsa habet S. Bernardinus loco supra cit. art. 2. cap. 2., qui ad idem probandum allegat etiam cap. *Omnes*, & cap. *Sicut ii* dist. 47., quæ capita reipsa agunt de hac re.

En verba Ecclesiastes -- *Unus est, & secundum non habet, non filium, non fratrem, & tamen laborare non cessat, nec satiantur oculi ejus divitiis: nec cogitat dicens: cui laboro, & frando animam meam bonis! In hoc quæque vanitas est, & afflictio pessima.*

Nolim putes Authorem hic eos omnes condemnare mercatores, qui negotiando lucrum intendunt, quum unice eos improbet, qui negotian-

tur

tur principaliter propter lucrum, & in lucro finem ultimum sibi constituunt, ut egregie S. Bernardinus ibidem -- *Sed illicita est secundum Thomam, ubi mercator finem principaliter in lucro ponit. Mercari enim propter substantias cumulandas, & propter improbam divitiarum cupiditatem, & curiositatem, seu propter alium malum finem, illicitum est, & culpa mortalis, & hac prohibita sunt omnibus --*. In hoc sensu accipe, & expone cap. *Quicumque* 14. quæst. 4. -- *Quicumque tempore messis, vel vindemia, non necessitate, sed propter cupiditatem comparat annonam vel vinum: verbi gratia de duobus denariis comparat modium unum, & servat usquedum vendatur denariis quatuor, aut sex, aut amplius, hoc turpe lucrum dicimus --*. Sanctum ergo finem mercator sibi præstatuat: puta subveniendi sibi, suæque familiæ, pauperibus, Ecclesiæ, aut publicæ utilitati; & tunc tuta conscientia negotiari poterit ad lucrandum. Notatum dignum est quod de mercatoribus secus operantibus scribit ibidem S. Bernardinus -- *Sed & hoc mirabile est quod, cum plurimi tales reperiuntur, nullus, qui de hoc conscientiam sibi faciat, invenitur*.

Tertia, quod fiat tempore debito, scilicet non in Festo: quia Exodi 20. v. 8. *Memento ut diem sabbati sanctifices*, & Extra de Feriis cap. 1. prohibetur mercatum fieri in Festo. Sed circa hoc Rodonensis distinguit sic: quod tales euntes ad similes mercatus, si mercantur ea, quæ necessaria sunt ad festum illius diei, sicuti pullos, carnem, vinum, & similia, non peccant. Si autem mercantur alia, tunc distingue Aut id faciunt ex necessitate, & non consuetudinarie, & sic etiam non peccant. Aut ex lucri cupiditate, sicut facere solent mercatores, qui vix aut nunquam Ecclesias intrant, & sic mortaliter peccant. Quidam tamen hoc intelligunt non de Dominica die, & aliis festis præcipuis, sed præsertim de aliis; quia bene semper mortaliter peccare creduntur tenentes forum in diebus Dominicis, & aliis festis præcipuis, nisi necessitas magna; vel pietas eos excuset cap. *Licet*, & cap. *Conquestus Extra de Feriis*.

(9) Caput primum de Feriis ita habet -- *Omnes dies Dominicos a vespera in vesperam cum omni veneratione decernimus observari, & ab omni illicito opere abstinere: ut in eis mereatus minime fiat, neque placitum, neque aliquis ad mortem, vel ad penam iudicetur, nec sacramenta (nisi pro pace vel alia necessitate) præstentur --*. Super hac re non desuere Theologi,

logi, qui, quum non potuerint inficiari nundinas & mercatus prohiberi in prædicto capite, adseruerunt huic præcepto fuisse derogatum per contrariam consuetudinem. Ita Sylvester, Navarrus, Layman &c. Sacra tamen Congregatio Concilii secus semper opinata est; & iccirco anno 1669. die 13. Maji in una Barchinonen. respondit -- *Id mercatoribus non licere quacumque consuetudine immemorabili nequaquam obstante --*, & anno 1683. die 27. Martii iterum proposita Causa itetit in decisis; imò 1711. die 2. Maji proposito dubio -- *An liceat Communitati, & hominibus Ripæ habere mercatum die sabbati intus vel extra Civitatem, quando occurrat, quod sit dies festus in casu &c.* --, eadem S. Congregatio respondit -- *Negative & amplius --*. In præsentia instar legis nobis esse debet quod prudenter admodum sancivit sapientissimus Pontifex Benedictus XIV. Constit. incip. *Ab eo tempore* data die 5. Novembris 1745.: in qua, præmissa distinctione nundinarum annuarum ab hebdomadariis, quas mercatus vocant, mercatum diebus festis haberi omnino prohibuit; annuas vero nundinas non tam permittendas, quam ad evitanda populorum incommoda ex quadam conniventia tolerandas duxit: modo non exercentur iis matutinis, & vespertinis horis, quibus divina officia in Ecclesiis celebrantur.

De hac temporis circumstantia agit S. Bernardinus ibidem cap. 3.

En quod scriptum est cap. *Licet* -- *Licet tam veteris quam novi Testamenti pagina septimum diem ad humanam quietem specialiter deputaverit: & tam eum, quam alios dies majestati altissima deputatos, nec non natalitia sanctorum Martyrum Ecclesia decreverit observanda: & in his ab omni opere servili cessandum: Indulgemus, ut liceat Parochianis vestris diebus Dominicis, & aliis Festis (præterquam in majoribus anni solemnitatibus) si alecta terra se inclinaverint, eorum captioni ingruente necessitate intendere: ita quod post factam capturam Ecclesiis circumpositis, & Christi pauperibus congruam faciant portionem --*. Habeto etiam quod legitur cap. *Conquestus* -- *Quamvis non prorogari, sed expediri debeat quæstiones, debet tamen judicialis strepitus diebus conquietere seriatis, qui ob reverentiam Dei noscuntur esse statuti: scilicet Natalis Domini, S. Stephani, Joannis Evangeliste, Innocentium, S. Silvestri, Circumcisionis, Epiphaniæ, septem diebus Dominica Passionis, Resurrectionis, cum septem sequentibus, Ascensionis, Pentecostes cum duobus, qui sequuntur, Nativitatis Joannis Baptiste, Festivitatum omnium Virginis gloriosa, duodecim Apostolorum, & præcipue Petri, & Pauli, Beati Laurentii, Dedicationis Beati Michaelis, Solemnitatis omnium Sanctorum, ac diebus Dominicis, cæterisque solemnitatibus, quas singuli Episcopi in suis Diocæsiis cum Clero & Populo duxerint solemniter venerandas: quibus solemnibus Feriis (nisi necessitas urgeat, vel pietas suadeat) usque adeo convenit ab hujusmodi abstinere, ut consentientibus etiam partibus nec processus habitus teneat, nec sententia, quam contingit diebus hujusmodi promulgari.*

Quar-

Quarta, quod non fiat in Ecclesia, nec in loco sacro, quia prohibitum est Matth. 21. v. 13., & de immunitate Ecclesiæ cap. Decet domum in Sexto. Confert ad idem 42. dist. cap. Non oportet, & cap. seq., & 16. q. 7. cap. 9.

(10) Matthæi loco citato scriptum est -- *Et intravit Iesus in templum Dei, & eiciebat omnes vendentes & ementes in templo, & mensas nummulariorum, & cathedras vendentium columbas evertit. Et dixit eis: scriptum est: domus mea domus orationis vocabitur: vos autem fecistis illam speluncam latronum --*. Caput Decet domum ita habet -- *Cessent in Ecclesiis, earumque cæmeteriis negotiationes, & præcipue nundinarum --*. Singulare est caput -- *Et hoc diximus*, quod est ultimum ab Authore laudatum. Ipsum ergo attente legito, & egregia reperies rem hanc exponentia. In Ecclesiis mercatus non posse fieri, neque ea ipsa vendi, quæ ad Ecclesiæ & Dei cultum inferviunt, decrevere Concil. Ravennat. 2. sub Clemente V. cap. 12., Concil. Sabin. cap. 18., & Concil. Mediolan. primum part. 2. tit. de Ecclesiis. Et de hoc graphice more suo S. Bernardinus loco supra memorato cap. 4.

Quinta, quod non vendantur merces ultra justum pretium, sive ille, qui emit, sit extraneus, sive indigena: quod prohibetur Extra de Emptione, & Venditione cap. Placuit. Et quamvis de jure civili sit cautum, quod vendentes & ementes possint se fraudare usque ad dimidietatem justii pretii, nec frangatur contractus nisi ultra dimidietatem justii pretii sit fraudatus: tamen in conscientie foro omnis fraus condemnatur. Unde, si quis emat minus justo pretio, seu vendat plus justo pretio, quamvis non sit deceptio usque ad dimidietatem, tenebitur ad restitutionem, si fraudatio ab uno istorum trium procedat. Primum ignorantia: secundum mentis levitas aperta vel præsumpta: tertium magna necessitas ad hoc compellens: quia talis contractus non procedit ex mera, grata, & gratuita voluntate. Ideo non solum est contra justitiam, sed etiam contra charitatem, & naturalem hominis potestatem, licet ex utriusque partis consensu procedere videatur; nam secundum Aristotelem in tertio Ethic. ignorantia & aliqualis coactio excludit voluntarium.

(11) Quod-

(11) Quodnam sit iustum pretium, aperietur infra.

Caput *Placuit* hæc habet -- *Placuit, ut Presbyteri plebes suas admo-
neant, ut & ipsi hospitales sint, & non carius vendant transeuntibus, quam
mercato vendere possunt. Alioquin ad Presbyterum transeuntis hoc referant,
ut illius jussu cum humanitate sibi vendant.*

Ne quæso credas jure civili permitti, ut eementes & vendentes se in-
vicem fraudulent infra dimidium iusti pretii; id enim non patitur Regu-
la 206. ff. *de diversis Regulis juris* -- *Jure natura æquum est, neminem
cum alterius detrimento, & injuria fieri locupletiore* --. Jure civili dun-
taxat sancitur, ut decepto non competat actio contra deceptorem, nisi
fuerit deceptus ultra dimidium L. 2. C. *de rescindenda venditione* -- *Rem
majoris pretii si tu, vel pater tuus minoris distraxeris, humanum est, ut,
vel pretium te restituente emtoribus, fundum venditum recipias auctori-
tate Judicis intercedente: vel, si emtor elegeris, quod deest iusto pretio re-
cipias. Minus autem pretium esse videtur, si nec dimidia pars veri pretii
soluta sit* --. Idem prorsus sancitum legimus in jure canonico quoad
torum externum Extra *de Emptione & Venditione* cap. *Cum dilecti*, &
cap. *Cum causa*, in quorum postremo hæc habentur -- *Cum constitisset
nobis Monasterium in venditione ultra dimidium iusti pretii fuisse deceptum,
sententiando decrevimus, ut præfati cives aut recepto pretio possessiones re-
stituerent memoratas, aut supplerent quantum constaret legitima venditionis
tempore iusto pretio defuisse* --; hisce enim in casibus -- *In arbitrio emto-
ris est, si velit, supplere iustum pretium, aut venditionem rescindere* --,
sicuti legitur in primo horum Capite, nempe *Cum dilecti*. Id, ut puto,
constitutum est ad vitandam litium multitudinem, quum quasi connatu-
rale homini sit vili emere, & caro vendere. Cæterum in foro conscien-
tiæ omnis fraus condemnatur, sicuti jure dicit Author; & ideo dum-
modo pretium fuerit vel infra vel ultra iustum, semper decipiens tene-
tur ad restitutionem etiam si in minimo deceperit: quia, ut habet Re-
gula 48. Juris in Sexto -- *Locupletari non debet aliquis cum alterius in-
juria, vel iactura* --: & merito Apostolus prima ad Thessalon. cap. 4.
v. 6. -- *Ne quis supergrediatur, neque circumveniat in negotio fratrem
suum, quoniam vindex est Dominus de his omnibus.*

Et hoc declaratum fuit a S. Bernardino ibidem cap. 5. Apposite igitur
S. Thomas 2. 2. q. 77. art. 1. ad primum -- *Lex humana populo
datur, in quo sunt multi a virtute deficiente; non autem datur solis vi-
tiosis. Et ideo lex humana non potuit prohibere quidquid est contra virtu-
tem: sed ei sufficit, ut prohibeat ea, quæ destruant hominum convictum;
alia vero habeat quasi licita, non quia ea approbet, sed quia ea non pun-
nit. Sic ergo habet quasi licitum, pœnam non inducens, si absque fraude
venditor rem suam supervendat, aut emtor vilis emat, nisi sit nimis
excessus: quia tunc etiam lex humana cogit ad restituendum, puta si ali-
quis*

quis sit deceptus ultra dimidium iusti pretii quantitatem. Sed lex divina nihil impunitum relinquit, quod sit virtuti contrarium; unde secundum divinam legem illicitum reputatur, si in emtione & venditione non sit aequalitas iustitiae observata: & tenetur ille, qui plus habet, recompenfare ei, qui damnificatus est.

Verum hic quæritur quid sit iustum pretium?

Respondeo secundum Scotum in 4. dist. 15. q. 2.: quia pensatio valoris usualium rerum vix aut nunquam potest fieri a nobis, nisi per conjecturalem seu probabilem opinionem, & hoc quidem non punctualiter, sed sub quadam latitudine competenti: ideo pretium iustum erit secundum æstimationem fori currentis, quia secundum Hostiensem, & Raynerium iustum pretium consideratur ratione temporis contractus, nec debet attendi, quod pluris sit emptum, vel venditum minoris. Et, si ibi non sunt tales res, debet inde sumi moderatum lucrum pensatis sumptibus, industria, sollicitudine, periculo, & labore.

(12) Pretium iustum est duplex. Unum dicitur legitimum, Principis lege taxatum, & hoc individuum est, quodlibet incrementum aut decrementum excludens. Dicitur alterum naturale, quod juxta rectam rationem, omnibus circumstantiis spectatis, iustum censetur: & appellatur vulgare, quia communi hominum æstimatione tale reputatur. Hoc dividuum est in tres gradus, primum nempe, moderatum, & rigorosum, sive infimum, medium, & supremum. Omnes fatentur difficile confinia latitudinis istius iusti pretii designari posse. Hanc duntaxat regulam tradunt alioquin obviam. Quo res vilior est, eo arctior est latitudo, pretiosior vero ampliorem latitudinem habet. A iudicio ergo prudentum, & a communi æstimatione repetenda est pretii iustitia. Si medium alicujus rei vilis sit 5., infimum erit 4., & supremum 6., & sic erit latitudo tantum duorum. Si rei pretiosæ medium pretium sit 100., infimum erit 95., & supremum 105., & tunc latitudo erit 10. Neque ob hoc iustitia medio rei caret: quia medium istud indivisibile non est, sed præfatos gradus excipit. Quando pretium legitimum non est præfinitum, vendi merces debent pretio naturali, seu vulgari. Hactenus Daniel Concina de *Iustitia, & Jure* lib. 3. dissert. 2. cap. 6. num. 2. Hanc eandem pretii latitudinem quoad pretiosiora statuit Gabriel Antoine de *Contractibus* part. 2. cap. 5. q. 2.; non autem quoad viliora, pro quibus ita præscribit: Si pretium medium sit 20., infimum erit 19. circiter, summum 21. Beatus noster hic agit de pretio vulgari, sive naturali, non vero de legitimo, & legali, quod individuum esse dixi.

Sed

Sed ex prædictis oriuntur aliqua dubia.

PRIMUM DUBIUM. Utrum mercator sit usurarius censendus, qui illi, qui statim solvit, rem vendit pro minori pretio quam illi, qui non solvit incontinenti, sed vult tempus?

Respondeo secundum quod dixi. Pretium rei non punctualiter, sed sub quadam latitudine consideratur; quapropter licet: quia petia panni existimatur ab aliquibus mercatoribus valere 50., ab aliis vero 50. cum dimidio, & ab aliis 51.

(13) Supponit auctor non excedi justum pretium, & ideo jure meritoque statuit licere; verum quippe est quod docet Antoine ibidem q. 11. -- *ex communi tamen sententia licet numerata pecunia vendere pretio infimo, non numerata summo, quia utrumque justum est.*

De mente Authoris in exemplo producto pretium infimum erit 50., medium 50. cum dimidio, & 51. pretium supremum, seu summum. Idem docuit S. Bernardinus ibi serm. 34. art. 3. cap. 1. scribens -- *Primus potest nominari pius, secundus discretus, tertius vero rigidus. Primus est pretii minoris, secundus est mediocris, tertius est majoris: verbi gratia sint decem petia panni ejusdem bonitatis, & artificii, atque expensæ. Harum tamen decem petiarum propter varia capita, & diversas sententias circa illas, a variis varia aestimatio fiat, & tandem reperientur ipsi aestimatores circa illas variari: ut puta quidam aestimabunt quamlibet illarum pretii quinquaginta Ducatorum, & hoc dici potest pretii limes, & gradus pius: alii quinquaginta cum dimidio, & talis dici potest limes, & gradus discretus: quidam vero alii quinquaginta uno, & hoc dicitur limes & gradus severus --.* Tota igitur latitudo pretii per Authorem & S. Bernardinum in re valoris 50. circiter est unius duntaxat, & proportionem servata in re valoris 100. circiter latitudo pretii esset duorum, & non amplius. Vide quantum vetus hæc doctrina in speciem differre videatur a Theologis nostri temporis etiam non mitioribus; latitudinem enim duorum, quam Concina permittit in re valoris 4. circiter, & Antoine, alique in re valoris circiter novendecim, Author & S. Bernardinus duntaxat permittunt in re valoris 100. circiter. Sed de hoc inferius.

Sed iste mercator pretium solventi libenter daret pro 50., non solventi autem non vult dare nisi pro 51.

Dico quod non est usurarius: quia plus justo pretio
non

non vendit propter temporis expectationem. Si autem 52., vel 53. venderet, quia non statim solvit, usuram committeret: quia iustum pretium excedit, ut in cap. *Consuluit Extra de usuris*.

(14) Prima responsionis pars S. Bernardini est ibidem scribentis -- *Nunc aliquis venit, qui non habet denarios, unde presentialiter solvat, dilationem solutionis poscit. Si igitur venditor tunc non statim solvendus propter huiusmodi expectationem pretium augeat, non tamen ultra ultimum limitem iusti pretii, sed stat in summo, idest 51., ita quod quantumcumque solutionem ampliori tempore gratis, seu ex pacto expectaret, nunquam ab hoc ultra illum limitem iusti pretii aliquid acciperet, non est ibi ex vi contractus usura secundum sententiam magnorum Doctorum. Ratio huius est, quia talis non vendit terminum, nec propter expectationem accipit ultra iustum pretium rei, quam vendit, quamvis non faciat gratiam remissionis pretii descendendo ad 50., quod quidem libenter faceret, si ille statim solveret --. Ex hac doctrina sponte fuit secunda pars responsionis ab Authore producta, videlicet de mente S. Bernardini usurarium esse venditorem, si in casu proposito vellet 52., vel 53.*

Hunc tamen venditorem usurarium sane non faciunt Concina, Antoine, alique juniores purioris doctrinae viri. Quum enim per ipsos in re valoris circiter 95. latitudo pretii sit decem, ut supra monui, in re presenti, quae ponitur valoris 50. circiter, latitudo pretii erit 5.; & ideo citra usuram venditor in casu, de quo agitur, poterit per ipsos exigere pretium nedum 52., vel 53., sed 55. Immo, quod magni faciendum est, nec hunc venditorem usurae reum facit Author ipse in Angelica Ver. Usura 1. num. 58.

Eundem omnino casum illic ipse proponit, & sic respondet -- *R. ad quaesitum cum distinctione: quia aut talis venditor non excedit praesatam aequalitatis latitudinem cum illo, qui vult terminum, licet pro minori daret, si statim solveret pretium: & sic non est usura. Exemplum: extimatur petia talis panni ab aliquibus decem, ab aliis undecim, ab aliis duodecim, statim solventi libenter daret pro 9. vel 10., non solventi vult 12.: non est usura, eum non excedat ratione temporis aequalitatem latitudinis iusti pretii. Si vero praesatam latitudinis aequalitatem transgrediret, ut puta quia vellet 13., vel 14., sic esset usura Cap. CONSULUIT DE USURIS.*

Quid ergo? ane dicendum Authorem probasse in Angelica pro re valoris ut 10. circiter eam pretii latitudinem, quam hic S. Bernardini vestigia sequens pro re valoris ut 50. in totum condemnat? Anne in definienda pretii latitudine nimis benignum fuisse Authorem in Angelica, nimis benignos esse nostri temporis Theologos, vel Authorem in hoc Tractatu, & S. Bernardinum plus aequo esse severiores? Nihil prorsus

ex

ex his. Omnia hæc in speciem pugnancia componi possunt, si dicas Authorem tum in Angelica, tum in hoc Tractatu, & S. Bernardinum locutos fuisse in hypothesi, quod iusta pretia in communi hominum æstimatione haberentur illa ab iisdem significata: Concina autem, Antoine, aliosque quandam veluti regulam statuisse, dum iustum triplex pretium non est definitum, & factum veluti individuum. Hoc semel dato jure meritoque Author, & S. Bernardinus usuræ labe infectum dixerunt venditorem in casibus ab iisdem propositis, quia posuerunt eundem rem vendidisse ultra latitudinem iusti pretii: Concina vero, Antoine, alii-que tradentes regulam veluti generalem, eam merito statuerunt pretii latitudinem, quæ superius fuit exposita.

Caput Consuluit, quod est Urbani II. ita habet -- *Et an negotiator pæna consimili debeat condemnari, qui merces suas longe majori pretio distrahit, si ad solutionem faciendam prelixioris temporis dilatio prorogetur, quam si ei incontinenti pretium persolvatur. Verum quia quid in his casibus tenendum sit ex Evangelio Lucæ manifeste cognoscitur, in quo dicitur: DATE MUTUUM, NIHIL INDE SPERANTES: hujusmodi homines pro intentione lucri, quam habent (cum omnis usura, & superabundantia prohibeatur in lege) judicandi sunt male agere, & ad ea, quæ taliter sunt accepta, restituenda in animarum judicio efficaciter inducendi --*. Majus pretium, de quo in hoc Capite, omnes exponunt de pretio ultra summum & iustum, quod innunt verba illa -- *Cum omnis usura, & superabundantia prohibeatur in lege --*. Apposite igitur Author eo capite hic utitur ad probandum, quod adsumit.

Et licet Baldus solum velit quod sit usura, quando res, quæ venditur, consistit in numero, pondere, vel mensura; non autem in domo, prædio, & hujusmodi: præsertim cum interim emptor percipit rei emptæ utilitatem, ut L. *Curabit C. de actionibus empti, & venditi*: tamen Theologi hunc non sequuntur, quando pretium rei venditæ est taxatum secundum Franciscum de Mayronis in 4.; & ideo usurarius est appellandus. Et cum hac opinione concurrit ipse S. Bernardinus.

(15) Lex *Curabit* est hujusmodi -- *Curabit Præses Provincia compellere emptorem, qui nactus possessionem fructus percepit, partem pretii, quam penes se habet, cum usuris restituere, quas & perceptorum fructuum ratio, & minoris ætatis favor (licet nulla mora intercefferit) generavit*.

Clarius certe est L. *Julianus ff. eodem tit. nempe de actionibus empti & venditi*, in cujus corpore legitur -- *Ex vendito actio venditori compe-*

tit ad ea consequenda, quæ ei ab emptore prestari oportet. Veniunt autem in hoc iudicium infra-scripta: in primis pretium quanti res venit, item usura pretii post diem traditionis; nam, cum re emptor fruatur, æquissimum est, cum usuris pretii pendere.

S. Bernardinus ab Authore laudatus agit hac de re Serm. 34. art. 3. cap. 2.; sed unice loquitur de venditione ultra iustum pretium. Author autem complectitur & venditionem rei ultra iustum pretium propter dilationem solutionis, & venditionem rei iusto pretio, in qua tamen exigitur usura, seu lucrum, propter eandem dilationem. Primum respexisse dices, si quæ hic scribit conferas cum præcedentibus. Secundum complexum fuisse deprehendes, si quæ sequuntur attendas. Primum venditorem Author dicit usurarium, & merito: quia, dum ob dilationem quis vendit rem ultra iustum pretium, vendit is tempus, quod vendi non potest, ut sancivit Inno. XI. damnando hanc propositionem -- *Cum pecunia numerata pretiosior sit numeranda, & nullus sit, qui non majoris faciat pecuniam præsentem, quam futuram, potest creditor aliquid ultra fortem a mutuario exigere, & eo titulo ab usura excusari*--. Secundum venditorem etiam vult usuræ labe infectum, & jure: quoniam nisi habeatur verum lucrum cessans, vel damnum emergens, casus reducit ad purum mutuum implicitum, aut æquivalens, in quo sine iusto titulo nihil citra usuram potest exigi ultra fortem.

Author proculdubio sententiam immutavit: quoniam in Summa Angelica ver. *Venditio* num. 13., & fusius ver. *Emptio* num. 5. proponens casum de eo, qui iusto pretio vendidit possessionem, aut domum pecunia credita, & exigit pensionem, seu usuram, donec pretium fuerit solutum, firmiter stetit pro sententia Baldi, aliorumque, quos ibi recensuit: & id licere dixit tum jure civili, tum canonico concludens -- *Quia nihil injustum facio, si nolo tibi dare possessionem meam, ut fructus tuos facias, nisi dederis mihi pretium*--. Ex his verbis quisque videt ipsum putasse id licere in casu, non quidem propter dilationem solutionis, sed propter lucrum cessans in venditore, qui nullo jure tenebatur fructus proprios alteri tradere, quique supponitur animo paratus vendere fundum pecunia numerata, & sine usuris, si talem emptorem facile inveniret; immo id magis exoptaret.

Pro hac postrema Authoris sententia stant ex recentioribus Ferraris verbo *Emptio* art. 4. num. 6., aliique, inter quos Continuator Tournely part. 2. de *Contractibus* cap. 1. art. 5., qui recitata adversante sententia sic prosequitur-- Aliam opinionem tenemus in Gallia, ubi qui rem frugiferam emit credito, percipit quidem fructus, sed tenetur pretii interesse solvere, etiam si res per accidens nullos fructus ferat, ut si domus vel non locetur, vel nonnisi pretio longe minori locari possit. Hæc autem opinio probatur. Primo ex L. *Julianus* 13. §. 20. ff. *De actionibus empti &c.*,

in qua statuitur usuras seu interesse pretii post diem traditionis deberi ab emptore, quia, cum re emptor fruatur, æquissimum est eum usuras pretii pendere. Secundo, quia hæc est Regni Jurisprudencia, ut videre est apud Lout, & alios, qui citant Arellum, ut ajunt, Curiz Parisiensis die Octob. 8. an. 1597. Tertio, quia, ut notat Covarruvias var. resolut. lib. 3. c. 4. n. 1. sequeretur alioqui inæqualitas inter contrahentes, dum venditor re sua careret, ejusque fructibus, & pretio, emptor vero hæc omnia servaret, sub prætextu quod subeat periculum interitus rei; quod periculum moraliter loquendo nullum est. Quale enim est periculum prati, quale domus bene fundatæ? Et si quod sit, an emptor illud eodem subiret modo, si pretium solvisset? Quarto, quia alioqui emptor rem emptam aliquando facile solveret intra paucos annos ex annuis ejusdem rei redditibus. Cæterum venditor ultra hoc interesse nihil exigere potest pro quocumque (alio) lucro cessante, aut damno emergente ex L. ult. ff. de periculo & commodo rei venditæ. Neque vero usuræ illatæ luctatoriz sunt, quas fatemur legibus prohiberi, sed compensatoriz, quæ ab iisdem non vetantur, quæque tenent locum fructuum, quos Dominus percepturus fuisset, si rem suam non vendidisset credito. Hæc ille.

Sed etiam melius potest dici ad hoc primum dubium pro concordia, quod Franciscus bene dicit, & etiam Baldus: quia §. *quod si fugerit* Institut. de emptione, & venditione venditor semper est Dominus rei, quam vendit, antequam tradat: & ideo fructus rei sunt sui, si non est in mora in tradendo. Et ideo si non intendit tradere, sed dominium sibi, & periculum rei reservare sive pro toto, sive pro parte, donec pretium sibi fuerit datum: nulli dubium quin aliquid gratia fructuum potest petere, & sic Baldus intendit. Sed si tradendo intendit illum acquirere dominium in eam rem, quam emit; tunc si aliquid exigit pro fructibus, vel ultra sortem, erit usurarius: quia ibi est vera ratio mutui. Nam emptor nihil aliud debet nisi puta centum; & ideo si, quia pro illo expectat, vult aliquid, & sic ultra sortem, erit usurarius.

(16) Conatur Author discrepantes componere sententias. An ad mentem Doctorum invicem pugnantium nec ne, judicent alii. Judicent pariter, an in praxi sequenda sit præsens Authoris doctrina, vel potius illa, quam ille ipse factus senior tradidit in Angelica. Judicent demum, an in

an in casu proposito semper habeatur, nec ne in venditore lucrum cessans verum, propriumque, sicuti contendunt qui statuunt usuras exigi posse licite, quod lucrum nemo sanæ mentis sponte & libens amitteret. Præsertim quum (nisi stipēs quis sit, & fungus: nisi homo prodigus sit, & dissipator, de quo non est hic sermo) nemo prudens vendat possessiones suas frugiferas, quibus sibi, suæque familiæ providet, nisi animo & spe percipiendi majus lucrum, tradendo pretium negotiationi, vel alias emendo possessiones sibi magis congruentes &c.: sicuti re ipsa ab hujusmodi venditoribus fit statim atque ab emptoribus pretium recipiunt. Præsertim quum hi venditores libentius venderent possessiones pecunia numerata quam credita, & justo pretio eas unice vendant solutione dilata, quia emptores non inveniunt statim solventes. Hæc pene omnia cum hujusmodi venditionibus quasi necessario connexa supponit Gabriel Antoine; & iccirco de *contractibus* part. 2. cap. 4. quæst. 17. prudenter scribit -- *Sed num venditor potest singulis annis quinque pro centum exigere ab emptore, dum pretium rei emptæ solverit? Respondeo, licite potest, modo adsit titulus damni emergentis, vel lucri cessantis, ut si ex hoc pretio, seu summa tantundem percepturus esset ex contractu census, vel societate, aut negotiatione &c. Quia annuus ille pecunie redditus non exigitur ratione dilationis solutionis, quod esset usurarium; sed ob compensationem jacturae lucri aliunde juste percipiendi; & interea emptor fruitur re emptæ, & ejus pretium retinet.*

Tene etiam, quod quamvis tradat primo modo, scilicet retinendo sibi dominium, quod nihil poterit exigere nisi quantum verisimiliter fructus rerum valent usque ad illud tempus, in quo emptor solvet pretium: quia illud ultra non esset interesse, sed iniquum.

Et nota quod licet dominium rei venditæ perseveret apud venditorem donec sit tradita; tamen periculum est emptoris, licet res tradita non sit, ut Institut. de *empione & venditione* §. *Quum autem*, & tribus seq., & ibidem de *rerum divisione* §. *Per traditionem*, & §. *Venditæ*, scilicet 40. 41., & C. de *pactis* L. *Traditionibus*. Et ideo emolumentum ad ipsum pertinebit ff. de *diversis regulis juris antiqui* L. *Secundum naturam*. Et ideo quod per alluvionem accessit, & fructus & partus rei venditæ, ad ipsum emptorem spectat C. de *actionibus empti & venditi* L. *Fructus*, & L. *penul.*

(17) In §. *Quum autem*, & sequentibus ita legitur -- *Quum autem emitio* *¶* *venditio contracta sit* (quod efficit diximus simul atque de pretio conveneris) cum sine scriptura res agitur, periculum rei venditæ statim ad emptorem pertinet, tametsi adhuc ea res emptori tradita non sit. Itaque si homo mortuus sit, vel aliqua parte corporis læsus fuerit: aut edes totæ, vel aliqua ex parte ablatas sit: sive etiam inundatione aquæ, aut arboribus turbine defectis, longe minor, aut deterior esse cuperit: emptoris damnum est, cui necesse est, licet rem non fuerit nactus, pretium solvere. Quidquid enim sine dolo *¶* culpa venditoris accidit, in eo venditor securus est. Sed *¶* si post emptorem fundo aliquid per alluvionem accesserit, ad emptoris commodum pertinet. Nam *¶* commodum ejus esse debet, cujus periculum est.

§. 40. ita incipit -- *Per traditionem quoque jure naturali res nobis adquiruntur.*

§. 41. ita definit -- *Sed si is, qui vendidit, fidem emptoris sequutus fuerit, dicendum est statim rem emptoris fieri.*

Lex Traditionibus hæc habet -- Traditionibus *¶* usucaptionibus dominia rerum, non nudis pactis, transferuntur.

Lex Secundum naturam ita statuit -- Secundum naturam est commoda cuiusque rei cum sequi, quem sequentur incommoda.

Lex Fructus hæc perhibet -- Fructus post perfectum jure contractum emptoris spectare personam convenit, ad quem *¶* functionum gravamen persinet. Venditor quoque pretium tantum, ac, si mora intercessisse probetur, usuras officio Judicis exigere potest.

Hæc demum est lex penultima hîc laudata -- *Post perfectam venditionem satus pecorum emptori, venditori vero sumptus, si quos bona fide fecerit, restitui debere notissimum est.*

Excipitur si sub conditione: vel si in genere, & non in specie: vel si degustationem exigebat, quia ante degustationem non. Item si pactum. Item si dolus vel culpa venditoris, vel mora non obstant: quia tunc pertinet ad venditorem periculum. Vide Hostiensensem in Summa §. *quæ sit ejus natura una cum vendito.*

(18) Venditio sub conditione ea est, quam Sylvester in Summa ver. *Usura* 2. quæsto 11. sic describit -- *Si vero fiat venditio conditionata, idest ut statuatur quidem pretium, quo ego spondeo me prædium venditurum quando exhibebis pecuniam, sed tamen non intelligatur facta actualis venditio, nisi actu exhibeas pecuniam, & interim prædium stat periculo meo sic quod, si raperetur a flumine, vel deterioraretur, damnum esset meum --.* In hoc casu procul dubio omnia pertinent ad venditorem, & periculum
 &

& emolumentum, & fructus: quia nec res adhuc est tradita, nec reipsa secuta est illa venditio, quæ dominium transfert in emptorem.

Sed Author forte in omnibus hisce casibus loquitur de solo periculo, de quo speciatim locutus fuerat antea, & concludit in iisdem periculum pertinere ad venditorem; ita ut, si res pereat, pereat venditori. Hoc semel posito venditio sub conditione, de qua Author, esset, si res venderetur cum hac conditione vel simili ab emptore apposita, quod huic placeat post octo dierum experimentum, & res periret, antequam laberentur dies assignati. Venditio in genere esset, si quis ex centum jugeribus terræ ejusdem vel diversæ speciei venderet decem Titio, nulla assignando, vel exprimendo, & ante traditionem decem, aut viginti flumine raperentur. Venditio esset cum degustatione, quando emptor declararet se nolle habere contractum tanquam ratum, nisi prius gustet rem, vel ipsius bonitatem experiatur. Venditio esset cum pacto, quando emptor & venditor inter se convenirent, ut usque ad aliquod determinatum tempus periculum maneat penes venditorem. Pro venditione conditionata facit L. *Necessario ff. de periculo & commodo rei venditæ* — *Quod si sub conditione res venerit, si quidem defecerit conditio, nulla est emptio, sicut & stipulatio.... sicuti stipulationes, & legata conditionalia perimuntur, si pendente conditione res extincta fuerit* --. Scias tamen quod, si res non periret, sed pendente conditione, quæ non sit rei ipsius experimentum, pejor duntaxat fieret, pertineret hoc ad emptorem, quum ibidem subdatur -- *Sane, si exstet res, licet deterior effecta, potest dici esse damnum emptoris* --. Pro venditione in genere facit L. *Si in emptione ff. de contrahenda emptione* -- *Si emptio ita facta fuerit: est mihi emptus Stichus, aut Pamphilus.... uno mortuo, qui superest dandus est; & ideo prioris periculum ad venditorem, posterioris ad emptorem respicit* --. Secus tamen esset dicendum, si omnia perirent, & raperentur, quum ibidem adjiciatur -- *Sed & si pariter decesserunt, pretium debebitur; unus enim utique periculo emptoris vixit* --. Venditio cum degustatione incidit in venditionem conditionatam jam expressam. Pro venditione cum pacto facit Regula 85. Juris in Sexto -- *Contractus ex conventionem legem accipere dignoscuntur*.

Addit Author, si dolus venditoris non obstat: quia tunc ad rem facit L. *Dolum C. de periculo & commodo rei venditæ* -- *Dolum auctoris bonæ fidei emptori non nocere certi juris est* --. Addit, si non obstat culpa: quia venditor tenetur ad diligentem custodiam, & facit ad rem L. *Custodiam ff. cod. tit.* -- *Custodiam autem venditor salelem prestare debet, quam præstant hi, quibus res commodata est: ut diligentiam præstet exactiorem, quam in suis rebus adhiberet* --. Addit demum, si venditoris mora non obstat: quia facit L. *Illud ibidem* -- *Si.... venditor moram adhibuerit, cum posset se exsolvere, æquum est.... moram venditori nocere* --, & facit etiam Regula 25. Juris in Sexto -- *Mora sua cuiuslibet est nociva*.



SECUNDUM DUBIUM. Utrum mercatores, qui sine magno incommodo & damno ex inveterata mala consuetudine Civitatis merces vendere ad statim solvendum non possunt, possint vendere ad tempus, sicuti communiter alii faciunt, ut sic justum pretium extorqueant?

Respondeo, quod sic secundum Thomam in quadam responsione, quum fuerit de hac materia requisitus, cum quo concordat Girardus Obdonis. Nec obstat quod dicitur L. 1. §. *Si heres ff. ad Senatus consultum Trebellianum*, & L. *Quærebatur ff. ad legem Falcidiam*, & L. *Si quis uxori §. ultimo ff. de fursis*. Quod res tantum valet quantum vendi potest, quia intelligitur si permittitur vendi, & non obstant dictæ malitiæ. Et hæc omnia intellige quando justo pretio venderent, si prædicta non obstarent.

(19) Reipsa prima lex ab Authore citata ita habet -- *Julianus autem cavendum non putat, sed æstimandum quanti valet sine hac cautione, hoc est quanti vendere potest sine cautione* --, & similia leguntur in aliis duabus legibus ab eodem laudatis. Hoc tamen intellige intra pretium justum & legitimum, secus esset in arbitrio venditoris pretium illud exigere, quod potest ab emptoribus extorquere. Jure igitur optimo sancitum est L. *Pretia rerum ff. ad legem Falcidiam* -- *Pretia rerum non ex affectu, nec utilitate singulorum, sed communiter funguntur. Non enim qui filium naturalem possidet, tanto locupletior est, quod eum, si alius possideret, plurimo redempturus fuisset. Sed nec ille, qui filium alienum possidet, tantum habet, quanti cum patri vendere potest.*

Regulam, seu legem, quæ habet -- *Res tantum valet, quantum vendi potest* -- exposuit & ipse S. Antoninus par. 2. tit. 1. cap. 8. §. 5., & nec hilum ab Authore nostro recessit scribens -- *Cum dicitur, quod res tantum valet, quantum vendi potest, fateor, si pro tanto vendi permittitur quantum valet.*

In casu proposito sermo est de exigendo aliquid ultra justum pretium aliarum Urbium; aliter responsum interrogationi non responderet: & hoc propter incommodum, & damnum, quod vere patitur mercator ex inveterata consuetudine Civitatis nunquam emendi numerata pecunia. Respondet Author id posse fieri ad mensuram, ut puto, veri damni, quod sustinet. Res tamen hæc est plena periculi; cupidio quippe lucri facile movere potest animum mercatoris ad extendendum damnum, quod sustinet, ultra quam par sit.

TER-

TERTIUM DUBIUM. Utrum scienti, & volenti possit carius vendi, & vilius emi?

Respondeo, quod, si actio non est involuntaria ratione ignorantiae, levitatis, vel magnae necessitatis ad hoc quodammodo compellentis, licet: quia scienti & volenti dolus non inferitur *L. Cum donationis C. de transactionibus*, & *L. Quod autem §. Præterea ff. quæ in fraudem creditorum*, & *L. 1. ff. de injuriis*.

(20) Ea legem primo citatam -- *Nec unquam volentibus dolus inferatur*.

En legem secundo laudatam -- *Nemo enim videtur fraudare eos, qui sciunt, & consentiunt*.

En legem tertio productam -- *Quia nulla injuria est, quæ in volentem fiat*.

Merito ideo Regula 27. Juris in Sexto -- *Scienti, & consentienti non fit injuria, neque dolus*.

Responsum hoc Authoris, etsi in jure verissimum, & ab omnibus Doctoribus confirmatum, non caret periculis; debet enim certo certius constare, quod emptor solvat, & elargiatur excessum illum causa consanguinitatis, aut affinitatis, aut amicitiae, vel liberalitatis ergo, sicuti quandoque faciunt magni viri, & Principes &c.

QUARTUM DUBIUM. Utrum res possit vendi secundum valorem naturalem, vel utilitatem ementium?

Respondeo, quod non: quia naturaliter musca plus valeret quam panis, & vinum, & omnia inanimata. Nec etiam secundum utilitatem ementium: quia sic herba medicinalis, vel potio, quæ valet mihi ad liberationem a morte, esset pretio infinito vendenda. Vendatur ergo res secundum industriam, rationem, laborem, pericula, vel communem existimationem, ut dictum est supra.

(21) Utilitas emptoris non cadit sub dominio venditoris. Injustum est ergo aliquid exigere propter illud, quod non est proprium. Egrege ideo S. Thomas 2. 2. q. 77. art. 1 -- *Si vero aliquis multum juvetur ex re alterius, quam accepit, ille vero, qui vendit, non damnificatur cavendo re illa, non debet eam supervendere: quia utilitas, quæ alteri accrescit, non est ex vendente, sed ex conditione ementis. Nullus autem debet vendere alteri, quod non est suum, licet possit ei vendere damnum, quod patitur*.

patitur. Ille tamen, qui ex re alterius accepta multum juvatur, potest propria sponte aliquid vendenti supererogare, quod pertinet ad ejus honestatem --. Rem hanc fufe probat S. Bernardinus ibi ferm. 35. art. 2. per totum, quem sic concludit -- Singuli autem in singulis suis, seu singularibus contractibus, vel exactionibus sumptuum sequi debent formam, & regulam communium estimationum, & taxationum, ne pars turpiter, & irregulariter, & inobedienter, ac indecenter dissonet a suo toto: ne quilibet pro libito suo præjudicet & communi utilitati, ac per consequens communi justitia, & pietati.

QUINTUM DUBIUM. Utrum vendens pro majori pretio quam valet, & reemens statim pro minori pretio quam vendidit, sit usurarius?

Respondeo, quod sic: quia semper fit in fraudem; vel saltem est contractus illicitus. Tamen si sine hac intentione venderet, & ille, qui emit pro majori pretio, omnibus, qui vellent emere, venderet, tunc posset emere, & solum posset esse ibi injustitia injulii pretii.

(22) Casus ab Authore expositus est verus contractus Mohatra, qui habetur, dum quis indigens pecunia emit a mereatore solutione dilata merces, quibus non eget, pretio summo, puta 106., pacto ab eodem mercatore adjecto, ut ipsi pecunia numerata retrovendantur ab emptore pretio infimo, puta 100. Immo pejor est propositus casus ipso contractu Mohatra: supponit enim, quod mercator rem vendat *majori pretio, quam valet*. Si igitur contractus Mohatra sceneraturus est, & damnatus ab Inno. XI. in hac propositione 40. -- *Contractus Mohatra licitus est etiam respectu ejusdem persona, & cum contractu retrovenditionis pravius inito cum intentione lucri --*: a fortiori contractus, de quo Author, qui insuper manifestam continet injustitiam ob pretium majus julto.

Subdit Author, quod si hic contractus fieret sine prævia intentione prævioque pacto retrovenditionis, id esset licitum vi contractus: quia si quilibet alius juste potest merces alteri venditas emere pretio infimo, cur id non licebit etiam venditori, qui omnimodam emptori libertatem reliquit eas sibi retinendi, vel alteri tradendi? Ita est; sed in praxi suis scetet salebris: quoniam venditor, considerando personam, merces, & harum copiam, facile cognoscere potest, an eas emens pecunia credita reipsa iisdem indigeat, aut velit eas statim retrovendere ad extorquendam pecuniam, qua caret, & quam votis omnibus exoptat. Prudenter ideo S. Bernardinus ibi ferm. 34. art. 3. cap. 3. -- *Posset etiam in hoc reemptio taliter circumstantionari, quod non esset ibi peccatum minorationis injusta:*

tamen

tamen talis contractus fieri solet in fraudem usurarum : ideo hoc ultimum non est utile predicare nisi cum ista additione.

Egregia sunt, quæ de contractu Mohatra scripsit Bonus Merbesius in suo Tractatu de mutuo, & usura, expendens octavam decisionem Concilii Mediolanen. primi. Ea igitur accipe -- Antequam illud contractus portentum sub inaudito illo nomine vulgaretur, damnatum est a Concilio. S. Carolus portentosa Baratarum, & Mohatarum vocabula ignorabat, at rem & impietatem per ea significatam Episcopali iudicio reprobavit in Concilio Mediolan. primo his verbis -- *Ne cui presentem pecuniam quarenti quicquam carius vendatur, ut statim ab venditore per se, vel per interpositam personam vilius ematur.*

Hujus Concilii vestigiis, & verbis institit Concilium Burdigalense 1583. Redemptoris anno celebratum, & per omnia a S. Sede Apostolica approbatum. Nani tit. 29. de usuris, & illicitis contractibus sic loquitur -- *Ne cui presenti pecunia indigenti quidquam carius vendatur, ut statim a venditore per se, vel per interpositam personam vilius ematur.*

Illum ipsum Mohatræ contractum ceu criminofum & illicitum censurarum fulminibus afflarunt quot Episcopi & Doctores teterrimam Casuistarum Apologiam omni odio, & execratione prosequendam esse toti Ecclesiæ declarant.

Sacra Theologorum Lovaniensium Facultas, procurante & efflagitante D. Antonio Fries Illustissimo & Reverendissimo Gandavensium Episcopo, plures articulos ad se missos censoria virga perstrinxit, & in primis prædictum contractum in 14. assertionem contentum in hæc verba -- *Contractus Mohatra licitus est etiam respectu ejusdem persone, & cum contractu revenditionis prævia inito cum intentione lucri.*

Huic propositioni hanc inussere censuram Doctores Lovanienses -- *Hæc assertio falsa est, & palliativa usurarum, præsertim cum emptori imponitur onus revendendi, uti in assertione.* Hæc præfati Doctores. Hactenus ille.

SEXTUM DUBIUM. Utrum videns thesaurum in agro alieno & emens agrum illum pro pretio, quod valet, si sine thesauro esset, teneatur ad restitutionem thesauri?

Respondeo, quod sic, si ille, cujus ager erat, nihil sciebat de thesauro: quia dolose egit, rem scilicet magni pretii emendo pro vili scienter. Si autem & emptor ipse nihil scivisset, tunc licite retinere posset.

(23) Thesaurus, de quo sermo, & proprie dictus, sic definitur L. Nunquam ff. de acquirendo rerum dominio -- *Thesaurus est vetus quadam depositio pecunie, cujus non extat memoria, ut jam Dominum non habeat: sic enim fit ejus, qui invenerit. Alioquin si quis aliquid vel lucri causa, vel metus, vel custodia condiderit sub terra, non est thesaurus: ejus etiam futurum*

furtum fit -- Hunc eundem casum proponunt Concina de Iustitia, & Jure Dissertatione prima cap. 12. q. 8., Cunsiliati de septimo præcepto Decalogi cap. 2. §. 8. num. 4., Ferraris ver. *Venditio* art. 2. num. 11., alique complures, & omnes cum D. Thoma 2. 2. q. 66. art. 5. respondent non teneri ad restitutionem, sed thesaurum totum esse emptoris: quia pretia rerum non petuntur ex notitia perfectionis earumdem, quæ alicui soli nota sit, sed ex communi hominum æstimatione. Secus tamen opinantur Vasquez, Turrianus, & Diana ipse part. 9. tract. 5. resolut. 17. Magni certe facienda est ratio ab Authore producta, quia scilicet dolose egit; emptor enim dubio procul operatur cum dolo, & dolus in adversante sententia ipsi deceptoris prodesset contra jura omnia secus constituenta. Audiamus Authorem ipsum de hac re in Angelica fusius loquentem ver. *Emptio* num. 24 -- *Et hoc habeo pro indubitato, si emptor nihil sciebat de thesauro; sed si sciebat, & propterea emit, tunc videtur dubium. Nicolaus tamen de Lyra super Matth. 13. in illa parabola de thesauro, & S. Thomas 2. 2. q. 66. art. 5. videntur tenere, quod licite ematur. Et de subtilitate juris est verum, quod potest licite fieri; sed de æquitate videretur, quod aliquam partem deberet dare venditori. Vide de hoc, si placet, quod notatur in L. SI QUIS CUM ALITER ff. DE VERBORUM OBLIGATIONIBUS. Sed quoad conscientiam, ex quo sciebat, videtur invenisse: & si a casu, sic medietas erit sua, si vero a proposito, sic totum Domino soli, ut dicta L. unica --. Brevius quidem S. Bernardinus serm. 33. art. 2. cap. 8., sed fortius -- Dicendum quod emptor restituere obligatur, quia dolose egit. Præterea rem magni pretii emit scienter pro modico pretio, & hoc venditore ignorante. Ergo decipit eum. Si autem tunc nihil de hoc scivisset, licite retinere posset.*

Hæc est lex *Si quis cum aliter* supra memorata -- *Si quis cum aliter eum convenisset obligari, aliter per machinationem obligatus est: erit quidem subtilitati juris obstructus, sed doli exceptione uti potest.*

Hæc est lex unica itidem laudata, quæ habetur in C. de thesauris -- *In alienis vero terrulis nemo audeat invisis, immo nec volentibus, vel ignorantibus Dominis opes abditas suo nomine perferutari. Quod si nobis super hoc aliquis crediderit esse supplicandum, aut præter hujus legis tenorem in alieno fundo thesaurum scrutatus invenerit, totum hoc locorum Domino reddere compellatur, & velut temerarie legis saluberrime puniatur. Quod si forte vel arando, vel alias terram alienam colendo, vel quocumque casu, non studio perferutandi, in alienis locis thesaurum invenerit: id quod repperit fuerit, dimidia retenta, altera dimidia data, cum locorum Domino partiatur. Ita enim evenit, ut unusquisque suis fruatur, & non inibet alienis.*

SEPTIMUM DUBIUM. Utrum habens rem, qua multum juvatur, vel valde sibi utilem, & ad instantiam partis vendit

dit eam, possit eam vendere quantum est damnum, quod patitur ex carentia ejus: puta habet quis instrumentum, quo facit artem suam, & non potest haberi aliud usque ad magnum tempus: possit illud vendere instantanter postulanti, non quantum valet, sed quantum est sibi utile?

Respondeo secundum Thomam 2. 2. q. 77., quod sic, quantum est damnum, quod patitur ex carentia illius.

(24) Doctrina communis hæc est cum D. Thoma ibidem art. 1. scribente -- *Alio modo possumus loqui de emptione, & venditione secundum quod per accidens cedit in utilitatem unius, & detrimentum alterius: puta cum aliquis multum indiget habere rem aliquam, & alius laditur, si ea careat; & in tali casu justum pretium erit, ut non solum respiciatur ad rem, quæ venditur, sed ad damnum, quod venditor ex venditione incurrit. Et sic licite poterit aliquid vendi plus quam valeat secundum se, quamvis non vendatur plus, quam valeat habenti.*

Super hac re apposite subdit Cunitiati de septimo Decalogi præcepto, & singulatim de Contractibus cap. 8. §. 4. num. 9. -- Qui casus tunc verificatur, quando venditor vendit ob meras preces, & flagitationes volentis emere, alioquin non venditurus: quia si venditor ipse rem, quamvis necessariam sibi, proferat vendendam, tum nil amplius exigere poterit pro damno, quod patitur: quia non compellitur vendere a flagitante amico, sed a propria necessitate. Hæc ille. Ad rem pariter est annotatio, quæ legitur in ultima editione P. Antoine de Contractibus part. 2. cap. 5. q. 5. super hoc casu, aliisque consimilibus -- Cum ob prædictas causas plus exigitur, emptor de hoc monendus est; alioqui ei fieret injuria. Nam ipso ignorante, ideoque non consentiente, acciperetur pretii excessus pro aliquo merci extrinseco: cum tamen ipse solum consentiret in pretium mercis secundum se spectatæ, & forte rem non emeret, sed aliunde sibi provideret, si sciret pretium propositum esse majus, quam res secundum se valeat. Præterea deciperetur circa valorem rei absolutum, & alios postea decipere posset.

OCTAVUM DUBIUM. Utrum res possit vendi secundum quod utilis est ementi?

Respondeo, quod non. Concordat Scotus in 4. dist. 15. q. 2. Idem tenendum est de permutationibus, ut in isto dubio, & in præcedenti dictum est.

(25) Vide quæ superius adnotavi, ubi de quarto dubio. Docte admodum Scotus loco cit. de secundo articulo -- *Sed si emens magnum commodum consequatur ex illa re sibi vendita, vel permutata, non potest cavere vendi vel permutari: nam propter majus commodum ejus, quod consequitur,*

quitur, nec res mea est in se pretiosior, nec mihi melior. Et ideo non debet mihi majus pretium apportare.

Sexta conditio, quam mercantia debet habere, est, quod fiat sine mendacio, & perjurio: nam secundum Thomam, & Ricardum de Media-villa mortaliter peccat qui cum intentione decipiendi proximum mentitur: quia est mendacium perniciosum 22. quæst. 2. cap. *Primum*, &, si decipit, restituere tenetur. Si autem proximo nocere non intendit, sed se servare indemnem; secundum prædictos venialiter peccat mentiēdo: nisi hoc ex assiduitate fiat, quod secundum Hostiensē esset mortale, sicut ebrietas, ut patet 25. dist. 5. *Alias*. Jurare autem falsum scienter semper est mortale 22. quæst. 2. cap. *Homines*. Si autem jurat quod credit verum esse, & est falsum, secundum Ray. tit. *de juramento* venialiter peccat, si adhibeat diligentiam, quam debuit. Si vero ignorantia juris, vel facti, & hæc crassa fuerit, vel supina, est mortale 22. quæst. 5. cap. *Qui pejerat*.

(26) Caput *Primum* Augustini est in libro de mendacio, qui pro re nostra hæc habet -- *Tertium quod ita prodest alteri, ut obset alteri, quamvis non ad immunditiam obset corporalem... non est mentiendum tertio genere, quia nulli cum alterius injuria consulendum est.*

§. *Alias* reperitur in tertio capite laudatæ distinctionis, in quo hæc leguntur -- *Hinc etiam Augustinus ait: nullum peccatum est adeo veniale, quod non fiat criminale, dum placet. Alias autem ea demum significat, quæ semel commissa ad damnationem sufficiunt.*

Caput *Homines* & ipsum Augustini est. Verba ipsius accipe -- *Homines falsum jurant vel cum fallunt, vel cum falluntur. Aut enim putat homo verum esse quod falsum est, & temere jurat: aut scit, vel putat falsum esse, & tamen pro vero jurat, & nihilominus cum scelere jurat... Interest quemadmodum verbum procedat ex animo. Ream linguam non facit nisi mens rea.*

Caput demum *Qui pejerat*, quod alias habebat, *Qui perjurat*, est hujusmodi -- *Qui pejerat se in manu Episcopi, aut in cruce consecrata, tres annos pœniteat: si vero in cruce non consecrata, annum unum pœniteat. Qui autem coactus fuerit, & ignorans se pejeraverit, & postea cognoscit, tres quadragesimas pœniteat.*

Ignorantia juris laborat qui ignorat legem prohibentem, vel præcipientem. Laborat ignorantia facti qui exempli gratia ignorat esse Clericum,

ricum, quem percutit: vel mercator, qui nescit mercem, quam vendit, esse corruptam. Crassa est ignorantia, dum quis ex quodam torpore negligit inquisitionem veritatis: & tunc dicitur supina, quum quis variis dissentus negotiis omittit investigare id, quod scire tenetur. Adversus ignorantiam crassam egregie Augustinus cap. *Non omnis diss. 37. -- Non omnis ignorans immunis est a pœna. Ille enim ignorans potest excusari a pœna, qui, a quo discedet, non invenit --*. Conferat quoque quod scribit Apostolus prima ad Cor. 14. v. 38. -- *Si quis autem ignorat, ignorabitur*; hic enim de illis est, de quibus David Psalm. 35. v. 4. -- *Noluit intelligere ut bene ageret*.

Argumentum hoc fuse profequitur S. Bernardinus ibi serm. 33. art. 2. cap. 7., & adversus hujusmodi mercatores merito clamat -- *Magna nempe juris abusus est nescire vendere minutam cujuslibet vilis mercis absque multiplicibus juramentis, immo & perjuriis multis. Ajunt enim frequentius: per fidem meam tantum. consilium mihi: per Deum tantum de hoc habere potui: ita Deus salvet animam meam sicut veritatem dico: per corpus Christi tantundem huic consimile venditum est: & consimilia perjuria multa, quæ ideo ab aliquibus frequentantur, quia, sicut Propheta ait, Non est timor Dei ante oculos eorum. O insana rabies mundana cupiditatis! absque aliquo luctu, quod sæpe contingit, toties nequiter peccare --*. Hoc profecto nihil aliud est, quam more Judæ Christum vendere pro pecunia, ut scriptum legimus et. quæst. 3. cap. *Abiit Judas*.

Pro compescendis mercatoribus mentiri, & peccare solitis, scribit Natalis Alexander in sua Theologia dogmatica & morali lib. 3. art. 6. Regula prima -- *Differenda est absolutio Sacramentalis mercatoribus, qui mendaciis & perjuriis assueverunt, nec aliter vendere, & emere se posse ajunt, donec pravum habitum emendaverint*. Hi namque in occasione continua, & affectu lethalis peccati versantur. Quamvis enim mendacium veniale sit, cum grave damnum proximo non inferat; lethale tamen est semper, cum ad proximum in negotio graviter circumveniendum, ac fallendum adhibetur, aut perjurio confirmatur. Unde Ecclesiastici 20. -- *Potior sur, quam assiduitas viri mendacis: perditionem autem ambo hereditabunt --*. In mercatoribus sane plerisque impleri videmus, quod Apocal. 13. prædictum est -- *Ne quis possit emere aut vendere, nisi qui habes characterem aut nomen bestia, aut numerum nominis ejus --*. Bestia, Diabolus est, character illius, mendacium -- cum loquitur mendacium, ex propriis loquitur: quia mendax est, & pater ejus -- (inquit Christus Joan. 8.) Absque isto character se emere, aut vendere non posse, mercatores plerique profitentur: nec attendunt ad illud oraculum Apocal. 14. -- *Si quis adoraverit bestiam, & imaginem ejus, & acceperit characterem in fronte sua, aut in manu sua, & hic bibet de vino ira Dei, & cruciabitur igne, & sulphure in conspectu Angelorum sanctorum, & ante conspectum Agni, & sumus tormentorum eorum ascendet in secula seculorum --*. Hæc ille.

Septima est, quod fiat sine fraude, quæ committitur multipliciter a multis.

Primo conventionem faciunt inter se, ut nullus vendat de tali mercantia, nisi tales, vel omnes uno pretio, ut amplius possint injuste lucrari: & tales Monopoli nuncupantur. Nota quæ est differentia inter Monopolon neutri, & Monopdum masculini generis. Monopolon est mercatio, quam aliqui exercent soli ex conditione, & impetrant, quod ipsi soli emere possint, vendere, vel distribuere. Et dicitur a Monos, quod est unus, & Polum, quod est venditor, quasi unus venditor: vel Polis, quod est Civitas, quasi unus vendens in Civitate. Monopdus masculini generis est ille, qui impetrat, quod liceat sibi soli vendere certas merces, & habet penultimam longam. Hæc enim qui exercent perpetuo exilio condemnantur, bonis propriis expoliati *C. de Monopoliis* L. unica.

(27) Eadem habet S. Bernardinus loco nuper laudato. En legem hlc indicatam -- *Si quis autem Monopolium ausus fuerit exercere, bonis propriis exspoliatus, perpetuitate damnetur exilii* --. Vocabulum Monopolium alii repetunt a Monos, & poleo, quod significat vendere, quasi uno modo facienda venditio, sicuti Binopolium: dicitur a binopolis, & binopola; quasi bino modo emptio facienda. Ita Sylvester in Summa, aliique apud Lucium Ferraris ver. *Monopolium*.

Nota hæc Authoris verba -- *Conventionem faciunt inter se* --. Ex quibus infer Monopolium quidem esse, & vetitum, si conventio fiat a mercatoribus, vel ab aliis hominibus privatæ auctoritatis, non autem si fiat auctoritate publica, & Principis. Princeps certe constituere potest pretia quarumdam mercium, immo quandoque bonum commune id postulat. Potest pariter alicui privilegium concedere, vi cuius ipse solus, cæteris exclusis, vendere possit merces quasdam determinatas, sicuti sæpenumero fit cum Typographis, Bibliopolis, & Inventoribus artium, quæ utiles sunt Reipublicæ, ut ipsorum alacritas, & industria promoveatur. Verum quidem est, quod huiusmodi privilegia iusta esse debent, & bono publico consentanea. Sed iustas harumce concessionum causas expendere ad Principem attinet, non ad homines privatos. Monopolium igitur vetitum erit illud unum, in quo privata auctoritate plures conveniunt de quibus-

dam

dam mercibus emendis, aut vendendis tali determinato pretio, tali dumtaxat determinato loco, & tempore in præjudicium Reipublicæ. Adversus mercatores ita operantes merito insurgit S. Raymundus de Peñafort lib. 2. de usuris, & pignor. §. 9. scribens -- *Illos credo tanquam nefandas belluas detestandos, qui ea intentione emunt aureos, vel alias monetas, vel res venales, & præcipue victualia, ut de talibus carissimam inducant.*

Inquirunt Theologi: an mercatores licite convenire possint de vendendis quibusdam mercibus pretio summo, & de aliis emendis pretio infimo. Et quoniam nec primum est ultra, nec secundum infra confinia iusti pretii, placet quibusdam adferere conventionem hanc illicitam quidem esse, & vitatam, non tamen injustam, & debitum restitutionis inferentem. Sed quum dubio procul, perversa hac conventionem semota, plures venderent pretio medio, & etiam infimo, plures item emerent pretio medio, & quandoque summo: hinc reor præsatum pactum iustitiam lædere, & debitum restitutionis inferre. Faciant ipsi ex adverso. Conveniant, si placet, de vendendis mercibus pretio infimo, & de aliis emendis pretio summo. Et hæc pretia intra confinia iusti pretii continentur. Nulla tunc amplius erit inter Theologos disputatio, sed omnes uno ore, unoque consilio eisdem miris laudibus excipient: quia ipsorum conventio sancta erit, evangelica, maximam pauperibus afferet utilitatem. Sed dum enormis lucri cupidine illecti secus operantur, jure Theologi eos reprehendunt, condemnantque: quia tamen si jus habeant vendendi merces pretio summo, & alias emendi pretio infimo, omni jure tamen carent ineundi conspirationem non evangelicam, iniquam immo, & in damnum Reipublicæ.

Secundo admixtione: ut caupones, qui aquam ponunt in vino, quæ admixtiones, si virtutem rerum mutant, vel imminuant notabiliter, & sint contra communes usus, & intentiones ementium, non possunt fieri sine peccato, etiam si pretium iustum non excedant. Immo credo in frequentatione talium esse mortale. Si tamen virtutis imminutio modica sit, & pretium iustum, credo quod peccatum veniale erit.

(28) Contra tales dicitur Isaïæ 1. v. 22. -- *Argentum tuum versum est in scoriæ, (scilicet permixtione stanni, aut plumbi) vinum tuum mixtum est aqua* --. Alia litera habet ibi -- *Caupones tui, & tabernarii tui miscunt vinum aqua: propterea paulo post subdit -- & coquam scoriæ tuam, & auferam omne stannum* --. Hæc S. Bernardinus loco supracit. in fine.

Super hac re propositionem habemus a Facultate Parisiensi proscriptam
anno

anno 1665. , quæ erat hujusmodi -- *Licetum est tabernariis vinum aqua miscere, & agricolis triticum paleis, & communi pretio vendere, dummodo deteriora non reddantur eis, quibus communiter venduntur.*

Alicui forte videbitur paullo severior hæc Authoris opinio : quod nempe mortaliter peccet frequentans memoratas admixtiones, tamen si pretium injustum non extorqueat. Hoc idem tamen docuit Cuniati de *Contractibus* cap. 8. §. 6. num. 2. scribens -- Unde quando admixtio alterius rei tanta non est, quæ substantiam non corrumpat, puta aquæ vino admixtæ, farinæ siliginis triticeæ commixtæ &c., quæ speciem vini, & tritici non transmutet; contractus quidem validus est : at venditor tenetur imminuere de pretio pro rata mixtæ mercis, & item reparare damna, si quæ ex deceptione oriantur : & peccat graviter ita decipiendo --. Hæc ille. Rationem esse puto, quia violat justitiam legalem, & peccat adversus Rempubicam, quæ hujusmodi mixtiones odit. Non inficior tamen plures dari posse casus, in quibus id fieri potest licite, dummodo non fiat contra intentionem ementium, & nullum illis damnum inferat. Hos vide apud Lucium Ferraris ver. *Emptio* num. 25., & seq.

Tertio occultatione: utputa defectum occultando. Ad cujus declarationem

Quæritur. Utrum sine culpa mortali possit vendi res, quæ maculam habet notam vendenti; minime vero ementi, nisi ei propaleatur?

Respondendo secundum Scotum in 4. dist. 15. quæst. 2., & Thomam 2. 2. quæst. 77., quod circa rem vendendam triplex potest considerari defectus. Primo secundum speciem suam, sive substantiam: Secundo secundum quantitatem. Tertio secundum qualitatem. Secundum substantiam, ut dando unam rem pro alia. Secundum quantitatem, ut scilicet utendo scienter pondere vel mensura diminutis. Secundum qualitatem, puta vendendo animal infirmum pro sano. In his ergo tribus casibus peccat mortaliter venditor, nisi manifestet, si scienter hoc facit, & tenetur ad restitutionem non solum fraudis, sed totius damni, quod emens incurrit cap. *Si culpa* Extra de injuriis, & damno dato.

(29) In cap. *Si culpa* hæc habentur -- *Qui occasionem damni dat, damnum videtur dedisse --.* Jure igitur sancitum est L. *In venditionibus* ff. de

*ff. de contrahenda emptione -- In venditionibus & emptionibus consensum debere intercedere palam est . . . Si igitur ego me fundum emere putarem Cornelianum, tu mihi te vendere Sempronianum putasti, quia in corpore dissensus, emptio nulla est -- & L. Labeo §. proinde ff. de adilitio edito -- Proinde si quid tale fuerit vitii, sive morbi, quod usum ministeriumque hominis impediat, id dabit redhibitioni locum -- (Redhibitio est emptio-
nis resolutio ff. de acquirenda vel omittenda possessione L. Pomponius §. praterea.) Jure pariter clamat D. Ambrosius lib. 3. de offic. cap. 10. -- In contractibus vitia eorum, quae veniunt, prodi jubentur, ac, nisi intima-
veris venditor, quamvis in jus emptoris transcripserit, doli actione vacuantur.*

Ex his Authoris verbis -- *si scienter hoc facit -- cave, ne inferas venditorem memoratos defectus ignorantem nec peccare, nec teneri ad restitutionem statim atque defectus deteguntur. Primum verum est, falsum secundum: Theologi enim communiter id docent cum D. Thoma loco laud. art. 2. scribente -- Si vero eo ignorante aliquis praedictorum defectuum in re vendita fuerit, venditor quidem non peccat, quia facit injus-
tum materialiter: nec ejus operatio est injusta, ut ex supradictis patet; tenetur tamen cum ad ejus notitiam pervenit, damnum recompensare emptori.*

Ad declinandam restitutionis obligationem verbis dolosis saepenumero utuntur vendentes. Sed audiant hi S. Bernardinum loco nuper laudato eos improbantem -- *Merito quari potest, an peccent hi, qui, vendendo equos, consueverunt dicere ipsi emptori: ego vendo hunc equum pro umbraso, pro strumoso, pro infirmo, & sic de consimilibus defectibus, qui solent esse in equis. Modo equus suus venalis habet unum de defectibus illis, quem si vere sciret emptor, non daret illius pretii medietatem: numquid talis venditor excusatur, eo quod in genere dixit defectum equi? Dicendum quod talis venditor tenetur ei talem defectum dicere in particulari: quia alias rem maculatam vendit cum detrimento proximi sui, quod quidem contra charitatem est. Et licet venditor expresserit talem defectum in genere, non sufficit tamen: quia sic dicendo dicit plura mendacia, quod equus habebat multos defectus, quos tamen non habebat. Proinde talis consuetudo in fraudem fieri solet: ne scilicet emptores credant defectum esse in equo de his, qui a venditore denominantur. Idem quoque de illis mercatoribus dicendum est, qui vendunt pannos, vel alias res, in quibus defectus est talis, quoad, si emptor sciret, non emeret eas. Ideo sales venditores non excusantur in tali casu dicendo: respice rem diligenter: oculus tuus pascit te: quia haec omnia fraudulenta sunt verba, quum ipse sciens certitudinaliter defectum vendenda rei. Ex hujusmodi enim emptionibus saepe contingit, & incurrit grande periculum ipse emptor: tamen gravius periculum imminet venditori, quum is in anima falsitatis crimine maculetur, & ad omne damnum restituendum, quod exinde incurrit emptor, venditor obligatur. Haec ille.*

C

Adver

Adversus eos, qui scienter utantur pondere vel mensura diminutis, scriptum est Deuter. 25. v. 13. & seq. — *Non habebis in sacculo aversea pondera, majus & minus: nec erit in domo tua modius major & minor: Pondus habebis justum, & verum, & modius aequalis, & verus erit tibi: ut multo vitas tempore super terram, quam Dominus Deus tuus dederit tibi: abominatur enim Dominus Deus tuus eum, qui facit hæc, & avertat omnem injustitiam* — Et Psalm. 61. v. 10. — *Mendaces filii hominum in flateris, ut decipiant ipsi de veritate in idipsum* — Ad quæ verba S. Augustinus ait — *Decipere vultis, fraudem vultis suere, quid afferis ne decipiaris? Stateras dolosas. Falso examine fallitis intrinsecus: nescitis alium esse qui appendit, alium, qui de pondere judicat? Non videt, cui tua appendis, sed videt, qui te, & ipsum appendit* — Merito igitur cap. Ut mensura Exera de emptione & venditione constitutum est — *Si quis iustas mensuras, & iusta pondera causa lueri mutare præsumperit, triginta dies in pane & aqua paniteat* —: facta, ut supponitur restitutione, quæ ante omnia debet fieri: quia cap. Si res, quod est Augustini, 14. quæst. 6. — *Si res aliena, propter quam peccatum est, eum reddi possit, non redditur, non agitur penitentia, sed fingitur. Si autem veraciter agitur, non remittitur peccatum, nisi restituatur ablatum*.

Similiter si emens videt minus pretium taxari, quia ille, qui vendit, credit unam substantiam aliam, quantitatem, vel qualitatem, injuste emit, & justum pretium satisfacere tenetur.

(30) Et hæc est doctrina communis, quia vendentis & ementis par debet esse conditio. Et ideo subdit præcitato loco D. Thomas — *Et quod dictum est de venditore, etiam intelligendum est ex parte emptoris. Contingit enim quandoque venditorem credere suam rem esse minus pretiosam quantum ad speciem, sicut si aliquis vendat aurum loco aurichalchi, emptor, si id cognoscat, injuste emit, & ad restitutionem tenetur*.

Quod nuper dixi de venditore ignorante, idem dictum volo de emptore bonæ fidei, qui postmodum detegit rem emptam ut corruptam revera esse sanam, prædium emptum ut hypothecatum revera esse liberum, gemmam emptam pro vitro revera esse gemmam, & hujusmodi. Is sane emendo non peccavit, sed re detecta tenetur id manifestare venditori ignoranti, & pretium augere juxta valorem mercium.

Nonnulli, quos respicit, sed omnino non sequitur S. Bernardinus loco cit. cap. 8., secus opinati sunt pro hisce casibus, in quibus tum vendens tum emens ignorant rem venditam & emptam pretiosam esse, non vilem, puta aurum vitrum, sed lapidem esse pretiosum. En verba S. Bernardini — *Pone, quod quidam simplex habet lapidem pretiosum, quem vi-*

trum

trum esse credit; lapidarius vero cognoscens eum emis illum pro vili pretio; quid juris? Dicendum, quod illicitum est: quia scienter decipit proximum suum, qui de illo confusus est; unde & justum pretium restituere obligatur. Secus autem si ille qui emit, crederet etiam vitrum esse, quia tunc secundum quosdam restituere non tenetur, eo quod per emptionem bona fide factam lapidem acquisivit. Sed consulendum est ei, quod de lapidis lucro provideat venditori plus vel minus secundum indigentiam suam.

Super venditore ignorante, qui vitio cognito tenetur vel rescindere contractum, vel rescarcire pretii inæqualitatem, placet adicere quod adnotat Antoine de Contractibus part. 2. cap. 5. q. 15. -- Non tenetur tamen compensare alia damna inde sequuta, modo absit culpa lata vel levis: quia non est causa injusta illorum, cum ignorantia invincibilis eum excuset, sed se habet ut possessor bonæ fidei; & aliunde tenetur ex contractu de sola culpa lata vel levi. -- Hæc ille.

Si vero hæc quatuor concurrant: primum quod nullum periculum imminet ementi: secundum quod justum pretium non excedatur: tertium quod emptor censeatur industrius: quartum quod res ei pro libito examinanda detur: tunc manifestare non tenetur, cum solum teneat celatos defectus, ut habeat justum pretium.

(31) Doctrina pariter communis hæc est. Alioqui mercatores negotiationi valedicere deberent, si quælibet mercium viria semper deberent non interrogantibus aperire; nec stare possent commercia, sine quibus Respublica nequit subsistere. Mercatores enim omnis generis & qualitatis merces emere coguntur: emptas non possunt semper conservare ut vellent: & ipsi sæpe decipiuntur, dum merces aliunde accerfunt. Si igitur nonnisi merces indefectuosas vendere cogerentur, funditus a fortuna caderent: quia vel emptores ab emendo deterrerentur, vel pretium justo minus offerrent.

Adde tamen -- *dummodo venditor non interrogetur* --: Quoniam venditor interrogatus de vitio occulto, etiam non reddente rem noxiam, nec notabiliter minus utilem quam emptor rationabiliter exoptat, tenetur illud manifestare: & id fraudulenter negans, aut dolosa æquivocatione celans, inique operatur, & tenetur de omni damno: quia cap. Ex tenore Extra de rescriptis -- *quia fraus, & dolus alicui patrocinari non debent* --, & L. Julianus ff. de actionibus empti & venditi -- *Si vero sciens reticuit, & emptorem decipit, omnia detrimenta, quæ ex ea emptione emptor traxerit, præstaturum ei.*

Adde etiam cum Antoine ibidem -- Si tamen venditor probabiliter iudicat emptorem rem eam esse revenditurum tanto pretio, quanto si ca-

reret defectu, seu vitio, tenetur ei aperire defectum saltem post contractum. Quia hoc ipso quod rem suam exponit venalem cum occulto vitio, tenetur ex officii sui lege cavere ex parte sua, ne quis inde aliquid damnum patiatur; & alias daret occasionem damni aliis inferendi -- Hæc ille.

Si postmodum sermo sit de vitiis manifestis, id dicatur quod a Natali Alexandro lib. 3. art. 5. Regula 14. constitutum est -- Vitium rei venalis manifestum non semper tenetur venditor emptori aperire, modo propter illud subtrahat de pretio quantum oportet. Hanc regulam tradit S. Thomas 2. 2. q. 77. art. 3. -- *Si vitium, inquit, sit manifestum, puta cum equus est monoculus, vel cum usus rei etsi non competat venditori, potest tamen esse conveniens aliis, & si ipse propter huiusmodi vitium subtrahat quantum oportet de pretio, non tenetur ad manifestandum vitium rei, quia forte propter huiusmodi vitium emptor vellet plus subtrahi de pretio, quam esset subtrahendum. Unde potest licite venditor indemnitati sue consulere, vitium rei reticendo.*

Si tamen subdit aliqua fraus, verbi gratia si vitium rei venalis etsi manifestum, non ita facile ab emptore deprehendi possit: vel si emptor se rem vitiatam emere nolle sit contestatus: aut venditor interrogatus de rei venalis vitio, illud vel tacuerit, vel negaverit, vel eam quasi vitio carentem etiam non interrogatus laudaverit, aut inter res integras, omnique vitii expertes venalem exposuerit; tenetur ad emptoris arbitrium contractum rescindere, si res vendita tunc temporis integra maneat -- Hactenus Natalis.

Quod nulla fraus fiat in quantitate satis ex dictis patet. Est etiam alia fraus, quæ fit in diminutione monetæ. De qua est sciendum secundum Thomam, quod si quis emisset summam grossorum, in qua aliqui sunt amplioris ponderis, aliqui minoris, expenderetque pro suo pretio minores, & vellet alios minuere, non liceret. Si vero minores essent iusti ponderis, tunc amovere liceret illud, in quo alii excedunt. Patet igitur, quæ sint circumstantiæ negotiationis, ut hæc sit licita.

(32) Grossus erat quædam moneta argentea, cuius etiam meminit S. Bernardinus ibidem cap. 9. hunc eundem casum proponens. Dum Author eos dicit minoris ponderis, intellige ponderis minoris iusto, seu deficientes a iusto pondere. Jure igitur in primo casu concludit non licere; quia, ut subdit S. Bernardinus *ementes peiores injuste damnificantur*, cum in his debitum pondus non habeatur: licere autem dixit in secundo casu, quia monetæ expendendo iusti ponderis nulli nocet, & jure

jure suo quis utitur ad justum pondus reducendo graviore justo. Fac nihilominus, quod, qui in primo casu monetas expendit minores justo, ære proprio damnum compenset alteri illatum; tunc non dubitarem adferre eundem illæsa conscientia posse, sicut ille, de quo in secundo casu, ad justum pondus reducere graviore justo, quia eo in casu nulli amplius esset injurius.

Hæc inspecto solo pondere monetæ. Cæterum quum jus cudendi monetas solius Principis sit suprema Auctoritate gaudentis, sicuti scriptum est lib. 2. Feudorum tit. 56. *quæ sint Regalia*, & fuse probat Baldus Consil. 494. lib. 1., & Consil. 372. lib. 3. ante medium: licite non potest privatus vir eas radere, & imminuere L. *Quicumque ff. de lege Cornelia de falsis* -- *Quicumque nummos aureos partim raserit, partim tinxerit, vel finxerit, si quidem liberi sunt, ad bestias damnari, si servi, summo supplicio affici debent* --. Facit etiam L. 2. C. de falsa moneta -- *Si quis nummos falsa fusione formaverit, universas ejus facultates Fiseo nostro præcipimus addici. In monetis enim tantummodo nostris cudenda pecunia studium frequentari volumus. Cujus obnoxii, majestatis crimen committunt; Et præmio accusatoribus proposito, quicumque solidorum adulter poterit reperiri, vel a quocumque fuerit publicatus, illico omni dilatione summo, flammæ exustionibus mancipetur.*

Addo etiam alias circumstantias mercantiæ, quæ animæ mercatoris ad salutem valde necessariæ sunt: scilicet quod tuæ non sint deteriores mercibus aliorum; & non tantum intendas mercantiæ quod ea, quæ sunt necessaria, omittas: quas circumstantias omittere volebam, quia omnibus christianis hæc esse imperata certum est.

(33) *Quid enim proderit homini, si lucretur mundum totum, Et detrimentum anime suæ faciat!* Marci 8. v. 36. -- *Quid enim proficit homo, si lucretur universum mundum, se autem ipsum perdat, Et detrimentum sui faciat!* Lucæ 9. v. 25. -- *Hoc itaque dico fratres: tempus breve est: reliquum est, ut & qui habent uxores tanquam non habentes sint.... Et qui emunt tanquam non possidentes, Et qui utantur hoc mundo tanquam non utantur:* Prima ad Cor. 6. v. 29. & seq. -- *Veruntamen querite primum regnum Dei Et justitiam ejus:* Luc. 12. v. 31. -- *Non omnis qui dicit mihi Domine, Domine, intrabit in regnum Cælorum, sed qui facit voluntatem Patris mei, qui in Cælis est, ipse intrabit in regnum Cælorum:* Matth. 7. v. 21. -- *Ergo, dum tempus habemus, operemur bonum ad omnes, maxime autem ad domesticos fidei:* Ad Gal. 6. v. 10. -- *Inque Charissimi mei.... cum metu Et tremore vestram salutem operamini:* Ad Philipp. 2. v. 12. *Si autem vis ad vitam ingredi, serva mandata:* Matth. 19. v. 17. --

Quapropter Fratres magis satagite, ut per bona opera certam vestram vocationem & electionem faciatis: Secunda Petri 1. v. 10.

Circumstantias omnes, quæ necessariæ sunt, ut negotiatio sit licita, breviter complectitur Alesanus Ordinis Minorum ex hac eadem Urbe Aitenſi, in qua scribo, in sua Summa de casibus conscientiæ, quam jam absolverat anno 1317., ut constat ex ipsius epistola ad Joannem Cajetanum Urſinum Cardinalem S. Theodori eidem præfixa, lib. 3. tit. 8. de decimo, scribens -- Licita autem negotiatio est, cum exercetur a persona congrua, ut Laici: & causa necessaria vel pia, ut scilicet possit familiæ suæ in necessariis providere, vel opera misericordiæ exercere: & modo licito, scilicet sine perjurio, & mendacio: & tempore competenti, ut in die non festo: & in loco concessio, & tali exercitio apto: & iusta æstimatione rei, & commercii, prout communiter venditur in illo loco, in quo negotiari contingit. Et secundum hoc dicit Canon ex Epistola Clementis, quod negotia mundana, & opera sæcularia sibi invicem exhibeant vacantes Laici. Sic ergo dicendum est, quod negotiatio sive mercatio, si sit præmissis circumstantiis vestita, est licita, & etiam a jure naturali approbata. Cum enim sit unus Princeps omnium, ut sacra scriptura & Sancti testantur, quod etiam non latuit Gentiles, ut dicit Philosophus 12. Metaph. *Unus ergo est Princeps*: constat, quod omnes homines secundum rectum dictamen naturæ debent sibi invicem in suis necessitatibus subvenire, in quantum vivunt sub uno Principe: ille autem Princeps est Deus -- Hactenus Alesanus, quem Trithemius de Scriptor. Ecclesiast. vocat virum ingenio profundum, consilio cautum, sententia certum, sermone compositum. Summa ipsius in octo libros, & in duo ingentia volumina distributa, primo typis commissa fuit Venetiis anno 1480. procurante Patre Bartholomeo Bellato, secundo autem Romæ ann. 1728. & 1730. a Hieronymo Mainardi, studio, atque industria Patris Joannis Baptistæ Lamberti ejusdem cum Authore Religionis, & Patriæ -- In hac lucubratione prior Editio citatur, non posterior, quæ nondum ad manus meas pervenerat.



SECUNDUS ARTICULUS est de temporis licita, vel illicita venditione.

Pro cuius fundamento est sciendum secundum Girardum Obdonis, quod tempus dupliciter considerari potest. Primo, ut est quædam duratio, quæ consequitur primum motum: & hoc modo tempus est quid commune omnium, & non potest vendi, quia 1. 2. quæst. 2. cap. *Qui manumittitur* dicitur -- *Quod commune est, non est particulariter singulorum* --. Secundo, ut est quædam duratio applicabilis alicui rei, quæ duratio est alicui concessa ad ejus opera exercenda: & hoc modo tempus est proprium alicujus, & licet vendi.

(1) **T**empus definitur ab Aristotele lib. 4. *Physic. Numerus motus secundum prius & posterius*, nempe quantitas continua certo numero partium circumscripta per se apta mensurare motum, seu durationem, quantum partes habet sibi mutuo succedentes. Definitur a Tullio lib. 1. de *Inventione* -- *Tempus autem est id, quo nunc utimur (nam ipsum quidem generaliter definire difficile est), pars quædam æternitatis cum alicujus anni, mensuræ, diurni, nocturnive spatii certa significatione*.

Do exemplum illius, qui venderet tempus primo modo acceptum: puta si quis paratus, & volens merces vendere hic & nunc, ob solam dilationem solutionis, quam emptor postulat, vellet, & exigeret aliquid ultra justum pretium; hic enim in isto casu venderet tempus non proprium, sed emptori commune, & propter solum tempus non suum aliquid exigeret ultra sortem. Concedere terminum, seu dilationem solutionis emptoribus, & præferri indigentibus, opus est pium, justum, & meritum, ut perbelle ostendit S. Bernardinus ibidem serm. 34. art. 1. sub initio. Is enim quodammodo plura exercet opera misericordiæ: quia, ut scribit idem Sanctus, *vestit nudos, alit famelicos, potat sitibundos, visitat ægros, suscipit vagos, educit incarceratos, & juvenes, & puellas sæpe sustinet ruituras* --. Verum propter concessionem termini aliquid exigere supra justum pretium, idem est ac egenos opprimere, & legi illi naturæ adversatur, quam Christus Dominus dilucidavit Lucæ 6. v. 31. inquit -- *Et prout vultis, ut faciant vobis homines, & vos*

facite illis similiter -- : & a qua Jus Canonicum exordium duxit suum, ita incipiens Distinctionem primam -- Humanum genus duobus regitur, naturali videlicet jure, & moribus. Jus naturale est, quod in lege & Evangelio continetur, quo quisque jubetur alii facere quod sibi vult fieri, & prohibetur alii inferre quod sibi nolit fieri. Unde Christus in Evangelio: omnia quaecumque vultis, ut faciant vobis homines, & vos eadem facite illis. Hæc est enim Lex, & Propheta.

Do nunc exemplum illius, qui venderet tempus secundo modo acceptum: puta si ipse tenerer tibi solvere certam pecuniæ quantitatem post tres circiter annos, & te impellente eandem tibi solverem post tres menses & non amplius. In hoc casu cederem tibi tempus non commune, non tuum, sed duntaxat meum, mihi soli applicatum, & concessum; de quo scribit S. Bernardinus ibidem, sic concludens caput primum articuli nuper memorati -- *Sed quia anterioratio hæc pretio aestimabilis est, ideo licite vendi potest.* Id tamen nolo habeas tanquam regulam generalem, semperque firmam: quoniam complures contingere possunt casus, in quibus venditio temporis sic accepti merito condemnatur, ut inferius patebit. Regula potius generalis videtur super hac re, quod licite vendi potest tempus, quando proprium est vendentis, non vero quando est potius ementis, vel utrique commune. Sed & hæc suis est exceptionibus obnoxia.

Ad cujus declarationem quærentur septem dubia.

PRIMUM DUBIUM. Utrum ille, qui debet Joanni hinc ad tres annos solvere centum, & quia solvit nunc in præsentī, propter præmaturam solutionem solum solvit octoginta quinque, sit usurarius? Exemplum. Testator reliquit centum hinc ad decem annos solvendos per hæredem: num propter præmaturam solutionem possit aliquid detrahere, si de ipsis erat lucraturus?

Respondeo, quod, si erat lucraturus de ipsa pecunia, & ad instantiam Joannis in præsentī solvit, poterit tantum diminuerē quantum verisimiliter est interesse suum. Alias, si non erat de ipsis lucraturus, aliquid diminuerē propter præmaturam solutionem usura erit. Et cum dicitur, quod plus solvere videtur, qui ante tempus solvit Institut. *de actionibus* §. *Si quis agens..... Plus*, dicendum quod verum est in coacte solvente, quia tollitur ei facultas retinendi rem tempore concesso,

cesso, & sic intelligitur ille §.; sed in sponte solvente est usura Cap. *Naviganti* Extra *De usuris*: nisi, ut dictum est, aliquod justum interesse prætereundum possit propter præmaturam solutionem. Fallit hoc in mutuo gratis dato: quia, si dedi tibi mutuo centum usque ad annum, & rogo te, ut nunc mihi reddas, cum iisdem indigeam, non poteris aliquid diminuerere propter præmaturam solutionem. Credo etiam, quod idem dicendum sit in commodato.

(2) En quod habet Paragraphus hic citatus -- *Plus autem quatuor modis petitur: re, tempore, loco, & causa. Re: veluti si quis pro decem aureis, qui ei debebantur, viginti petierit: aut si is, ejus ex parte res est, totam eam vel majorem partem suam esse intenderit. Tempore: veluti si quis ante diem, vel ante conditionem petierit. Qua enim ratione qui tardius solvit, quam solvere deberet, minus solvere intelligitur, eadem ratione qui præmature petit, plus petere videtur. Loco plus petitur...*

Huic Authoris doctrinæ primo intuitu contradicere videtur quod habet D. Thomas in Opusculo 67., sed rem aliter se habere probat Joannes Pontas ver. *Usura*, casu septimo, mentem S. Doctoris exponens hisce verbis -- S. Thomas scribens ad Jacobum de Viterbe eos omnes generatim usuræ condemnat, qui debitum suis ante satisfaciunt, quam solutionis tempus advenerit, ut sibi a suis creditoribus de debito pars aliqua remittatur: quoniam proprie loquendo in eo occurrit quædam quasi venditio anticipatæ solutionis, quæ nihil aliud est quam mutuum saltem implicitum. Ille, qui ad certum terminum debet, ait laudatus S. Doctor, si ante terminum solvit, ut ei de debito aliquid dimittatur, usuram committere videtur: quia manifeste tempus solutionis vendit. Unde ad restitutionem tenetur --. Quibus præterea sic addit --. *Nec excusatur per hoc, quod, solvendo ante terminum, gravatur, vel quod ab alio inducitur: quia eadem ratione possent usurarii omnes excusari* --. Ex quibus concludimus ex conscientia obligari ad quinque nummos, qui sibi condonati fuerunt, Publio restituendos (proposuerat casum de Liminio debente centum nummos Publio, & solvente duntaxat 95. propter anticipatam solutionem ad instantiam Publici): si nihil ipsi ex ista anticipatione solutionis accedat detrimenti: nec gratiam istam receperit, nisi propter anticipatam ab eo solutionem: siquidem eo animo solutioni in antecessum satisfaciens vendat reipsa tempus, & mutuum saltem implicitum Publio credat cum intentione lucrum ex mutuo sibi querendi. In eoque sensu sunt intelligenda verba S. Thomæ, quæ jam jam retulimus, juxta interpretationem, quam S. Antoninus habet ad prædicta verba (secunda parte Sum-

mæ Theolog. tit. 1. cap. 8. §. 13.) cum ait -- *aut debitor ex tali anticipatione solutionis nec damnum incurrit, nec negotiari cum illis est paratus, nec super hæc cogitat, sed solum, quia prævenit tempus, vult sibi illa quinque remitti, tunc est usura: & ratio est, quia venditur tempus, & mutuum est ibi implicitum cum lucro intento, & in hoc casu loquitur B. Thomas* --. Fateamur equidem, si Liminio tantum damnum emergeret ex ista solutionis anticipatione, quantum inducitur Publio ex jactura, quam patitur, quinque nummorum pro centum, qui ei debentur, futurum ut nihil iniqui committeret, neque se se peccato usuræ constringeret: quum ejusmodi lucrum non perciperet ratione anticipatæ solutionis, sed eo duntaxat animo, ut compensaret damnum, quod pateretur ex hujusmodi solutionis anticipatione Quod ita docetur a S. Antonino, quando prosequitur verbis istis -- *Quod si illa quinque retinet debitor, quia tantundem est damnum, quod ipse inde recipit ex anticipatione solutionis, tunc non est usura: quia nullum ex hoc lucrum consequitur, sed solum conservat se indemnem* --. Quæ quidem cum doctrina S. Thomæ plane concordant (2. 2. q. 78. art. 2. ad 1.) qui sic docet -- *Hoc enim non est vendere usum pecuniæ, sed damnum vitare* -- Hæcenus Pontas. Eodem prorsus modo S. Doctorem intelligit & exponit Franciscus Gennettus tom. 1. suæ Theologiæ moralis Tract. 3. cap. 6. q. 2.

Subdit Author hoc fallere in mutuatore gratis, & in commodante; & quidem jure optimo. Verum quidem est gratis mutuum dantem, & commodantem non posse ante tempus concessum revocare mutuum, & commodatum, & revocantes teneri de damno tum mutuatario, tum commodatario ff. Commodati L. In commodato §. Sicut -- *Sicut autem voluntatis & officii magis quam necessitatis est commodare, ita modum commodati finemque præscribere, ejus est, qui beneficium tribuit. Cum autem id fecit, idest postquam commodavit, tunc finem præscribere, & retroagere, atque intempestive usum commodatæ rei auferre, non officium tantum impedit, sed & suscepta obligatio inter dandum accipiendumque: geritur enim negotium invicem, & ideo invicem propositæ sunt actiones.... adjuvari quippe nos, non decipi, beneficio oportet* --. Cui concinit quod legimus de commodato Extra cap. unico -- *Contra eum quoque recte commodati non apitur, nisi post usum expletum, cujus gratia res fuerat commodata; cum non decipi beneficio nos oporteat, sed juvari* --. At semel atque inopinate contingit, ut ipse mutuum dans aut commodans æquale damnum patiatur, nisi rem gratis mutuo datam, aut commodatam mox repetat, non censetur pro tali eventu & casu se obligare voluisse: quia quisque præsumendus est ex re sua magis sibi consulere velle, quam alteri. Ita Author ipse in Angelica ver. *Usura primo* num. 63. in fine, ver. *Commodatum* num. 4., Ferraris ver. *Commodatum* num. 32., Sylvestre cod. ver. q. 4., aliique.

SECUN-

SECUNDUM DUBIUM. Habet quidam recipere centum ab aliquo in certo termino, five pro locatione molendini, five propter aliud; Venit tertius, & emit ipsa jura pro pretio nonaginta quia nunc solvit: nunquid emptor talis committit uluram?

Respondeo, quod, si iste emit tantum minus quantum est verisimile interesse suum: aut quantum vere est æstimandum, five timendum, ne ille debitor solvat: aut quantum est futurus labor rehabendi, non est usura. Si vero vult solum minuere pretium propter hoc, quia nunc solvit, & in futuro rehebeat plus, est manifeste usura Extra *De usuris*, Cap. finali. Concordat Joannes Andreæ in additionibus ad Speculatorem. Nec obstat Cap. *In Civitate*, & Cap. *Naviganti* Extra *De usuris*, ubi dicitur quod qui plus emit, vel vendit respectu temporis five expectationis, est usurarius: quia in his Capitibus non jus, sed res ipsa venditur, quæ statim traditur, & pretium differtur. Sed in casu nostro pretium traditur, & jus recuperandi rem ipsam, & non res ipsa datur. Stat etiam ibi pecunia jurium prædictorum periculo emptoris. Et sic intelligenda est Regula -- *Jus rerum pro futuro tempore licite potest minus emi quam si omnes illæ res emptori præsensaliter traderentur* --. Advertendum tamen est, quod, quando imminet periculum litigandi, si fiat minori pretio, non valet talis emptio: nec iste emptor poterit plus petere a debitore, quam ipse in veritate solverit, etiam si residuum fuerit ei donatum, ut L. *Per diversas*, & L. *Ab Anastasio C. Mandati vel contra*: quod pro bono communi statutum est, ne litigia emerentur, & moverentur.

(3) Doctores hac super re adhuc digladiantur, ut videre est apud Lucium Ferraris ver. *Emptio* art. 2. num. 27., & Daniele Concina de *Justitia & Jure* Differt. 2. cap. 7. num. 15., & seq. Si tamen res intime pensitetur, opinio Authoris imminutionem unice reducentis ad lucrum cessans, & damnum emergens, erit certe præferenda. Ratio est in promptu. Ut emptio justa sit, & licita, servari debet æqualitas inter

ter

ter pretium & mercem, seu rem, quæ emitur L. *Si servum ff. ad legem Aquiliam* -- Sextus quoque Pedius ait, *pretia rerum non ex affectione, nec utilitate singulorum, sed communiter fungi* -- . Porro quæ æqualitas inter centum, quæ statuto tempore recipiet emptor, & nonaginta, quæ nunc solvit! Ni velimus adferere cum propositione ab Inno. XI. merito damnata, quod nedum in se, sed etiam in contractibus emptionis, & venditionis pecunia numerata pretiosior sit numeranda, dicamus oportet hunc emptorem in casu pretium minuere ob solam temporis expectationem, quod erroneum est, & ab Ecclesia proscriptum. Quidquid regerant adversarii: mutuuum implicitum hoc est, verum, propriumque, in quo non potest aliquid exigi ultra sortem: Lucæ 6. v. 35. -- *Benefacite, & mutuuum date nihil inde sperantes* -- . Authoris nostri responsum pene in verbis ipsis convenit cum eo, quod scripsit S. Antoninus 2. part. tit. 1. cap. 8. §. 12. -- *Cum quidam habuit recipere ab aliquo centum in certo termino, venit tertius emens ipsa jura contractus contra debitorem pro pretio nonaginta, quæ nunc solvit, nunquid emptor committit usuram? Respondeo, si iste emit tantum minus, quantum nunc est interesse suum, aut quantum vere æstimandum, sive timendum, ne ille debitor solvat, aut quantus est futurus labor rehabeti, non est usura. Si vero aliquis vult diminueri pretium, solum propter hoc, quod tunc solvit, sed in futuro rehabet plus, est manifeste usura.*

Regula, quam hic profert Author, est ipse titulus a S. Bernardino præfixus capiti 2. art. 1. ferm. 34., in cujus probatione primo adpectu videtur ipsum pro contraria pugnare sententia. Sed reipsa S. Bernardinus cum Authore sentit: quoniam declarans signa, ex quibus deprehenditur in hisce contractibus inesse fraudem, hæc habet -- *Pro tertio signo dici potest quod, si iste emit tantum minus, quantum vere est interesse suum communiter æstimandum, sive timendum ne illi debitor solvat, aut quantus est futurus labor rehabeti, non est usura; aliter sic.*

Perbelle rem hanc exposuit Altesanus noster in sua Summa lib. 3. tit. 8. de undecimo, scribens -- *Esto quod aliquis habeat centum libras in banco alicujus recipiendas usque ad quatuor menses: nunquid liceret alicui emere illas centum pro 80.?* Ad hoc dicunt multi, quod sic; quia non emitur pecunia, sed jus. Jus autem centum librarum minus valet quam centum libræ: tutius est enim pignori incumbere quam in personam agere, & similiter rem habere, quam jus pro re, Institut. *de obligationibus que ex delicto nascuntur* §. *Furti*: & ideo minori pretio potest emi. Alii dicunt, quibus assentiebat Alexander Lombardus ubi supra, propositum casum esse dubium: & hoc ideo quia emens plus & minus dat secundum quod plus & minus solutionem expectat: ita quod lucrum ibi provenire videtur propter dilationem temporis, & minoritas pretii propter anticipationem solutionis. Lucrum autem, quod provenit ratione temporis, non est licitum Extra *de usuris in Civitate*, & cap. *Naviganti*. Cavendus

vendus est ergo contractus ille ex eo maxime, quia videtur fieri in fraudem usurarum, & videtur esse indirectum mutuuum, ut quasi quis mutuet in presenti 80. scilicet pro 20. postea recipiendis ultra sortem. Ad rationem de jure dicendum, quod si pecunia, vel res alia recipienda in periculo esset in manu alicujus, a quo sine sumptu & labore recuperari non posset, tunc minus dare, & recipere plus liceret; quia res, quæ est in periculo, cæteris paribus minus valet, quam quæ est extra periculum. Secus est autem in proposito, quia pecunia in banco non est probabiliter in periculo; aliter homines merces vendentes non essent contenti expectare ibi fiendas sibi solutiones --. Hactenus ille.

En legem *Per diversas* hic primo citatam -- *Per diversas interpellationes ad nos factas* comperimus quosdam alienis rebus, fortunisque inhiantes, cessiones aliis competentium actionum in semet exponi properate: hocque modo diversis personas litigatorum vexationibus afficere *Per hanc itaque legem jubemus in posterum hujusmodi conamen inhiberi* Ita tamen ut si quis datis pecuniis hujusmodi subierit cessionem, usque ad ipsam tantummodo solutarum pecuniarum quantitatem, & usurarum, ejus actiones exercere permittatur.

En legem secundo laudatam -- *Ab Anastasio divæ memoria Principe jussissima Constitutio conscripta est tam humanitatis quam benevolentie plena: ut ne quis alicuium subeat debitum cessione in eum facta, & ne amplius a debitore consequatur his, quæ præstitit cessionis auctori, exceptis quibusdam casibus, qui specialiter illa sanctione continentur. Sed eum hi, qui circa lites morantur, eandem piam dispositionem in sua natura remanere minime concesserint, invenientes machinationem, ut partem quidem debiti venditionis titulo transferant in alium creditorem, reliquam autem partem per coloratam cedant donationem: generaliter Anastasiana Constitutioni subvenientes saneimus, nulli licere partem quidem debiti cedere pecuniis acceptis, & venditione actionum habita, partem autem donationis titulo videri transferre Si quis autem occulte aliud agere conatur hujusmodi machinationem penitus amputamus, ut nihil amplius accipiat, quam ipse vero contractui ipsa persolvit.*

TERTIUM DUBIUM. Utrum qui emit redditus alicujus Civitatis bello vexatæ pro vili pretio, & facta pace lucraretur decem pro uno, teneatur ad restitutionem?

Respondeo, quod non, ratione periculi, aut dubii *L. Cum hæreditatem*, & *L. seq. ff. de hæreditate vel actione vendita*, secundum Hostiensem, & Archidiaconum. Consulendum tamen est ei, ut faciat largas eleemosynas.

(4) Idem

(4) Idem habet S. Bernardinus loco proxime laudato cap. 2. in fine -- *Lex Cum hereditatem* est hujusmodi -- *Cum hereditatem aliquis vendidit, esse debet hereditas, ut sit emptio nec enim alea emitur, ut in venatione, & similibus, sed res; quæ si non est, non contrahitur emptio, & ideo pretium condicetur.*

Hoc in casu æqua est fors eientis & vendentis, æquale periculum. Lucratus quidem est emptor, ut supponitur. Sed etiam poterat amittere totum, vel bello perdurante, vel debitoribus Urbis per hostes ad inopiam redactis, vel ipsius prædiis ab hostibus eo usque devastatis, ut per aliquot annos infœcunda penitus redderentur. Putarem nihilominus, quod, si reditus hujusmodi emisset non ad quosdam determinatos annos, sed ad longum tempus, tunc non esset amplius ludus fortis, nec æquale periculum: quia, quum bella ut in pluribus non sint valde diuturna, & damna a bellis prædiis illata aliquorum annorum spatio reparentur, emens esset moraliter certus consequendi lucrum immoderatum, & longe excedens interesse capitalis ab ipso soluti.

QUARTUM DUBIUM. Utrum liceat exigere pretium aliqujus rei, quæ minus valet quando venditur, secundum quod valebit tempore solutionis?

Respondeo distinguendo secundum Scotum in 4. Pone quod festum S. Joannis Baptistæ sit A. & festum Nativitatis Domini sit B.: dico quod si iste vendens frumentum vel pellicea tradat ea in A., aut erat tunc venditurus, aut non, sed expectare volebat in B.. Si erat venditurus in A., aut determinat pretium, quod valebat in A., & expectat solutionem usque B., & sic misericordiam facit: aut statuit majus pretium quam valebat in A., & tunc est usurarius, quia vendit tempus, sicut habetur in Cap. *Consuluit Extra de Usuris*. Si autem non erat venditurus in A., sed in B., quando melius valet: aut posuit pretium, aut non. Si posuit pretium, & justum, secundum quod res valet in præsentī, scilicet in A., misericordiam fecit. Si autem non posuit pretium, quod valet in A., sed vendidit plusquam valet in A., non tantum tamen quin quantum plus quantum minus res verisimiliter tempore solutionis, scilicet in B., vendi non possit, tunc licet per Cap. *Naviganti*, & per Cap. *Consuluit Extra de Usuris*. Nec obstat Cap. *In Civitate* ibidem, quia est monitio utilitatis, non præceptum necessitatis.

(5) Eum,

(5) Eum, qui jam in animo propofuerat suo rem vendere tempore contractus, non polle quicquam augere supra justum pretium illius temporis, quamvis rem vendat pecunia credita, res est definita ab Urbano III. cap. *Consuluit* ab Authore laudato. Et quidem jure optimo, quoniam nullus alius in hac venditione proferri potest titulus, nisi temporis expectatio, & propter hanc si carius justo quis vendit, is certe vendit tempus, quod sine usura vendi non potest. Ad rem iccirco S. Thomas 2. 2. q. 78. art. 2. ad 7. — *Dicendum*, quod si aliquis carius velit vendere res suas quam sit justum pretium, ut de pecunia solvenda emptorem expectet, manifeste usura committitur: quia hujusmodi expectatio pretii solvendi habet rationem mutui. Unde quidquid ultra justum pretium pro hujusmodi expectatione exigitur, est quasi pretium mutui, quod pertinet ad rationem usurae. Idem omnino sentiunt Scotus in 4. dist. 15. q. 2., ubi de secundo articulo, & S. Bernardinus ibidem cap. 3.

Eum autem qui determinaverat merces conservare usque ad aliud tempus praefinitum, posse in casu aliquid augere supra justum pretium, dummodo augmentum hocce plus minusve respondeat tempori, in quo erat venditurus, & hoc definitum habemus a Greg. IX. cap. *Naviganti* in hac verba -- *Ratione hujus dubii* (scilicet quod res plus minusve sit valitura tempore solutionis) *etiam excusatur, qui pannos, granum, vinum, oleum, vel alias merces vendit, ut amplius, quam tunc valeant, in certo termino recipiat pro eisdem, si tamen ea tempore contractus non fuerat venditurus* --. Hic tamen venditor, qui emptore efflagitante vendit rem, puta triticum, pluris quam nunc valet, si nullum determinat pretium, sed illud unice praestituit, quo verisimiliter erit valiturum eo tempore, in quod ejus venditionem differre decrevit, ut immunis sit a peccato, illa tria is debet implere, quae observata sunt a Navarro in suo Manuali cap. 17. num. 239. -- *Primum, ne summum, quo illo mense valiturum est, pretium accipiat, sed medium. Ita quod si in una parte ejus valuit decem, & in alia quindecim, & in alia viginti, nonnisi quindecim capiat juxta Alex. in L. QUOD TE ff. SI CERTUM PETATUR.* Secundum, ut de pretio deducat tantum, quantum servando diminutum fuisset juxta expertorum judicium. Tertium, ut deducat impensas, quas in servando in illud usque tempus facturus erat.

Caput In Civitate ita loquitur -- In Civitate tua dicis saepe contingere, quod cum quidam piper, aut cinnamomum, seu alias merces comparant, quae tunc ultra quinque libras non valent, promittant se illis, a quibus illas merces accipiunt, sex libras statuto tempore soluturos. Licet autem contractus hujusmodi ex tali forma non possit censi nomine usurarium, nihilominus tamen venditores peccatum incurrunt, nisi dubium sit merces illas plus minusve solutionis tempore valituras: & ideo cives tui saluti suae bene consulerent, si a tali contractu cessarent, cum cogitationes hominum omnipotenti

Deo

Deo nequeant occurrere -- Si quis hoc audito dubitet, an cum veritate dixerit Author caput istud, quod est Alex. III., monitum utilitatis continere, non præceptum necessitatis: Is advertat oportet Summum Pontificem in hoc capite quatuor adserere. Primum est, quod contractus, de quibus sermo, ex vi contractus non sunt usurarii, quia non unum semper est pretium mercium, & forte minus valebunt quo tempore sunt solvendæ. Secundum est, peccare sic operantes. Intellige, si hoc agant unice propter finem lucri, non vero ut seipsos servant indemnes. Tertium est, peccati reos non fieri, si dubium sit merces illas solutionis tempore plus minusve esse valituras. Quartum demum, consulendos esse illos mercatores, ut se abstineant ab huiusmodi contractibus, quia hi homines plerumque feruntur in lucrum, & cogitationes eorum intuetur Deus. Hoc ultimum respicit Author in præfenti, quum de venditore loquatur, qui pretium quidem majus exigit, sed tamen respondens illi, quo plus minusve res erit valitura tempore solutionis. Jure igitur dicit, præsentem casum quod spectat, Caput illud consilium exhibere, non præceptum. Cum omni iccirco veritate Joannes Pontas ver. *Usura* casu 17. responsioni suæ finem imponit scribens -- *Ex quibus sequitur mihi prorsus licere absque ne minima quidem usura nota commodare Joanni mense vel Martii, vel Aprilis modium unum frumenti ea conditione, ut mihi sit ille redditurus modium unum cum altero unius modii frumenti dimidio mense vel Augusti vel Septembris: modo certo constet, aut ad verum saltem propius accedat futurum, ut modius ille cum dimidio alterius modii non excedat mense Augusti vel Septembris pretium modii, quem a me mutuum accipit mense Martii, vel Aprilis. Quoniam alioquin mihi damnum evidens emergeret, si mihi referretur unicus tantummodo modius, qui tunc temporis pretio viliori foret ipso modio, quem ei commodavissem.*

Si tamen ita determinat pretium, quod ponat se in lucro tuto ut in pluribus: puta paciscendo, ut mihi solvas tantum, quantum valebunt, carius hinc ad octo menses, nullum assignans tempus determinatum, usura est. Quia ponit se in tuto ut in pluribus, & illum, cum quo contrahit, in periculo damni ut in pluribus: & pro se habet id, quod evenit in pluribus, & contra se id, quod evenit in paucioribus. Item quia oportet rem in aliquo determinato tempore vendere, & non in tempore vago. Cum his concordant Alexander de Alexandria, Hostiensis, Joannes Andreæ, atque Archidiaconus in Cap. *Usura* 14. q. 3.

(6) Egregia sunt quæ super hoc casu scripsit Scotus nuper laudatus -- *Est etiam ibi alia injustitia, quia aliquo die determinato oporteret eum exponere rem suam venditioni, & non in tempore particulari vago: & in illo contingeret, quod minus care venderetur, quam in die carissimo inter A. & B.: & per consequens in tali pacto facit se certum de lucro ultraquam humana industria perungere posset --*. Eadem habet S. Bernardinus ibi, videlicet serm. 34. art. 1. cap. 3. Eadem Alesanus lib. 3. tit. 11. ubi de quarto. Opportune iccirco Merbessus super sexta decisione Concilii Mediol. primi -- Secundo colligitur cum, qui vendit frumentum, aut simile quid pretio indefinito, & indeterminato, & ob dilatam solutionem in aliud tempus vendit inaximo, quo valiturum est toto tempore ad solutionis usque terminum intercurso, iniquissime agere, usuræ crimen admittere, & ad excessus restitutionem teneri: quippe qui contra justitiam proximum damno afficiat. Ita Hostiensis in Summa de usura §. *Aliquando* vers. *Quid ergo*, Laurentius a Rodulphis in cap. *Consultuit*. 2. par. q. 29., & seq., Gabriel in 4. dist. 15. q. 2. art. 1. in litt. H, Sylvestr in ver. *Usura secundo* q. 5, & alii. Hæc ille.

Hujusmodi contractus non ex eo condemnatur, quod venditor rem suam carius vendat, quam valeat tempore contractus; id enim licitum esse diximus cum Gregorio IX. textu expresso in cap. *Naviganti*: sed ex eo quod tempus pretii vagum est, & non præfinitum, fere semper venditori propitium, & pene nunquam emptori. Tempus hoc præfinit venditor, qui, ut supponitur, non erat venditurus tempore contractus: puta dicendo, solves mihi pretium illud, quo res valebit ultima hebdomada Maji, & prima Junii. Contractus tunc erit licitus, ut communiter Doctores inferunt ex laudato cap. *Naviganti*, & videre poteris apud Lucium Ferraris verb. *Emprio* art. 3. num. 49. & seq. Duo tamen in hoc casu scias oportet cum eodem Lucio, quæ in idem recidunt cum tribus a Navarro observatis. Primum, quod, si contingat pretium ultimæ hebdomadæ Maji diversum esse a pretio primæ hebdomadæ Junii, tunc sumi debet pretium medium: videlicet si pretium unius hebdomadæ erat 80., & alterius 70., solvendum erit pretium 75., quod est medium inter duo pretia diversa. Secundum, quod ab hoc pretio deduci debent expensæ necessariæ, quas facturus erat venditor in servando triticum, aliasve merces usque ad tempus ab ipso præfinitum pro venditione. Perbelle iccirco Caballutius Juris Canon. Theor. & praxi lib. 6. cap. 9. num. 13. -- *Oportet ut expensas deducat, quas facturus idem venditor fuerat ad servandum merces suas usque ad præfinitum diem: ut est pretium conductionis horreorum, Apothecarum, Cellariorum . . . Præterea æstimationem computet diminutionis, deteriorationis, & periculi harum mercium in id tempus reservandarum. Cum enim venditor, aut creditor fiat ab his omni-*

bus expensis, & damnis immunis, ex quo res istas vendidit, aut mutuavit: si ista non computaret, plus exigeret, quam sibi ex iustitia deberetur, & ulera suam indemnitate in illa anticipata pretii, aut mutui taxatione.

Si petas abs me, qua ratione id liceat, dum ex pacto pretium alligatur tempori determinato, non liceat autem, dum alligatur tempori vago, quum in utroque casu venditor melioris sit conditionis quam emptor, quia ut in pluribus etiam in illo determinato tempore merx carius venditur, quam tempore contractus? Discrimen est apertissimum, quoniam, præterquamquod non raro contingit, quod illo determinato tempore merx vilius vendatur, quam tempore contractus, majus pretium in primo casu respondet iustæ venditoris æconomiz non vendendi tempore contractus, sed alio tempore præfinito: nec fit emptori injuria cogendo ipsum ad solvendum mihi pretium illud, quod recepissim tempore a me præfinito pro venditione, si, ut ipsi indulgerem, eidem mercem antea non vendidissim, nec dedissim mutuo. Secus tamen est in secundo casu; nam in eo majus pretium unice responderet injustæ lucrandi cupidini, quam haberet venditor contra communem proborum hominum consuetudinem, qui, quum scire non possint futurum soli Deo notum, aliquod præfinitum tempus ad vendendum sibi ipsis debent constituere. Gravis insuper emptori irrogatur injuria, quia cogitur hic ad solvendum certo pretium carius, quod nec humana mens, nec humana industria prævidere potest. Brevioribus nunc. In primo casu majus pretium exigitur, ut venditor servetur indemnus: in secundo autem, ut fere semper sit de lucro certissimus. In primo casu lucrum est duntaxat probabile: in secundo autem pene semper est certo certius.

Pro venditore primi casus juvat adjicere quod docet Pontas ver. *Venditio casu 36. Idem Cabassutius cum judicio observat, ut ab omni peccato immunis sit is, qui frumentum servat, ut carius vendat inopia ingruente: oportere ipsi licitum esse: idest hoc frumentum e fundo suo, aut proprio redditu nasci, non vero habere ex emptione, aut coactione aperta, qua eo servet animo, ut longe carius vendat indigentia crescente. Ratio est, quia hujusmodi coactiones critici inopiam introducere solent in injuriam magnam miseri vulgi. Quapropter etiam maledictionem Dei interminatur Sapiens Prov. 11. v. 26. eam inducentibus hac via-- Qui abscondit frumenta, maledicetur in populis; benedictio autem super caput vendentium--.* Qui horrea emptionibus congregant, & hi etiam, qui copiosissima habent horrea ex prædiis propriis, vendant communi pretio quolibet mense, quolibet hebdomada, quolibet die, si eementium indigentia id exposulet, & divinis benedictionibus replebuntur. Secus agentes vix aut ne vix quidem immunes erunt a peccato, eoque gravi.

QUINTUM DUBIUM. Utrum emens minus in herba propter temporis præventionem, verbi gratia frumentum in herba pro quinque, quod tempore messis valebit octo, sit usurarius?

Respondeo secundum Baldum in Rubrica C. de usuris q. 3., quod aut præsens numeratio est causa damni ipsius vendentis, & tunc est usurarius per Cap. *In Civitate Extra de usuris* aut sola conventio est causa damni, quia de præsentis non solvitur pretium, & sic illicitus est contractus, licet non usurarius. Aut neutrum est causa damni, quia non plus valet frumentum tempore contractus, & tunc non est usurarius ff. *de contrabenda emptione* L. *Fistulas §. Frumenta*, & L. *Si debitor §. Verisimile*, & ff. *de verborum obligationibus* L. *Inter stipulantem §. sacram*. Et sic intelligenda est Regula, quæ dicit, quod *licet propter tempus rem plus vendere, & minus emere quam tunc valeat: quando scilicet non ex malicia contrahentium, sed ex propria natura contractus id procedit*, sicuti declaratum est in dubio quarto immediate præcedenti.

(7) Hæ sunt leges ab Authore productæ -- *Verisimile est eum, qui fructum olivæ pendens vendidisset, & stipulatus est decem pondo olei, quod natum esset, pretium constituisse ex eo, quod natum esset, usque ad decem pondo olei. Idcirco solis quinque collectis, non amplius emptor petere potest quam quinque pondo olei, quæ collecta essent, a plerisque responsum est.*

Frumenta, quæ in herbis erant, cum vendidisset, dixisti te, si quid vi aut tempestate factum esset, præstaturum, ea frumenta nives corruerunt: Si immoderate fuerunt, & contra consuetudinem tempestatis, agi tecum ex empto poterit.

Sacram.... Si stipulatus fuero ex fundo centum amphoras vini, expectare debeam, donec nascatur; & si natum sine culpa promissoris consumptum sit, rursus expectare debeam, donec iterum nascatur, & dari possit: & per has vices aut cessaturam, aut valituram stipulationem.

Hic contractus, de quo sermo, absolute inspectus usurarius dicitur a S. Bernardino loco nuper laudato -- *Dicendum, quod talis usurarius est, ut patet in Cap. IN CIVITATE Extra DE USURIS* --, quia reducit ad mutuum implicitum, & propter solam anticipationem solutionis pretium solvitur minus iusto. Docte nihilominus Author cum eodem Sancto ibidem distinguit: quoniam si præsens pecuniæ numeratio damnum intert venditori, evidens est ob solam solutionis anticipationem imminui ju-

sum pretium, quod sine usura non potest fieri. Si unice propter contractus anticipationem venditor damnum patitur, nullam interim utilitatem sentiens ex pretio ut supponitur iusto, quod tunc non solvitur, suspicandum vehementer est emptorem spe majoris lucri ipsum induxisse ad conveniendum quasi nolentem, quod non licet. Si autem venditori ex nullo capite sit injuria, quia libere convenit, & pretium ex communi hominum æstimatione, atque arbitrio boni viri respondet frumento in herba adhuc existenti, contractus nec usurarius est, nec illicitus; nullo enim jure vetatur, sicuti ostendunt leges ab Authore productæ.

Regula, de qua hic sermo, sunt verba ipsa, quibus S. Bernardinus inscribit memoratum Caput tertium; ad cujus declarationem loquens de illo, qui firmiter proposuerat servare vinum, vel triticum usque ad aliud determinatum tempus, in quo ut in pluribus magis valet, & ab altero rogatus ipsum vendit, hæc habet -- *Potest idem pretium exigere, quod in hora præstationis, vel venditionis probabiliter creditur affuturum in illo tempore magis caro: sic tamen quod aliquem certum diem illius temporis determinate præfigat, quia ipse non erat illud venditurus, nisi in aliquo uno die. Etenim si ipse de uno mense, vel hebdomada posset ex post facto sibi eligere diem, in quo plus valisset, nimis pinguis fieret fors illius: alias taxandum erit pretium secundum quod diutius, & communius valuit in mense illo, aut pretio medioeri inter earius, & minus carum illius mensis. Hoc autem modo proprie loquendo non propter tempus accipitur illud plus, sed propter naturam rei, qua plus valet uno tempore quam alio. Causa autem, quare sub tali pretio potest vendere illud, vel commutare, duplex est. Prima, quia is, cui præstat, vel vendit, tenetur sibi ad probabile æquivalens, seu ad præservandum eum a damno probabilis lucri. Secunda est, quia illud, quod in firmo proposito Domini sui est ordinatum ad aliquod probabile lucrum, non solum habet rationem simplicis pecunias, sive rei, sed etiam ultra hoc quandam seminalem rationem lucrosi, quam communiter capitale vocamus. Ideo non solum reddi debet simplex valor ipsius, sed etiam valor superadjunctus.*

SEXTUM DUBIUM. Utrum emens rem pro minori pretio quam valeat tempore emptionis, recipiendo tamen eam in tempore in quo verisimiliter potest vel plus vel minus valere, sit usurarius? Puta emens frumentum de mense maji tribus florenis, cum tunc valeat quatuor, recepturus tamen illud mense Augusti, quo verisimiliter sic valet vel plus vel minus.

Respondeo, quod non, Cap. *Naviganti Extra de usuris.*

(3) Hoc

(8) Hæc idem responsum lego penes Joannem Pontas verb. *Usura* casu 20. in hæc verba — *Potuit namque sine vel levissima quidem usura suspitione emere mense Maji modium frumenti pretio librarum 120., quam communis ipsius æstimatio tunc temporis foret pretio 140.: quoniam illum non emebat, nisi ut sibi traderetur mense Octobris, quo tempore non valet communiter nisi pretium, quod de eo solvit. Atque hoc ipsum docet Cardinalis Cajetanus (in Summa ver. EMERE num. 8.) qui sermonem faciens de emptione rei alicujus, cujus anticipatur solutio, sic habet -- in hujusmodi emptione spectatur ad æstimatum pretium tempore assignationis frumenti: & propterea, si verisimiliter creditur frumentum valiturum mense Junio decem, vel circa, licet tunc valeat quindecim, licite ego ex nunc emo pro mense Junii decem, ut patet ex cap. NAVIGANTI DE USURIS. Nec obstat quod in Augusto creditur valiturum duodecim aut quindecim, quoniam emptor non emit pro Augusto, sed pro Junio.*

Casus est expressus in laudato capite *Navigatori Extra de usuris --*. Ille quoque, qui dat decem solidos, ut alio tempore tantidem sibi grani, vini, vel olei mensura reddantur: quæ licet tunc plus valeant, utrum plus vel minus solutionis tempore fuerint valitura, verisimiliter dubitatur, non debet ex hoc usurarius reputari --. Docte igitur Glossa super eodem -- *Ergo si certum esset, quod tempore solutionis plus valerent, usurarius est censendus* & ita propter dubium excusatur: quia tam emptor quam venditor æqualiter commodum, & incommodum ex dilatione experiat.

SEPTIMUM DUBIUM. Utrum qui vendendo concedit terminum, ut trahat emptores ad suam apothecam: vel dat mutuum, ut mutuatarii vadant ad suum molendinum, scholas, & similia, sit usurarius?

Respondeo, quod sic secundum Joannem Calderinum in Cap. finali *Extra de usuris*, & Joannem Andreæ in Mercu. super Regula *peccatum* circa finem, & Laurentium de Redulphis Florentinum q. 38. secundæ partis suorum contractuum. Intelligunt tamen prædicta non de mercede, quam recipiunt pro labore vel rebus suis, quia etiam alteri daretur: sed de utilitate, quam habet aliquis plus, quia scilicet habet majorem concursum, & per consequens est majoris famæ, quam æstimari posset; & ideo tantum tenetur restituere, quantum æstimandum est illud commodum, seu honor, quod non habuisset si non ivissent, & non ivissent forte, si mutuo non dedisset:

disset: sed pauperibus erogandum est, si nullum damnum sunt conlecuti illi, quibus mutuum dedit. Alii autem volunt, quod non sit usurarius, si emptores non incurrunt damnum nec ratione mercis, nec ratione laboris: & hanc opinionem videtur hîc tenere S. Bernardinus. Alii vero affirmant, quod semper sit usura propter libertatem, quam talibus auferunt, quæ pretio æstimanda est. Et ideo tantum debent restituere quantum æstimatur libertas illa.

(9) Super hac re, ut patet ex textu, Doctores in varias scinduntur opiniones. Pro affirmativa sententia, quod nempe sit contractus usurarius, pugnat cum aliis compluribus Joannes Pontas ver. *Usura* casu 9. inter alia proferens verba S. Antonini part. 2. Summæ Theolog. tit. 1. cap. 7. §. 8. Scribentis -- *Si quis mutat alteri ea intentione vel pacto, ut vadat ad molendinum suum, vel furnum, vel ad apothecam suam ad emendum, vel intret scholas sub eo, & hujusmodi, alias non mutuaturus, usuram committit, etiamsi non majori pretio sibi vendit propter hoc, seu plus ab eo quam ab aliis petis. Ratio est, quia commoditatem, seu utilitatem inde recipit, quæ pretio æstimari potest* -- Author ex adverso & hîc, & in Angelica ver. *Usura* primo num. 2. 3. & 5. totus est, ut ostendat hujusmodi contractus ab omni esse usura liberos: quem sequitur Jacobus Ungarellus in annotationibus super eadem Angelica: ambo proferentes & Doctores, & rationes, & jura. Cui palma concedenda sit, aliorum esto judicium. Ut reor, solutio difficultatis pendet ex hoc: an ea in casu enarrata, & similia mensurentur pecunia nec ne, omnes enim conveniunt cum D. Thoma 2. 2. q. 78. art. 2., & in probatione conclusionis, & in responsione ad tertium, ea, quæ sic non mensurantur, posse sine usura & sperari, & exigi. En verba S. Doctores -- *Si vero accipiat aliquid hujusmodi, non quasi exigens, nec quasi ex aliqua obligatione tacita vel expressa, sed sicut gratuitum donum, non peccat: quia etiam, antequam pecuniam mutuasset licite poterat aliquid donum gratis accipere: nec pejoris conditionis efficitur per hoc, quod mutuavit. Re-compensationem vero eorum, quæ pecunia non mensurantur, licet pro mutuo exigere, puta benevolentiam, & amorem ejus, cui mutuatur, vel aliquid hujusmodi --. Si vero munus ab obsequio vel a lingua, non quasi ex obligatione rei exhibeatur, sed ex benevolentia, quæ sub æstimationem pecunie non cadit, licet hoc accipere, & exigere, & expectare --. Quid sit pecunia mensurari, exponit S. Doctor ibidem inquit -- *Omne illud pro pecunia habetur, cujus pretium potest pecunia mensurari* --, Et Ungarellus in prædictis annotationibus scribens -- *Quia amor & benevolentia pecunia**

nia

nia mensurari non potest. Quodcumque autem sorti predictæ accedit, est usura, scilicet quod æstimari potest pecunia, & illa res dicitur pecunia, qua fit æstimabilis pecunia secundum Philosophum in 4. Ethic.

De Doctore mutuum dante hac conditione apposita, ut mutuarii scholam suam frequentent, hæc habet Ungarellus ibidem — *Si enim subtiliter consideratur, Doctor mutuans hoc modo, non ex mutuo simpliciter efficitur famosus, sed ex Doctrina: Et hæc est intentio Authoris hic, cum dicit, si alias ita bene satisfacit eis. Talis Doctor tamen peccare posset propter famam, quam indebite appetit: & maxime si hoc in præjudicium alterius Doctoris redundat secundum Salycetum in Authentica AD HÆC §. DE USURIS. q. 13. in fine; sed quod sit usurarius dicit, se hoc percipere non posse.*

Sed salvo meliori iudicio mihi videtur, quod ista libertas pro nihilo æstimanda sit quantum ad restitutionem, cum ex ejus ademptione nullum damnum est secutum, in cujus recompensationem restitutio sit facienda Extra de injuriis & damno dato Cap. finali. Puto etiam quod, si mutuum accipiens non damnificaretur, nec posset damnificari, non committeretur usura: cum etiam pro mutuo possint aliqua exigi, seu recipi, quæ non mensurantur pecunia, ut patet ex Thoma 2. 2. q. 78. art. 2. Ideo in hoc casu, & simili, cum quod accipitur non mensuratur pecunia, nisi secundum quod prima opinio dicit, ut sit majoris famæ vel concursus: nec ex parte mutui accipientis, cum in nullo damnificetur: nec ex parte mutuatoris, cum nihil plus recipiat quam quod ex locatione operarum suarum mercatur: non erit usura. Et multo minus, si alter mutuum accipiat tenendo mutuum quousque ad molendinum veniat, & hujusmodi, & ex hoc non damnificatur: quia mutuator potest tempus sui mutui limitare L. Vinum ff. si certum peratur. Aliter quasi omnis multitudo esset usuraria, cum fundi non possint hodie sine mutuo locari colonis: immo in hoc casu videtur potius gravari conditio mutuatoris quam recipientis, si res inspiciatur diligenter.

Et hæc sufficiant de secundo Articulo.

(10) De domino mutuum dante colonis apposita conditione, de qua in casu, scribit ibi idem Ungarellus -- Idem dicit Joannes de Anania in dicto capitulo finali. Nec obstat, si dicatur, quod dominus intendat sibi præstari operas per colonum ratione mutui, & colonus eadem ratione, scilicet mutui, operas exhibet, alias non exhibiturus: Et sic propter mutuum dominus lucrum percipere videtur, & colonus damnum. Quia respondetur quod, licet sic mutuanti exhibeantur opera a colono, illæ tamen non sunt ei lucro, cum illas iusto pretio, vel fructibus emat, & probatur per simile. Pone, quod dominus conducat colonum ad certum tempus pro certo pretio, & pretium tradat antequam colonus incipiat ipsi domino operari: postmodum colonus non velit operari, nisi dominus mutuet sibi certam pecuniam summam: dominus autem mutuaturus erit ne usurarius, si colonus exhibet operas? Certe non, quia nihil recipit dominus, immo magis gravatur, ut manifeste patet. Confirmatur, quia si diceremus illum dominum usurarium esse. Ergo esset ei necesse restituere. Ergo ipsi colono: & sic colonus haberet duplicatum justum pretium, & dominus bis solveret justum pretium, quod inconueniens facit quod dicitur infra §. 24. Si ergo non vis operari quæ debes: si mutuo tibi ut operas exhibeas, nihil aliud est quam redemptio vexationis mee juxta cap. Dilectus de Simonia. Adde quæ notat Baldus in L. Rogassi § si tibi ff. si certum petatur, quod si in possessione mea non inuenio laboratorem, nisi mutuum ei centum; si mutuo, ut operetur, non sum usurarius: quoniam ad illas operas tenetur ex contractu locationis, non autem ex mutuo; unde ipse non præstat mihi lucrum, sed verum exhibet debitum. Arguitur L. Fundi partem ff. de contrahenda emptione.

Dum audis citatum hunc Titulum Digestorum -- Si certum petatur --, scias oportet, quod hæc tria olim in tres Titulos erant distributa, videlicet -- De rebus creditis -- Si certum petatur -- De conditione -- & in Corpore Juris civilis, quo utor, typis edito Colonix Munatianæ anno 1748., cui respondet Corpus ejusdem Juris, quod nunc imprimitur Taurini, & alibi, iidem hi tres Tituli in unum reperiuntur, & omnes Leges ipsis respondententes citantur sub uno primo Titulo -- De rebus creditis. Offendens igitur in Veteribus citatam hanc vel alteram legem ff. Si certum petatur, consule Titulum -- De rebus creditis, & inuenies quod inquiris. Hæc semel adnotata sufficiant, quia & aliis vicibus audies Authorem more Veterum citantem ff. Si certum petatur.

Accipe nunc legem hic laudatam -- Vinum, quod mutuum datum erat, per Judicem petitum est, questum est, cujus temporis affirmatio fieret: Urum cum datum esset, an cum litem contestatus fuisset, an cum res judicaretur? Sabinus respondit, si dictum esset quo tempore redderetur, quanti tunc fuisset: si non, quanti tunc cum petitum esset. Interrogavi, cujus loci pretium sequi oporteat? Respondit, si conuenisset, ut certo loco

loco redderetur, quanti eo loco esset: si dictum non esset, quanti ubi esset petitur.

Accipe demum Caput finale Extra de injuriis & damno dato, cujus etiam meminit Author -- Si culpa tua datum est damnum; vel injuria irrogata, seu aliis irrogantibus opem forte tulisti, aut hac imperitia tua, sive negligentia evenerunt: jure super his satisfacere se oportet, nec ignorantia te excusat, si scire debuisti ex facto tuo injuriam verisimiliter posse contingere, vel jacturam.... Sane licet, qui occasionem damni dat, damnum videatur dedisse: secus est tamen in illo dicendum, qui, ut non accideret, de contingentibus nil omisit -- Nullum porro damnum, nullamque damni occasionem in prædictis casibus proximo præberi supponit, & probat Author.

Daniel tamen Concina lib. 3. de Justitia & Jure dissert. 3. cap. 19. num. 10., Ferraris ver. Usura num. 44., alique bene multi tuerentur in omnibus casibus, in quibus mutuario aufertur aliqua libertas, usuram haberi veram, propriamque: quia obligatio civilis faciendi hoc vel illud est pretio æstimabilis, & onus est mutuario aliunde indebitum contra naturam mutui, quod debet esse omnino gratuitum, ut egregie S. Bernardinus serm. 36. art. 3. cap. 3. -- Pro gratia mutui impensa non potest juste exigi amplior gratia, aut aliud quam gratia: nam, si ex debito justitiae gratia exigatur, jam gratia non est gratia, sed potius gratia venditio, vel gratiæ commutatio dici debet.

Idem ineunte sæculo quarto decimo docuerat Altesanus noster in Summa lib. 3. tit. 11. de quinto scribens -- Quid de dominis molendinorum, qui pecuniam pistoribus mutant, ut in eorum molendinis molant? Respondet Rodonensis, usurarii sunt; accipiunt enim ultra sortem in faciendo, & auferunt debitoribus libertatem molendi ubi voluerint. Si tamen debitores propter hoc non sunt damnificati, non tenentur eis ad restitutionem faciendam, nisi quatenus æstimari debet libertas molendi ubi vellent, pensatis etiam circumstantiis de majori & minori remotione molendinorum, & facilitate & difficultate molendi.

Idem docet Bonus Merbelius quæst. 8., secundo corollario scribens -- Septimo usurarius est, qui mutuat pecunias alteri dando, illi imponit onera, ad quæ non obligatur ex jure, v. g. ut se utatur medico, cum vel ipse, vel ejus domestici laborant morbo: ut colat agros suos: ut emat ex sua officina: ut sua frumenta non alibi quam sua mola commolantur. Nam ejusmodi obligationes cadunt sub pretium: & ideo ultra sortem mutuario imponi nequeunt: Tametsi mutuatarius nihil medico præter legitimum honorarium impertiat: tametsi in mutuantis officina non pluris emat quam alibi: tametsi denique in mola mutuantis non major mensura ex ejus frumento capiat quam alibi caperetur: & ita de cæteris. Si ergo mutuatarius ex ea obligatione sibi imposta aliquod damnum passus fuerit,

*vit, mutuans ad illud refarciendum tenebitur. Sin autem nullum cep-
erit damnum mutuatarius, mutuans illum ab imposto onere absolvere te-
nebitur.*

Idem demum nostra hac ætate Theologi pene omnes docent, at-
que constituunt. De domino mutuum dante colonis redibit sermo in-
ferius.



TERTIUS ARTICULUS est de emptione reddituum prædialium.

Pro cuius fundamento sciendum est secundum Alexandrum Lombardum, quod ex quatuor potest contractus esse vitiosus. Primo ex causa materiali, scilicet rei, quæ emitur: puta quia non est vendibilis, sicuti sunt homo liber, spiritualia, & huiusmodi. Secundo ex causa efficienti, scilicet ex parte contrahentis: puta quando quis fingit emere, quod intendit recipere in pignus, & huiusmodi, vel aliquam habet intentionem malam. Tertio ex causa formali, scilicet ex parte pacti oppositi rei, quæ transigitur: puta quando apponitur pactum, quod non convenit poni, ut in Simonia, & huiusmodi; vel quando pactum repugnat contractui: puta cum contractus est gratuitus, & tale vitium facit esse usuram. Quarto ex causa finali, scilicet ex parte pretii: puta cum non taxatur iuste.

(1) **R**Em hanc fufe prosequitur S. Bernardinus Serm. 34. art. 2. cap. 3., quem pro maiori declaratione potes consulere.

Hominem liberum vendi non posse, nec emi, textus est apertus L. Si in emptione §. Omnium rerum ff. De contrahenda emptione -- Omnium rerum, quas quis habere, vel possidere, vel persequi potest, venditio recta fit: quas vero natura, vel Gentium ius, vel mores Civitatis commercio exuerunt, earum nulla venditio est. Liberum hominem scientes emere non possumus --. Excipitur casus, in quo quis viginti annis major consensum præbet, textu expresso Instit. De Jure personarum §. 4. -- Servi... fiunt aut jure gentium, idest ex captivitate, aut jure civili, cum liber homo major viginti annis ad pretium participandum se se venundari passus est --. Excipitur etiam casus, in quo pater extrema inopia laboraret L. Si quis C. de patribus, qui filios suos distraxerunt -- Si quis propter nimiam paupertatem, egestatemque, victus causa filium, filiumve sanguinolentos vendiderit, venditione in hoc tantummodo casu valente, emptor obtinendi ejus servitii habeat facultatem --; naturæ siquidem consentaneum vide-

videtur, ut proles ad conservandam vitam patris sinat se libertate privari, quam tamen solvendo pretium redimere postmodum potest, ut subdit eadem Lex -- *Liceat autem ipsi, qui vendidit, vel qui alienatus est, aut cuilibet alii ad ingenuitatem cum propriam repetere: modo si aut pretium offerat, quod potest valere, aut mancipium pro ejusmodi præslet.*

Spiritualia non posse vendi, tota est quæstio tertia primæ Causæ, cui concinit Jus Civile L. *Hanc legem ff. De contrahenda emptione* -- *Ceterum si omne religiosum, vel sacrum, vel publicum venerit, nullam esset emptionem, & L. Sancimus C. De sacrosanctis Ecclesiis* -- *Sancimus nemini licere sacratissima, atque arcana vasa, vel vestes, ceteraque donaria, quæ ad divinam religionem necessaria sunt (cum etiam veteres leges ea, quæ juris divini sunt, humanis nexibus non illigari sanxerint) vel ad venditionem, vel hypothecam, vel pignus trahere* -- Excipitur super his causa captivitatis, & famis, quum pro hujusmodi casibus ibi subdatur -- *Tunc & venditionem præfatarum rerum divinarum, & hypothecam, & pignorationes fieri concedimus: quoniam non absurdum est animas hominum quibuscumque vasis, vel vestimentis præferri.*

His adde ea, quorum usus solum est ad malum L. *Quod sæpe §. Veneni ff. De contrahenda emptione* -- *Veneri mali quidam putat non contrahi emptionem: quia nec societas, aut mandatum flagitiose rei ullas vires habet; quæ sententia potest sane vera videri de his, quæ nullo modo, adjunctione alterius materia, usu nobis esse possunt* -- Adde rem alienam, res pupillorum, & hujus generis alia, quæ & ipsa vendi non possunt, nisi in quibusdam casibus per legem expressis.

Hoc posito fundamento quærentur tria dubia.

PRIMUM DUBIUM. Utrum liceat emere redditus pecuniariorum hæreditarie, vel ad vitam?

Respondeo, quod sic secundum Alexandrum Lombardum, si quatuor prædictæ causæ concurrant.

(1) Videlicet res sit vendibilis, sincere vendatur & ex animo, nihil apponatur repugnans contractui, & justo pretio vendatur. *Regulare siquidem est, ait S. Bernardinus ibidem, quod contractus emptionis, & venditionis illicitus est, quum in eo juris naturalis aequitas non servatur.*

Et si quis diceret, quod prima causa ibi esse non potest, quia pecunia non est vendibilis, nam quod est medium venditionis non potest esse terminus ejusdem.

Respondeo, quod sicut in rebus nostris tria habemus, mobile,

bile, scilicet, immobile, & jus in utroque, sic ipsum jus potest vendi quemadmodum mobile & immobile. Non ergo venditur pecunia, sed venditur jus percipiendi ipsos redditus pecuniales. Itaque quamvis pecunia non possit vendi, transit tamen ipsa cum jure vendito: sicuti patet in aliis, quæ non possunt vendi, ut in jure patronatus, quod spirituali annexum est, & tamen transit cum venditione villæ, vel fundi.

(3) Pecunia a pecoribus dicta est 1. q. 3. cap. Totum -- Ideo autem pecunia vocata est, quia antiqui totum, quod habebant, in pecoribus habebant -- Numine pecuniæ sic acceptæ veniunt omnia illa, quæ vendi possunt, quum ibidem scriptum sit -- Totum, quicquid homines possident in terra, omnia, quorum domini sunt, pecunia vocatur; servus sit, vas, ager, arbor, pecus, quicquid horum est, pecunia dicitur -- Author certe nomine pecuniæ hæc non intelligit, quum omnia ista, & his similia non solum permutari possint, ut fiebat antiquitus L. Origo ff. De contrahenda emptione -- Oportet enim non ita erat nummus: neque aliud merx, aliud pretium vocabatur: sed unusquisque secundum necessitatem temporum, ac rerum utilis inutiles permutabat, quando plerumque evenit, ut, quod alteri superest, alteri desit --: Sed etiam vendi vere & proprie medio nummo, qui consulto inventus est, ut sic occurreretur incommodis, quibus per solas permutationes humana societas erat obnoxia, quemadmodum ibidem scribitur -- Sed quia non semper, nec facile concurrebat, ut, cum tu haberes, quod ego desiderarem, invicem haberem, quod tu accipere velles, electa materia est, cujus publica ac perpetua æstimatio difficultatibus permutationum æqualitate quantitatis subveniret: eaque materia forma publica percussa usum, dominiumque, non tam ex substantia præbet, quam ex quantitate: nec ultra merx utrumque, sed alterum pretium vocatur.

Pecuniæ igitur nomine Author hic intelligit nummum verum, propriumque. Ad rem iccirco dicit pecuniam sic acceptam non posse vendi: quia nummus non parit nummum L. Nummis ff. De in litem jutando -- Nummis depositis, Judicem non oportet in litem jurjurandum deferre, ut juret quisque quod sua intersuit: eum certa sit nummorum æstimatio --: quia ut apposite 88. dist. cap. Eficiens -- Pecunia non ad aliquem usum disposita est, nisi ad emendum... Ex pecunia reposita nullum usum capis... Ager vel domus utendo veterascit: pecunia autem, cum fuerit mutata, nec minuitur, nec veterascit --: quia demum, ut fert commune proloquium, pecunia de se sterilis est, & iners, ex se non fructuaria, sed incapax cujuscumque fructus.

Salvo

Salvo meliori judicio credo, quod iste contractus sit licitus in re ditibus jam constitutis, non vero in illis, qui constituentur tempore contractus. Hoc idem tenere videntur Joannes Andreæ, & Hostiensis in Cap. *In Civitate Extra De usuris*: & maxime cum quis recipit a Titio centum, vel obligationem de centum, ut ipse se constituat debitorem redditus annualis in majori quantitate quam acceperit. Concordat Petrus de Ancharanò in Cap. *Usurarum lib. 6. De Usuris*.

(4) Non desunt secus opinantes, quos videre potes apud Authorem in Angelica ver. *Usura primo num. 44.*, apud Tabienam ver. *Usura 13.*, & apud alios. Contendunt hi in hisce casibus reperiri mutuum impliciter, non vero venditionem propriam. Qua tamen invicta ratione ducantur ad id adferendum; sane non video, semel posita Authoris distinctione inter pecuniam, & jus ad eandem: & quod ex consequenti vendi non possit pecunia, possit autem vendi jus ad pecuniam. Æqualitas servetur in hoc contractu venditionis, nec aliquid minuat de pretio propter solam pecuniæ numeratæ anticipationem: quoniam, quod respicit contractum in seipso consideratum, non video cur injustitiz, aut usuræ inculari possit: præsertim quum id cedat in commodum venditoris, cui durum esset & grave, si abiens in regiones longinquas, non amplius rediturus, vendere non posset redditus suos in censibus, & salariis pecuniariis constitutos.

In hanc Authoris sententiam concesserat Alesanus lib. 3. tit. 8. de undecimo scribens — Alii vero dicunt, quod non est ibi contractus mutui, sed emptionis, & venditionis. Neque est ibi contractus illicitus ex sua forma: quia ibi non emitur pecunia, sed jus percipiendi talem quantitatem pecuniæ annuatim super bonis ipsius vendentis. Tale autem jus non est pecunia, sed cum jure isto, quod vendi potest, transit pecunia, quæ non potest emi, neque vendi: sicut videmus, quod jus patronatus directe non potest emi, nec vendi, & tamen transit in fundo prædii vel Villæ, quæ emitur: licet alia de causa non possit vendi jus patronatus, quia scilicet est annexum spirituali: & alia de causa pecunia, ut patet ex prædictis. Unde homo potest licite pro centum libris emere unum prædium, & ipsum posset dare alicui hæreditarie, vel ad vitam suam sub tali pacto, scilicet quod ipse & hæredes sui obligarentur in perpetuum, vel ad vitam ejus ad reddendum ei, vel hæredibus ejus certam pecuniæ summam annuatim mediante emptione & venditione prædii ipsius. Ergo cum in conspectu Dei non differat hoc facere mediate, vel immediate, videtur, quod licite possit quis emere jus percipiendi quolibet anno sive

hære-

hæreditarie, sive ad vitam pro certa quantitate pecuniæ. Contractus ergo talis non est illicitus ex sua forma --. Hæc ille.

Quod ait Author de redditibus constitutis, non vero constituendis tempore contractus, id fortassis adseruit, quia, dum constituuntur in contractu, præsumuntur ficti, & simulati, non autem veri, & reales. De realibus enim etiam in contractu ipso constitutis ipsemet scribit in Angelica: ver. *Usura primo num. 44.* -- *Innocentius ibidem limitat in redditibus constitutis, non constituendis de novo tempore contractus. Sed non est ratio diversitatis, dummodo redditus sit realiter, in re, non fictitius --.* Et quidem jure optimo, quia, ut videre est in annotationibus ad hæc ipsa verba -- *Sicut quis potest emere libere totam possessionem, v. capere in Emphytheusim, vel emere annum redditum non constitutum ab antiquo: ita licitum est de novo constituere, & emere secundum Panormitanum, & Joannem de Anania in dicto cap. In Civitate --:* quod invicte probatur ex censu reali tum pecuniario, tum fructuario, qui de novo constitui, & emi, & vendi licite potest.

SECUNDUM DUBIUM. Utrum liceat sine vitio usuræ emere ad vitam redditus prædiales arcis, castri &c. sive etiam hæreditarie, scilicet pro se, & suis hæredibus?

Respondeo, quod sic secundum Alexandrum Lombardum, cum quo concordant Baldus L. *Si ea passione C. De usuris*, & Cynus. Hugo autem de Caltronovo dicit, quod duo requiruntur ad hoc ut sit licitum. Primum, ne emptor hoc faciat propter cupiditatem lucri, sed propter quietam vitam ducendam. Secundum, ne venditor hoc faciat causa lucri, sed propter necessitatem emptoris. Adde tertium secundum Alexandrum Lombardum, scilicet quod venditor non sit in arcta necessitate, ob quam emptor ex charitate ipsi mutuum dare teneatur; tunc enim si emptor accipit de istis redditibus ultra sortem, quam dedit, usuram committit; quia interpretative ista emptio succedit loco mutui.

(5) Ad probandum hujusmodi contractum esse licitum, validissima est ratio, quam profert S. Bernardinus Serm. 34. art. 2. cap. 1. -- *Nam qui dominus est alienius rei, etiam dominus est usus illius. Manifestum est enim, quod dominus alienius rei verus, sicut rem in alterum simpliciter transferre potest, sic etiam transferre potest usumfructum, retenta sibi proprietate, sicut patet manifeste in locatis. Videtur insuper probari posse*

ex dominio vero, quod sicut dominus rei transferre potest simpliciter dando, vel vendendo eam, vel retinendo proprietatem rei, & transferendo usum, sic potest dare vel vendere quoad terminatum tempus, seu particulare. Ex quo patet, quod licite vendi possunt, atque emi reditus ipsi ad vitam ratione dominii veri. Præ oculis tamen haberi semper debet æquitas, & iusta proportio, quemadmodum monet idem S. Doctor ibidem subdens -- Debet enim servari in tali contractu æquitas naturalis juris, scilicet inter ementem, & vendentem, ad hoc quod licitus sit. Quod tunc fit, si pretium, quod datur ab ipso emente, proportionetur rei data ab ipso vendente. Unde quando est in eo excessus, qui corrumpat hanc proportionem, sive ex parte ementis, sive ex parte vendentis, tunc quidem contractus tanquam illicitus rescindi potest: puta si pretium notabiliter excedat rem, vel pretium ejus. Notabiliter dico, quia propter parvum excessum pretii ultra rem, vel rei ultra pretium, talis contractus non vitatur, sed propter excessum notabilem atque clarum.

Et super hac re non defuere Doctores aliter sentientes, dum sermo est de emptione redditus ad vitam emptoris. Horum rationes, & confutationem pariter accipe ab ipso Authore in Angelica loco nuper citato -- Rodonensis tamen dicit, quod, quando emitur reditus ad vitam emptoris, quod tunc non est tutum, ne vendens desideret mortem emptoris. Et placet mihi ratio, quia pactum, quod inducit votum captivæ mortis, non valet **L. FINALI C. DE PACTIS, & L. STIPULATIO HOC MODO ff. DE VERBORUM OBLIGATIONIBUS**. Et ideo prohibetur promissio Præbendæ non vacantis in **Cap. 2. DE CONCESSIONE PRÆBENDÆ** lib. 6. Et hoc, quia est contra bonos mores. Ideo non debet admitti **L. PACTA C. DE PACTIS**. Quod tamen non est dicendum, quod sit mortale peccatum vendere, vel emere ad vitam secundum se, quia hoc non invenitur prohibitum, si debita servantur circumstantiæ: aliter usufructus nunquam posset constitui, qui finitur morte §. **FINITUR** Institus. **DE USUFRUCTU**. Egregia est ratio, quam lego in annotatione super hunc locum -- Prohibitum est in Beneficiis, ut in dicto cap. 2., & cap. **NE CAPTANDÆ, DE CONCESSIONE PRÆBENDÆ** in 6.; sed non in emptionibus, quia ex quo liberaliter quis vendit, non videtur ex hoc, quod debeat mortem ementis desiderare. Si tamen faceret, sibi imputandum esset --. Hic non agitur, iterum S. Bernardinus ibidem, de vitio ex parte contrahentis, sed de vitio contractus in se, scilicet an ex forma sua sit vitiosus vel non. Et dictum est supra, quod vitiosus non est, si inter ementem, & vendentem æqualitas servetur. Hæc ille. Cæterum contrahentes quod respicit, dubio procul cavere debent hi, ne contractum in seipso licitum pravis intentionibus, aut circumstantiis reddant vitiosum.

Joannes Andreæ, & Hostiensis in dicto Cap. *In Civitate*, qui sic formant hanc quæstionem: an sit licita emptio reddituum arcis, castri, vel fundi ad certum tempus, vel incertum: puta pro se, & suis hæredibus? Dicunt quod sic, & quod non sapit usuram, quando tales redditus jam erant constituti ante contractum, ut sunt census, tributum, pensio, & hujusmodi. Secus si tempore contractus nascantur, sive constituentur. Et idem dicunt in emptione Nominis, sive Actionis: & hoc idem tenet Innocentius, qui plene de hoc tractat in prædicto Cap. *In Civitate*. Et ideo addendum pro quarto ad hoc ut contractus sit licitus, quod sint redditus jam constituti.

(6) De redditibus tempore contractus constituendis vide quæ adnotavi num. 4. proxime præcedenti. Addo, quod contractus census realis de novo constituendi probatus fuit tanquam licitus a Summis Pontificibus Martino V., Calixto III., & Pio V.: & nostra hac ætate unanimi Ecclesiarum, Monasteriorum, Fidelium, omniumque Nationum usu, & consuetudine firmatur. Plura de censu dicam inferius super tricesimo primo dubio tertii Articuli secundæ Considerationis.

Nomen idem est ac jus debitoris, ut ff. *De re judicata* L. *A Divo Pio*, ubi dicitur, quod primo debent venire, seu vendi mobilia, secundo immobilia, tertio nomina, seu jura debitorum condemnatorum. Singulare est quod legitur §. *Sic quoque*, & seq. -- *Sic quoque Judices exsequuntur judicatum, ut nomina jure pignoris accipiant, si nihil aliud sit, quod capi possit; posse enim nomen jure pignoris capi Imperator noster rescripsit. Sed utrum confessum nomen tantum capi possit, an etiam si neget quis se debere, videamus* --. Actio & ipsa hic significat jus ad aliquod, & pro rerum diversitate diversas sortitur denominationes: puta dicitur actio empti, & est jus, quod emptori competit ad consequenda ea, quæ vi contractus a venditore sibi debentur L. *Ex emptio* ff. *De actionibus empti, & venditi*: dicitur e converso actio venditi, & est jus venditori competens ad ea habenda, quæ emptor ipsi debet vi contractus L. *Julianus* ff. *eod. tit. &c.* Nomina & actiones posse vendi textus est expressus L. *Si in emptione* ff. *De contrahenda emptione* -- *Omnium rerum, quas quis habere, vel possidere, vel persequi potest, venditio recte fit.*

TERTIUM DUBIUM. Utrum qui dant pecuniam Ecclesiis, ut recipiant ab eis certas possessiones tenendas toto tempore vitæ suæ, quæ post mortem ipsorum ad Ecclesias revertuntur,

E

tur,

tur, pecunia autem apud Ecclesias remanente, committant usuram?

Respondeo secundum Goffredum in tit. *De usuris*, quod illicitus est iste contractus, eo quod homines multum vivere sperant, & credunt se amplius recepturos de fructibus quam dederunt: quia sola intentio facit usuram. Nec tamen per hoc sequitur, quod a simili prædicti duo casus in præcedentibus dubiis positi essent illiciti omni modo: quia, quamvis in contractu mutui sive veri, sive interpretati sola spes lucri faciat usuram, ut in Cap. *Consuluit Extra De usuris*, nam ibi speratur aliquid, quod non est de sorte; non tamen sic est in vera venditione, quæ est in duobus casibus prædictis, non autem in isto; & ideo non est similis casus.

(7) Author hic vel unam exposuit mentem Goffredi, vel, si & ipse tum ejusdem erat sententiæ, hanc immutavit factus senior: quoniam in Angelica ver. *Usura primo* num. 44. sub initio hunc eundem casum proposuit, & post declaratam Goffredi mentem, propriam aperiens scribit -- *Ego dico, quod quando etiam datur pecunia, quod licet, dummodo servetur æqualitas juris naturalis secundum Ricardum in 2. quolibet. q. 23. art. 2. : quia talis contractus non est contractus mutui veri, vel apparentis, sed potius est contractus innominatus, qui magis assimilatur contractui emptionis, & venditionis* --. Idem docuerat S. Bernardinus ibidem, qui objecto Goffredi respondens inquit -- *Ad hoc dicendum, quod verum est, quod sola spes usurarium facit in contractu mutui veri, seu interpretati, sicut patet Extra De usuris cap. Consuluit, quia ibi speratur aliquid, quod non est de sorte: sed non sic contingit hic, ubi vera venditio est*. In emptionibus & venditionibus citra peccatum sperari posse lucrum moderatum, nemo est, qui ire possit inficias: quoniam, ut ad rem cap. *Quid est aliud* dist. 88., *quid est aliud negotium, nisi quæ possint vilius comparari, carius velle distrabere?* & apposite cap. *Forus Extra De verborum significatione* -- *Negotiatio in commerciis dicitur, ubi aliquid datur, ut majora laerentur*. Immoderatum lucrum illud est, quod in hisce contractibus improbat eodem cap. *Quid est aliud* -- *Negotiatores ergo illi abominabiles existimantur, qui iustitiam Dei minime considerantes per immoderatum pecunia ambitum polluuntur* --: non autem lucrum moderatum, quod jura omnia permittunt, licitumque declarant. Si igitur contractus, de quo ibi sermo, reducitur ad veram venditionem, spes moderati lucri ipsum non efficit usuræ labe infectum.

Equa-

Æqualitas juris naturalis, seu iustitiæ, quam cum Ricardo & S. Bernardino Author necessariam dicit etiam in hisce contractibus venditionis ad vitam, alligata non est determinato cuidam pretio, sicuti alligatæ sunt communes & quotidianæ mercium venditiones -- Si autem queratur (S. Bernardinus ibidem) quæ æqualitas in hoc contractu servanda sit: dicendum quod tunc æqualitas observatur, quando pretium tanta quantitatis est, quod, pensata ætate ementis, & sanitate ejusdem, ac periculis circa fructus possessionis, sollicitudine, & labore, non apparet quis notabiliter habeat meliorem partem, an scilicet ipse emens, vel vendens -- Si postmodum contingat, quod uno vel altero anno ab initio contractu moriatur emptor; aut e contra emptor vivat usque ad ultimam canitiem: nihil interest, nec teneretur ad restitutionem, qui in casu lucratum esset ultra quam sperare poterat. Quando contractus suis initus, æquale erat dubium, æquale periculum emptoris & venditoris; & ideo si propter vitam vel brevem, vel diuturnam emptoris, quæ non pendet ab homine, res contingit in favorem unius præ alio; totum hoc de sorte fuit: sicuti de sorte esset, si quis emeret equum, & solutus pro eo centum libris equus postmodum moreretur in favorem venditoris, & in damnum ementis. Nescit homo finem suum. Ecclesiastes 9. v. 12. -- Breves dies hominis sunt, numerus mensium ejus apud te est. Job. 14. v. 5. Non ergo contrahentes ad vitam determinatum quemdam annum præ oculis habere possunt ad justum constituendum venditionis pretium, sed unice, pensata ætate & sanitate ementis, convenire debent de pretio plus minusve juxta prudentem hominum æstimationem. Si postmodum secus accadat, & conditio unius vel alterius melior reddatur, totum hoc de sorte erit, ut dixi, nec ullam in lucrante inducet obligationem in contractu non appositam.

Idem dixerat Athesanus lib. 3. tit. 11. De quinto, ubi, confutata opinione Goffredi, & confirmata sententia Hostiensis aliter sentientis, ita prosequitur -- Quando ergo prædium aliquod, vel aliquid simile, emitur hæreditarie, vel ad vitam ementis, est contractus licitus ex forma sua: quia est contractus veræ emptionis, & venditionis. Et dico ex forma sua: quia posset esse in emente & vendente intentio corrupta. Est inquam licitus, si ibi fuerit tanta æqualitas, quod, compensatis omnibus circumstantiis secundum rectam rationem consideratis, ex omni parte non apparet manifeste quis, scilicet vendens vel emens, habeat in illo contractu partem notabiliter meliorem. Et tunc unus alteri restituere non tenetur, quicquid contingat. Si vero appareat manifeste, quod alter habeat ibi partem notabiliter pejorem, tunc est contractus illicitus: quia ibi corrumpitur æqualitas juris naturalis, quæ servari debet inter ementem & vendentem --. Hæc ille.

Contractus hic, si ut par est expendatur, videtur census vitalitius

fructuarius, qui nec juri naturali, nec Ecclesiastico adversatur, ut infra ostendam loco proxime laudato.

Quum sermo hic sit de rebus, seu possessionibus ad Ecclesiam pertinentibus, scias oportet eas sine Beneplacito Apostolico locari posse duntaxat ad triennium, ut sancivit Paulus II. Extravag. . *Amosisse*, De rebus Ecclesiasticis non alienandis Extravag. comm., quod triennium de tribus annis fructiferis est intelligendum. Quapropter si ageretur de prædio, quod fructificaret duntaxat singulo biennio, locari hoc posset ad sex annos: & si solum singulo triennio fructus redderet, ad novem annos posset locari: quum Constitutio Apostolica non respiciat temporis spatium sine fructu, sed fructus respiciat triennales, ut asseruit Rota Romana 19. Junii 1648. in una Tiburtina affectus. Potiori igitur de causa necessarium esset Beneplacitum Apostolicum in casu præsentis, in quo agitur de fructibus alteri concedendis non solum ultra triennium, sed ad vitam cementis.





CIRCA secundam Considerationem, in qua de usuræ perpetratiōe est tractandum, triplex Articulus declarandus est. Primus, quid sit usura. Secundus, quare prohibeatur usura. Tertius qualiter committatur usura.

Primus inquam Articulus, quid sit usura, ipsius descriptionem habet declarare. Ad cujus declarationem unam solum ponam Hostiensis descriptionem, quæ dicit -- *Usura est quodcumque solutioni rei mutuatæ accedit ipsius rei usus gratia, pactione interposita, vel exactione, vel hac intentione habita ex post facto* -- : in qua quinque ponuntur notanda.

(1) **D**uplex usuræ genus distinguunt Theologi. Prima dicitur spiritalis, corporalis secunda: sancta illa, & laudabilis; iniqua ista, & vituperanda. Spiritualis definitur a S. Thoma 2. 2. q. 78. art. 1. ad primum -- *Superexcreſcentia bonorum ſpiritualium, quam exigit Deus, volens ut in bonis acceptis ab eo ſemper proficiamus; quod eſt ad utilitatem noſtram, non ejus* -- . Ad hanc nos hortatur Chriſtus ipſe Matth. 25. v. 27. *Oportuit ergo te committere pecuniam meam nummulariis, & veniens ego recepiſſem utique quod meum eſt cum uſura* -- . Jure merito iſcirc ſcriptum eſt cap. Sicut non ſuo 46. diſt. -- *Fœnus autem hoc ſolum aſpicere, & exercere debemus, ut quod hic miſericorditer tribuimus, ab eo*

Domino, qui multipliciter, & in perpetuum mansura tribuit, recipere valeamus --. De hac non loquitur hic Author, sed unice de usura corporali, quam in cap. *Plerique* 14. quærit. 3. sic definit S. Ambrosius -- *Quodcumque forti accedit, usura est* --: quamque Theologi definire solent -- *Lucrum ex mutuo vi alterui* --. De usura sic accepta egregie agit more suo Benedictus XIV. de Synodo Dioces. lib. 10. cap. 4. & 5., refellens præsertim errores Calvinii, & Caroli Molinæ, qui in mutuo moderatum lucrum licitum esse docuerunt, non quidem a viro paupere, sed a divite recipiendum, contra expressum Domini mandatum Lucæ 6. v. 35. indistincte dicentis -- *Mutuum date, nihil inde sperantes* --. Aliquid discriminis reperitur inter definitionem usuræ reipsa traditam ab Hostiensis, & hanc, quam Author eidem hic attribuit. Sed quum in levissima quadam unius vel alterius verbi diversa positione consistat; ideo eam relinquo sicuti fuit ab Authore exhibita. En literalem Hostiensis definitionem -- *Quodcumque solutioni rei mutuata accedit ipsius rei usus gratia, pactione interposita, vel hac intentione habita in contractu, vel exactione habita ex post facto*.

Primum est *quodcumque*, & bene, quia hoc idem habetur in cap. *Plerique* 14. q. 3.. Unde sive illud sit pecunia, sive spes, sive fructus, sive ligna, sive quodcumque aliud ultra sortem. Et licet multipliciter accipiatur fors, tamen hic accipitur pro capitali, ut in cap. 1. & 2. *Extra De usuris*.

(2) En caput *Plerique* hic laudatum -- *Plerique resugientes præcepta legis, cum dederint pecuniam negotiatoribus, non in pecunia usuras exigunt, sed de mercibus eorum tanquam usurarum emolumenta percipiunt*. Ideo audiant quid lex dicat -- *Neque usuram, inquit, escarum accipies, neque omnium rerum*. Item paullo post -- *Et esca usura est, & vestis usura est, & quodcumque forti accedit usura est; quod velis ei nomen imponas, usura est*.

Sors, proprie loquendo, est ars divinandi, & dividi solet in divinatoriam, consultoriam, & divisoriam: qua de re vide Lucium Ferraris ver. *Sors* per totum. Sumitur etiam ad alia significanda: puta pro sortilegio, pro portione hæreditatis, pro fortuna vel eventu &c. Sed nihil interest hæc persequi. Usus invaluit sortem etiam accipere pro capitali: & pro hac acceptione non solum habemus Jus Canonicum ab Authore productum, sed & ipsum Jus Civile L. *Acceptam C. De usuris*, ubi sic lego -- *Acceptam... sortem cum usuris licitis creditoribus post contestationem offeras: At si non suscipiant, consignatam in publico deponere, ut cursus legitimarum usurarum inhibeatur*.

Ad

Ad cuius primi verbi declarationem duo quæruntur dubia.

PRIMUM DUBIUM. Utrum mutuum dans ad captandum amorem, vel benevolentiam, sit usurarius?

Respondeo secundum Thomam 2. 2. q. 78., quod non, nisi spes ulterius procedat: quia si quis daret mutuum Papæ, Imperatori, & hujusmodi, ad captandam benevolentiam, ut posset consequi caltrum, aut aliquod Beneficium, usura esset secundum Joannem Calderinum in Cap. finali Extra *De usuris*. Similiter mutuo dare licet ad habenda ea, quæ pecunia non mensurantur secundum Thomam ubi supra. Et illud verbum *quodcumque* intelligitur de iis, quæ pecunia mensurantur. Item secundum eundem licet sperare rem, cuius usus inter amicos concedi solet, sicuti commodatio libri. Item injuriæ remissionem ab illo, qui me persequeretur cum multo incommodo meo, ut Extra *De Simonia* Cap. *Dilectus*, & Cap. *Ad aures* ibidem.

(3) Quum benevolentia non cadat sub æstimatione pecuniæ, nec pecunia mensuretur, S. Thoma id conceptis verbis docente loco laudato in responsione ad tertium, sponte fuit mutuo dantem cum hac spe, & intentione condemnari non posse tanquam usurarium. Et hoc intelligas volo non solum de benevolentia communi in sacris Literis præcepta Matth. 22. v. 39. -- *Secundum autem simile est huic: diliges proximum tuum sicut teipsum* --, prima Cor. 13. v. 3. -- *Et si distribuero.... charitatem autem non habuero, nihil mihi prodest* --, prima Petri 4. v. 8. -- *Ante omnia autem mutuum in vobismetipsis charitatem continuam habentes, quia charitas operis multitudinem peccatorum* --: sed etiam de benevolentia quadam particulari, magis intensa, magisque conspicua; quum & hæc intra benevolentia limites contineatur.

Author in Angelica ver. *Usura primo* num. 2., postquam illud idem dixit quod hic asseruit cum Calderino, subdit -- *Hoc limbo verum, quando ex mutuo speraret; sed quando ex amore concepto erga ipsum ex mutuo facto, non esset verum; immo licite posset sperare, quia illud non sperat ex mutuo, sed ex amore. Et quod liceat, tenet Thomas supra art. 2. in responsione tertii argumenti* --. Et reipsa S. Thomas id adseruisse videtur, dum ibidem scripsit -- *Si vero munus ab obsequio, vel a lingua non quasi ex obligatione rei exhibeatur, sed ex benevolentia, quo*

sub æstimationem pecuniæ non cadit, licet hoc accipere, & exigere, & expectare --. Casus tamen hic non caret periculis, ad quæ declinanda opus est, ut qui mutuum dat, alium sibi non præstituat finem nisi puram putamque benevolentiam: quoniam si intentio alterius progredieretur, sciens quod mutuarius eos, quos diligit, ad Beneficia promovere solet, sperans iccirco consecuta benevolentia idem sibi eventurum: jam mutuum dando fieret usurarius. Sub pallio benevolentie vere tunc intenderet lucrum ex mutuo, quamvis mutuarius Beneficium illi conferret non motus ex mutuo, sed ex amore concepto erga mutuatorem.

Quod hic ait Author de remissione injuriæ, id limitat ipse in Angelica ibidem num. 3. ad persecutionem injustam; dubio enim procul favoribus & beneficiis, inter quæ connumeratur certe mutuatio gratuita, redimere possum vexationem injustam. Immo id consonum est Dominico consilio Matth. 5. v. 44. -- *Benefacite his, qui odierunt vos*.

Dubium nunc remanet, dum quis me quasi juste persequitur, quia ipse ei præbui causam inimicitie. Super qua re distinguas necesse est. Aut ille, quem ego ipse offendi verbis, vel factis, vexat me in judicio, aut extra judicium. Si primum, putarem quod non possit mutuuum dari licite hac intentione, vel sub hac conditione, quod mutuarius recedat ab incepto: quum hic utatur jure suo, & recessio ab incepto æstimari possit pecunia, æstimetur immo communi hominum judicio. Si secundum, arbitror cum Authore annotationum super Angelica, & S. Bernardino ibidem serm. 36. art. 3. cap. 3., fieri id posse citra usuram: quia sicut ipse male egi inferendo injuriam, ita quoque alter male agit, & contra Domini præceptum, fovendo vindictam. Illicitum porro non est, immo laudabile, & pium beneficiis curare, ut amoveatur id, quod displicet Deo, & proximo est in offensionem. Etsi igitur non liceat mutuatio cum pacto apposito, ut remittatur injuria, dum quis iusta de causa vexat me in judicio, licet tamen, immo laudabilis est, dum quis signa animi offensæ ostendit extra judicium, vel me injusta vexatione conturbat.

Hæc pene omnia paucis docuit Merbesius q. 8., secundo Corollario, inquiens -- *Octavo usurarius est, qui alteri justam litem adversus se persequenti dat mutuas pecunias, ut ab intensata lite ablineat, atque ita declinet sumptus, & molestiam, aut alia id genus, quibus secundum leges jure ac merito pleretur. Nam, ut perspicuum est, ex mutuo non medio-cre lucrum reportaret. Secus dicendum esset, si homini iniquam sibi litem inferenti pecunias mutuo daret, ut hujusmodi litis persequendæ voluntatem abjiceret; tunc enim non caperet lucrum ex mutuo, utpote qui suam vexationem redimeret.*

SECUNDUM DUBIUM. Utrum liceat petere munus a lingua, vel ab obsequio, propter pecuniam mutuo datam?

Respondeo secundum Thomam ubi supra, quod non, quia hoc pecunia æstimari potest, ut patet in illis, qui propter hoc locant operas suas. Ideo concludere *quodcumque*, scilicet omne id, quod pecunia æstimari potest.

(4) En verba Angelici Doctoris -- *Ad tertium dicendum, quod si aliquis ex pecunia mutuata expectet, vel exigat, quasi per obligationem pacti taciti, vel expressi, recompensationem muneris ab obsequio, vel a lingua, perinde est ac si expectaret, vel exigeret munus a manu: quia utrumque pecunia æstimari potest, ut patet in his, qui locant operas suas, quas manu, vel lingua exercent.*



SECUNDUM VERBUM est *mutuata*. Nota hic, quod in solo mutuo proprie committitur usura; ratione tamen æquipollentiæ etiam committitur in emptione & venditione ad terminum, videlicet quando venditur tempus. Ad cuius secundi verbi declarationem quærentur duo dubia.

(1) **J**ure omni docet Author in solo mutui contractu usuram proprie committi: quia, quum usuræ vitium in hoc sit positum, ut aliquid accipiat ultra sortem, vitium hoc in solo mutuo reperiri potest, sicuti probat S. Bernardinus serm. 37. art. 1. cap. 2. inquit -- *Tale nempe vitium cadere non potest primo in contractu emptionis vel venditionis: secundo nec in contractu locationis: tertio nec in contractu commodati. Primo usura cadere non potest in contractu emptionis & venditionis, quia in tali contractu non accipitur aliquid, quod accedat sorti. Nam si quis pro centum emas agrum, ac in fine anni fructus inde percepti valeant decem, talis excresecientia de sorte est. Eodem modo si quis emit merces, quæ in uno loco abundant, pro minori pretio, & aliquid lucratur, dum vendit eas in alio loco, ubi deficiunt, lucrum est de sorte; & ideo licitum est. Ex his patet, quod in contractu emptionis & venditionis luerum non accedit sorti, sed est de sorte. Secundo non cadit usura in contractu locationis, & hoc propter eandem causam. Proinde id, quod datur pro re locata, est utique merces, non usura. Tertio quoque non potest esse usura in commodato, quia, si pro re commodata aliquid datur, commodatum tunc in locatum transit, ut jam vere dicatur locatum, non commodatum. Ex his patet, quod usura est vitium alicujus contractus; sed, ut patet, non emptionis, nec venditionis, nec locationis, nec commodati. Necessæ est ergo, quod sit mutui --. Placet adjicere quod ibidem subdit S. Doctor, duos nempe reperiri contractus suapte natura gratuitos, mutuum nempe, & commodatum. Mutuum quidem, quod si gratuitum non est, jam non est mutuum, sed usura. Commodatum vero, quod, si non est gratuitum, non est utique usura, sed transit in locatum.*

PRIMUM DUBIUM. Quæ est differentia inter mutuum, commodatum, locatum, emptionem, & venditionem?

Respondeo multiplex: nam mutuum dicitur quod de meo fit tuum: & qui accipit obligatur ad tantundem reddendum
in

in genere suo: & consistit in iis rebus, quæ numero, pondere, & mensura dantur, ut L. 2. ff. *Si certum petatur*. Et quod mutuum solum consistat in numero, pondere, & mensura, habetur textus Instituit. *Quibus modis re contrahitur obligatio* sub initio. Et in hoc mutuo debet tantum substantia rei, & valor ipsius pensari, non usus, vel fructus: & nihil licet accipere nisi valorem rei, non vero rem ipsam, cum transferatur dominium; aliter esset usura.

(2) En legem citatam *Si certum petatur*, vel *De rebus creditis* -- *Mutuum damus recepturi non eandem speciem, quam dedimus (aliouin commodatum erit, aut depositum) sed idem genus: nam si aliud genus veluti ut pro tritico vinum recipiamus, non erit mutuum. Mutui datio consistit in his rebus, quæ pondere, numero, mensura consistunt: quoniam eorum datione possumus in creditum ire, quia in genere suo functionem recipiunt per solutionem, quam specie: nam in cæteris rebus ideo in creditum ire non possumus, quia aliud pro alio invito creditori solvi non potest. Appellata est autem mutui datio ab eo, quod de meo tuum fit: & ideo, si non fiat tuum non nascitur obligatio.*

En quod habetur in Institutionibus loco laudato -- *Re contrahitur obligatio, veluti mutui datione. Mutui autem datio in iis rebus consistit, quæ pondere, numero, mensura constant: veluti vino, oleo, frumento, pecunia numerata, ære, argento, auro: quæ res aut numerando, aut metiendo, aut adpendendo in hoc damus, ut accipientium fiant. Et quoniam nobis non eadem res, sed aliæ ejusdem naturæ, & qualitatis redduntur, inde etiam mutuum appellatum est, quia ita a me tibi datur, ut ex meo tuum fiat: & ex eo contractu nascitur actio, quæ vocatur condictio* --. Condicere est rem suam in iudicio petere, personam pulsando, vel inquietando, & ipsam dicendo obligatam sibi esse ad aliquid dandum, vel faciendum. Tractum est hoc verbum a veteri observatione, quia olim erant in usu solemnia verba, quæ oportebat Actorem; cum litigabat coram Iudice, condicere, idest simul dicere quando litigaret, ut si caderet a syllaba, caderet a tota causa. Et quia in personalibus actionibus hoc observabatur, ideo personales actiones dicebantur conditiones. Deinde præfata solemnitas in desuetudinem transit; hoc tamen nomen adhuc remansit, ut personales actiones adhuc dicantur condictiones, quamvis non sit necesse hanc solemnitatem observare, & hæc verba condicere. Et ex hoc datur intelligi, quod condictio non est aliud nisi personalis actio. Hactenus Vocabularium utriusque juris ver. *Condicere*. Condictio igitur, de qua in præsentī, est actio, quam habet

bet mutuator ad aliquam speciem, vel quantitatem in iudicio repetendam.

Mutuum iccirco recte definiri potest: gratuita traditio rei numero, pondere, vel mensura constantis, eo animo facta, ut statim fiat accipientis, cum obligatione tantundem restituendi ejusdem speciei, & bonitatis, vel aliud æquivalens.

Commodatum est alicujus rei ad aliquem usum gratuita concessio: & in eo redditur eadem numero res, quia non transfertur dominium, sed duntaxat ejus usus: nec aliquid debet recipi, aliter transfret in locatum secundum Hostiensem, & Gossredum.

(3) Super Commodato, quod sic dictum est quasi utentis commodatum, quoque definiri solet: rei alicujus, quoad usum solum, gratuita concessio ad certum tempus: egregia sunt quæ leguntur Institut. Quibus modis re contrahitur obligatio §. Item -- Item is, cui res aliqua utenda datur, idest commodatur, re obligatur, & tenetur commodati actione. Sed is ab eo, qui mutuum accepit, longe distat: namque non ita res datur, ut ejus fiat, & ob id de ea re ipsa restituenda tenetur. Et is quidem, qui mutuum accepit si quolibet fortuito casu amiserit quod accepit: veluti incendio, ruina, naufragio, aut latronum hostiumve incurfu, nihilominus obligatus manet. At is, qui utendam accepit, sane quidem exactam diligentiam custodienda rei præstare tenetur: nec sufficit ei tantam diligentiam adhibuisse, quantam suis rebus adhibere solitus est, si modo alius diligentior posuerat eam rem custodire: sed propter majorem vim, majoresve casus non tenetur, si modo non ipsius culpa is casus intervenit. Alioqui si id quod tibi commodatum est domi, peregre tecum ferre malueris, dubium non est, quin de restituenda ea re tenearis. Commodata autem res tunc proprie intelligitur, si nulla mercede accepta, vel constituta res tibi utenda data est: alioqui mercede interveniente locatus tibi usus rei videtur. Gratuitum enim debet esse Commodatum.

Locatio vel conductio. Locator dicitur, qui rei suæ usum alteri concedit pro pretio, ut cum loco tibi domum pro pretio: & tunc ego sum locator, tu conductor, ut patet Institut. De locatione, & conductione: & tunc non transfertur dominium.

(4) Ex parte locantis dicitur locatio, & ex parte locatarii vocatur conductio. Qui locat, locator, & qui rem in locationem accipit, conductor nuncupatur. Locari possunt non solum res illæ, quæ ad usum deserviunt, sicuti domus ad habitandum, bos ad arandum, equus ad equi-

equitandum, & hujusmodi: sed etiam illæ, ex quibus percipiuntur fructus, ut ager, vinea, pascua, &c. Immo & personæ ipsæ locari possunt, seu ipsarum operæ & labores, sicuti patet in famulis, ancillis, & hujusmodi.

In emptione & venditione pensatur substantia rei, & usus ejusdem: & ideo, si aliquid justo pretio emitur, vel recipitur, totum de sorte est.

(5) Emptio est pactio pretii pro merce. Venditio est pactio mercis pro pretio. *Est autem emptio Juris Gentium*, ad rem L. 1. ff. *De contrahenda emptione*, & ideo consensu peragitur, & inter absentes contrahi potest, & per nuntium, & per literas --. Definitur iccirco contractus onerosus mutuo consensu peractus dandi mercem pro pretio determinato, & pretium determinatum pro merce determinata. Emptione secuta dominium transfertur in emptorem. Sed an antea, vel post rei traditionem, disputant Theologi. Quibusdam placet adserere dominium statim transferri celebrato contractu, quia jure gentium res, quæ prius erat mea, jam tua per contractum facta est. Secus opinantur alii, quia Instituit. *De emptione, & venditione §. Quum autem scriptum est -- Qui nondum rem emptori tradidit, adhuc ipse dominus est --*. Vide Concinam lib. 3. de Justitia & Jure Dissert. 2. cap. 1. num. 3., qui in hanc potestrem sententiam descendit, & iccirco subdit -- *Ut itaque dominium transferatur, & traditio, & pretii solutio requiruntur. Si alterum ex his duobus conditionibus desit, dominium non transferri communiter asserunt Auctores.*

SECUNDUM DUBIUM. Utrum peccet mortaliter, & committat usuram ille, qui principaliter mutuum dat propter charitatem, secundario tamen propter aliquam temporalem utilitatem; sed nihilominus, etiamsi crederet nullam utilitatem inde consequi, non propter hoc desisteret dare mutuum?

Respondeo, quod non: & hujus sententiæ est Baldus in Cap. *Consuluis Extra De usuris*. Arguitur 61. dist. Cap. *Quid proderit*, 59. dist. Cap. *Si officia*, & 1. q. 2. Cap. *Quam pio*. Immo tali mutuatori debitor est naturaliter obligatus ad antidora, ut Extra *De testamentis* Cap. *Cum in officiis*, & L. *Sed etsi lege §. Consuluis. ff. De heredis etis peritione* secundum Glossam, quæ fuit Alani, cui concordat Goffredus.

(6) Casum

(6) Casum huic non absimilem proponunt Concina Dissert. 3. De Iustitia & Jure cap. 16. num. 7. & seq., & Joannes Pontas ver. *Usura casu* 13., & ambo in eandem cum Authore nostro descendunt opinionationem. Postquam Daniel Concina nonnullos Auctores improbavit non recte sentientes, hæc adiecit numero undecimo tanquam pro regula super hac re -- Mutuator itaque absolute, & gratis mutuum tradat. Ita paratus sit, ut cessante quacumque gratuita remuneratione mutuum daretur. Si hanc animi dispositionem aliqua spes muneris gratuiti comiteatur, non est usurz mentalis damnandus. Hæc est S. Thomæ doctrina. Cæterum si lucri spes esset causa princeps, nunquam in praxi illum ab usura ego liberarem. Quid quod reipsa juniores hanc spem periculi plenam fatentur! Dissuadenda ergo, non vanis ratiunculis, & arbitrariis speculationibus confirmanda. S. Raymundi præceptionem transcribo ex lib. 2. cap. *De usuris* §. 4., ubi hæc habet: Ideo hanc naturalem obligationem non potest creditor deducere in pactum expressum, vel saltem sperare effectum ipsius obligationis naturalis: quia creditor nullo modo debet pactum apponere, nec principaliter spem, vel intentionem in tali retributione habere, sed propter Deum, & ex charitate debet mutuare indigenti. Et tunc forte, si secundario speret, quod ille debitor sibi remutuet, vel aliquid simile, si opus fuerit, forte non est reprobandum --. Hæc ille. Pontas vero, consimilibus recitatis ex Sanctis Antonino & Raymundo ita prosequitur -- Atque hæc omnia fundamentum habent in ipsamet definitione, quam ad usuram S. Antoninus aecommodat sequenti ratione: Usura est lucrum ex mutuo principaliter intentum. Adeo ut, cum finis principalis, quem Hebertus [de quo casum proposuit] intendit, non habuerit pro objecto suo lucrum aliquod sibi percipiendum, sed solum officium ipsimet Petro conferendum ex mutuo, quod eidem tradebat, non sit censendus usurarius, quanquam speraverit futurum ut a Petro posset aliquando simile officium sibi referri, si necessitas urgeret ad eum recurrendi --. Hactenus Pontas. Ex hucusque recitatis infer, quod, si spes utilitatis, aut benevolentiz naturali cuidam obligationi ianixa non transit in pactum, nec exterius declarata est, nec est finis principalis mutui, usura non est. Quapropter quum hæc tria non habeantur in casu ab Authore proposito, quoniam mutuator supponitur paratus dare mutuum, etiamsi certus foret nullam consecuturum esse utilitatem: jure iccirco concludit ipsa non esse usurarium.

Antidora dicitur obligatio non efficax ad agendum, sed aequitate subnixa ad agendum L. Sed etsi §. Consultuit ff. De hereditatis petitione, & L. Ex hoc jure ff. De Iustitia & Jure, & debetur Antidora ab eo, qui servitium recipit --. Ita Vocabularium utriusque juris verbo *Antidora*. Non tenentur quidem mutuatarii aliquid mutuatoribus elargiri, cum mutua-

tio debeat esse gratuita. Sed -- Cum in officiis charitatis primo loco illis teneamur obnoxii, a quibus beneficium nos cognoscimus recepisse Extra De testamentis cap. Cum in officiis: Laudandi sunt qui aliquid sponte largiuntur grati animi causa, & improbandi qui secus operantur, cum tamen quidpiam largiri possint. Apposite iccirco Daniel Concina ibidem -- Ceterum mutuarii, qui ingrati sunt mutuatoribus suis, qui, occasione data, signa benevolentiae, & liberalitatis exhibere negligunt, & ipsi improbandi. Siquidem propter ingratitudinem, & infidelitatem debitorum accipientium mutuum, & avaritiam mutuatorum, charitatis officia exulant a Christianis, & usquequaque usura, ac iniustitia grassantur.

Antidota, seu naturalem hanc obligationem perbelle exprimit, & describit Glossa ab Authore memorata inquires -- Hæc naturalis obligatio ex puris, & meris motibus animi cuiusque descendit. Omnis enim creatura movetur ad benefaciendum ei, qui sibi benefacit: & talis obligatio ex instinctu nature procedit. Et non est illa talis donatio, quæ ex nudo pacto nascitur: nam illa est efficacior, utpote cum non sit donatio, si id, quod per pactum nudum naturaliter debetur, solvatur, ut infra De donationibus L. Hoc jure §. penultimo. Si autem, quod instinctu nature debetur, solvatur, donatio est sine dubio, quæ nomen assumit remunerationis, ut infra Mandati L. Si vero non remunerandi in principio, & L. Si remunerandi in principio --. Perbelle pariter eandem naturalem obligationem exponit S. Thomas 2. 2. q. 106. art. 6. scribens -- Et ideo qui beneficium accepit, ad hoc obligatur ex debito honestatis, ut similiter aliquid gratis impendat. Non autem videtur gratis aliquid impendere, nisi excedat quantitatem accepti beneficii: quia quando recompensat minus, vel æquale, non videtur facere gratis, sed reddere quod accepit; & ideo gratia recompensatio semper tendit, ut pro suo posse aliquid majus retribuatur.

Pro clariori tamen intelligentia hujus dubii est sciendum, quod intentio cupiditatis in mutuo, quæ facit usuram, tripliciter solet contingere. Primo antecedenter, scilicet ante mutuum: & tunc, si post mutuum cognoscens eam eandem mutat, potest sponte donata recipere, & retinere: & solum peccavit de intentione mala. Secundo subsequenter, quia post mutuum aliquid exigit, quod vult in mente, & ostendit ore, vel signo. Et talis usuram committit, & restituere obligatur quidquid accepit ultra sortem; immo etiam hæres suos 14. q. 3. Cap. primo, si pro tali mutuo aliquid exigit, vel accipit. Tertio consequenter, seu concomitanter. Verbi gratia

gratia mutuator nullum mutuum dando intendebat lucrum, sed debitor propter mutuum acceptum ipsi dat præmium, & creditor propter eandem causam præmium recipit: tunc committit usuram.

(7) Hæc omnia vide in S. Bernardino ibidem serm. 37. art. 3. cap. 3. . Quod ait Author de intentione præcedenti, perspicuum est: quoniam si mutuator pravitatem intentionis suæ cognoscens eam mutat, & nihil amplius sperat, redditur similis illi, qui omnino gratis, & ex charitate mutuum dedit. Si igitur hic citra usuram recipere potest sponte oblata, etiam ille. Perspicuum item est quod scribit de intentione subsequenti: nam si mutuator postmodum, cupidine prævalente, non solum lucrum intendit, sed ore, & opere ostendit se illud velle, jam tum fit usuræ reus, sicuti reus factus fuisset ab initio, si mutuum dando lucrum intendisset, & se illud velle ore & opere demonstrasset. Accipe nunc textum hic laudatum — *Si sanaveris homini, idest mutuum pecuniam tuam dederis, a quo aliquid plus, quam dedisti, expectes accipere, non pecuniam solum, sed aliquid plus quam dedisti, sive illud triticum sit, sive vinum, sive oleum, sive quodlibet aliud, si plus quam dedisti expectas accipere, sanerator es, & in hoc improbandus, non laudandus* -- . Quod hæredes teneantur usuras restituere, textus est apertus cap. *Tua nos Extra De usuris* — *Respondemus, quod filii ad restituendas usuras ea sunt distinctione cogendi, qua parentes sui, si viverent, cogerentur*. Idipsum etiam contra hæredes extraneos credimus exercendum.

Durum alicui forsan videri poterit quod Author subdit de intentione consequenti, seu concomitanti, quum mutuator, ut ait, nullum intenderit lucrum, nullum speraverit, nullum petierit, sed unice datum acceperit. Animadvertat tamen is mutuatorem, de quo in casu, datum non accipere solius gratitudinis, benevolentiae, & liberalitatis causa, sed tanquam præmium mutui. Jure iccirco S. Bernardinus ibidem id probat inquiens -- Quia omnis ratio, qua probatur mutationem usurariam de se esse malam, similiter probat sive præcedat, sive succedat, seu etiam concomitetur intentio lucri, sicut clare patet diligenter hoc consideranti. Item quum exterior actio non requiratur ad rationem usurariæ culpæ, quin immo absque omni pactione exteriori per solam intentionem usurariam quis contrahat culpam, sicut prius patuit; sequitur quod per solam intentionem præsentem, etsi nulla talis præcessit, judicabitur mutuans usurarius in judicio animarum. Sequitur etiam hoc ex dicto Raynerii, qui ait, quod, si creditor tantummodo propter Deum, & omnino sine lucri intentione, mutuum tradit, debitor tamen propter mutuum acceptum, vel ulterius

terius retinendum, ei aliquid dederit, ipse creditor satisfacere obligatur. Constat nempe quod, si ad hoc tenetur, nec illud observat, peccatum incurrit: & hoc non propter aliud, nisi quia jam intendit habere lucrum illud pro mutuo a se facto, sicut & propter mutuum illud debitor lucrum dedit. Ergo non solum lucrum illud ex mutuo usura est, quod extitit praintentum propter expectationem, sed etiam illud, quod est intentum propter acceptionem, & volitionem præsentem secundum præmissum modum. Hæc quoque sententia roborari videtur ex verbo Hieronymi, qui 14. q. 3. cap. *Putant* inquit, Scripturam appellare usuram omnem superabundantiam propter mutuum susceptum, quidquid sit illud —. Hactenus S. Bernardinus. De spe remunerationis, vel lucri in mutuo redibit inferius sermo.



TERTIUM VERBUM definitionis notandum est *ipsius rei usus gratia*: quia si non hujus rei gratia, sed loco pœnæ apponeretur, & absque fraude, usura non esset, Extra *De arbitris* Cap. *Dilecti*, & 12. q. 2. Cap. *Fraternitas*. Super hoc verbo septendecim dubia declaranda sunt,

(1) **R**Em præsentem quod spectat triplex est pœna, conventionalis una, judicialis altera, & tertia legalis. Conventionalis ea est, quæ ex consensu contrahentium constituitur: Judicialis dicitur, quæ decernitur a Judice contra mutuatarium, nisi satisfaciatur tempore constituto: Legalis demum censetur, quæ lege, vel statuto est imposita, qualis est illa, quæ imponitur tutori, ut solvat usuras, si intra sex menses pecunias pupilli steriles adhuc reliquerit, & otiosas L. *Si tutor constitutus ff. De administratione & periculo tutorum*. De prima loquitur hic Author, quam licitam esse docet, si apponatur absque fraude. Hoc idem repetit in Angelica ver. *Usura primo* num. 31.: & pro hac sententia stant Innocentius IV. in cap. *Ut suam* 9. de pœnis lib. 5. tit. 37., S. Antonius part. 2. Summ. Theolog. tit. 1. cap. 7., S. Bernardinus Serm. 42. art. 3. cap. 1., Scotus in 4. dist. 15. q. 2. §. *Sunt ergo tres contractus*, Joannes Pontas ver. *Usura casu* 34., Colletus Institut. Theol. De contractibus part. 2. cap. 3. art. 3. Quæres 2., Antoine De contractibus part. 2. cap. 3. q. 13., Cuniliati De contractibus cap. 4. §. 5., Genneus tom. 1. tract. 4. cap. 6. q. 1., Merbelsius super septima decisione Concilii Mediol. primi Quæstiuncula 5. conclus. 1., & 2., Natalis Alex. lib. 3. art. 5. Regula 6., Astefanus lib. 3. tit. 11. de quarto, num. 8., alique complures, qui hanc sententiam dicunt communem; dummodo accedant necessariæ conditiones, inter quas principem locum tenent rectus animus ab omni avaritia deſectatus, & quod pœna sit proportionata, nec exigatur nisi ob moram culpabilem. Daniel Concina ex adverso lib. 3. De Justitia & Jure differt. 3. cap. 14. §. 3., & 4. per totum, vestigia sequens, ut ait, Honorati Leotardi celeberrimi Jurisconsulti, aliorumque paucorum, nedum tuetur pœnam conventionalem in mutuo, si non adsit lucrum cessans, vel damnum emergens, esse usurariam, sed insuper scribit hanc opinionem sibi esse probabiliorē. Fatetur quidem plura jura [intellige tum civilia tum canonica, ut ostendit Cuniliati nuper laudatus, probantque cæteri Doctores memorati] adprobare pœnam conventionalem tanquam licitam, nullo habito

bito respectu ad id, quod interest creditoris, scilicet etiam secluso lucro cessante, & damno emergente. Sed cum prædicto Leonardo dicit hæc jura esse abrogata, quemadmodum illa, quæ usuras permittebant moderatas. Adferre hic possem latissimum inter hæc duo verari discrimen: quia moderatæ usuræ unice mittebantur a nonnullis legibus civilibus, quæ per jus Canonicum correctæ fuerunt, & abrogatæ, ut observat Ferraris ver. *Usura* num. 17. ; pœna autem conventionalis in mutuo ab utroque jure permittitur, & Civili, & Canonico. Sed hoc obiter; arbitror enim hanc esse unam ex illis quæstionibus, quas Benedictus XIV. De Synodo Diocæs. lib. 10. cap. 4. sub initio vetuit, ne a particularibus Synodis dirimerentur, inquit -- *Ne a particularibus Synodis quæstiones dirimantur in casibus usurarum, & aliorum vitiorum, quibus timorata conscientie irretiri possunt: quales sunt quæstiones circa contractus inter graves Theologos controversæ, & nondum ab Ecclesia definitæ* --. Scotus certe, etsi a prima opinione steterit, exemplum tamen protulit, quod secundæ magnopere favet. Ipsi verba audiamus ergo -- *Vel ratione pœnæ conventionalis, dum tamen non fiat in fraudem usurarum: Verbi gratia: ego indigeo pecunia mea ad mercandum, concedo tamen tibi ad certum diem, adjiciens pœnam conventionalem, quod nisi tali die solvas, quia multum damnificabor, solves postea tantum ultra hæc. Hæc pœna adjuncta licita est, quia licet me servare indemnem, sic præmonendo illum, cum quo contraho. Signum autem, quando non est in fraudem usurarum, manifestum est illud, quando mercator magis vellet pecuniam sibi solvi die præfixo, quam in crastino cum pœna adjuncta sibi. Et per oppositum est in fraudem, quando vult diem transiri potius, quam pecuniam ipso die solvi* --. Equum nunc est, ut aliqua jura proferam pœnam conventionalem permittentia. Hujusmodi sunt L. *Si pacto* Cod. De pactis, ubi scriptum est -- *Si pacto, quo pœnam adversarium tuum promississe proponis, si placito non stetisset, stipulatio subjecta est, ex stipulato agens vel id, quod in conventionem devenerat, ut fiat consequeris, vel pœnam stipulatione comprehensam more judiciorum exiges* --: Et cap. *Dilecti* Extra De arbitris, ubi sic lego -- *Mandamus . . . ut arbitrium ipsum . . . sicut provide latum est, & ab utraque parte sponte receptum, observent, per pœnam in compromisso statutam appellatione postposita compellatis* --: Et Regula 46. ff. De diversis regulis juris antiqui -- *Quod a quoquo pœna nomine exactum est, id eadem restituere nemo cogitur* --. Juribus his placet adjicere verba S. Antonini loco supralaudato -- *Si etiam pœna sit de consensu partium in contractu apposta, ad hoc scilicet, ut saltem metu pœnæ debitum solvatur, usura non committitur, nisi a principio fuerit prava intentio* --. Similia habet Iano. IV. superius memoratus -- *Notandum pœnam impositam ex conventionem partium licere exigere, dummodo intentio sit recta, scilicet ut pareatur placitis, & non ad usuras, vel lucrum* --. Hactenus in Jure.

Praxim enim quod respicit, ingenuè fateor pœnam hanc gravibus periculis esse obnoxiam: & timendum vehementer est, ne ii, qui ita mutuum dant, usurariam intentionem tegant sub e mentito pœnæ conventionalis nomine, & quod ex frequentato ejusmodi usu ingens janua usurariis aperiatur. Consulto igitur Asteſanus loco proxime laudato -- *In judicio tamen animæ standum est suæ confessioni: Sed propter præsumptionem contrariam diligenter & caute debet conscientia ejus examinari; secundum enim Hostiensem præsumendum est contra apponentem pœnam in mutuo, nisi forte pœna, quæ loco interesse succedit, petatur, ut supra dictum est, vel nisi ex honestate personæ relevetur.*

PRIMUM DUBIUM. Utrum volens emere merces, aut mercari per se vel per alium, & sola pietate, instanti aliqua necessitate, pecuniam, qua prædicta facere volebat, mutuam dat, possit abique usura petere tantum, quantum de mercibus habiturus erat in tali loco, vel quantum de pecunia probabiliter lucratus fuisset mercando?

Respondeo, quod sic. Similiter de terra quam emere volebat, & erat recepturus annuatim puta decem libras, dummodo hæc concurrant. Primo, quod pericula, & expensas in se recipiat, & computet secundum Hostiensem, & Doctores. Secundo, quod non habeat principalem intentionem lucrandæ per hanc viam magis, quam per viam mercandi, & hujusmodi. Tertio, quod non contrahat pactum ad semper, sed ad aliquod rationabile tempus. Quarto, quod ille non sit in tam arcta necessitate, quod ex præcepto teneretur illi mutuum dare gratis.

(2) Agitur hic de lucro cessante, quod fatentur omnes justum esse titulum exigendi aliquid ultra sortem, ut deducitur ex cap. *Pervenit Extra De Fidejussoribus* -- *Ne dispendium patiatur, unde videtur præmium meruisse* --. Ad rem S. Thomas 2. 2. q. 62. art. 4 -- *Respondeo dicendum, quod quicumque damnificat aliquem videtur auferre id, in quo ipsum damnificat. Damnum enim dicitur ex eo, quod aliquis minus habeat quam debet habere secundum Philosoph. in 3. Ethic. . Et ideo homo tenetur ad restitutionem ejus, in quo aliquem damnificavit. Sed aliquis damnificatur dupliciter. Uno modo, quia auferatur ei id, quod actu habebat; & tale damnum est semper restituendum secundum recompensationem æqualis: puta si aliquis damnificet aliquem diruens domum ejus, tenetur*
ad

ad tantum quantum valet domus. Alio modo, si damnificet aliquem impediendo, ne adipiscatur quod erat in via habendi: & tale damnum non oportet recompensare ex aequo: quia minus est habere aliquid in virtute, quam habere actum: qui autem est in via adipiscendi aliquid, habet illud solum secundum virtutem, vel potestatem; & ideo, si redderetur ei, ut haberet hoc in actu, restitueretur ei quod est ablatum non simpliciter, sed multiplicatum: quod non est de necessitate restitutionis, ut dictum est. Tenetur tamen recompensationem facere secundum conditionem personarum, & negotiorum.

Monet tamen Antoine ibidem q. 12. inter alia requiri -- Ut mutuum sit vera causa, cur lucrum cessat: ac proinde ut mutuans ante petitum lucrum habeat facultatem proximam lucrum ex pecunia faciendi alia via iusta, & pecuniam, quam mutuatur, iam destinavit negotiationi, vel contrahendi iusto quæstuoso, nullasque alias habeat pecunias otiosas, id est non destinatas iusto lucro faciendi, nec familiæ sustentationi... Ut lucrum sit certum, aut probabile: nam si solum possibile, non est pretio æstimabile, cum mere possibilem ratio non habeatur... Ut moneatur mutuarius de lucro cessante, & in illius compensatione consentiat... Ut non exigatur totum lucrum, quod speratur, sed solum quantum spes illius iudicio prudentum valet, deductis sumptibus... Ut lucris cessantibus compensatio non exigatur statim dato mutuo, sed solum pro tempore, quo lucrum fuisset... Ut mutuatur animo gratificandi proximo, non autem spe commodioris lucris -- Hæc ille. De eo, qui in casu alias habet pecunias negotio lucrativo non destinatas, prudenter scribit Genettus Tom. 1. tract. 4. cap. 4. q. 6. -- Si ille mutuo dans habebat aliam pecuniam, qua non utebatur, quamque nulli usui destinaverat, non erat in casu lucris cessantis, cum facile posset substituere talem summam, qua non utebatur, alteri, quam mutuo dabat, & ita lucrari ex ea eodem modo, ac si aliam mutuo non dedisset. Attamen si illam pecuniam servabat ad matrimonio collocandas filias: ut sibi consuleret in casu morbi supervenientis: aut aliorum eventuum fortuitorum; erat revera in casu lucris cessantis: quia vere ob pecuniam mutuo datam lucrum perdebat; habebat enim rationem legitimam non utendi reliqua pecunia, quam consulto servabat.

Egregia sunt, quæ super hac re adjicit Cuniliati loco cit. §. 2. num. 6. -- Hinc inferas, injuste compensationem exigere illos, qui illam exigunt ex eo quod pecuniam, quam tradunt, poterant negotiationi committere: quia nimis remote se habet illa pecunia a lucro sperando; & hoc ipso quod non inquiritur sollicitè occasio opportuna eam tradendi negotiationi, signum est, quod efficaciter ad id non destinabatur. Pejus adhuc faciunt, qui dicunt non cessant, se velle tradere negotiationi suam pecuniam, cum revera non aliam occasionem quærant, nisi ut illam dent mutuo cum intentione lucrandi secure aliquid sub

sub dicto lucri cessantis titulo. Pessime demum agunt, qui pecuniam negotiationi plerumque de se periculosa ex industria subtrahunt, ut eam mutuo tradant, quamvis cum lucro certo longe minori, sub dicto lucri cessantis titulo, & cum sortis securitate. Hi, inquam, omnes ficto abutuntur lucri cessantis titulo cum onere restituendi lucrata, quia injuste acquisita --. Hactenus ipse.

Quando autem hæc necessitas sit, Ricardus ostendit in 4. dist. 15. q. 2. art. 2. dicens: quod, si ille, qui mutuum dat, habet superfluum super decentiam sui status, & ille, qui petit mutuum, indiget, etiamsi non sit in extrema necessitate, quod tenetur nedum mutuum dare gratis, sed facere eleemosynam. Si vero non habeat nisi solum necessaria ad decentiam sui status, non tenetur nisi solum esistenti in extrema necessitate.

(3) Hujusmodi doctrina fundatur super Dominico præcepto faciendi pauperibus eleemosynam de superfluis Lucæ 11. v. 14. -- *Veruntamen quod superest, date eleemosynam* --, & Ecclesiastici 4. v. 8. -- *Declina pauperi sine tristitia aurem tuam, & redde debitum tuum* --: ex quo Theologi communiter inferunt, teneri nos ad subveniendum pauperi extrema necessitate laboranti ex superfluis vitæ, seu naturæ, etsi statui necessariis: laboranti vero necessitate duntaxat gravi, & communi, teneri ex superfluis naturæ, & statui. Doctrinam hanc fute prosequitur S. Bernardinus Serm. 37. art. 2. per totum, in cujus cap. 3. ita tenaces homines perstringit -- *Sed quidam obijciunt dicentes. Hæc substantia, & hæc divitiæ meæ sunt, ego ipse sudoribus, & sollicitudinibus meis, mihi illas condunavi, & ego mihi illas acquisivi: quare quod meum est aliis debeo erogare? Si divitiis egent multi, sic damnum earum acquirant sibi laboribus multis, sicut & ego feci. Talibus dicendum est, quod superfluum sustentationi eorum, etsi illorum sit proprium quantum ad suam naturam sustentationem, seu auctoritatem ministrandi; tamen, quantum ad usum, illorum est, in quibus sunt signa probabilitatis necessitatis extremæ, nisi subveniatur eisdem. A simili quoque aliquo modo dico de superfluitate decentiæ sui status respectu indigentium citra prædictam necessitatem extremam. Contra illos autem, qui de superfluo prædictis modis nolunt indigentibus subvenire, ac sua dicunt esse quæ habent, dist. 47. cap. SICUT II Ambrosius ait in persona eorum dicens: quid injustum est, si cum aliena non invadam, propria diligentius servo! Et exclamando subdit: O impudens dictum! Propria dicis? quæ? ex quibus reconditis in hunc mundum detulisti? Quando in hanc ingressus es lucem, quando de ventre matris existi, quibus quasdo facultatibus, quibusve subsidiis stipatus ingressus es?*

Et

Et post pauca : Proprium nemo dicat, quod commune est. Et addit : Esurientium panis est, quem tu detines : nudorum indumentum est, quod tu recludis.... Et licet transgressores hujus præcepti non semper lege puniantur humana, puniuntur nihilominus lege divina. Nam secundum Augustinum De libero arbitrio multa impunita juste relinquuntur a lege humana, quæ tamen juste judicantur lege divina.

Dentis casibus, de quibus Author, mutuum dare indigentibus non est præceptum, sed consilium, ut adnotat Ferraris ver. *Mutuum* num. 21. Et si cui placet adserere ipsum esse præceptum, quia dixit Dominus Matth. 5. v. 42. -- *Qui petit a te, da ei : & volenti mutuari a te, ne avertaris* -- Respondeo cum S. Bernardino ibidem sub initio; præceptum esse affirmativum obligans semper, non ad semper, sed pro loco duntaxat, & tempore occurrenti, in casibus nempe ab Authore enarratis, in quibus mutuum dare quis tenetur sub præcepto legis naturæ, divinæ, & canonicæ, ut probat Tabiena ver. *Usura primo* num. 6. Sapienter iccirco scribit Summus Pontifex Benedictus XIV. in sua Constitut. *Vix pervenis* data anno 1745. -- *Neminem enim id falsum latere potest, quod multis in casibus tenetur homo simplici ac nudo mutuo alteri succurrere* -- Multis, dixit, non omnibus; & iccirco jure optimo S. Thomas 2. 2. q. 78. art. 1. ad quartum -- *Dicendum, quod dare mutuum non semper tenetur homo; & ideo quantum ad hoc ponitur inter consilia.*

Quinto, quod hoc, quod accipit ultra fortem, solum accipiat tanquam interesse. Concordat Antonius de Butrio.

(4) Hoc verbum *interesse* pro neutrali nomine positum significat illud, quod creditoris interest, lucrum videlicet ipsi cessans ex mutuo, vel damnum eidem emergens. Ad rem iccirco S. Bernardinus Serm. 42. art. 1. sub initio -- *Est enim interesse quidam evitatio damni secundum D. Thomam 2. 2. q. 78. art. 2. Item interesse est recompensatio damni. Innocentius autem in Apparatu de sentent. excommunic. cap. SACRO inquit, quod interesse est aestimatio damni, quod idem est* -- Nihil porro fixum determinari potest super hac re, ut cuique justum titulum habenti liceat exigere tantum & non amplius: quia quod respectu unius est excedens, respectu alterius forte erit deficiens, seu minus justum. Pensandæ igitur sunt circumstantiæ personarum, locorum, & temporum: & in interesse taxando quisque recordetur se esse catholicum, debere quidem se servare indemnem, non tamen lucrari ex mutuo: quia, ut docet S. Thomas ibidem art. 1. ad quartum -- *Sed quod homo lucrum de mutuo non querat, hoc cadit sub ratione præcepti.*

SECUNDUM DUBIUM. Utrum liceat habenti ab usurario centum hæc ipsa centum mutuo dare alteri instanti postulant

lanti eo pacto, ut tantum sibi solvat, quantum ipse solvet usurario?

Respondeo secundum Joannem Calderinum in Repetitione Cap. finali *De usuris*, quod dupliciter fieri hoc potest. Primo, ut usurario satisfaciam, & sic licitum est: quia non fit stipulatio usurarum, sed ut evitetur damnum, nec sibi aliquid accrescit 14. q. 4. Cap. *Si quis oblitus*, ibi *aliqua incrementa*, & Cap. *Quoniam*, ibi *ad quæstum*. Non enim tenebatur cum suo damno alteri subvenire 23. q. 5. Cap. *Si non licet*, & ff. *De præscriptis verbis* L. *Qui servandarum*. Secundo, non ut satisfaciat usurario, & se lervet indemnem, sed alio quocumque respectu, & sic non licet; immo sic dans mutuum peccat, cum cessent rationes antedictæ. Hæc ille.

(5) En quod ad rem legitur cap. *Si quis oblitus* -- *Si quis... sceleraverit... aut ex quolibet negotio turpe lucrum quaesierit, aut... emendo, vel vendendo aliqua incrementa suscepit &c.* --: quod item legitur cap. *Quoniam* -- *Quoniam... statuit... ut... omnis, qui tale aliquid conatus fuerit ad quæstum, dejiciatur &c.* --. Duas has leges profert Author, ut ostendat ibi non esse stipulationem usurarum: quia mutuum dans nullum inde incrementum percipit, nec dat mutuum tali modo ad quæstum, sed unice, ut se lervet indemnem.

Lex citata *Qui servandarum* ita habet -- *Qui servandarum mercium suarum caussa alienas merces in mare projicit, nulla tenetur actione.*

Hunc eundem casum proponit S. Bernardinus serm. 37. art. 3. cap. 1., & declarata Calderini distinctione, ita concludit -- *Et hæc distinctio mihi placet, quum æquitate sit plena* --. Et reipsa æquum est adserere secundum mutuatores, de quo Author, dare mutuo licite in primo, illicite autem in secundo casu: quia in primo usuras exigit, ut se lervet indemnem; in secundo autem, ut lucretur ex mutuo. Aliquid negotii faceretur, si mutuator ipse offerret mutuum, & mutuarius pecuniam sibi necessariam habere posset ab alio sine uluris. Sed casus ipse aliter supponit.

Secus opinatur Monaldus, contendens hunc secundum mutuatores, de quo in casu, semper esse usurarium. Sed de ipsius opinione merito ita scribit Tabiena ver. *Usura secundo num. 1.* -- *Unde opinio Monaldi, qui tenet simpliciter contrarium, scilicet quod nihil possit recipere, est irrationabilis.*

TERTIUM DUBIUM. Utrum liceat dare mutuū cum usuris, cum aliquis usurpat mea, nec possum ea habere, nisi sub forma usuræ: puta, tenet quis possessionem meam injuste, nec possum recipere fructus, nisi dem mutuū super eam.

Respondeo, quod sic, & facio fructus meos, ut patet Extra De Usuris Cap. 1. & Extra De Simonia Cap. Dilectus. Similiter idem tenet Alexander de Ales dicens, quod nihil recipio ultra sortem, sed tantum recipio meum. Et hoc licere ostendit etiam Ambrosius 14. q. 4. Cap. Ab illo: nec solum super possessionem, sed qualitercumque: & talis acceptio non dicitur proprie usura, sed potius recuperatio sui: & sic licebat Judæis dare ad usuram alienis Deuter. 23. secundum Alexandrum de Ales, & alios expositores. Et hoc intelligo, nisi scandalum famæ tuæ, seu aliorum imminet, quia vix homini illi, per quem scandalum venit.

(6) Eadem habet S. Bernardinus serm. 36. art. 3. cap. 8. scribens -- Unde si quis tua injuste usurpat, & non potes illa rehabere, nisi sub forma usura, licet tibi secundum jura canonica, sicut ex dicto Ambrosii patet, sub tali forma recuperare tua; nisi ex tali specie activum scandalum aliquibus ministres: nam multa de se licita propter tale scandalum sunt evitanda --. Idem sentit Alfesanus lib. 3. tit. 11. de quarto num. 2. Jura canonica hic memorata hæc sunt: quod scribit Ambrosius cap. Ab illo, videlicet -- Ab illo usuram exige, cui merito nocere desideras: cui jure inferuntur arma, huic legitime indicantur usura: quem bello vincere facile non potes, de hoc citò potes centesima vindicare te. Ab hoc usuram exige, quem non sis crimen occidere. Sine ferro dimicet, qui usuram flagitas: sine gladio se de hoste ulciscitur, qui fuerit usurarius exactor inimici. Ergo ubi jus belli, ibi etiam jus usurae --: Et quod scriptum est cap. 1. De usuris ab Authore citato, nempe -- Quod si post hujusmodi constitutum in Clero quisquam extiterit, qui detestandis usurarum lucris insistat, Ecclesiastici officii periculum patiat, nisi forte Ecclesie Beneficium fuerit, quod redimendum ei hoc modo de manu laici videatur.

Quod legitur Deuter. 23. v. 19. 20. -- Non generabis fratri tuo ad usuram, pecuniam, nec fruges, nec quamlibet aliam rem, sed alieno --, hoc limitat S. Bernardinus ibidem ad eos alienos, qui terras Judæorum injuste detinebant, scribens -- Hoc quidem ex illa littera Deuteronomii trahi

trahi potest: nam quum ait -- Non saneraberis fratri tuo sed alieno --, per alienum quidem non significat quemcumque hominem alienigenam, sed eos alienos tantum, qui terram Judeis, ut predictum est, a Deo datam detinebant injuste. A talibus enim sic juste poterant Judei ea, quæ possidebant, sicut prædiximus, etiam armis auferre, bellum justum habentes contra eos; sicut etiam juste poterant usuras accipere, ut sic sua recuperarent ab illis, qui injuste possidebant.

Scio verba Deuteronomii aliter interpretari a S. Thoma, qui 2. 2. qu. 78. art. 1. ad secundum scripsit -- *Quod autem ab extraneis usuram acciperent, non fuit eis concessum quasi licitum, sed permissum ad majus malum vitandum, ne scilicet a Judeis Deum colentibus usuras acciperent propter avaritiam, cui dediti erant, ut habetur Isaia 56. --: Aliter quod fuisse exposita ab Alexandro De Ales parti 3. q. 86. art. 2. inquitendo -- Nunquam fuit Judeis licitum sanerari alieno, sed permissum fuit illis, sicut dare libellum repudiij, propter duritiam cordis sui. Peccabant tamen mortaliter sanerando alieno, sed permittebatur eis duplici de causa: ne scilicet facerent pejus, id est ne sanerarentur fratribus suis: & quia duri erant, & paulatim trahendi ad perfectionem --. Sed interpretamentum S. Bernardini, quod etiam fuit S. Ambrosii lib. de Tobia cap. 15. dicentis -- *Quis erat tunc alienigena, nisi Amalech, nisi Amorheus, nisi hostis? ab illo usuram exige...* (sequuntur verba ex jure Canonico supra recitata), forte magis est veritati consentaneum, nec ipsum rejicit Daniel Concina; quin potius ipso recitato lib. 3. De Justitia & Jure differt. 3. cap. 3. num. 7. subdit -- *Usura hæc vera non est. Qui enim exigit quod sibi non ratione mutui, sed alio justitia titulo debetur, usuram committere nequit. Mutuum alienigenis traditum medium suis accipiendi extraneorum divitias, quæ populo Dei debite erant ex imperio Dei, qui ut supremus Dominus divitias hostis populi adjudicavit populo sibi dilecto.**

Cæterum si verum esset quod super his Deuteronomii verbis animadvertit Alesanus noster lib. 3. tit. 11. de tertio ad secundum, jam in totum evanesceret objectum, quod ex iisdem confurgit. Ipsum audiamus ergo -- *Dicitur autem, quod in vera litera non fuit illa additio -- Sed alieno -- sed fuit per Judeos apposita in sui excusationem talem qualem.* Egregia sane animadversio. At, ut candide fatear, indiget probatione.

QUARTUM DUBIUM. Utrum fidejussor, qui pro defectu debitoris compulsus fuit accipere sub usuris, ut solveret: vel solvit creditori usuras & capitale pro ipso debitore, quia juraverat: possit ipsas exigere a debitore?

Respondeo, quod sic: immo etiam omnia damna, quæ habuit

habuit occasione debitoris: quia servari debet indemnis Extra De fidejussoribus Cap. 2. & 3., & De foro competenti Cap. finali lib. 6.: quia insuper totum hoc interesse est creditoris ff. De actionibus empti, & venditi L. Si sterilis §. Cum per venditorem, ff. Mandati vel contra L. Si mandatu meo §. Si fidejussor, ff. De administratione & periculo tutorum L. 2. §. ultimo, & 14. q. 4. Cap. Si quis Clericus. Concordant Alexander de Ales, Thomas, Raynerius, & qui de hoc tractant.

(7) Triplex usurarum genus distinguunt Theologi; alia enim est usura lucrativa, alia compensatoria, punitoria altera. Lucrativa censetur, quæ continet lucrum ex mutuo principaliter extortum, & intentum. Compensatoria dicitur, in qua ratione interesse, seu aliquo iusto titulo exigitur lucrum. Punitoria demum vocatur illa, in qua lucrum exigitur ex poena in contractu appositâ de consensu mutuatarii, quæ poena dicitur conventionalis. De prima, ut puto, Author hic non loquitur, quæ proprie usura est, & exigi non potest sine peccato, & onere restitutionis.

Hunc eundem casum proponit Author in Angelica ver. Fidejussor num. 6.: & postquam multa dixit super qualitate obligationis, quam fidejussor sibi imposuit, doctèque exposuit quid juris, si sponte solvit, & quid si coacte, tandem concludit -- Sed in contrarium secundum Theologos, & in conscientia tene firmiter, quod tam in isto casu quando solvit coacte, quam etiam quando sponte solvit, eo quod sic promissit eas solvere, quod possit repetere, & quod debitor sibi teneatur, quia sic intelligitur mandasse, ut solvat debitum, ut L. SI PROCURATOR ff. DE CONDITIONE INDEBITI: & sic sibi imputet debitor, qui cum fidejubere fecit pro usuris, nisi solverit in fraudem, ut sciveret usurario, quia sic non repetes. Aut non solum fidejussit solvere usuras, sed etiam juravit, & sic repetes secundum omnes: quia, licet possit petere absolutionem a juramento, non tamen tenetur secundum Goffredum: quia, licet teneatur fidejussor excipere, ut notat Glossa dicto cap. primo per multa jura, non tamen tenetur agere -- Judicium hoc Authoris tanti fecit Joannes De Tabia Ordinis Præd. in sua Summa Summarum vulgo Tabiena ver. Fidejussor num. 12., ut servato litterarum cortice ipsum excubere, & adprobare non dubitaverit. Singularis est Lex citata §. Si fidejussor -- Si fidejussor multiplicaverit summam, in quam fidejussit, sumptibus ex iusta ratione factis, totam eam præstabit is, pro quo fidejussit.

De hoc eodem casu agit Merbesius super septima Decisione Concilii Mediolan. primi quæstionacula septima. Ipsi verba audire non pigeat --
Utrum

Utrum fidejussio sit justus titulus aliquid ultra sortem accipiendi? Respondeo affirmative, si nimirum fidejussor, ex fidejussis aliquid detrimenti ceperit. Ita enim declaravit Lucius Papa III. cap. *Pervenit*, *De fidejussoribus* -- *Moneatis*, inquit, *eosdem*, ut memorato Clerico pecuniam, quam pro iis solvit, restituant; ipsumque servant indemnem, & damna etiam, quæ propter hoc pertulit, resarciant --. Per ista Pontificis verba non approbantur usuræ, per quas nonnulli perditis moribus viri aliquid pecunia æstimabile ultra sortem vi mutui accipiunt. Absit, ut Summus Pontifex tam turpiter aberret a vero; sed damna, quæ fidejussor in solvendis usuris pertulerit, resarcienda imperantur. Quia enim de facto fidejussor compulsus fuerat pro debitore solvere usuras, ideo illum ab ipso indemnem præstari oportere Summus Pontifex declaravit, ne is ex eo, quod præmium merebatur, afficeretur damno. Nam fidejussor in eo casu non repetit usuras solutas creditori tanquam usuras, quia nullum inde reportat lucrum, sed tanquam damnum, quod in debitoris gratiam, & commodum pertulit: quod quidem omni jure repeti potest L. unica C. *De sententiis*, quæ pro eo, quod interest, proferuntur --. Hactenus Merbælius.

Quod qui juravit usuras solvere, teneatur ad ipsarum solutionem, textus est expressus cap. *Debitorum Extra De jurejurando* -- *Debitorum ad solvendas usuras, in quibus se obligaverant, cogi non debent*. Si vero de ipsarum solutione juraverint, cogendi sunt Domino reddere juramentum --. Potest tamen mutuarius solutis usuris eas in judicio repetere, & mutuator ad eas restituendas debet compelli, quum ibidem subdatur -- *Et cum usura soluta fuerint, creditores ad eas restituendas sunt Ecclesiastica severitate [si necesse fuerit] compellendi* --. Potest etiam mutuator compelli ad relaxandum juramentum factum a mutuatorio, solutionem ipsi remittendo cap. 1. eod. tit. -- *Mandamus quatenus creditores ad juramenta super usuris sibi solvendis præstita relaxanda Ecclesiastica districtione cogatis* --: etiam si mutuarius jurejurando se obligasset ad usuras non repetendas cap. *Tuas dudum Extra De usuris* -- *Tuas dudum recepimus questiones, quod quidam usurarii eos, quibus dant pecuniam ad usuram, præstare faciunt juramentum, quod usuras non repetant, & super his, quas solverint, nullam movent questionem*. Nos igitur respondemus, ut usurarios ipsos, monitione præmissa, per Censuram Ecclesiasticam, appellatione remota, compellas ante usurarum solutionem ab earum exactione desistere, vel restituere ipsas, postquam fuerint persolutæ; ne de dolo & fraude contingat eos commodum reportare.

QUINTUM DUBIUM. Utrum liceat exigere usuras, quas solvi, ab eo, qui mihi non solvit in termino?

Respondeo, quod sic, si duo concurrant. Primum, si
dixe-

dixerit illi, quod erat coactus sub usuris accipere. Secundum, si non poterat aliter nisi sub usuris invenire mutuum: secundum Alexandrum de Ales, Innocentium, Holtiensem, & Raynerium: quia tunc debitor teneretur, si non solvit in termino, creditorem indemnem in damno servare. Arguitur Cap. *Pervenit*, & Cap. *Constitutus Extra De fidejussoribus*. Concordant Cap. *Quoniam* 14. q. 4., & 12. q. 2. Cap. *Si quis de Clericis*.

(8) Pene omnia jura hic ab Authore collecta eo tendunt, ut ostendant debitorem teneri ad omnia damna, quibus ob causam sui creditor fit obnoxius. Et quidem jure optimo, quia ut ad rem Regula 22. Juris in Sexto -- *Non debet aliquis alterius odio pręgravari* --, & Regula 206. ff. *De diversis regulis juris antiqui* -- *Jure natura æquum est, neminem cum alterius detrimento & injuria fieri locupletiores* --. Hunc eundem casum proponit Tabiena ver. *Usura secundo* num. 3., & eodem modo respondet: nec aliter certe responderi potest, quum in hoc casu non exigantur usurę tanquam lucrum ex mutuo, tanquam lucrum sortis, sed tanquam interesse, seu damnum emergens.

SEXTUM DUBIUM. Utrum ille a quo emi lapides, ligna, & hujusmodi, ex quibus non percipitur aliquis fructus, teneatur mihi solvere usuras, quas solvi, ut sibi solverem, si ipse non tradiderit mihi prædicta in termino, sed fuerit in mora?

Respondео, quod sic secundum Baldum L. *Usuras C. De usuris*: & hoc tanquam interesse. Et ad hoc habetur notabilis textus ff. *De actionibus empti & venditi* L. *Lucius Titius*. Et idem tenet Innocentius dicendum esse in similibus contractibus, puta locationibus, & venditionibus.

(9) En legem hic laudatam -- *Lucius Titius, accepta pecunia ad materias vendendas sub pœna certa, ita ut si non integras repręsensaverit intra statuta tempora, pœna conveniatur: partim datis materiis, decessit. Cum igitur testator in pœnam commiserit, neque hæres ejus reliquam materiam exhibuerit, an & in pœnam, & in usuras conveniri possit: præsertim cum emptor mutuatus pecuniam usuras gravissimas expendit? Paulus respondit: ex contractu, de quo quæritur, etiam hæredem venditoris in pœnam*

nam conveniri posse: in actione quoque ex empto, officio Judicis, post moram intercedentem, usurarum pretii rationem haberi oportere.

Eundem casum, idemque responsum vide penes Authorem in Angelica ver. *Usura primo* num. 21., S. Bernardinum ibidem serm. 42. art. 1. cap. 1., & Tabienam ver. *Usura secundo* num. 10. Non desuit qui aliter sentit. Audias, si placet, Authorem ipsum in Angelica ibidem -- *Sed Salycetus in dicta L. USURAS reprobat Baldum dicens, quod interesse usurarum, quas solvit, non debet imputari debitori ante moram. Sed tu tene primam opinionem, quando accipit sub usuris, taliter quod alio modo non accepisset, nisi propter complacentiam, vel utilitatem, quam consecutus erat ex tali emptione. Et ideo cum talis ex falsa promissione privaverit eum tali utilitate, vel complacentia, quam plus vel tantum estimabat, quantum interesse usurarum, ideo talis ei tenetur --* Ex his verbis collige Authorem sententiam hanc suam vel aliquantulum mitigasse, vel melius exposuisse, reducendo casum ad damnum, quod emptor patitur: quia vel non potest vendere jam empti & soluta, vel non potest iis uti ad ornatum domus &c., quod est pretio æstimabile, & pecunia mensuratur. Dum audis *complacentiam*, ne quæso aures arrigas, quasi Author in Angelica docuerit privationem cujuscumque complacentiæ titulum esse sufficientem ad repetendas usuras. Non ita profecto, non ita est. Locutus ipse fuit de complacentia rationabili, quam prudens vir tanti facit, quanti fieri solet interesse usurarum, & pro qua habenda coactus est accipere sub usuris. Do exemplum. Emp lapides, aut ligna, quibus uti volo ad ornatum domus, hac lege ut tali determinato tempore venditor ea mihi præbeat, quia eo tempore hospitem expecto magnæ auctoritatis, & dignitatis, vel sponsam filii mei debeo in domum meam recipere. Delectarer certe, seu mihi metipsum complacerem, si præstituto tempore ea mihi præberet; hoc enim conferret ad decentiam mei status, ad diligentiam meam ostendendam, cujus omisio in illis circumstantiis non esset laudabilis. Ut venditori calcar addam, eidem ante tempus rependo pretium conventum: quod ut faciam, coactus sum mutuam accipere pecuniam sub usuris. Venditor nunc, tamen jam receperit pretium, non stat promissis, & in causa est cur, adveniente hospite vel sponsa, ego privor rationabili illa complacentia, quam sperabam, & pro qua habenda accepi sub usuris, non accepturus sane, si venditor non promississet omnia mihi præbere tempore præstituto. Hæc est illa complacentia, de qua loquitur Author: complacentia videlicet rei emptori debita in illis circumstantiis posita, & cujus privatio ipsi detrimento est. Re igitur diligentius inspecta damnum videtur inseparabile ab hoc contractu: nisi enim quis stipes sit, & fungus, mutuum certe non accipiet sub usuris pro emenda re, cujus non indiget, vel quam alio tempore, aut alio in loco non speret se posse carius vendere.

SEP-

257

SEPTIMUM DUBIUM. Utrum vendens prædium, & tradens illud, possit licite exigere usuras ab eo, cui vendidit, post elapsum terminum, si in termino debito non solverit sibi de pretio: aut interim recipere fructus illius prædii, eosque facere suos?

Respondedo secundum Glossam in Cap. *Conquestus* Extra *De usuris*, quod sic, quum hic non accipiatur aliquid sicut usura, sed sicut interesse 14. q. 4. Cap. *Quoniam*. Et cum dicitur, quod usura est quidquid sorti accedit, intelligi debet in mutuo: vel quando exigitur aliquid in fraudem usurarum: vel quando fit causa lucri, non autem causa damni evitandi: quia, si præcise fit causa damni evitandi, non est usura. Si interim res mihi daretur in pignus ab emptore, qui non solvit, possem inde recipere fructus, etiamsi transcenderent quantitatem interesse: nam licet talis res a venditore non possit peti, quia jam vendita, potest tamen idem venditor fructus ejusdem percipere, postquam contra voluntatem suam res vendita detinetur.

(10) Pro prima responsionis parte textus Glossæ hic citatæ est aptissimus -- *Usura possunt etiam peti secundum Canones, ut cum vendo tibi prædium, & trado, & percipis fructus, nec solvis pretium ad terminum. Arg. C. DE USURIS L. 2., quia hujusmodi usura, non quasi usura, sed quasi interesse petuntur. Arg. 14. q. 4. QUONIAM MULTI, ibi AD QUÆSTUM, & cap. SI QUIS OBLITUS, ibi ALIQUA INCREMENTA, & ff. PRO SOCIO L. SOCIUM QUT; damna vero & interesse secundum Canones peti possunt.*

Pro secunda parte responsionis, quod nempe possit venditor fructus interim percipere, nullum dubium: quum eos sine usura possit etiam petere, ut perspicue docent Author in Angelica ver. *Usura primo num. 18., & Tabiena ver. Usura secundo num. 8.,* qui insuper adserit hanc esse communem Doctorum sententiam. En ipsius verba -- *Respondent Glossa in cap. Conquestus de usuris, & Panormitanus ibi, & communiter Doctores dicunt, quod potest ratione interesse --. Id ipse postmodum probat, quia -- a principio potuit vendere rem suam cum hac conditione, quod retineat sibi fructus quousque habeat pretium; potest enim vendere divisim dominium ab usu in his, quæ habent usum distinctum a consumptione, ut dicit S. Thomas 2. 2. q. 78. art. 1. --. Accipe verba S. Doctoris, ne ullus*

ullus remaneat dubitationi locus -- *Quædam vero sunt, quorum usus non est ipsa rei consumptio, sicut usus domus est inhabitatio, non autem dissipatio. Et ideo in talibus seorsum potest utrumque concedi: puta cum aliquis tradit alteri dominium domus reservato sibi usu ad aliquod tempus, vel e converso cum quis concedit alicui usum domus reservato sibi ejus dominio, & propter hoc licite potest homo accipere pretium pro usu domus, & præter hoc petere domum accommodatam, sicut patet in conductione & locatione.*

Aliquid difficultatis potest inesse, si fructus excederent interesse, quod tamen æque docet Tabiena ibidem scribens -- *Quamvis habeat plus de presumptione usurae* -- . Sed advertas volo fructus esse incertos, qui sicuti quandoque sunt majores, ita quandoque possunt esse minores. Advertas item volo fructus esse illius ejusdem rei, quam vendidit, & cujus pretium nondum accepit; & ideo semper respondere rei venditæ, tamen si quandoque non respondeant pretio inter contrahentes constituto.

OCTAVUM DUBIUM. Utrum Gener, qui accipit in pignus certas possessiones a socero, faciat fructus suos sine usuræ vitio?

Respondeo quod sic, quod patet per Cap. *Salubriter Extra De usuris*. Intellige si ista quatuor concurrant.

(11) Generice loquendo fructus ex pignore percepti computari debent in sortem C. *De pigneratitia actione* L. 1., quæ est hæc -- *Ex pignore percepti fructus imputantur in debitum: qui si sufficiunt ad totum debitum, solvitur actio, & redditur pignus. Si debitum excedunt, qui supererunt redduntur, videlicet mota actione pigneratitia* -- : Et cap. *Cum contra Extra De pignoribus* -- *Attendentes, quod in talibus perceptio fructuum in solutione sortis accedat, cum secundum canonicas sanctiones fructus restitui, & in sortem debeant computari* -- . Secus tamen dicendum est in casu particulari, de quo agitur. Textus est apertus in Capite ab Authore citato -- *Sane generum ad fructus possessionum, quæ sibi a socero sunt pro numerata dote pignori obligata, computandos in sortem non credimus compellendum: cum frequenter dotis fructus non sufficiant ad onera matrimonii supportanda* -- . Egregia est ratio, quam profert Daniel Concina de Justitia & Jure lib. 3. dissert. 3. cap. 18. num. 6. -- *Dos ad onera matrimonii sustinenda datur. Ergo jure gener usquedum dote caret, pignoris fructus percipit. Sicut enim ex justitia debetur ei dos, ita debentur ei fructus dotis. Pignus supplet dotis vicem. Ergo quo jure ex dote, eodem ex pignore dotis loco dato, percipere fructus valet.* Egregia pariter est ratio, quam post Hostiensem exposuit Altesanus noster lib. 3. tit. 11. de quarto num. 6. -- *Potest etiam & alia ratio hujus casus assignari secundum Hostiensem: hoc* sci-

scilicet, ut dos salva maneat mulieri, quæ alias consumeretur, & sic utilitas publica læderetur ff. SOLUTO MATRIMONIO L. 1.

Nollem tamen crederes hoc esse speciale in dote, quasi Innocentius III. cap. *Salubriter* in hoc casu dispensaverit super usuris. *Recipis fructus pro interesse, non pro usura*: opportune Inno. IV. super laudato capite. Si quid speciale in dote reperitur, illud unice est, quod exponit Merbæsius quæst. 7. expendens primam decisionem Concilii Mediolan. primi -- Primo speciale est in favore dotis, ut gener, cui dos a socero promissa est, acceptis pignoribus fructiferis fructus percipiat, nec teneatur in sortem computare, etiamsi ab initio nulla pactio de fructibus ultra sortem percipiendis præcesserit. Id enim jure in dotali contractu includitur, & hac de causa in eo præsumitur, in aliis vero minime, nisi probetur. Ita Adrianus in 4. Tract. de Restit. in quæst. De usuris vers. Sed dubium videtur. Hæc ille.

Primum, quod sustineat onera matrimonii ff. *De doli mali, & metus exceptione L. Pater* in principio, & in dicto Cap. *Salubriter Extra De usuris*.

(12) *Quia*, ait Glossa super cap. *Salubriter*, *fructus dotis cedunt lucro marito propter onera matrimonii C. DE JURE DOTIUM L. PRO ONERIBUS*. Ad hoc autem, ut maritus lucratur fructus rei dotalis, requiritur, ut sustineat onera matrimonii -- En legem hic laudatam -- *Pro oneribus matrimonii mariti lucro fructus totius dotis esse, quos ipse cepit* -- Quapropter si gener non præstaret alimenta, nec sustineret familiæ onera, nec domi suæ uxorem retineret, tum certe non posset pignoris fructus percipere. Ita Concina ibidem.

Opportune igitur Innocentius IV. super cap. *Salubriter* -- *Postquam non debet eam alere, non debet fructus accipere* -- Et Merbæsius modo laudatus paullo infra -- Ergo ubi vir non ferret onera matrimonii, nec pateretur interesse, quod admodum rarum est, non posset recipere fructus, aut interesse. Ita Panorm. in Consil. 79. in fine lib. 2., Glossa, Bartol., Alex., & alii in L. *Si ab hostibus §. Si vir uxorem ff. Soluto matrimonio*. Jus ergo permittit generum supra dorem promissam, nec solutam, fructus pignoris recipere, nec computare in sortem propter damnum emergens, aut lucrum probabiliter cessans, ut affirmant Gabriel in 4. dist. 15. q. 11. art. 2. casu 4., Conradus de Contractibus q. 35. conclus. 5. & 7., Joannes Major item in 4. dist. 15. q. 31. vers. tertius casus. Hæc ille.

Secundum, quod onera illa sint certa secundum Dominum Antonium de Butrio in Cap. *Salubriter*: & sic non poterunt

terunt fructus retineri cum sorte, ultra debitam quantitatem onerum: quia causa cessante cessat effectus Extra *De appellationibus* Cap. *Cum cessante*.

(13) Super hac re, de qua ideam Author in Angelica ver. *Usura* primo num. 25, egregie fuit eo loci sic adnotatum -- Baldus in L. finali §. *PRÆTEREA C. DE JURE DOTIUM* dicit, quod per dictum cap. *SALUBRITER* sunt permixte usura in dote. Tamen istud dicitur esse verum de usuris reducibilibus ad interesse, non de immensur. Unde recurrendum est ad moderatam consuetudinem regionis. Et sic videtur velle, quod si fructus, de quibus in dicto cap. *SALUBRITER*, essent ultra alimenta decentia, considerata quantitate dotis, deberent in sortem computari. Quod dictum, dicit Joannes de Anania in dict. cap. *SALUBRITER* 2. col., esse valde notandum --. Alimenta postmodum mulieris non sunt æstimanda pro arbitratu ejusdem, aut mariti, sed unice pro mensura dotis, nam secundum hanc majorem vel minorem ipsa de jure est alenda, & non aliter, textu expresse ff. *Soluto matrimonio* L. *Si cum dorem* §. *Sin autem* -- Tunc licentiam habeat vel curator furiosa, vel cognati, adire Judicem competentem, quatenus necessitas imponatur marito omnem salem mulieris sustentationem sufferre, & alimenta præstare, & medicina ejus succurrere, & nihil prætermitti, quæ maritum uxori adferre decet, secundum dotis quantitatem --. Jure igitur & merito docet Author fructus excedentes onera doti respondentia, & debita, in sortem esse computandos.

Tertium, quod fructus subiciantur fortunæ. Unde si gener pro dote solvenda certo die cautionem recipiat, & promissionem cum pacto, quod interim certa quantitas sibi debeat solvi pro oneribus matrimonii supportandis, talis conventio illicita est, & usuraria. Nec obstat Cap. *Salubriter*, quia ibi loquitur de fructu submisso judicio Dei, videlicet quando pro pignore data est possessio. Et ad rationem textus dicit Joannes Andreæ, qui ibidem hoc tenet, responderi posse per Cap. *Per vestras* in fine Extra *De donationibus inter virum & uxorem*: pro quo bene facit quod ibi legitur in Glossa. Hoc idem tenent Antonius de Butrio ibidem, Joannes de Lignano, & Laurentius de Redulphis Florentinus in quæst. 53. suorum contractuum. Et est securior opinio, dicet alii contrarium teneant; quia

in

in dubiis tutior via est eligenda Cap. *Juvenis Extra De sponsalibus, & matrimoniis.*

(14) Hoc idem docet S. Bernardinus Serm. 42. art. 1. cap. 2. . Re tamen ut par est pensitata, videtur secus esse sentiendum ratione interesse, quod gener re ipsa patitur ex onere matrimonii, ut cum Panormitano docet Tabiena ver. *Usura decimo* sub initio. Et mehercle arctare caput *Salubriter* ad solos fructus fortunæ non videtur textui consentaneum: quoniam pone, quod focer det mihi domum in pignus, & ego eam locem sub certa annua pensione mihi solvenda: hic casus certe comprehenderetur in cap. *Salubriter*, quum & domus in possessionibus continetur, & tamen reciperem fructum non fortunæ, sed certum. Non est ergo caput illud arctandum ad solos fructus fortunæ. Prudenter iccirco Author ipse sententiam immutavit, & in Angelica loco nuper laudato, post declaratam opinionem hic expositam, subdidit -- *Contrarium, scilicet quod certa quantitas recipiatur licite, tenet Paulus de Eleazaris, Joannes Calderinus, Petrus de Ancharamo, & Panormitanus in dicto cap. Salubriter.* Et est verius, cum sit eadem ratio, scilicet propter interesse damni emergentis. Limbo tamen prædicta vera, quando gener, si dotem haberet, poneret eam in possessionem, vel in negotiationem, ex quibus probabiliter tantum haberet. Alias non, cum nullum patiatur interesse --. Super hæc ultima verba apposite adnotatum lego -- Vide Baldum in L. *Pro oneribus C. De jure dotium.* Vide Imolam in L. *In insulam §. Usuras ff. Solutio matrimonio*, & Dominicum Joannem de Campe in Tract. De dote part. 2. q. 6.

Hanc postremam Authoris sententiam adeo firmiter amplexatus est Merbesius, ut loco proxime laudato indubitanter scripserit paullo antea -- Secundo ex iisdem Innocentii verbis pariter & Canonistæ intulerunt, promissa dote, nec soluta, posse generum cum socero pacifici de summa quadam, habita ratione dotis, quotannis pensitanda, donec ipsa dos persolvatur. Ita Adrianus loco proxime citato, Angelus in ver. *Usura primo §. 25.*, Joannes Major in 4. dist. 15. q. 31. vers. Tertius casus, Sylvester in ver. *Usura 3. q. 3.*, Cajetanus in 2. 2. q. 78. art. 2. ad 6. . Theologis assentiuntur Canonistæ, Panormitanus, Calderinus, & alii. Cum enim dilata dotis solutio cum interesse verisimili sit conjuncta, nihil obest, quominus illud ipsum interesse ad arbitrium boni viri, & prudentis in pactum deduci valeat. Hæc ille.

Quartum, quod dos sit promissa simpliciter: nam si gener pacisceretur de recipienda dote ad certum terminum, & interim perciperet fructus, dicti fructus deberent computari in sortem: quia interesse non potest deberi ante mo-

ram, quæ non potest adesse durante termino secundum Antonium de Butrio ubi supra. Ideo, inquit idem, faciat sic: dicat gener: ego sustinebo onera matrimonii, da dotem. Et si locer dicit, non possum, tunc gener dicat, sustineas saltem onera matrimonii. Et sic poterit gener dictos fructus facere suos tanquam interesse, dummodo certa sint onera matrimonii. Hæc illè.

(15) Quamvis dos sit quid connexum cum matrimonio I. *Quod Servius ff. De conditione causa data -- Quod enim ex ea causa, nondum solito matrimonio datur [cum sic detur, tanquam in dotem perventurum] quandiu pervenire potest, repetitio ejus non est --: nihilominus potest vir & uxorem ducere sine dote, & sponte concedere parentibus uxoris terminum ad solutionem dotis. Hoc ultimum si contingat, ut in casu, non habet amplius gener jus aliquod, aut actionem ad fructus dotis ante terminum, quum iis sponte cesserit. Et si eos reciperet, unice sane reciperet ob dilatatam solutionem, quod est usurarium. Secus est dicendum, dum non conceditur terminus; tunc enim, ut ad rem S. Bernardinus ibidem, -- dicti fructus a genero percipiuntur in damni sui re-compensationem, quod inde sequitur propter pecuniam dotalem, quæ sibi solvenda differtur --. Nota hic, quod quando vir uxorem accipit sine dote, quemadmodum fieri posse dixi, tenetur eam alere secundum qualitatem personæ, ut notant Innocentius, & Hostiensis in cap. *Per vestras Extra De donationibus inter virum & uxorem*, & deducitur ex Authentica, quibus modis naturales filii cap. *Quoniam* [Collat. 6. tit. 3.] -- Et illam, si quidem indotata sit, nostræ Constitutionis uti bonis, quartam substantiæ viri percipientem, sive expellatur, sive prius moriatur vir --. Ratio invidua, quia secundum eundem Innocentium personam suam dedit pro dote, ut in eadem Authentica ibidem scriptum est -- *Quid enim agat aliud, quæ ad dotem non est idonea, quam ut semetipsam pro omni dote contradat?**

Quæ de dote usque adhuc dicta sunt, quod videlicet gener possit percipere fructus ipsius, quin eosdem computet in sortem, ea intellige, dum dos assignatur vel a Patre, vel ab Avo, vel ab alio sponsæ propinquo, ad quem jure naturæ & gentium pertineat eandem dotare. Secus quippe statuendum est, si dos filix assignetur a viro extraneo; vere etenim scripsit Merbelsius loco jam citato -- *Si tamen dos ab extraneo legata debita sit, pignoris fructus in dotem computabuntur: quia ex liberaliter datis non potest exigi interusurium, ut observat Molinaus Tractat. De commerc. num. 495.*

NONUM

NONUM DUBIUM. Utrum mutuam dans summam pecuniæ promissæ, & debitæ genero pro dote, & recipiens ab eodem genero possessionem pignori obligatam cum omni iure, quod in eadem habet gener, possit facere fructus suos, sicut gener ipse faciebat absque vitio usuræ?

Respondeo secundum Baldum in Rubrica C. *De usuris*, & Rodonensem, & Doctores, quod non: quia mutatione personæ mutatur privilegium, quoties persona est immediata causa privilegii L. 1. C. *De imponenda lucrativa descriptione*, & ff. *De publicanis & vectigalibus* L. *Licitatio* (nunc locatio) §. finali. Et hoc verum credit Rodonensis, quando eo animo mutuum dat, vel convenit de hoc. Sed si gener animo donandi transfert totum jus, quod habet in pignore, in talem non propter contractum pecuniæ, quam accepit ab eo, sed propter amicitiam vel affinitatem: & iste mutuam dat sibi pecuniam propter gratiam, & dilectionem, non propter fructus lucrificandos, tunc non esset usura: quia ibi non esset vera ratio mutui.

(16) Ratio ibi adducta -- quia mutatione personæ mutatur privilegium -- nec Authori ipsi placet, qui iccirco in Angelica ver. *Usuræ* primo num. 26. super hoc eodem casu adjecit -- *Sed hæc non est ratio, quia istud non est privilegium propter dotem, sed jus commune propter interesse. Ideo cum iste mutuans non propter interesse, sed propter lucrum accipiat fructus ex mutuo, erit usurarius.*

Quod hic subdit Rodonensis, si speculative accipiatur, hunc mutuatorem certe reddit ab usura liberum -- *Aboletur enim*, ut adnotat S. Bernardinus ibidem, *tunc in hoc casu usura vitium, quia gener gratis sibi concessit jus, quod in possessione habebat, & per consequens sibi condonat fructus, quos quidem ipse percipere potest* -- . In praxi tamen hoc opus, hic labor est, atque ut in pluribus est verum lucrum ex mutuo sub pallio gratuitæ mutationis ex parte mutuatoris, & liberæ donationis ex parte mutuatarii. Si gener mutuum petit, & accipit. ergo indiget. Indigentem porro libere velle alteri concedere fructus sibi necessarios ad sustinenda onera matrimonii, ad alendum seipsum, & uxorem, credat qui velit.

DECIMUM DUBIUM. Utrum emens illud jus, quod gener habet in possessionem pignori pro dote obligatam, pretio totius dotis modo solvendo, faciat fructus suos absque vitio usuræ, quos percipiat quousque pater sponsæ det sibi dictam summam pecuniæ, qua illud emit?

Respondeo, quod, si ex amicitia sponsæ, & absque fraude usuræ emit redditus illos, poterit tantum ex ipsis percipere ultra dictam summam pecuniæ, puta centum in emptione datos, quantum jus & possessio centum prævalet juri futurorum reddituum per plures annos ascendentium usque ad centum, juxta regulam, & formam datam in secundo dubio articuli secundi primæ Considerationis. Alias usurarius esset censendus.

(17) Vendi possunt, & emi licite nedum possessiones, sed etiam jura ad fructus earundem, seu redditus prædiales, ut cum S. Bernardino præsertim ostendi dubio secundo tertii articuli primæ Considerationis, annotatione super idem dubium: quia & hæc jura, & hi redditus sunt pretio æstimabilia. Necessum tamen est, ut emptor vere intendat emere, & emptionem non fingat intendens mutuum dare. Necessum item est, quod hoc non faciat principaliter propter lucrum, sed amicitia, & charitate ductus, ab ipso venditore rogatus. Hisce positis, contractus, de quo sermo, ab omni est usura & peccato liber, dummodo, ut monet S. Bernardinus Serm. 34. art. 2. cap. 2. *naturalis juris æquitas observetur. Quod tunc vere fit, quando in tali contractu tanta æqualitas observatur, quod non propter aliquod apparet quis contrahentium habeat meliorem partem. Si vero apparet, quod pretium minus sit respectu rei jam emptæ, tunc ex parte ementis est corruptio æquitatis, & tenetur emens ad justum pretii supplementum. Et si esset pretium ita parvum, quod esset minus dimidiatae justii pretii, posset vendens in foro judiciali recedere a contractu.*

Nec labem aliquam contractui inuritur conditio in Dubio appositæ, videlicet — quos percipiat quousque pater sponsæ det sibi dictam summam pecuniæ, qua illud emit —. Conditio isthæc, si bene pensitetur, efficit contractum illum, qui dicitur venditio & emptio cum pacto retrovendendi, & retroemendi: quod pactum vel est in favorem solius emptoris, ut si diceretur: emo a te rem hanc hoc pacto, ut tempore a me præstituendo tu ipsam redimas: Vel est in favorem solius venditoris, ut si dicas: vendo tibi hoc vel illud sub hac conditione, ut tempore

Raturo

statuto, vel a me statuendo tu illud mihi revendas: Vel est in favorem utriusque, ut si apponeretur pactum, quo utrique facultas relinqueretur resiliendi a contractu. Dubium certe est, an hic contractus in favorem solius emptoris sit in praxi tutus, nec ne. Nullum vero dubium, dum apponitur pactum in favorem solius venditoris: & hujus indolis est ille, de quo Levit. 25. v. 23. & seq. -- *Terra quoque non vendetur in perpetuum: quia mea est, & vos advena, & coloni mei estis. Unde cuncta regio possessionis vestra sub redemptionis conditione vendetur --*. Quum igitur conditio, de qua in præsentī, sit in favorem solius venditoris, non autem emptoris, qui ab eadem gravatur vere & proprie, coactus ad restituendam rem, & virtualiter retrovendendam toties quoties pater sponsæ dotem solvet genero debitam: sponte fuit per illam conditionem non vitiari contractum.

Si petas abs me quare mutuum dans in præcedenti dubio sit usurarius, non autem emens, de quo in præsentī, quum, dempto vocabulo mutuatoris & ementis, cætera sint paria? Responsio est in promptu, quia nempe non solo vocabulo differunt mutuator & emens, sed differunt toto genere; mutuator enim lucratur ex mutuo vi mutui, emens autem ex vero contractu venditionis: & lucrum trahere ex re vendita & empta nulla lege prohibetur; aliter ipsa venditio & emptio esset prohibita contra jura omnia tum civilia, tum canonica secus constituta.

UNDECIMUM DUBIUM. Utrum hæredes mariti sine usu-
ra faciant fructus suos, sicuti faciebat maritus: & hoc quan-
diu relictam alere obligantur, cum non teneantur restituere
dotem usque ad annum post mortem mariti L. unica
C. De rei uxoriæ actione §. Cum autem.... exactio?

(18) Hæredes mariti tenentur alere mulierem relictam anno inte-
gro a morte mariti, quia intra annum mulier dicitur quasi in matri-
monio, ut cum communi docet Author in Angelica ver. Dos num. 26.:
dummodo mulier non habeat aliunde unde alatur, & vivat, quia secus
non tenentur hæredes ad alimenta ipsi subministranda, ut num. seq.
colligit Author ex L. Extraneo ff. De ventre in possessionem mittendo,
quæ est hæc -- *Extraneo posthumo hærede instituto, non aliter venter in
possessionem mittitur, nisi mater aliunde se alere non possit --*. Mulier tamen
sic alenda habitare debet cum hæredibus mariti, etsi id in jure non sit
expressum, ut ibidem subdit Author, dempto casu, in quo apud eos
honestè commorari non posset.

Quoad restitutionem dotis distinguas oportet res mobiles a rebus im-
mobilibus; non enim pro utrisque idem fuit lege sancitum. En legem

ab Authore laudatam -- *Exactio autem dotis celebretur non annua, bima, trima die, sed omnimodo intra annum in rebus mobilibus, vel se mouentibus, vel incorporalibus: ceteris videlicet rebus, quæ solo continentur, illico restituendis: quod commune utriusque fuerat actionis* --. Id intellige de natura rerum prout est in morte mariti, non vero prout fuit in dotem tradita, si forte maritus cum consensu uxoris res mobiles pro dote habitas in immobiles commutaverit.

Respondeo secundum Joannem Andræ post Hostiensem in prædicto cap. *Salubriter*, quod non: quia in hoc casu est ratio diversa: & quia possunt hæredes statim se expedire reddendo pignus, quod non potest maritus Extra *De jure-jurando* Cap. *Tua nos* (idest 24.): & quia soluto matrimonio definit esse dos: & quia secundum Baldum ubi supra, mutatione personæ mutatur privilegium, ut dictum est supra in nono dubio.

(19) Illud vere & proprie est dos, quod datur marito occasione matrimonii vel a muliere, vel ab ejus patre, vel etiam ab extraneo, ut sustineat onera matrimonii. Mortuo igitur marito definit esse dos, & hæc uxori restituenda est, vel ipsius hæredibus, sicuti donatio propter nuptias mortua uxore restituenda est marito, vel hæredibus ipsius, quum per leges par sit utriusque ratio L. *Lege Leonis C. De pactis conventis* -- *Lege Leonis divæ memoria, pacta lucrorum dotis, & ante nuptias donationis, paria esse sanciente* --: & Extra *De donationibus inter virum & uxorem* Cap. finali -- *Sane soluto matrimonio, sicut dos ad mulierem, sic & donatio propter nuptias redit ad virum: nisi de consuetudine secus obtineat, vel ex pacto de lucranda dote, & donatione propter nuptias, quod æquale sit tamen, hinc inde contrarium inducatur* --. Mortuo igitur marito nullus amplius remanet, de quo per jura dicatur, quod sustinet onera matrimonii, cum hoc de solo marito dicatur respectu uxoris L. *Si filia §. Hoc amplius ff. Familia erciscunda* -- *Hoc amplius, filius familias hæres institutus, dotem uxoris suæ percipiet: nec immerito, quia ipse onera matrimonii sustinet* --. Jure ideo scribit Author in hoc casu rationem esse diversam. Pignus ergo, aut rem obligatam hæredes mariti reddant uxori, aut ipsius hæredibus; fructus enim quoad ipsos non possunt habere rationem interesse, quia cessavit onus matrimonii sustinendum per mortem viri, cui soli id per leges adjudicatur. Affirmantem sententiam primo statuit Joannes Andræ; sed re melius inspecta negantem sequitur, ut monet S. Bernardinus Serm. 42. art. 1. cap. 2. scribens -- *Dicendum, quod Joannes Andræ post Hostiensem in præallegato cap.*

cap. Salubriter propter rationem illam, quæ redditur, de onere conjugali, arguit quod sic: demum contrarium determinat, quia in hoc casu ratio est diversa ab illo.

Petes forsitan hic. Quid juris, si uxor, cujus marito data fuit possessio in pignus, moriatur relictis filiis: poterit ne adhuc maritus facere fructus suos? Nequaquam, quia matrimonium est solum per mortem uxoris, & cessat ratio adducta in cap. *Salubriter*, ex quo cessant onera matrimonii. Instet ergo maritus apud parentes defunctæ uxoris, ut pignus liberent, vel aliter cum ipso servata æquitatē convenient; secus enim agens fructus, quos percipit a morte uxoris, computare debet in sortem.

Repones. Nonne & filii sunt onera matrimonii? Profecto, quum & ipsi matrimonium consequantur, & ex matrimonio proveniant. Si igitur pro sustinendo onere matrimonii respectu uxoris, hac vivente, potest maritus sine usura facere fructus suos: quare idem non poterit, mortua uxore, pro filiis sustinendis, qui & ipsi sunt onera matrimonii?

Respondeo, oppido disparem esse rationem. Uxor est onus, quod marito advenit jure matrimonii; filii vero onus sunt marito adveniēti jure naturæ. Ad alendam uxorem jure naturæ non tenetur ipse maritus, sed pater uxoris: quum parentes teneantur alere filios, & filii parentes L. *Si quis a liberis* ff. *De agnoscendis & alendis liberis* quasi per totam. Ad alendos filios tenetur jure naturæ maritus ipse, non alius quispiam extraneus, ex eadem lege. Ad primum tenetur quia maritus. Ad secundum tenetur quia pater. Primum ipsi est interesse, quia jure naturæ non debitum. Secundum non potest habere rationem interesse, quia jure naturæ ipsi debitum. Æquum est ergo, ut faciat fructus suos assumendo onus extraneum, sibi non debitum; iniquum autem esset; si pari modo vellet eos facere suos propter onus suum proprium, & alteri non competens. Onus quidem matrimonii sunt & ipsi filii L. *Si is, qui Stricium* §. 2. ff. *De jure dotium* -- *Post mortem patris statim onera matrimonii filium sequuntur, sicut liberi, sicut uxor* -- Sed, ad præsens quod spectat, lato duntaxat modo: quia matrimonium consequuntur tanquam fructus matrimonii. Uxor vero onus est matrimonii verum propriumque: quia matrimonium non consequitur; sed efficit tanquam causa materialis. Sine filiis verum habetur matrimonium. Sine uxore ratio vera matrimonii haberi non potest. Jure igitur cap. *Mulieres* Extra *De donationibus inter virum & uxorem* sancitum est, ut, secuto divortio ex causa licita, tota dos restituatur uxori, nulla facta mentione filiorum, si qui essent, quos pater ipse tenetur alere -- *Mulieres cum pro aliqua licita causa a propriis viris fuerint separate, totam dotem principimus sibi reddi.*

DUODECIMUM DUBIUM. Utrum relicta, cui hæredes vi-
ri post mortem ejus obligant possessionem pro dote, faciat
fructus suos sine usura?

Respondeo, quod non, sed computabuntur in sortem
secundum Hostiensem, & L. Titia ff. *De solutionibus & li-
berationibus*. Hoc idem tenent Ricardus, Innocentius, &
Antonius de Butrio in Cap. *Salubriter*: & sibi imputet,
quia non recipit in solutum. Ideo faciat distrahi, vel in
solutum recipiat L. *A Divo Pio* ff. *De re judicata*. Dicunt
tamen quidam, quod, si mulier non est sufficiens talem
cautelam habere, & non sit sibi soluta dos post interpellatio-
nem legalem, quod poterit alimenta suscepta computare
in interesse non solutæ dotis sua die, & non in sortem: & ma-
xime si mulier aliunde non habet bona, ut communiter
contingere solet.

(20) Quod mulier, de qua sermo, non possit in casu facere fructus
suos, sed eos computare debeat in sortem, repetit Author in Angelica
ver. *Usura primo* num. 29.: Docent quoque Tabiena ver. *Usura decimo*
num. 1., Joannes Pontas ver. *Dos casu ultimo* in fine, S. Bernardinus
ibidem, videlicet Serm. 42. art. 1. cap. 2., alique. Egregia sunt quæ
scribit S. Bernardinus — *Dicendum, quod sic, nempe quod fructus com-
putare debeat in sortem ff. De solut. L. Titia, & imputet sibi mulier,
quia non recipit in solutum; non est enim eadem ratio in primo, & in se-
cundo casu, & ideo non est idem jus, quia maritus sustinet onera matri-
monii, & non uxor. Hec notant Innocentius, & Hostiensis, & Antonius
de Butrio in cap. Salubriter. Sit ergo causa mulier, ne recipiat rem in
obligationem --. Secus certe opinatus est Fulgentius Cuniati De con-
tractibus cap. 4. §. 4. num. 1. scribens — *Quod si gener moriatur, fru-
ctus pignoris cedent in usum vidua supersitis ad onera ad se & filios a-
lentos sustinenda, nec in sortem dotis computandi. Exceipe excessum, ut
dixi. Ita Sotus lib. 6. q. 1. art. 2. cum aliis pluribus --. Secus pariter
opinatus est Merbeus loco cit. scribens -- *Tertio, marito rebus humanis
erepto, relicta vidua gaudere potest privilegio per hoc cap. SALUBRITER
indulto erga mariti hæredes. Potest quippe ex pignore fructifero sibi tradito
percipere fructus, nec computare in sortem, donec ei dos restituta fuerit.*
Ita Conradus q. 35. conclus. 9., Joannes Medina &c. --. Sed quum in
cap. *Salubriter* maritus dicatur sustinere onera matrimonii, non autem
uxor;**

uxor; quum per mortem mariti uxor fiat domina dotis nequum quoad proprietatem, sed etiam quoad usumfructum, qui vivente marito ad ipsum pertinebat; casus non est amplius ille, de quo in cap. *Salubriter*, sed omnino diversus. Arbitror ergo sententiam Authoris esse præferendam, & mulierem relictam debere vel dotem suam petere, & accipere in solidum, vel fructus computare in sortem, nisi ex alio iusto titulo eidem debeantur. Idem senserat Athesanus lib. 3. tit. 11. de quarto num. 6., qui ideo sic concludit -- *Mulier discreta non recipiat rem obligatam; sed potius faciat eam distrahi; vel accipiat in solutum; aliter fructus extenuabunt sortem.*

Quod subdit Authr, & scribit etiam S. Bernardinus ibidem, id intelligi in sensu, in quo Authr ipse se explicuit in Angelica ver. *Dos* num. 28., loquens de statuto, si quod esset, quod hæres solvat viduæ certum quid pro quolibet centenari. En ipsius verba -- *Limitat tamen idem Panormitanus hoc in ea, quæ non habet unde aliunde vivat. Sed mihi non placet ista limitatio: quoniam non accipit tale quid ratione lucri, sed ratione interesse lucri cessantis: ut puta quia potius vellet habere dotem, ut eam implicaret in possessionibus, vel aliis negotiationibus, de quibus verisimiliter tantum, vel plus haberet. Alias non liceret --.* Uno verbo: Nisi in muliere relictæ habeatur verum lucrum cessans, aut verum damnum emergens, non potest sine usura fructus illius possessionis facere suos, sed eos computare debet in sortem.

Hæc omnia confirmat Natalis Alexander lib. 3. art. 5. Regula undecima inquit -- Contra si post mortem mariti res in pignus viduæ detur ab hæredibus pro restitutione dotis, illa debet computare fructus, quos perceperit, in solutionem dotis, quia non sustinet onera matrimonii soluto matrimonio. Sibi itaque prospiciat, curetque, ut res oppignorata vendatur, vel detur sibi in solutum pro dote. Ita docet Panormitanus ad cap. *Salubriter Extra De usuris*. Si tamen ob dotem non solutam damnum passa sit, aut lucrum amiserit, potest accessionem aliquam ad dotem exigere, ac percipere ad damnum compensandum --. Hactenus ille. Brevibus Innocentius IV. super cap. *Salubriter* -- *Si mulier habet pignora dotis suæ post mortem mariti, debet fructus illos in sortem computare.*

TERTIUMDECIMUM DUBIUM. Utrum poena apposita in contractu mutui detentori ultra præfixum terminum iuste possit exigi?

Respondeo secundum Scotum in 4. dist. 15., quod sic, si de consensu partium sit apposita, absque dolosa tamen intentione usurarii pretii, seu lucri: puta ego indigeo pecunia

cunia ad mercandum, concedo tibi usque ad certum diem, adjiciens pœnam conventionalem, nisi mihi solvas ipsam tali die, quia multum damnificabor. Pœnam hanc exigere licet, quia debeo me præservare indemnem: præmonendo tamen illum, cum quo contraho. Signum tamen usuræ est, si aliquis consuevit esse usurarius L. *Julianus ff. De actionibus empri & venditi*, & ff. *De pigneratitia actione* L. *Vel universorum*. Item quando pœna stipulatur in menses, aut in annos singulos. Arguitur C. *De usuris Authentica Ad hac*, & in Authentica *Ne quis quod agricolæ mutuam* Cap. *Sancimus* Collatione 4. Tit. 13. Item usurarius est quando habet intentionem pravam, ut puta vellet potius, quod pœnam incurreret, quam quod solveret in termino. Arguitur 23. dist. Cap. *quamquam*. In omni tamen eventu non est licitum talem pœnam exigere, sed duntaxat quando culpa sua pecuniam non solvit: quia si paupertate, vel aliqua justa necessitate non solvit pecuniam, non tenetur solvere pœnam; nec hoc potest peti ab eo: nam in hoc casu non potest puniri contumacia, quæ non est: & quod acciperetur tolleretur solum ratione temporis, quod esset vere usurarium; & ideo nec ex conventionem partium, nec ex aliqua lege introduci potest, ut in Cap. *Ex gravi De usuris* in Clementinis. Item si debitor solvit partem debiti, non poterit accipi pœna nisi pro parte, ut notat Innocentius in Cap. *Suam ad nos Extra De pœnis*.

(21) Super hac re jam multa dixi adnotatione prima super hoc tertio verbo definitionis usuræ. Ea igitur recale. Placet adjicere, quod signa, quæ Author hic exhibet, ad cognoscendum an pœna appositæ sit in fraudem usurarum, nec ne, locum habent præcipue in foro contentioso, non autem in foro sacramentali, seu pœnitentiali; in hoc enim credendum est pœnitenti, ipsiusque responsis. Confessarius tamen ignorare non debet prædicta signa: quoniam iis uti debet ad interrogandum pœnitentem, ut ex ipsius responsis judicet, an sit usurarius, nec ne.

Quod

Quod hæc pœna non possit exigi, dum mora debitoris culpa vacat, perspicue id docuit S. Antoninus 2. part. tit. 1. cap. 7. §. 24. inquit -- *Requiritur, quod debitori non sit impotentia solvendi termino statuto; si enim sine culpa sua factus est impotens ad solvendum, non est licitum aliquid ab illo exigere --*.

Quod soluta parte non possit amplius exigi tota pœna, id intellige juxta declarationem, quam Author ipse nobis exhibet in Angelica ver. *Pœna* num. 14., ubi, proposito casu, sic constituit -- Respondet Pannormitanus in cap. *Suam* De pœnis, quod, si obligatio est dividua, non committit pœnam, nisi pro parte non soluta. Si vero est individua, sic solvet totam pœnam etiam de jure canonico. Et quando dicatur obligatio dividua, est quando solutio per se valet quoad partem tantum, quantum totum ad se totum. Individua vero dicitur, quando non valet illa pars per se. Exemplum. Promisi tibi scribere Bibliam, & Decretum, sic, si scripsi solum Bibliam, non solvam pœnam in totum, quia obligatio est dividua, quia Biblia per se valet secundum totum suum. Secus, si promissis scribere Bibliam, & scripsi quatuor quintos, certe non valet pro Biblia; & ideo obligatio erit individua, quia ad nihil per se valere possunt sine aliis --. Hactenus ipse. Eadem habet Merbelius super septima decisione Concilii Mediol. primi, quæstioncula 3. conclus. 4., proferens idem exemplum, quod a Bartolo usurpatum est in L. *Stipulationes non dividuntur* ff. *De verborum obligationibus*.

A fortiori secundum Alexandrum Lombardum potest exigi pœna legalis, sive canonica, de qua 12. q. 2. Cap. *In legibus*: & etiam judicialis. Arguitur 23. dist. Cap. *Quamquam* in fine. Et hoc propter puniendam contumaciam debitoris, quando culpa sua non solvit; aliter non, nec legalis, nec judicialis, ut patet ex dictis.

(22) Eadem habet Astephanus lib. 3. tit. 11. de quarto num. 8. scribens -- *Est autem alia pœna qua dicitur judicialis, ut si Judex præcipiat debitori, quod intra mensem satisfaciatur sub pœna decem solidorum, vel simili. Hoc etiam non est usura, quia est appositum pro punienda debitoris contumacia. Arguitur dist. 23. cap. QUAMQUAM.*

En caput *In legibus* hic laudatum -- *In legibus seculi tantum habetur: qui rem furripit alienam, illi, cujus res directe est, in decuplum qua sublata sunt restituat. Et in lege Divina legitur: maledictus omnis, qui transfert terminos proximi sui, & dicit omnis populus, amen. Talia ergo non presumantur absque ultione, nec exerceantur absque sua damnatione. Proinde si quis Ecclesiasticas oblationes, & quod Deo consecratum est, rapuerit, vel consenserit facientibus, ut sacrilegus dijudicetur, & damnum in*

in quadruplum restituat, & canonice poeniteat -- . En quod habetur in cap. Quamquam -- Paria etiam juxta Ecclesiastica consuetudinis morem, & placitis talium inferenda, & ab iis, qui transgressores fuerint, persolvenda est.

QUARTUMDECIMUM DUBIUM. Utrum Ecclesia, quæ a Vassallo suo recipit in pignus Feudum, quod ab eadem habuit, teneatur computare fructus in sortem?

Respondeo, quod non per Cap. *Conquestus Extra De usuris*. Et hoc intelligo, si tria concurrant. Primum, quod interim non recipiat servitium a Vassallo textu expresse *De Feudis Extra Cap. 1*. Secundum, si fructus Feudi non multum disproportionantur a servitio Vassalli, & non multum excedunt valorem servitii. Tertium, quod non stet nisi per Vassallum ad servitium exhibendum: quia si per Vassallum non staret quominus servitium exhiberet, tunc Ecclesia non faceret fructus suos secundum quod sentit Antonius de Butrio in Cap. 1. *De Feudis*. Et hoc idem tenet Innocentius: & maxime si fructus disproportionantur vel recipiat servitium a Vassallo.

(23) Casum hunc iterum exponit Author in Angelica ver. *Feudum* num. 31. & ver. *Usura* primo num. 11., exponunt item S. Bernardinus Serm. 42. art. 3. cap. 2., Lucius Ferraris ver. *Mutuum* num. 48., alii que. Accipe interim cap. *Conquestus* hic laudatum -- *Conquestus est nobis C. Clericus. Discretionem vestram mandamus, quatenus si terram ipsam titulo pignoris detinetis, & de fructibus ejus sortem recepistis, prædictam terram Clerico memorato reddatis: nisi terra ipsa de feudo sit monasterii vestri -- . Accipe etiam caput primum De Feudis ab Authore indicatum -- Insinuatione præsentium declaramus, quod gageria, quam de feudo Ecclesie sue ab M. dignosceris recepisse, a te potest libere detineri, fructibus non computatis in sortem: ita videlicet ut quandiu fructus illos ceperis in sortem minime computandos, idem M. a servitio, in quo tibi, & Ecclesie tue pro feudo ipso tenetur, interim sit immunis -- . Casum hunc clarius exponit Glossa ibidem scribens -- Casus. Episcopus Marien. recepit in pignus quasdam possessiones ab M. pro quadam pecunie quantitate, quam mutuavit eidem: quas dictus M. ab Ecclesia Marien. tenebat in feudum. Quærebatur, utrum Episcopus deberet computare fructus in sortem? Respondetur, quod Episcopus potest licite retinere gageriam prædictam fructibus non computatis in sortem, quamdiu sortem non restituerit totam. Ita tamen quod, quamdiu fructus illos receperit non computandos in sortem, dictus*

Aus M. a servitio, quo Ecclesia illi pro feudo ipso tenetur, interim sit immunis. Nota hic casum, in quo fructus non computantur in sortem, nec tamen committitur usura.... In hoc casu permittitur Ecclesie fructus non computari in sortem, ut res illa citius perveniat ad Ecclesiam. Simile infra De usuris cap. 1., & cap. Conquestus: & in alio casu non computatur fructus in sortem, ut infra eadem tit. De usuris cap. SALUBRITER.

In oppositum proferri potest Regula 45. ff. *De diversis regulis juris antiqui*, quæ ita habet -- *Neque pignus, neque depositum, neque precarium, neque emptio, neque locatio rei sue consistere potest* --. Sed respondeo regulam hanc intelligendam esse de re, quæ omni jure est propria, quod non verificatur in casu. Si igitur unus habeat dominium directum ut Dominus, & alter dominium utile, ut Feudatarius vel Emphyteuta, nihil prohibet, quod qui habet dominium directum, recipiat in pignus illud idem, super quo alter habet dominium utile, & non amplius, sicuti per leges Canonicas hic productas liquido patet: quia accipit in pignus dominium utile, quod, ut supponitur, non erat suum, sed alterius.

Placet summopere quod adnotatum invenio in Angelica super num. 31. ver. *Feudum* -- *Adderem salvo meliori judicio, quod, si Feudatarius esset in magna necessitate, Ecclesia teneretur gratis mutare.*

Casum Authoris proponit etiam Joannes Pontas ver. *Usura casu* 24., & eodem modo respondet sub initio responsionis scribens -- *Non obligatur ad deducendos de principali sorte.... fructus, quos ex prædicto prædio percepit, eisdemque jure potuit suos facere tanquam provenientes ex fundo, qui sibi jure legitimo cedit.*

Egregie iccirco Natalis Alexander Lib. 3. art. 5. Regula decima idem statuens, & confirmans -- Cum enim creditor in eo casu directum habeat rei oppignoratæ dominium, fructus non tanquam ex pignore, sed tanquam ex re propria percipit; fructus autem ex re propria percepti computandi non sunt ad extenuationem sortis. Hæc porro exceptio fundata est in natura, & conditione feudorum, quæ cum pignoris loco ad verum & directum Dominium redierint, dominium utile, seu potestas legitima percipiendi fructus, cum dominio directo consolidatur; & propterea fructus ad Dominum feudi pertinent: modo Vassallum absolvat ab omni servitute, & onere, quo propter fructuum possessionem aditringebatur. Hæc ille.

QUINTUMDECIMUM DUBIUM. Utrum liceat hoc idem in Feudis laicalibus?

Respondeo secundum Baldum, quod sic, si, ut dixi, prædicta tria concurrant: quia ubi eadem ratio, & idem jus

jus Cap. *Translato Extra De Constitutionibus*, & L. *Illud ff. Ad legem Aquiliam*, & ff. *Us in possessionem Legatorum vel fideicommissorum L. Is, cui, & Institut. Quod cum eo qui in aliena potestate est §. Eadem ratione....* Ista tamen duas. Nam licet execrabilis sit usura respectu laicorum, execrabilius tamen est respectu Clericorum *Extra De usuris Cap. 1. & 2.*: & multa licent laicis, quæ non licent Clericis 88. dist. Cap. *Fornicari*, & *Extra Ne Clerici vel Monachi Cap. 1.*

(24) Hoc idem fufe probat Atefanus lib. 3. tit. 11. de quarto sub initio, nonnullos enumerans casus, in quibus potest aliquid exigi ultra sortem sine usuris.

Sed quid, si Vassallus Ecclesiæ vel Domino servire velit, durante pignorazione prædicta -- numquid, si velit computare, aut recipere fructus, licitum erit ei? Hujusmodi interrogatio est S. Bernardini ibidem. Habeto igitur ejusdem responsum -- *Dicendum, quod, si in hoc casu convenient, debent computari: secus non debent, ut notat Bern., & Hostiensis Extra De Feudis cap. 1.*: quia res de facili revertitur ad id, quod sibi jus & natura ab initio concessit ff. *De pactis L. SI UNUS §. PA-CTUS, & §. seq.*, & *Extra De officio & potestate Judicis delegati cap. Super questionum, §. Porro --*. Habeto quoque responsum Authoris in Angelica ver. *Feudum num. 32.* -- R., quod, si Vassallus facit tanquam ex debito, tunc fructus teneretur [intellige Dominus] restituere, & sic videtur juri suo renunciare, nisi protestetur. Arguitur in L. 2. C. *DE JURE DOMINII IMPETRANDO*, & in cap. *CUM M. FERRARIENSIS Extra DE CONSTITUTIONIBUS*. Secus esset, si ex liberalitate, sciens se non teneri, Vassallus exhibet consueta servitia.

Dices: usura est in mutuo accipere aliquid ultra sortem. Usura aliunde jure Divino est prohibita, ut cuique notum est. Porro quæ sunt juris Divini a Summo Pontifice relaxari nequeunt textu expresso cap. *Sunt quidam 25. q. 1.* -- *Sunt quidam dicentes Romano Pontifici semper licuisse novas condere leges. Quod & nos non solum non negamus, sed etiam valde affirmamus. Sciendum vero summopere est, quia inde novas leges condere potest, unde Evangeliste aliquid & Propheta nequaquam dixerunt. Ubi vero aperte Dominus, vel ejus Apostoli, & eos sequentes Sancti Patres sententialiter aliquid definierunt, ibi non novam legem Romanus Pontifex dare, sed potius quod prædicatum est, usque ad animam & sanguinem confirmare debet. Si enim quod docuerunt Apostoli & Propheta destruire [quod absit] niteretur, non sententiam dare, sed magis errare convinceretur.* Sed hoc

hoc procul sit ab eis, qui semper Domini Ecclesiam contra luporum insidias optime custodierunt -- . Non ergo potuit Romanus Pontifex lucrum permittere in genero, sicuti permisit in cap. Salubriter, neque in Ecclesia mutuum dante, sicuti eidem permisit in cap. Conquestus, & in cap. 1. De Feudis supra productis.

R. Falleris putans Romanum Pontificem Dominicum relaxasse præceptum in capitibus enarratis. In capite Salubriter id permisit ratione interesse, ut superius ostendi. Ratione interesse pariter id licere dixit in casu Ecclesiæ mutuum dantis Vassallo suo, seu Feudatario. Responsum hoc S. Bernardini est ibidem scribentis -- Præterea, si esset usura, Papa non posset aliquem privilegiare contra præceptum Dei, 25. q. 1. cap. SUNT QUIDAM sed ad interesse tantum... Ratio igitur, quare in hoc casu aboletur usura, est, quia Vassallus non est Dominus feudi, quamvis in eo habeat utile dominium, & secundum aliquos non est major Domino -- Responsum hoc Fagnani est, cujus verba recitat Ferraris ver. Mutuum num. 48. inquit -- Quia, ut recte notat Fagnanus in dicto cap. 1. De Feudis num. 3., Cum Vassallus interim non præstet conventa servitia Domino directo feudi, suspenditur obligatio contractus inter Dominum & Vassallum, & sic res feudalis redit ad primæviam suam naturam; adeoque Dominus directus licite percipit ejus fructus ac si feudalis non esset, coalescente directo, & utili dominio -- Non ergo Romanus Pontifex permisit usuram, aut præceptum Dominicum relaxavit; sed unice declaravit in in casibus expositis haberi justum, titulum, & iccirco mutuatores sine usura posse facere suos fructus pignoris, ultra sortem. Certum quippe est ipsum non posse super hoc præcepto aliquem dispensare, textu expresso cap. Super eo Extra De usuris -- Respondemus, quod cum usuratum crimen utriusque Testamenti pagina detestetur, super hoc dispensationem aliquam posse fieri non videmus: quia cum Scriptura sacra prohibeat pro alterius vita mentiri: multo magis prohibendus est quis, ne etiam pro redimenda vita captivi usuratum crimine involvatur.

SEXTUMDECIMUM DUBIUM. Utrum statutum, vel consuetudo valeat secundum conscientiam, qua ordinatur, quod missus in possessionem lucretur fructus ad rationem quinque pro centum?

Respondeo secundum Baldum in L. Acceptam C. De usuris q. 18., quod sic, quum illos lucretur ratione interesse. Quod dicit etiam notatum in Glossa super §. seu Cap. Si vero in Authentica De exhibendis, & introducendis reis (Collat. 5. tit. 8.) quæ Glossa incipit: Quod leges, & se-

cundum eum est singularis. Nec mirum, quum hoc ob nimiam contumaciam auctoritas Prætoris facere possit, ut L. *Fulcinus* §. finali ff. *Quibus in Causis in possessionem eatur*. Sed tamen de mente Bartoli in L. *Si finita* §. *Julianus* ff. *De damno infecto*, quamvis supradicta Glossa hoc dicat, scilicet quod missus in possessionem lucretur fructus, consuetudo illa non est iusta secundum eum, quum sit contra jus divinum in fraudem usurarum: quare dicit eos computandos esse in sortem. Et hoc verum est, si sit in fraudem. Sed si in locum legis pœnalis, ut debitor arctetur ad satisfaciendum, concurrentibus conditionibus positus in tertiodécimo dubio hujus articuli, & tertii verbi definitionis: vel loco interesse cessanter, vel emergenter, talis consuetudo, vel statutum sit emanatum: tunc bene dicit Baldus cum Glossa, quæ sic intelligenda est, & etiam ipse Baldus. Quod ego verum intelligo in eo, qui iuste missus est in possessionem, non tantum ex ordine, sed etiam ex causa: hoc est quod in veritate sit creditor, & mittatur in possessionem propter interesse, vel ad puniendam contumaciam debitoris.

(25) Loquitur hic Author de eo, qui in possessionem missus est legitima Judicis auctoritate. Judicem ob contumaciam unius partis posse alteri parti adjudicare fructus, res est utroque jure sancita, civili nempe & canonico. Civili, inquam L. *Fulcinus* §. finali ab Authore producta, ubi sic lego -- *Dixit quoque Pius, in persona ejus, qui hereditatem possidens copiam sui non faciebat, rescriptis, in possessionem rerum hereditariarum adversarium inducendum: in quo Rescripto & fructum percipere jussit eum, qui per nimiam contumaciam possessoris hereditatis, ut lucro ejus cedat, in possessionem inductus est rerum hereditariarum* --. Canonico item cap. *Contingit Extra De dolo & contumacia*, quod sic habet -- *Contingit autem quod cum auctori ob contumaciam adverse partis adjudicatur [caussa rei servande] possessio: propter Rei potentiam, sive dolum, actor intra annum rem custodiendam nancisci non potest, vel acquisitam amittit: & sic [cum secundum multorum assertionem verus non efficetur post lapsum anni possessor] reportet commodum de malitia sua Reus. Ne igitur contumax melioris, quam obediens, conditionis existat, de canonica æquitate sancimus,*

cimus, ut in casu premissa actor verus constitutur elapso anno possessor --. Pœna hæc in omni ferme casu potest imponi, ut colligitur ex cap. Dilecti Extra De arbitris -- Quamvis autem secundum regulam juris civilis fœmine a publicis officiis sint remota . . . quia tamen juxta consuetudinem approbatam, quæ pro lege servatur, in partibus Gallicanis fœmine præcælenres in subditos suos ordinariam jurisdictionem habere noscuntur: mundanius quatenus Hospitalarios, ut arbitrium ipsum, præsertim cum Episcopo tum fuerit præsentia & consilio roboratum, sicut provide latum est, & ab utraque parie sponte receptum, observent, per penam in compromisso statutam appellatione postposita compellatis.

Sed quid juris, si cesset contumacia? Arbitror tunc missum in possessionem nihil amplius posse recipere, cum cessante causa cesset effectus cap. Cum cessante Extra De appellationibus.

Nota hæc quasi postrema Authoris verba -- *Quod in veritate sit creditor --: quoniam pro debito non vero decretum Judicis interpositum effectum suum habere non debet, textu expresso ff. Ne vis fiat ei L. 1. §. 5. -- Hæc verba: quanti ea res erit, ob quam in possessionem missus erit: continent utilitatem creditoris, ut quantum ejus interest possessionem habere, tantum is, qui prohibuit, condemnatur. Proinde si ob falsum creditum, vel ob falsam petitionem missus est in possessionem, vel si exceptione summo veri potuit, nihil ei debet prodesse hoc Edictum: quia propter nullam causam in possessionem missus est --. Jure igitur S. Bernardinus, a quo Author hujusmodi casum accepit, Serm. 42. art. 3. cap. 1., sic rem concludit -- *Quod tamen verum intelligo in eo, qui juste missus est, non tantum ex ordine, sed ex causa: si enim in veritate creditor non foret, seu iusta causa non subesset, sibi conscientia recta capitale, seu sortem retinere non posset, sic etiam nec fructus nomine interesse.**

DECIMUMSEPTIMUM DUBIUM. Utrum habens ducentos ducatos, qui tradit centum Joanni in suis necessitatibus mox expendendos cum hoc pacto, quod sicut alii centum, quos mercatori in societatem tradit, lucrabuntur, vel perdent, sic illi lucrentur vel perdant, sit usurarius?

Respondeo secundum Innocentium in Cap. finali De usuris, & Joannem Andreæ ibidem, quod sic. Ratio, quia aut est tradita talis pecunia per modum mutui, & sic est usura: aut per modum depositi, & tunc ipsa sola debet reddi absque omni lucro; immo remunerandus est qui tale depositum servavit: aut per modum capitalis, ut sci-

licit in persona tradentis deputeretur emptionibus & mercationibus. Sed hoc non potest esse, quia pactum repugnat.

(26) S. Bernardinus Serm. 42. art. 2. cap. 1. totus est pro hac sententia non solum propter momenta hic producta, sed etiam -- quia talis hoc pactum in fraudem usurarum adinvenisse videtur -- & infimul -- quia, sicut patet 88. dist. cap. EJICIENS, pecunia ex se sola minime est lucrosa, nec valet nisi seipsam, sed ex industria mercantium fit propter eorum negotiationes aliquando lucrosa: sed nihil est hic tale --. Tabiena ver. Usura secundo num. 7., ambabus opinionibus expositis, sic concludit -- Unde casus remanet dubius, & in hoc erederem tutiorem viam eligendam.

Alii tamen magni Doctores tenent quod sit licitus: quod credo verum, si sit tanquam interesse illud, quod recipit, puta quia volebat omnes ducentum in societatem ponere, & ad instantiam Joannis ipsi dedit centum: dummodo concurrant quæ dicta sunt in primo dubio tertii verbi diffinitionis usuræ.

(27) Author in Angelica ver. Usura primo num. 17. hunc eundem casum iterum proponit, & eodem modo respondet scribens -- Sed si omnes ducentos volebat in negotiationem ponere, & ad instantiam Joannis sibi taliter dedit, erit licitus contractus, dummodo concurrant prædicta quintum præcedentis questionis --. Quintum horum quinque erat hoc -- quintum, quod id, quod accipit, sit vere interesse suum probabiliter, & pro interesse accipiat; aliter erit usura --. Et ipsa quum non sit vetitum, immo cuique liceat alteri petenti non satisfacere, nisi ipse servetur indemnis cap. Pervenit Extra De fidejussoribus -- Minus itaque discretioni vestre, quatenus si ex confessione prædictorum Clericorum, vel alias legitime vobis rem ita se habere constiterit, moneatis eosdem, ut memorato R. pecuniam, quam pro eis solvit, restituant, ipsamque servant indemnem --: & Glossa super cap. Quoniam 14. q. 4. -- Videtur hic, quod prohibeamur sumere usuram causa lucri captandi, non autem vitandi damni --: & cap. Si quis de Clericis 12. q. 2. -- Si quis de Clericis documenta, quibus Ecclesia possessio firmatur, aut suppressere, aut negare, aut adversariis fortasse tradere, dampnabili & punienda obstinatione præsumperit, quicquid per absentiam documentorum damni Ecclesia illatum est, de propriis facultatibus reddat --: Quum mutuator dubio procul dampnum pateretur, si gratis Joanni mutuam daret pecuniam jam societati assignatam, & in gratiam ipsius a societate deductam: non video quare in casu habendus sit tanquam usurarius.

Eo vel maxime quia pecunia hæc apud mutuatorem jam habet rationem

capitalis, ut asserit S. Bernardinus ibidem cap. 2. de consimili pecunia, quam quis rogatus alteri mutuam dat cum lucro, quod per negotiationem, cui jam erat destinata, probabiliter habuisset: de qua superius dixi exponens primum dubium super hoc tertio verbo definitionis. Placet adferre ipsa verba S. Doctoris -- *Tertio quoque licet ratione utilitatis: nam Extra DE USURIS in cap. NAVIGANTI dicitur, quod qui pannum, vel granum, aut alias merces vendit, ut amplius quam valeant in certo termino recipiat pro eisdem, si tamen ea tempore contractus non fuerat venditurus, usurarius non reputatur: si verisimile creditur, quod tempore solutionis praxato tantum sint valitura. Ecce quod hic notanter dicit, si tempore contractus non fuerat venditurus; illaque conditio hac solum ponitur ratione, quia, si tunc fuerat illa venditurus, tunc pro futuro tempore praxato apud eum vendibilis non habuisset rationem. Quia ergo pro illo tempore futuro habuit apud eum rationem vendibilis, ideo licite illa vendit secundum valorem illius futuri temporis probabiliter creditum. Ergo consimili ratione iste, quia sua pecunia jam habet rationem capitalis, potest ex ea ratione sua capitalitatis exigere in prasato casu.*

Secus certe esset dicendum, si penes se haberet aliam pecuniam inrentem, & otiosam, societati non assignatam: quia tunc gratis mutuam dando summam, de qua in casu, nihil damni ei eveniret: quum commodum posset pecuniam otiosam substituere, & integram paratam inire societatem. Illud semper meditandum, apposite Concina de Justitia & Jure lib. 3. differt. 3. cap. 14. num. 9., nempe *usuras sensim sine sensu serpere. Quare summa opus est vigilantia, ne sub fictis titulis grassentur. Sed cavendum quoque ab injustitia debitorum. Plurimi mutuum petunt, credito emunt, spondentes promptam restitutionem, & frequentissime oppignoratam fidem frangunt cum damno creditoris. Quare illi cogendi sunt ad damni compensationem.... Extrema tam ex parte creditorum, quam ex parte debitorum diligentissime vitanda sunt.*

Accedit, quod lucrum ex utraque parte est incertum, quamvis ut in pluribus cedat in favorem mutuatoris. Dixi, ut in pluribus: quoniam saepenumero videmus nihil lucrifici ex societatibus, vel parum, & quandoque sortem ipsam amitti ex parte, vel in totum.

Cujus indolis igitur, dices, erit hujusmodi contractus? Mutui certe, tamen si firmatus juxta leges contractuum societatis. In mutuo nullum lucrum accipi potest etiam minimum. Ita est ratione mutui, non autem ratione interesse, sicuti est in casu.

Hæc omnia posui propter illud tertium verbum definitionis, quo dicitur *ipsius rei usus gratia*. Ubi dixi notanter illud esse dictum, quia loco poenæ vel interesse, &

absque fraude aliquid ultra sortem acceptum non est usura, ut ex dubiis positum patet.

(28) Super usura nonnullas habemus propositiones a Summis Pontificibus proscriptas, hanc nempe ab Alexandro VII. die 19. Martii 1666., quæ est 42. in ordine -- *Licetum est mutuanti aliquid ultra sortem exigere, si se obliget ad non repetendam sortem usque ad certum tempus* --: Et sequentes ab Inno. XI. die 2. Martii 1679., in ordine 40., 41., 42. -- *Contractus Mohatra licitus est etiam respectu ejusdem persone, & cum contractu retrovenditionis prævis incho cum intentione lucris* --: Cum numerata pecunia pretiosior sit numeranda, & nullus sit qui non majoris faciat pecuniam presentem, quam futuram, potest creditor aliquid ultra sortem a mutuario exigere, & eo titulo ab usura excusari --: *Usura non est, dum ultra sortem aliquid exigitur tanquam ex benevolentia & gratitudine debitum, sed solum si exigatur tanquam ex iustitia debitum* --. His adde Constitutionem vere singularem & eximiam Benedicti XIV. datam anno 1745. die 1. Novembris, quæ incipit -- *Vix pervenit ad aures nostras, & quam videre potes apud Lucium Ferraris ver. Usura num. 103. In ea enim multa sancivit sapientissimus Pontifex ad usuram in contractibus detegendam aptissima: &, privatos doctores quod respicit, cum omni veritate dixit -- Etenim aliqui tanta severitate de iis rebus judicant, ut quamlibet utilitatem ex pecunia desumptam accusent tanquam illicitam, & cum usura conjunctam. Contra vero nonnulli indulgentes adeo, remissiveque sunt, ut quodcumque emolumentum ab usura turpitudine liberum existiment.*

Ad cujus declarationis intelligentiam noto, quod, quando damnum evenit ratione lucris cessantis, æstimatio non debet deduci in infinitum: sed, ubi res est certa, æstimatio interesse non debet excedere duplum rei principalis: ubi vero est incerta, æstimatio sit arbitrio boni viri, adeo quod in immensum non excedat, ut L. unica C. De sententiis, quæ pro eo quod interest, proferuntur.

(29) Hæc est lex, de qua Author -- *Sancimus itaque in omnibus casibus, qui certam habent quantitatem, vel naturam, veluti in venditionibus, & locationibus, & omnibus contractibus, hoc quod interest dupli quantitatem minime excedere. In aliis autem casibus, qui incerti esse videntur, Judices qui causas dirimendas suscipiunt, per suam subtilitatem requirere, ut hoc, quod revera inducitur, damnum, hoc reddatur, & non ex quibusdam machinationibus, & immodicis perversionibus in circuitus inextricabiles redigatur...* Et hoc non solum in damno, sed etiam in lucro nostra amplectitur Constitutio --. Res incerta esset, exempli gratia, captu-

captura piscium; nemo enim in antecessum scire potest quot capientur; & ideo statuit L. Si iactum ff. De actionibus empti, & venditi -- Si iactum resis emero, & iactare rem piscator noluerit, incertum ejus rei aestimandum est: Si quod extraxeris piscium reddere mihi noluerit, id aestimari debet, quod extraxit.

Si autem damnum evenit ratione damni emergentis: aut hoc evenit ratione omissionis, & sic solum considerataur interesse intrinsecum, ut ff. De actionibus empti & venditi L. Si sterilis §. Cum per venditorem: ubi dicitur, quod si frumentum vel simile non sit datum emptori tempore suo, aestimatio non veniet, quod animalia sint mortua ex eo quod emptor suo tempore non habuit avenam, nam hoc interesse est extrinsecum a re: sed bene veniet ut detur majus illud pretium, quo res valuit tempore, quo debuit dari: quia hoc est interesse intrinsecum, quod concernit rem, & venit ex ipsa re. Extrinsecum vero illud est, quod non ex re venit, sed propter rem, ut in exemplo jam dicto. Prædicta tamen intelligo vera, quando creditor erat incurfurus damnum, etiamsi debitor nihil promississet: puta quia aliunde non habebat, unde provideret. Sed si evenit ratione commissionis, ut quia creditor aliter sibi providisset, nec ejus animalia fuissent mortua, si non fuisset fraudatus promissione debitoris: Salvo meliori iudicio credo, quod tenetur saltem in foro conscientiae satisfacere tale interesse extrinsecum, de morte scilicet animalium propter commissionem, & falsam promissionem: quia in foro conscientiae tenetur de omni damno, quod ejus dolo, vel culpa proximus incurrit.

(30) En legem Cum per venditorem hic memoratam -- Cum per venditorem steterit quominus rem tradat, omnis utilitas emptoris in aestimationem venit, quæ modo circa ipsam rem consistit. Neque enim, si potuit ex vino, puta, negociari, & lucrum facere, id aestimandum est: non magis quam si trititum emerit, & ob eam rem, quod non sit traditum, familia ejus fame laboraverit; nam pretium tritici, non servorum fame necatorum, consequitur.

Dum Author ait -- *quia creditor aliter sibi providisset* -- , id intellige in hōc exemplo, quod ipsemet exponit in Angelica ver. *Usura primo num. 30.* -- *Exemplum: Promisisti mihi dare frumentum in tali termino, propterea non providi mihi aliter. Et ex quo tu non dedisti, non potui providere, ex quo animalia mortua sunt* -- . Quoad definitionem, & divisionem interesse egregia sunt, quæ ver. Interesse scribit Author in Angelica -- *Interesse secundum Bartolum in L. unica C. DE SENTENTIIS, QUÆ PRO EO QUOD INTEREST PROFERUNTUR*, proprie & stri-
 Be est æstimatio alicujus utilitatis non habita propter alicujus factum injus-
 tum, vel concessionem injustam: & est duplex: aliud lucri cessantis, &
 hoc est quando homo impeditur a lucro, quod fecisset, si talis pecunia sibi
 restituta fuisset, vel si talis læsio sibi non fuisset illata, & hujusmodi.
 Aliud est interesse damni emergentis, & hoc duplex, aliud in re, aliud
 extra rem. Interesse damni emergentis in re, vel circa rem, quod etiam
 dicitur intrinsecum secundum Bartolum ubi supra, & istud est ipsa res,
 seu ejus æstimatio, vel id, quod provenit immediate ex ipsa re, ut fructus,
 & partus, & hujusmodi. Ponitur exemplum. Vendidisti mihi vinum, quod
 valebat viginti, & tibi tradidi pretium, nec dedisti: nunc valet quadra-
 ginta: si traditum fuisset, tantum habiturus eram: & de hoc ff. DE
 ACTIONIBUS EMPTI ET VENDITI L. SI STERILIS §. CUM
 PER VENDITOREM. Interesse extra rem, vel extrinsecum, est, quod
 provenit non ex ipsa re, sed propter ipsam rem. Exemplum. Vendidisti
 vinum, nec tradidisti: sed si tradidisses, ex eo potuisses negociari, & lu-
 crari. Vendidisti granum, & quia non tradidisti, servi mei fame perie-
 runt.

Aut damnum emergens evenit ratione commissionis,
 & sic tenetur, & computabitur interesse extrinsecum, ut
 L. Julianus in principio ff. De actionibus empti, & ven-
 diti, ubi dicitur quod dans tignum vitiatum scienter te-
 nebitur etiam de ruina domus, & in hoc casu æstimatio
 fit ultra duplum rei principalis, non tamen in infinitum:
 quia, licet consideretur ruina domus, non tamen quod for-
 te propter hanc oportuit eum per multum tempus con-
 ducere domum. Facit ad hoc L. In hoc iudicium, & L.
 Neratius ff. De servo corrupto: ubi corruptor servi tenetur
 non solum de servo, sed etiam de aliis rebus omnibus,
 quas servus tunc fugiens tulit; non autem de aliis, quas
 postea successive furatus est.

(31) Consulto ait Author *scienter*, quoniam, si ignorans dedisset tale tignum, secus esset sentiendum, eadem L. sub initio -- *Julianus lib. 15. inter eum, qui sciens quid, aut ignorans vendidit, differentiam facit in condemnatione ex empto. Ait enim: qui pecus morbosum, aut tignum vitiosum vendidit, si quidem ignorans fecit, id tantum ex empto actione praestaturum, quanto minoris esset empturus, si id ita esse scissem. Si vero sciens reticuit, & emptorem decepit, omnia detrimenta, quae ex ea emptione emptor traxerit, praestaturum ei. Sive igitur ades vitio tigni corruerunt, adium aestimationem, sive pecora contagione morbofi pecoris perierunt, quod interfuit idonee venisse, erit praestandum.*

Consulto pariter ait aestimationem non esse faciendam in infinitum: quia sola illa pensio restituenda est, cui propter ruinam domus quis subijcitur primo conductionis anno, ut ipsemet in Angelica ver. *Usura primo num. 30. statuit inquit -- Unde non veniet pensio domus per longum tempus, sed videtur, quod veniat sola prima pensio --*. Id ipse probat iisdem legibus, quas hic produxit, quae sunt hujusmodi -- *In hoc iudicium etiam rerum aestimatio venit, quas secum servus abstulit: quia omne damnum duplatur. Neque intererit ad eum perlatae fuerint res, an ad alium, sive etiam consumpta sint: etenim iustius est eum teneri, qui princeps fuerit delicti, quam eum quari, ad quem res perlatae sunt --*. *Nec ratiis ait, postea furta facta in aestimationem non venire. Quam sententiam veram puto, nam & verba Edicti: QUANTI EA RES ERIT: omne detrimentum recipiunt.*

Nonnullae a Theologis adsignantur conditiones, ut ratione lucri cessantis, aut damni emergentis aliquid ultra sortem possit licite percipi. Praecipuae sunt sequentes.

Prima, quod damnum acceptum verum sit, reale, & certum, non autem dubium, aut fictitium -- *Ut hoc, quod revera inducitur, damnum, hoc reddatur, & non ex quibusdam machinationibus &c. -- L. unica C. De sententiis, quae pro eo quod interest, proferuntur.*

Secunda, quod hoc damnum proficiatur ex mutuo, idque proxime, & immediate. Nulla quippe ratio habenda est damni aliunde quam ex mutuo accepti, vel imminentis. Quemadmodum enim creditor debitori cum proprio damno beneficium praestare non cogitur; sic debitor ad aliud damnum refarciendum, & compensandum non obstringitur praeter illud, quod ipsius causa creditor accepit propter datum mutuum.

Tertia, quod creditor mutuo non det ex motivo avaritiae, & ut magis, aut commodius lucrari possit; sed potius id faciat ex motivo caritatis, & benevolentiae, ut gratificetur illi, qui mutuo sibi dari petit: ita ut mutuator potius vellet uti sua pecunia in aliquo commercio, aut negotio licito, quam illam mutuo dare cum interesse. Quod si e converso principaliter dat mutuo, quia putat se eo modo posse amplius,

aut

aut commodius lucrari, lucrum cessans tunc verum non est, sed palliatum.

Quarta, quod damnum æquale sit compensationi, quæ a creditore exigitur vel percipitur, ne cogatur debitor de gravioris damni compensatione transigere.

Quinta, quod debitor præmoneatur de tali mutuo accipiendo cum onere compensandi lucrum cessans, aut damnum emergens: quum nemo teneatur ad ea, quæ contractui sunt adventitia, nisi ei nominatim fuerint expressa.

Sexta, quod in præstituendo lucro cessante deducantur pericula, damna, labores, & impensæ: quia *L. Mucius ff. Pro socio — Neque enim lucrum intelligitur nisi omni damno deducto: neque damnum nisi omni lucro deducto.*

Septima, quod mutuator nullam aliam habeat pecuniam otiosam, quæ ad negotiationem, emptionem &c. possit substitui in locum ejus, quæ mutuo datur.

Lucri cessantis exactio, & perceptio in foro fori solis mercatoribus, & negotiatoribus adjudicatur, ut passim tradunt Juris periti, Baldus cum text. in *L. 3. §. final. ff. De eo quod certo loco dari potest*, Paulus Castren. ibidem, Jason in *L. 1. De summa Trinitate* num. 50. Cynus in Authentica *C. De usuris q. 3.*, & alii. Ita Merbesius super septima decisione Concilii Mediol. primi quæstiuncula 2. Id tamen intelligas volo de negotiatoribus lato modo sumptis: quoniam, quum lucrum cessans accidere dicatur, dum quis privatur lucro, quod de præsentis & proximo fecisset, si mutuas non dedisset pecunias: contingere hoc potest etiam in illis, qui ex instituto non negotiantur, sicuti patet in variis casibus jam adductis, & patebit etiam in nonnullis aliis inferius adducendis. *Omnes Iudices nostros veritatem, & legem, & justitia sequi vestigia sancimus L. Nemo C. De sententiis & interlocutionibus.* Sive igitur is, cui lucrum cessat, verus negotiator ipse sit, sive improprie talis, Clericus puta, Causidicus, vir nobilis &c., nec forum fori negare eidem potest quod iustum est.

Complures, ut audisti, usque nunc ab Authore producti sunt casus de mente ipsius ab usuræ labe prorsus immunes. Nolle tamen inde inferas usuram quandoque concessam esse, atque permissam. Non ita sane, non ita est. En quod unice inferri cum omni veritate potest -- *Ex his igitur patet [verba sunt S. Bernardini serm. 42. sub initio] quod improprie dici solent, quod in tali & tali casu, aut in tali terra, in tali contractu permittitur usura, quia in nullo casu est permessa. Unde quando aliqui casus ab usura a Doctoribus eximuntur, non est intelligendum, quod in illis casibus committatur usura, sed quod in eis prima facie aliquid simile concurrat usura, sicut in processu præsentis sermonis in multis casibus diffusius patebit.*

QUARTUM VERBUM diffinitionis usuræ est *pactione interposita, vel exactione*: quia, etiamsi sine pacto aliquid extorqueatur, usura est 14. q. 3. Cap. *Plerique*; ideo debet addi -- *vel exactione* --. Pro cuius verbi declaratione quærentur septem dubia.

(1) **E**N caput *Plerique* hic memoratum -- *Plerique resugientes præcepta legis, cum dederint pecuniam negotiatoribus, non in pecunia usuras exigunt, sed de mercibus eorum tanquam usurarum emolumenta percipiunt. Ideo audiant quid lex dicat: neque usuram, inquit, escarum accipies, neque omnium rerum. Item paulo post: & esca usura est, & vestis usura est, & quodcumque forti accedis usura est: quod velis ei nomen imponas, usura est* --. Apposite igitur Glossa ibidem -- *Nolunt quidam facere contra legem, sed faciunt fraudem legi. Ille vero facit fraudem legi, qui observat verba legis, sed mentem ejus circumvenit, ut ff. DE LEGIBUS L. FRAUS* --. Accipe verba hujus postremæ legis -- *Fraus enim legi fit, ubi quod fieri noluit, fieri autem non vetuit, id fit*.

PRIMUM DUBIUM. Utrum licitum sit servitium pro servitio in pactum deducere: ut mutuo do tibi decem cum pacto, ut mutuo des mihi alia decem?

Respondeo secundum Thomam 2. 2. q. 78. art. 2. ad 4. quod non. Sed contra. Talis naturaliter obligatus est ad antidora Extra *De Testamentis* Cap. *Cum in officiis*, & ff. *De hæreditatis petitione* L. *Sed & si lege* §. *Consuluit*, & Extra *De Præbendis*, Cap. *Significatum*. Ad hoc respondet Glossa in Cap. *Si fœneraveris* 14. q. 3., quod non potest deducere in pactum; non enim ex hac naturali obligatione sequitur, quod deduci possit in pactum, ut notat Glossa ibidem. Secunda ratio est secundum Archidiaconum in dicto Cap., quia antidorum est debitum simplex; & ideo, cum deducitur in pactum, nascitur obligatio civilis, & ita plus promittitur. Est ergo debitor post pactum qui
prius

prius non erat ex antidoro: & sic est usura, ex quo plus promittitur. Non sic autem in casu, quia ipsa (scilicet antidora) debita insunt ex natura rei, & ex onere sibi injecto. Cum ergo hoc deducitur in pactum, non est aliud, nisi declarare quod prius inerat. Iis concordant Hostiensis, Goffredus, & Ray.: Addit tamen Glossa in præcit. Cap. *Si fœneraveris*, quod, si egerit talis mutuator, potest exigere per modum gratitudinis, non tamen ex lege, vel necessitate ut dictum est.

(2) Do verba ipsa S. Thomæ -- *Dicendum, quod pecunia non potest vendi pro pecunia ampliori, quam sit quantitas pecunie mutuate, qua restituenda est: nec ibi aliquid est exigendum, aut expectandum, nisi benevolentia affectus, qui sub estimationem pecunie non cadat: ex quo potest procedere spontanea mutatio. Repugnat autem ei obligatio ad mutuum faciendum in posterum, quia etiam talis obligatio pecunie estimari posset. Et ideo licet mutuanti unum simul aliquid aliud mutuum recipere, non autem licet eum obligare ad mutuum in posterum faciendum -- . Quænam sit mens Authoris hac super re, vix aut ne vix quidem ex ipsius verbis judicari potest. Hinc videtur idem sentire cum D. Thomæ, quæ est opinio nostris hisce temporibus pene communis. Illinc suspicionem præbet adferendi, se, positus quibusdam moderationibus, contrariam adamare sententiam, quæ fuit Laurentii de Rodulphis, Cardinalis, Joannis De Anania, aliorumque veterum, ut lego in Annotatione super Angelica ver. *Usura primo num. 4.*, ubi Author agit de eodem casu. Præsertim quum ibidem ipse scribat -- *Ego tamen credo, quod, quando naturalis obligatio deducitur tali modo in pactum, non magis tenetur quam ex ipsa naturali obligatione: ut puta dicendo: ego mutuo tibi, ut tu mutues postea mihi si indigero, & hoc commode facere poteris: quia non fit usura. Quod etiam tenet Hostiensis in Summa: quia istud non est exigere plusquam velit natura contractus. Facit ad hoc cap. SIGNIFICASTI, DE ELECTIONE, & quæ ibi notat Panormitanus. Secus esset, quando simpliciter deduceretur in pactum, ut sibi remutuares, quia sic esset usura. Et sic intellige, & limita prædicta.**

Rotunde tamen & absque ulla moderatione, aut exceptione ceu usurarium habet sic mutuo dantem cum pacto remutationis S. Bernardinus Serm. 36. art. 3. cap. 3., ubi inter alia scribit sequentia veriori S. Thomæ sententiæ coherentia -- *Licet ergo prestitor possit, quum postea egerit, consimilem mutui gratiam exigere, potius per modum gratiæ, & gratitudinis, quam per modum venalis iustitiæ: non tamen sequitur ex hoc, quod de re*

mutuata aliquod pretium superabundans exigere possit. Quare ergo ad consimilem mutationem praestitori sub pacto astringi derogat, qua competit mutuo ex sua specie -- Et multis interjectis -- Et si dicatur, quod non praestat eam pro re, sed pro beneficio: respondetur, quod remuneratio beneficii huiusmodi a jure naturali non est taxata, nec ab aliqua ratione intellectus. Quapropter deducere voluntatem ad necessitatem, & obligationem informem, non est secundum metas iustitiae naturalis. Licet sit ex debito amicitiae, non est tamen ex debito iustitiae. Ex quo non inducitur necessitas, sed spontanea voluntas.

Absolute pariter hunc mutuatorem usurarium dixit Asteſanus lib. 3. tit. 11. de quinto scribens -- Quid si mutuem tibi pecuniam, pro pretio; ut iterum remutues mihi, nunquid sum usurarius? Respondeo, quod sic; licet enim obligeris mihi ad antidora ff. *De pet. hered.*, sed etsi *Lege §. Consuluit*, & *Extra De testament.*, Cum in officiis: illam tamen obligationem naturalem deducere in civilem est species lucri, & ideo est usura secundum Glos. 14. q. 3. *Si saeneraveris* & secundum Ray. & Gof. -- Hæc ille. Prosequitur postmodum produciens rationes Hostiensis in oppositum, easque refellens. Immo statim exhibet alterum casum, in quo etiam vult mutuatorem esse usurarium. En ejusdem verba -- Quid si quis mutuaret pecuniam hac spe, sive intentione principaliter alicui, ut ille alia vice remutuet sibi? Respondeo, mutuans sperare illud potest in simili casu ab accipiente, non tamen ex vi mutui, sed ex accipientis charitate. Et quia ex præcepto Dei tenemur mutuare indigenti, si hac intentione principaliter mutuaret, non est sibi meritorium: quia non ponit finem Deum. Immo dicitur Lucæ 6. *Mutuum date, nihil inde sperantes*, scilicet ab homine, sed a Deo secundum Alexandrum de Anglia 3. tract. 4. cap. De præcepto mutui art. 2. cap. 2. contra responsionem aliquorum. Unde secundum Rodonensem Scholares, qui mutant campforibus, vel aliis Scholaribus principaliter hac intentione, ut illi remutuent sibi, quando indigebunt, usuram committunt -- Hæc tamen Asteſanus.

Quod subdit S. Thomas supramemoratus, licere nempe mutuatori simul recipere aliud mutuum a suo mutuatorio: puta si Titio Evaristus pecuniam mutuam petenti diceret: faciam quod vis, modo hic & nunc mutuum des mihi frumentum, quo indigeo; id ab omnibus ultro probatur. *Ratio est*, ita Continuator Tournely part. 2. De contractibus cap. 3. art. 4. sect. 2., *quia ab eo, qui a me officium amicitiae postulat, possum vicissim idem officium petere. Quod si prestare nolit, eum ut ingratum repellere licebit --* Opportuna sunt quæ sequuntur -- *Notant tamen Salamanticenses, id usurarium, aut saltem injustum fore, si Titius frumentum, quod mutuum peto, non posset mihi præbere sine majori suo incommodo. Secus, si utriusque par sit incommodum, quia tunc plena erit aequalitas, ut notat Sylvius.*

Accipe nunc, quod habetur in prima & secunda lege ab Authore producta. In cap. Cum in officiis -- Cum, in officiis charitatis primo loco illis teneamur obnoxii, a quibus beneficium nos cognoscimus recepisse --. In §. Consuluit -- Quamvis ad remunerandum sibi aliquem naturaliter obligaverunt.

Placet etiam recitare integrum caput Si sœneraveris, quia multum confert ad usuras detegendas -- Si sœneraveris homini, idest mutuam pecuniam suam dederis, a quo aliquid plus, quam dedisti, expectes accipere: non pecuniam solum sed aliquid plus, quam dedisti, sive illud tritium sit, sive vinum, sive oleum, sive quodlibet aliud, si plus, quam dedisti, expectas accipere, sœnerator es, & in hoc improbandus, non laudandus.

SECUNDUM DUBIUM. Utrum exigere aliquid ex pecunia signata data ad ostentationem, vel ad supponendum pignori, sit usura?

Respondeo secundum Thomam ubi supra art. 1. ad 6., quod non: quia est ibi locatio, quum eadem res numero reddatur, & ibi non sit mutuum. Concordat Hostiensis: & facit L. 3. §. finali, & L. seq. ff. Commodari, & Glossa in Cap. Si sœneraveris 14. q. 3., item Glossa in Cap. Conquestus Extra De usuris.

(3) Ad rem Scotus in 4. dist. 15. q. 2. §. Sunt ergo tres contractus -- Intelligendum etiam, quod pecunia habet aliquem usum utilem ex propria natura, utpote ad videndum, ornandum, vel ostendendum possidentem tanquam divitem: & ad illum finem potest locari, sicut equus, vel aliud locabile: & pro usu isto, retento dominio, pretium recipi; & tunc ex toto est contractus locationis, vel conductionis, non autem mutuationis seu mutui datio. Et deberet idem pondus numero restitui, nisi forte sufficiat locanti æquale in pondere & valore --. Adde quod scribit S. Bernardinus eundem casum exponens serm. 42. art. 3. cap. 3. in fine -- In tali siquidem pecunia non transferretur dominium in mercatorem, nec stat periculo ejus, sed periculo commodantis, sicut si locarentur argentea vasa --. Adde quod adnotatum lego super Angelica ver. Usura primo num. 49. -- Nec obstat id, quod dicit Archidiaconus in cap. Si sœneraveris, qui videtur innuere quod sit usura: quia hoc esset verum, si daretur pecunia ut quantitas secus, si datur ut species, ut in hoc --. Adde quod adjicit Tabiena ver. Usura primo num. 8. -- Hec debent intelligi secundum Rosellam, usura primo §. 13. quando locatio fit propter utilitatem recipientis. Si enim fieret depositum pro custodia, tunc esset depositum, & non commodatum: & tunc non potest plus accipere, immo tenetur recipienti pro labore.

Accipe nunc verba S. Thomæ ab Authore laudati -- Similiter potest esse

esse aliquis secundarius usus pecunie argenteæ : ut puta si quis concederet pecuniam signatam ad ostentationem, vel ad ponendum loco pignoris : & talem usum pecunie licite homo vendere potest.

Accipe etiam duas leges ab eodem indicatas -- *Non potest commodari id, quod usu consumitur, nisi forte ad pompam, vel ostentationem quis accipiat -- Sæpe etiam ad hoc commodantur pecunie.*

Si quis adversus hanc S. Thomæ doctrinam regerat : quod sicuti licite venditur in casu usus pecuniæ datæ ad ostentationem, vel oppignorationem, ita licite venundari poterit usus pecuniæ mutuæ. Audiat is egregium responsum, quo Merbesius corollario tertio, solvens tertiam difficultatem huic eidem objecto fecit satis -- Ista conclusio non recte ex Sancti Thomæ doctrina colligitur. Nam magnopere discrepat pecunia mutuo data a pecunia duntaxat conducta seu locata : nam in locatione usus a dominio fecernitur; licet enim in ea rei locatæ dominium retineatur, ejus tamen usus venundatur, & in hoc locatio posita est. Verum secus accidit in mutuo, in quo rei mutuæ dominium transfertur cum usu. Nihil ergo mutuanti percipere licet ex usu rei, cujus dominium, cum transtulerit ad alterum, ejus esse desinit. Si quis se aliter habeat, pro usurario se gerit. Quando igitur signata pecunia conducitur, suam quodammodo naturam exuit, neque tunc spectatur veluti moneta ad faciendas commutationes inventa, sed veluti quoddam mobile, cujus usus ab ipso mobili sejungitur, cujus proinde dominium directum non transit ad mutuatarium, seu conducentem, sed penes locantem, aut mutuo dantem remanet.... Unde duo colliguntur. Primum est, eam pecuniam a conducente non posse consumi, aut distrahi, eo quod directum ejus dominium nullo titulo sit adeptus. Quemadmodum enim nemo potest diruere domum conductitiani, quippe qui non sit ejus dominus; ita & qui conduxit pecunias, eas nullo modo consumere, aut distrahere potest, utpote qui earum dominio careat. Secundum est, si hujusmodi pecunia, nihil obstantibus justis conducentium curis, quas ad eam conservandam adhibuerint, pereat, domino peribit, & ad illum unum ejus jactura pertinebit, juxta pronuntiatum illud in utroque jure vulgatissimum -- *Res domino perit* --. Hæstenus Merbesius.

TERTIUM DUBIUM. Utrum domini, qui mutuum dant rusticis, ut possessiones eorum colant, committant usuram?

Respondeo secundum Gregorium de Arimino in quaestione *De monte* circa definitionem usuræ, quod non, si istud concurrat, scilicet quod alias satisfaciat ipsi rustico de operibus positis ad colendam possessionem secundum quod

quod iustum est. Sed si propter mutuum subtraheret aliquid ab illo de eo, quod iuste propter opera sua sibi debetur, sic certum est, quod est usura.

(4) De hac re jam locutus est Author in secundo articulo primæ Considerationis, dubio septimo in fine, & ipse nonnulla ibidem adnotavi annotatione decima. Recole ergo quæ eo loci dicta sunt. Non desunt qui secus opinantur: sive quia mutuator perciperet lucrum ex mutuo; operas scilicet coloni: sive quia aufertur colono libertas conducendi possessionem ab alio. S. Bernardinus tamen Serm. 36. art. 3. cap. 3: Authoris sententiam & docet, & probat exemplo, ratione, & auctoritate. Omisso exemplo audiamus cæteras probationes S. Doctoris -- *Secundo patet ratione. Nam, si in casu prædicti dubii mutans usuram reciperet, teneretur eam restituere, sicut omnia iura clamant. Sed hoc nullus sana mentis sentiret: quia tunc colonus duplum iusti pretii reciperet, & dominus duplo iusto pretio emeret operas ejus; quod utique impium esset. Tertio hoc idem clarescat auctoritate. Si enim talis mutans usurarius esset, & per consequens ad restitutionem obligatus, tunc non liceret alicui mutare injuste detinenti suam possessionem, aliquam pecuniæ quantitatem, & ipsam possessionem in pignus accipere, non computando fructus in sortem; quod tamen est falsum, ut patet Extra De usuris cap. 1. --* Ad rationes in contrarium productas responderi potest, quod colonus tenetur ad operas ex contractu locationis, non autem ex mutuo: & operando non præbet lucrum mutuatori, sed ipsi verum exhibet debitum. Aufertur quidem colono aliqualis libertas; sed hoc colono non est injurium, quin potius cedit in ipsius commodum & utilitatem: & ideo non est quoad mutuatore præstio æstimabilis, quod probo. Quum coloni sæpenumero indigeant, & conducere nolint possessiones, nisi domini eisdem aliquid mutuum dent: ipsi sunt qui quærent locatores dantes mutuum, & inventis hujusmodi mutuatoribus gratias eisdem agunt quas possunt maximas. Ipsi ergo coloni sunt, qui sponte se privant libertate conducendi possessionem ab alio, dummodo dominus eisdem mutuum det quod postulant. Si ita est, mutuator nullam colono infert injuriam, nullam ipsi libertatem aufert, sed unice conditiones a colono oblatas ratas habet, quæ, si ut par est pensentur, mutuatore gravant, non mutuatarium.

Apposite subdit Author -- *Sed si propter mutuum subtraheret aliquid &c.* -- dubio enim procul tunc esset usura, ut scribit S. Bernardinus ibidem -- *Nam si ex mutuo aliquid dominus detraxerit a colonis de iusto pretio operarum eorum: aut si præter operas iuste emptas quadam alia ab eis exigeret, & coloni impenderent, tunc quidem manifesta usura esset.*

Quid interim juris, si dominus ipse offerret mutuum colono indigenti
cum

cum hac conditione, ut conducat possessionem suam pretio alioqui iusto? Casus hic vix contingit in praxi, quum domini non soleant mutuum dare nisi rogati, & magis optent locare possessiones colonis in proprio statu divitibus, quam indigentibus. Posito tamen casu: aut alia via inveniri non possunt coloni, qui velint agros colere, sicuti in nonnullis regionibus sæpenumero contingit, & dixit Author loco supra laudato -- *Cum fundi non possint hodie sine mutuo locari colonis* --: & tunc arbitror hoc non fieri in fraudem usurarum; non enim usura est offerre mutuum omnino gratuitum, & sine lucro ultra sortem; immo actus est charitatis supposita indigentia mutuatarii. Neque usura est propter appositam conditionem in hypothese necessariam: quia hæc conditio efficit alium contractum, locati scilicet, qui iustus supponitur, & utrique æqualis est utilitatis. Usura demum non est propter conductoris libertatem; quia colonus perfecta adhuc libertate gauderet accipiendi vel non accipiendi tum mutuum, tum locationem. Aut domini aliter possunt rebus suis providere, inveniendo colonos, qui agros colant sine prævio mutuo: & tunc tutum non est, cæteris paribus, hos relinquere, aliosque requirere offerendo mutuum prævium sub ea lege; immo hæc ipsa agendi ratio argumentum præberet suspicandi hoc fieri in fraudem usurarum. Hæc tamen dicta sint salvo meliori iudicio.

QUARTUM DUBIUM. Utrum sit usurarius Titius, qui mutuum dat Communitati, ut evitet collectas injustas?

Respondeo, quod non. Secus est, si ut evitet iustas. Similiter non est censendus usurarius, qui mutuum dat, ut sibi solvatur debitum, a quo debitor injuste fuerat absolutus: aut ne a se petatur injustum debitum, in quod injuste fuerat condemnatus, sive per factum, sive per instrumentum, & huiusmodi.

(5) De collectis injustis, & iustis rationem tradit S. Bernardinus ibidem -- *Quia in prima mutuans damnum evitat, in secunda mutuans lucrum captat.*

Pro secundo casu ab Authore exposito rationem suppeditat Glossa in cap. 1. *De usuris* inquit -- *Nec est usura, cum tantum suum recipiat.*

Pro tertio demum Authoris casu ratio est in promptu; redimo enim injustam vexationem, & me defendo.

Si in secundo casu agatur de Beneficio Ecclesiæ, textus est expressus eodem cap. 1. *De usuris* -- *Nisi forte Ecclesiæ Beneficium fuerit, quod redimendum ei hoc modo de manu laici videatur* --. Cave tamen, ne credas hoc esse privilegium Ecclesiasticis rebus, aut personis concessum:

quoniam hoc idem licet laicis, ut Glossa ibidem -- *Idem intelligo de laico, quod hoc modo sibi licet redimere possessionem de manu iniusti detentoris. Alienam tamen possessionem taliter redimere non posset: quia fructus illi non sunt sui; unde, si illos retineret, usura esset* --. Par est ratio tum in Clerico tum in laico, quia nempe recipit suum. Ergo par jus.

QUINTUM DUBIUM. Utrum dans mutuam rem cum pacto, quod eadem res in genere, numero, pondere, & mensura sibi restituatur, sumpto genere prout sumitur a Juristis, committat usuram?

(6) Non eadem est generis acceptio penes Logicos, & penes Jurisconsultos. Logici genus accipiunt pro eo, quod prædicatur de pluribus specie differentibus; & ideo penes ipsos animal est genus, quia dicitur de homine & bellua; homo autem non est nisi species, quia prædicari solum potest de hominibus singularibus duntaxat numero distinctis. Jurisconsulti vero non distinguunt genus a specie logica, & juxta ipsos triticum verbigratia a vino distinguitur non specie, sed genere. En textum apertum ff. *De rebus creditis* L. 2. -- *Mutuum damus recepturi non eandem speciem, quam dedimus [alioquin commodatum erit, aut depositum] sed idem genus: nam si aliud genus, veluti ut pro tritico vinum recipiamus, non erit mutuum* --. Sensus igitur quæstionis est: utrum mutuo dare liceat cum pacto, quod reddatur triticum pro tritico, vinum pro vino, oleum pro oleo, lignum pro ligno in eadem quantitate & mensura, in qua fuit acceptum, vel quod reddatur pecunia pro pecunia ejusdem qualitatis, & speciei physice, quæ mutuo tradita est, puta nummus aureus pro aureo, argenteus pro argenteo, & hujusmodi?

Respondeo secundum Hugonem, quod non. Dicit Petrus de Ancharano in Cap. *Usurarum* Extra *De usuris*, quod aut verisimile est, quod res non erit pretiosior tempore solutionis, aut de hoc tantum probabiliter dubitatur, & tunc nullum vitium est in his duobus casibus: quia sic creditor tenetur eam recipere, etiamsi vilior facta sit quoad æstimationem, ut patet L. *Vinum* ff. *Si certum pesatur*, & notat Glossa in Cap. *Si quis Clericus* 14. q. 4: non est enim necesse, quod sit ejusdem æstimationis, licet restitui debeat ejusdem bonitatis in qualitate intrinseca. Aut verisimile est, quod erit pretiosior: & tunc aut creditor erat ser-

servaturus, & aufertur libertas debitori liberandi se quando velit, & sic est usura: quia præsumitur, quod ideo crediderit, ut debitorem oneraret periculo, & se exoneraret: aut non aufertur libertas debitori, sed conceditur ei, ut reddat quando velit infra terminum, & sic non est usura. Si autem creditor non erat servaturus, sed interim consumpturus, tunc est usura. Iis concordat Archidiaconus in Cap. *Si quis Clericus*: & hæc distinctio magnæ innititur æquitati secundum Joannem Calderinum in Cap. finali *De usuris*.

(7) De hac re agunt Author in Angelica ver. *Usura primo* num. 36., Alesanus lib. 3. tit. 11. de quarto, S. Bernardinus Serm. 37. art. 3. cap. 3., Gabriel Antoine De contractibus part. 2. cap. 3. quæst. 4., Concina De Justitia, & Jure lib. 3. Dissert. 3. cap. 19. num. 11., Lucius Ferraris ver. *Mutuum* num. 31. & ver. *Usura* num. 48., Continuator Tournely De contractibus part. 2. art. 7. sect. 5. cap. 2., aliique complures, & omnes eodem modo respondent. Et quidem jure optimo: quoniam si dubium est, aut probabile, quod res non sit pluris valitura tempore restitutionis, tunc par est contrahentium conditio, & servatur æqualitas; nam erga utrumque est æqualis spes lucri, & æquale periculum damni. Quapropter licet eam exigere, quamvis valor ipsius postea mutetur sive in favorem mutuatoris, sive in favorem mutuatarii. Si vero certum est, aut probabilius tempore solutionis pluris esse valituram, dubio procul usura est, quia exigeretur aliquid ultra id, quod æquivaleret rei mutuatæ, si non materialiter, saltem formaliter. Excipitur, quando mutuator rem erat servaturus usque ad illud tempus: quia tunc inspicienda res est non pro tempore, quo traditur, sed pro eo, quo debet restitui, & incrementum, si quod continget, erit mutuatoris, deductis tamen impensis, aliisque ejusdem generis a mutuatario factis pro re usque ad illud tempus conservanda. Postulat Author, quod non auferatur mutuatario libertas restituendi etiam ante illud tempus, quando velit. Et hoc videtur æquissimum, quoniam in vero mutuo possum præfigere tempus, ultra quod non differatur restitutio sortis, non autem obligare mutuatarium, ne antea restituat. Nec ex hoc damnum patior vel minimum, nam si ante tempus mihi restituit criticum verbi gratia mutuatam, ipse possum servare illud usque ad tempus majoris pretii, quemadmodum constitueram: si vero illud mihi restituit tempore præfixo majoris pretii, jam ipse tunc habeo illud eo tempore, usque ad quod eram ipsum servaturus. Mutuator nullum pati debet de-

erimentum. Sed nullum etiam potest ex mutuo lucrum percipere. Æquissimum est ergo, ut res restituatur ejusdem generis, ponderis, mensuræ, & intrinsicæ qualitatibus.

Adverte hæc omnia esse vera juxta allatam distinctionem, quando pactum apponitur, de quo in casu. Secus enim, si generaliter loquamur, & secluso hoc pacto: quoniam, si de pecunia agatur, non species attendi debet, sed pretium; iccirco si mutuos accepisti centum aureos, quorum valor lege publica postea crevit, reddere non debes centum aureos in specie, sed pretium, quod constabant aurei tempore acceptionis, si cuti hoc idem pretium restituere debes, si pretium aureorum lege publica fuit imminutum. Si vero agatur de aliis rebus, quæ mensurantur, frumento puta, vino & hujusmodi, & post acceptionem mensuræ fuerunt adauctæ, reddere non debes totidem mensuras adauctas, sed illud duntaxat, quod necessarium est ad æquandas, & constituendas mensuras a te acceptas, & viceversa si mensuræ post acceptionem rei lege publica diminuerentur. Ratio est in promptu, quia mutuator non debet percipere lucrum, nec pati detrimentum, sed unice recipere suum vel in pretio, vel in mensura, tantum scilicet, quantum mutuo dedit.

Addit tamen Gulielmus, quod, si intentio mutuatoris in hoc esset prava, ut puta quia facit, ut se exoneret periculo, peccatum faceret: non tamen teneretur ad aliquam restitutionem, nisi forte ex consilio pauperibus dispensare.

(8) Prava hac intentione mutuum tradens usurarius non fieret, sed peccati reus, ut etiam docet S. Bernardinus ibidem. Non usurarius, quia nihil sorti accederet, ut supponitur, nihil acciperet ultra sortem. Reus tamen peccati, quia prava intentio inficit actionem, quæ moralem desumit malitiam ab objecto, & fine. Jure igitur Athesanus loco proxime memorato — *Si autem hoc faciat intentione corrupta, scilicet ut se exoneret periculo cam servandi, peccat; non tamen est cogendus ad restituendum lucrum, licet hoc esset in penitentia consulendum, vel quod pauperibus daret.*

SEXTUM DUBIUM. Utrum qui mutuo dant granum vetus & hujusmodi, ut postea recipiant novum, sint usurarii?

Respondeo. Videretur quod sic, quia, ut dictum est in præcedenti quæstione, debet solum reddi ejusdem bonitatis in qualitate intrinseca. Sed hic redditur majoris bonitatis. Ergo usura Extra *De usuris* Cap. *Consuluit*, & Cap. *In Civitate*. Hostiensis vero, & Goffredus volunt, quod sit usura,

usura, quando facit hoc, ut meliorationem illam recipiat. Sed si facit, ne suum frumentum pereat, & inde accipienti gratiam faciat, non committitur usura: quia si ego absque tuo damno, & præjudicio aliquam consequor utilitatem, non ex hoc sum tibi injustus, aut injuriolus. Hugo etiam dicit, quod non audet istos condemnare, si ad hoc dant mutuum, ut subveniant proximo, & secundum quod declaratum est in præcedenti quæstione.

(9) Hugonis opinionem hic ab Authore laudatam complectitur Tabiena ver. *Usura* 15. num 5. scribens -- *Notandum tamen, quod si quis mutuatur vetus, vel aliter minus bonum, ut recipiat magis bonum, & tamen principaliter facit ex charitate, non esset condemnandus* --. Salvo tamen meliori judicio arbitror id fieri non posse, quemcumque finem mutuatur sibi præstiuat etiam sanctissimum, semel ac habetur aliqua superabundantia, & prævalentia. Prohibetur hæc etiam ob finem redimendi captivum cap. *Super eo Extra De usuris* -- *Quia cum scriptura sacra prohibeat pro alterius vita mentiri: multo magis prohibendus est quis, ne etiam pro redimenda vita captivi usurarum crimine involvatur* --. Prohibita igitur pariter est, etiam si quis det mutuum ex charitate, & ut alteri subveniat. *Charitas non querit que sua sunt*, ut optime Apostolus prima ad Cor. 13. v. 5. . Si igitur quis ad mutuum elargiendum vera charitate ducitur, unice sinat, ut sibi restituatur suum, non quid prævalens, non quid superabundans. Ad rem S. Bernardinus Serm. 39. art. 2. cap. 1. -- *Quum quis sub specie commutationis tritici pro tritico ante messes tradit alteri triticum vetus, ut in messibus recipiat novum, & prævalens, usuram committit secundum Goffredum. Ideo dico prævalens, quia, si illud vetus servatum usque ad messes tantum probabiliter valuisset, quantum novum pro illo receptum, non est ibi usura, sed potius æqualitas dici potest: quamvis prestitor reportaret ex hoc aliquam utilitatem renovationis sui tritici, ob quam causam posset diutius conservari. Et hoc quidem est justum. Nam, si ego sine tuo damno & præjudicio aliquam consequor utilitatem, non ex hoc sum tibi injustus, aut injuriolus. Si tamen ante messem venditurus erat illud vetus, sed mutuavi alteri ad preces, tunc debet, & potest inde habere æquivalens pretium, quod tunc inde habuisset, si illud tunc vendidisset* --. Et quomodo S. Doctor intelligit dictum illud -- *Si ego sine tuo damno &c.* --, & omnia reducit ad æqualitatem, qua sublata mutuatur semper sit usurarius, etiam si ad alterius preces quis mutuum det, & ex charitate. Et tu in hisce casibus, & consimilibus æqualitatem præ oculis habeas, quamcumque superabundantiam condemna, & recte judicabis.

Hæc dicta sint facta suppositione, quod triticum novum veteri prævaleat;

valeat; quoniam, si juxta communio-rem experientiam judicium feratur, res certe aliter se habet; vetus enim ut in pluribus valet pluris, quam novum, non amplius subjacet illi imminutioni, quæ in novo continget, nec illis periculis, quibus novum adhuc est obnoxium. In casu igitur potior esset conditio accipientis quam tradentis.

SEPTIMUM DUBIUM. Utrum dans decem ulnas panni pro aliis decem ulnis in futuro recipiendis, sit usurarius?

Respondeo secundum Rodonensem, quod non: quia hic est contractus permutationis, & non mutui, quum in mutuo mensura restringatur ad modios, & lagenas, & alia vasorum genera, quibus solent liquida mensurari, & grana similiter. Posset tamen fieri in fraudem usurarum; & ideo attendendum quod dictum est in quæstione præcedenti.

(10) Quæstio præcedens, quam hic Author appellat, non est dubium immediate antecedens, videlicet sextum, sed quintum dubium, quod potes recolare. Ut permutatio non fiat in fraudem usurarum, servanda est regula, quam tradit Scotus in 4. dist. 15. q. 2. §. *Sunt ergo tres contractus in hæc verba -- Quod domini rerum jussu eas permutant, si sine fraude servent aequalitatem valoris in commutatis secundum rectam rationem.*

Familiaris, ut audio, inter mercatores est permutatio, de qua in casu; passim enim unus alteri mutuum dat hoc vel illud mercium genus, eadem postmodum recipiens in æquali genere, pondere, & mensura, valorem rei non attendens, sive augeatur, sive decreascit. Pro hisce casibus opportunam censeo doctrinam, quam ibidem tradit Scotus inquires -- *Quandoque autem relinquitur ipsis commutantibus, ut pensata mutua necessitate reputent sibi mutuo dare æquivalentem hinc inde, & accipere. Durum est enim inter homines esse contractus, in quibus contrahentes non intendunt aliquid de illa indivisibili justitia remittere sibi mutuo, ut pro tanto omnem contractum concomitetur aliqua donatio. Et si iste est modus commutantium, quasi fundatus super illud legis naturæ -- Hoc facias alii quod tibi vis fieri --, satis probabile est, quod, quando sunt mutuo contenti, mutuo volunt sibi remittere, si secundum aliquid deficiant ab illa justitia requisita.*

Ex his igitur patet, quod nihil ultra sortem pactione, vel exactione est extorquendum; aliter esset usura.

QUINTUM, & ultimum diffinitionis VERBUM est -- *vel hac intentione habita ex post facto* --. A fortiori ante factum. Ad cuius declarationem aliqua insurgunt dubia.

PRIMUM DUBIUM. Utrum sola spes lucri faciat usuram?

Respondeo, quod sic, ut patet in diffinitione usuræ, & Cap. 1., & Cap. *Consuluit Extra De usuris*, & 14. q. 3. Cap. *Si saneraveris*. Intelligendum hoc est secundum Goffredum, quando causa mutuum dandi principaliter ponitur in expectatione lucri, vel emolumenti. Aliter, si quis principaliter moveatur ad mutuo dandum propter charitatem, etsi credat, quod mutuatarius retribuet, non erit usura. Arguitur 77. dist. Cap. *In singulis*, & 59. dist. Cap. *Si officia*, & 61. dist. Cap. *Quid proderit*: Cum enim quis dat mutuum liberaliter & gratis, scire potest debitorem sibi naturaliter obligari ad antidora, ut *Extra De testamentis* Cap. *Cum in officiis*, & ff. *De hereditatis petitione* L. *Sed & si lege §. Consuluit*. Concordant Innocentius, Hostiensis, & Glossa in dicto Cap. *Consuluit, De usuris*.

(1) **D**E hac re jam nonnulla dixi, ubi de secundo verbo definitionis usuræ, dubio secundo. Ea igitur recale. Hic casus est expressus in cap. *Consuluit*, ubi sic lego -- *An ille in iudicio animarum quasi usurarius debeat judicari, qui non alias mutuo traditurus, eo proposito mutuam pecuniam credit, ut licet omni conventionione cessante, plus tamen forte recipiat* --. Expressus item est cap. *Si saneraveris*, quod jam supra integrum dedi annotatione secunda proxime præterita. Ad rem iccirco Christus Dominus Lucæ 6. v. 34. -- *Et si mutuum dederitis his, a quibus speratis recipere: quæ gratia est vobis? Num, & peccatores peccatoribus sanerantur, ut recipiant equalia* --. Id egregie probat S. Bernardinus Serm. 37 art. 3. cap.

cap. 3. scribens -- *Potest etiam de hoc ratio dari: nam sicut datum, quod traditur ex intentione donandi, sortitur veram rationem doni, & amittit veram rationem mutui; sic, si mutuum datur ex spe, & intentione lucrandi, eo ipso rationem mutui amittit gratuiti, & sortitur rationem mutui usurarii: & sic sola intentio, & voluntas faciendi usuras, facit peccatum usurae in corde, sicut intentio usuraria exteriori operi juncta facit hominem extrinsecus usurarium opere. Quod patet attendenti naturam usurarum secundum diffinitiones datas hinc est, quod secundum leges humanas voluntas sola non facit usurarium, quia lex humana cohibet manum, non animum: secundum vero legem divinam, quae animum cohibet, sola voluntas usurarium facit --.* Apposite igitur S. Augustinus, cujus est caput *Si speraveris -- Si plusquam dedisti expectas accipere, senerator es.*

Subdit Author id esse verum, quando spes lucri est causa princeps dandi mutuum; non autem quando causa princeps est charitas, & spes lucri causa duntaxat secundaria: & in hoc Doctores omnes conveniunt. Quando causa princeps sit, nec ne, docte exponit S. Antoninus part. 2. tit. 2. cap. 7. §. 1. scribens -- *Dicitur autem intentio principalis hae, cum scilicet magis moveatur ad mutuandum propter lucrum, quod sperat, quam propter aliud. Sed intentio secundaria dicitur, cum, etsi sperat aliquid sibi dari ab eo, cui mutuavit, ex sua liberalitate, tamen non illud cum movet, sed magis benevolentia, ita ut, etiamsi non crederet sibi aliquid dari ultra sortem, adhuc tamen mutuaret --.* Rationem hujus addignat Lucius Ferraris ver. *Usura* num. 34. inquires -- *Quia cum mutuarius aliquid possit sibi dare, immo ex antidotali obligatione mutuatori obligatus sit, utique poterit hic aliquid etiam saltem secundario sperare, & intendere. Licite enim potest sperari, quod licite potest acceptari.*

Sed quum sperare quis possit lucrum, etsi secundario, vel tanquam debitum, vel tanquam libere donatum; iccirco ad declinandas equivocationes necessum est adjicere quod scribit Daniel Concina lib. 3. De *Justitia & Jure* dissert. 3. cap. 16. num. 7. -- *Omnes fatentur sperare ex mutuo tanquam ex justitia debitum, esse usuram mentalem. Disputatur tantum sit ne licitum sperare lucrum ex benevolentia, vel ex gratitudine. Exigere aliquid tanquam ex gratitudine debitum, usura est, ut ex propositione damnata constat --.* [Hæc est propositio proscripta ab Inno. XI., quam supra recitavi, ubi de tertio verbo definitionis usurae annotatione 28.] *ergo si illud speras, usuram committis. Si enim visiosa actio est, ejusdem quoque spes mala sit necessum est. Neque exigere ergo licet, neque sperare aliquid lucrum tanquam ex gratitudine debitum. Verum sicut licet aliquid accipere ex gratitudine sponte oblatum, ita licet illud sperare. Quoniam tum nihil ex mutuo speras, sed tantum ex gratitudine: neque illud speras ut debitum, sed tanquam sponte oblatum --.* Similia habet Gabriel Antoine De contractibus part. 2. cap. 3. q. 17.

in-

inquiens -- *At usura est intendere, etsi secundario, lucrum ex mutuo ut pretium, vel ut aliquid pro mutuo debitum, quia intentio, etsi secundaria, non tollit malitiam objecti, quo actus specificatur* --. Alicui forte videri possunt hæc tanquam nimis subtilitates, de quibus altum silentium penes antiquos. Non ita tamen, non ita est. Expendatur ut par est propositio damnata, de qua supra, & sponte fluat in præsentī Theologum non posse aliter opinari: quoniam, si in ea proscriptum est adferre, posse aliquem exigere lucrum in mutuo tanquam ex benevolentia, & gratitudine debitum, proscriptum pariter erit id eodem modo sperare. Non enim possum sperare licite, quod licite non possum exigere.

Si quis forte dicat notissimum Evangelii textum -- *Mutuum date, nihil inde sperantes* -- indistincte, indefinite loqui; & ideo quæcumque spem excludere sive primariam, sive secundariam, quodcumque item lucrum, sive speretur tanquam debitum, sive tanquam ex gratitudine sponte oblatum: Non respondebo certe cum Cornelio Jansenio Commentario super hunc locum, aliisque, verum & genuinum hujus evangelicæ locutionis sensum esse, quod debemus dare mutuum iis, a quibus non speramus recepturos id, quod datum fuerit, sortem videlicet ipsam: ut sensus sit -- *Mutuum date, nihil inde sperantes*, id est etiam cum desperatione recuperationis, seu recuperandæ sortis. Textum Evangelii ad hanc unicam arctare intelligentiam non decet virum catholicum: quum vere scripserit Benedictus XIV. De Synodo Dioc. lib. 10. cap. 4. num. 6. -- *In novo autem Testamento Luca 6. illis Christi Domini verbis -- Mutuum date, nihil inde sperantes -- præceptum tradi, seu verius naturalem legem iterum incitari, nihil prorsus lucri ex mutuo ab ullo sive paupere, sive divite exigendi, non solum docet D. Thomas 2. 2. q. 78. art. 1. ad 4., sed concors fuit Conciliorum, Patrum, Summorumque Pontificum sententia, præcipue Urbani III. in cap. CONSULUIT, DE USURIS, qui præfati textus auctoritate omnem, quantumvis minimam, usuram universim vetitam pronuntiavit; explicans enim præfata Christi Domini verba, iis prohiberi ait omnem usuram, & superabundantiam. Dicere autem Summos Pontifices, & Concilia prædicti textus verum, & genuinum sensum non esse assequuta, quod aliquos musitare non puduit, & temerarium, & sere hæreticum est: quidquid enim sit, an Ecclesia non solum infallibili polleat auctoritate in definiendis quæstionibus fidem aut mores respicientibus, quod nullus catholicorum negat, sed etiam in delectu rationum, quas ad suas definitiones stabiliendas interdum adducit, de quo nonnulli catholici dubitarunt; certum, & indubitatum est eam errare non posse in interpretanda divina scriptura, ejusque genuino sensu Fidelibus aperiendo* --. Respondeo ideo cum Lucio Ferraris ver. *Usura* num. 35. -- *Nec valet objicere illud Christi Domini Luca 6. -- Mutuum date, nihil inde sperantes: Nec illud Canonis CONSULUIT 10. DE USURIS, ubi*

Pon-

Pontifex respondit illum, qui mutuat, alias non mutuaturus, eo proposito, ut, licet omni conventionione cessante, plus tamen sorte recipiat, pro hujusmodi lucri intentione judicandum esse male agere, & efficaciter ad restitutionem inducendum. Non valet, inquam, quia illud Luca 6. intelligi debet uti consilium, quatenus excludit spem beneficii ex gratitudine a mutuario accipiendi: preceptum autem est, quatenus excludit spem lucri accipiendi, & præstandi tanquam ex debito, cum sic sit vera usura mentalis. Et illud dicti Canonis CONSULUIT intelligi debet de eo, qui mutuum dat cum intentione lucri, seu pretii recipiendi ex mutuo tanquam ex debito iustitia, qui utique censeri debet verus usurarius mentalis: Non autem de eo, qui mutuum dat cum intentione recipiendi aliquam compensationem ex sola, & libera gratitudine --. Cum omni igitur veritate scribit S. Thomas q. 13. De malo art. 4. ad 13. -- Potest usurarius sperare ex mutuo, quod concedit, dupliciter. Uno modo, quasi debitum ex quadam obligatione tacita vel expressa; & sic quodcumque munus speret, illicite sperat. Alio modo potest aliquod munus sperare, non quasi debitum, sed quasi gratuitum, & absque obligatione præstandum; & sic licite potest ille, qui mutuat, sperare aliquod munus ab eo, cui mutuat: sicut qui facit servitium alicui, confidit de eo, ut amicaliter suo tempore servitium faciat.

SECUNDUM DUBIUM. Utrum qui ita mutuum dat sub spe lucri, quod aliter non daret mutuo, recipiendo postmodum aliquid, etsi gratis datum, sive pecunia hoc sit, sive alia res, sit usurarius?

Respondeo, quod sic, 14. q. 3. Cap. 1. 2., & 3.

(2) Evidens est, quod in mutuatore, de quo præsens casus, spes lucri est causa princeps mutui. Usurarius ergo nemine discrepante. Casus est expressus in cap. *Si seneraveris*, quod est caput primum hic ab Authore laudatum.

TERTIUM DUBIUM. Utrum sic gratis mutuum præstans sub spe lucri, teneatur restituere quidquid gratis accepit?

Respondeo. Distinguendum hic est secundum Raynerium. Aut qui dat, absque ulla mutuatoris exactione expressa vel tacita, dat libere, & libera voluntate, credens se minime ad hoc teneri: aut non dat ex libera voluntate. Si primum, dico quod mutuator non tenetur restituere: quia in concedendo magis attendenda est voluntas concedentis, quam accipientis, ut Institut. *De obligationibus quæ ex delicto nascuntur* §. *Placuit* in fine, ubi dicitur,

tur, quod, si quis rem sibi commodatam credit invito domino se contrectare, & domino volente id faciat, furto non est obligatus. Ecce quod, licet voluntas accipientis sit vitiosa, vitium tamen tollitur per voluntatem domini. Item restitutio non fit nisi damnum passo Extra *De regulis juris* Cap. *Peccatum* lib. 6. Sed talis non est passus aliquod damnum, quum ex mera voluntate dederit. Ergo &c. Igitur quia vitium in hoc casu esset in sola voluntate, ad purgationem ipsius sufficit sola contritio Cap. finali Extra *De simonia*.

(3) Eadem prorsus habent Tabiena ver. *Usura* primo num. 1., Lucius Ferraris ver. *Usura* num. 37., & Author ipse in Angelica ver. *Restitutio* primo, ubi loquitur de vendentibus, sub initio, qui ibi solvit objectionem aliam hic non indicatam scribens -- Item non obstat ratio Joannis Andrea in *Mercurialibus* in regula *PECCATUM*, quia contractus ab initio fuit vitiosus, & ideo effectus similiter. Quia verum esset, si effectus procederet a dicto contractu; sed non est verum, sed procedit ab alio, scilicet libera donatione, qua ille donat, & iste donatum liberaliter recipit --. Ex hoc collige veteres nonnullos in contrariam abiisse sententiam, inter quos fuit Panorinitanus in cap. *Consuluit*, & quos tum Author, tum Tabiena componere conantur in locis supra recensitis. Mihi tamen summopere placet distinctio, quam lego penes Gabrielem Antoine De contractibus part. 2. cap. 3. q. 20. resp. 2., videlicet, sic mutuo dantem non teneri quidem ad restitutionem ratione rei acceptæ, teneri tamen ratione conscientie erroneæ, quandiu in illa perseverat. En verba ipsius -- Si mutuarius sponte aliquid ultra sortem donet ex liberalitate vel gratitudine, sed mutuans ejus mentem ignorans accipiat tanquam ex mutuo debitum, peccat, & tenetur restituere ratione conscientie erroneæ, quando illam non deponit prudenter. Tamen juxta communem sententiam ex parte rei acceptæ ad id non tenetur. Sed postquam seivis illud sibi gratis donatum fuisse, retinere potest: quia aliter per illam donationem gratuitam transfudit dominium rei in mutuatorem, si accedat acceptatio legitima. Unde accedente hac notitia potest rem acceptare, & retinere ut liberaliter donatam. Quamvis enim habuerit intentionem injuriam faciendi, cum acceperit tanquam debitum ex mutuo, & ideo peccavit; tamen respsa nullum damnum inde alterius secutum est --. Idem docet & brevibus probat Continuator Tournely De contractibus cap. 3., ubi de usura art 5. Conclus. 2. sic scribens -- Quæres quid facto opus sit. Primo, si mutuarius sponte aliquid, & ex liberalitate offerat, quod mutuans animo usurario recipiat

Respon-

Respondeo, in primo casu mutuante tenei ad restitutionem ratione conscientie erronee, nisi eam prudenter deponat comperta rei veritate: sicut qui pallium rapit, quod alienum putat, cum tamen sit suum, tenetur illud restituere, donec sibi constiterit illud suum esse --. Legibus id probari posset tum civilibus, tum canonicis. Sed adeo perspicuum est, ut majori probatione non indigeat.

Nec obstat L. Si ego pecuniam ff. Si certum petatur: ubi dicitur, quod, si quis voluerit tibi rem donare, & tu credebas eam tibi mutuo dari, non efficitur tua ante consumptionem: quia hic intentio recipientis & concedentis discordat, sed in casu nostro concordat.

Item nec obstat Cap. *Consuluit Extra De usuris*: quia loquitur, quando contra liberam voluntatem debitoris committitur usura; & ideo ibi tenetur ad restitutionem.

Si autem taliter donans non dat ex libera voluntate, sed quia credit me hoc velle, vel ut non auferam ei mutuum, & hujusmodi: & sic accipiens tenetur ad restitutionem, ut in dicto Cap. *Consuluit*.

(4) Usuram ibi esse nemo est qui non videat. Mutuator ita primario sperat lucrum, ut aliter non daret mutuo. Mutuatarius non elargitur lucrum sponte & libere, sed vel coactus ex mutuo, vel tanquam pretium ex eodem mutuo debitum. Peccat ergo sic dans mutuum, & tenetur ad restitutionem, quamvis mutuum accipiens pravam ipsius intentionem non cognoscat ex integro; quamvis etiam nulla expressa conventio præcesserit, ut supponitur. De hac usura mentali scribit S. Bernardinus loco nuper laudato -- *Et hæc usura est periculosior, quam quæ fit cum pactione expressa: quia hoc in foro communi minime reperti potest --.* Id intellige, quando prava mutuatoris intentio extrinsecus non apparet, neque gravibus signis & conjecturis potest evinci. Cæterum si talis intentio potest aliquo modo in judicio probari, usurarius mentalis etiam in foro judiciali cogendus est ad restitutionem: sicut docet Cardinalis, Franciscus scilicet de Zabarellis in Clement. *Ex gravi*, De usuris, in cujus §. 1. sic legitur -- *Cæterum quia sceleratores sic ut plurimum contractus usurarios occulte inveniunt, & dolose, quod vix convinci possunt de usuraria pravitate: ad exhibendum, cum de usuris agatur, suarum codices rationum, censura ipsos decernimus ecclesiastica compellendos --.* Ratio est in promptu, quia & vera usura est, & idem operatur tacitum, sicut expressum.

Sed

Sed quomodo mutuator hoc sciet?

(5) Videlicet, quomodo sciet mutuatarium dedisse sponte, & libere, nec ne.

Respondeo, quod, nisi aliud appareat ex manifestis conjecturis, præsumitur mutuum accipientem ea intentione dare, qua mutuum præstans dedit mutuo. Unde si hic mutuum dedit ex charitate, ille præsumitur dare lucrum ex charitate, & hujusmodi: nam unusquisque præsumitur dare aliquid eo modo, quo accepit ff. *Mandati L. Si vero non remunerandi §. Inde Papinianus*, ubi dicitur, quod, quando aliquis rem simpliciter concedit, præsumitur donare illi, qui prius donaverat sibi.

(6) Sapienter Author in jure. Pro praxi autem placet ejusdem Authoris responsum in Angelica loco nuper citato num. 1., nempe id repetendum ex signis, & circumlocutionibus ipsiusmet mutuatoris: an talia fuerint, ut mutuatarius suspicari potuerit ipsum velle aliquid ultra sortem, nec ne. Lucius Ferraris ver. *Usura* num. 39. id repetit ex ipso mutuatorio; & quidem opportune. Eundem igitur audiamus -- *Debet fieri sufficiens inquisitio de intentione dantis: & si percipitur dedisse gratis, & mere liberaliter, potest retineri illud auctarium, & contra restitui debet, si percipitur illud dedisse tanquam ex debito ratione mutui. Si autem mutuatorio jam mortuo, seu alias ejus intentio interpellari non possit, resolvendum est ex circumstantiis: nempe quod dederit gratis, & mere liberaliter, si mutuatarius erat dives, liberalis, magnificus, & beneficus, si dederit hilariter, & hujusmodi; & aliunde mutuator nec explicite, nec implicite aliquid petierit: & tunc ipse mutuator non tenebitur ad restitutionem. Et contra quod dederit tanquam ex debito ratione mutui, si mutuatarius erat inops, paucus, avarus, si mæste, & moleste dederit, & hujusmodi; & tunc mutuator tenebitur ad restitutionem.*

Sed pone, quod adhibitis hujusmodi diligentibus mutuator adhuc hæreat; quid agat in hoc dubio constitutus? Respondet Continuator Tournely loco proxime laudato -- *quod si mutans dubitet, quo animo, an gratis, an ut lucrum ex vi mutui, rem aliquam sibi donaverit mutuatarius, precat, & restituere tenetur, etiamsi alter in rei veritate, sed non comperta, gratis donaverit. Ratio est, quia, ut alibi diximus, qui dubitat, num res sit aliena, non potest possessionem inchoare, quia exponit se periculo alienum invadendi.*

QUAR.

QUARTUM DUBIUM. Utrum ille, qui aliquid recipit ab eo, cui ipse mutuum dedit sine pacto, ac lpe lucri, sed gratis, credens ipsum debitorem similiter gratis dare, qui tamen gratis non dat, teneatur ad restitutionem, & an peccet?

Respondeo, quod non peccat 1. q. 2. Cap. *Sicut*, quia nulla oblatio sulcipienti maculam culpæ ingerit, quæ non ex ambientis petitione procedit; & non tenetur ad restitutionem secundum Baldum de Perusio, nam obligatio antidotorum justam parit receptionem per errorem soluti L. *Si testamento* §. 1. ff. *De fidejussoribus*, nisi esset error facti alieni, ut puta credebat per suum Procuratorem esse promissum, cum tamen non esset: quia tunc nec de foro judiciali, nec de foro conscientiæ retinere possum acceptum.

(7) En caput *Sicut*, de quo Author -- *Sicut Episcopum non decet manum, quam imponit, vendere, ita Minister, vel Notarius non debet in Ordinatione ejus vocem suam, vel calamus venumdare. Et paullo post. Is autem, qui ordinatus fuerit, si non ex pacto, neque exactus, neque petitus, post acceptas chartas, & pallium, aliquid cuilibet ex Clero gratia tantummodo causa, dare voluerit, hoc accipi nullo modo prohibemus: quia ejus oblatio nullam culpæ maculam ingerit, quæ non ex ambientis petitione processit.*

Obligatio antidotorum, seu antidoralis, est naturalis quædam obligatio cuique hominum a natura insita, qua tenemur benefacientibus benefacere, eisdemque mutuis beneficiis gratum animum ostendere.

Rodonensis vero dicit, quod non tenetur, quandiu bona fides durat, nec de consumptis bona fide durante, sed bene de extantibus, postquam scit, quod non libere dedit: quæ opinio magis est secuta. Et dicit etiam, quod talis debitor, seu qui dedit, si habet de bonis creditoris, per retentionem potest sibi consulere de usura, quam illi dedit: nec tenetur ea restituere in foro conscientiæ secundum quosdam.

(8) Idem prorsus docent Author in Angelica loco proxime citato num. 2., Lucius Ferraris ver. *Usura* num. 38., Gabriel Antoine, & Conti-

Continuator Tournely locis nuper laudatis. Ratio est evidens: quia cessante bona fide deest justus titulus retinendi, quum datio rei ut debita ex mutuo nulla sit, nullumque legitimum transferat dominium in accipientem. Addit Author ibidem, hoc intelligi debere ante præscriptionem, seu ufucapionem, non autem postea. Ita sane est; nemo enim inficiatur bonam fidem præscribere, & completa hujusmodi præscriptione rem transire in legitimum dominium possidentis.

Et hæc sufficiant pro primo Articulo.



SECUNDUS ARTICULUS declarandus est, in quo est videndum: quare prohibeatur usura. Ad cuius lucidam intelligentiam quatuor sunt querenda.

PRIMUM DUBIUM. Utrum usura sit peccatum?

Respondeo, quod sic, ut tota lex Canonica, & Divina, & omnes S. Doctores clamant.

(1) **R**Em hanc fuso calamo ostendunt omnes ex instituto agentes de Usura, & singillatim S. Bernardinus Serm. 38. per totum. Unum iccirco duntaxat, vel alterum testimonium proferam ex utroque Testamento, ex Lege Canonica, & ex Sanctis Ecclesiae Patribus. Ex veteri Testamento Exodi 22. v. 25. -- *Si pecuniam mutuam dederis populo meo pauperi, qui habitat tecum, non urgebis eum quasi exactor, nec usuris opprimes* --, & Levit. 25. v. 37. -- *Pecuniam tuam non dabis ei ad usuram, & frugum superabundantiam non exiges* --. Et ne quis cum Calvino ad cap. 18. Ezechielis, aliisque ejusdem furfuris viris, quorum deliramentum refellit Benedictus XIV. De Synodo Dioces. lib. 10. cap. 4., adserat id esse intelligendum de solis pauperibus, non autem de viris divitibus: addo quod legitur Ezechielis 18., ubi Propheta vitia recensens, a quibus vir justus cavere debet, nulla pauperis, aut divitis mentione facta, scribit vers. 8. -- *Ad usuram non commodaverit, & amplius non acceperit* --. Ex novo Testamento jam supra dedi perspicuum Christi Domini testimonium Lucæ 6.; & iccirco statim transeo ad jus Canonicum. De hac re agit universus Titulus *De usuris* in Decretalibus. Unice igitur adjicio quod legimus in Clementina *Ex gravi De usuris* §. ultimo -- *Sane si quis in illum errorem inciderit, ut pertinaciter affirmare præsumat, exercere usuras non esse peccatum, decernimus eum velut hæreticum puniendum* --. Remanent S. Ecclesiae Patres, pro quibus omnibus sufficiat S. Ambrosius lib. De Tobia cap. 15. -- *David benedictum aestimavit, & dignum habitatione caelesti, qui pecuniam non dedit ad usuram. Si ergo, qui non dedit, benedictus, sine dubio maledictus, qui ad usuram dedit*.

Usuram esse peccatum, adversari juri naturali, & humanis divinisque legibus,

legibus fufe probat Aftefanus nofter lib. 3. tit. 11. De tertio quali per totum, erudite folvens difficultates omnes, quæ folent in contrarium proferri. Eundem igitur confule.

SECUNDUM DUBIUM. Utrum ufura fit mala in fe, & fecundum fe?

(2) Mala dicitur in fe, & fecundum fe ad difcrimen eorum, quæ fecundum fe pravitate non habent, & iccirco citra peccatum poffunt aliquando fieri. Ad rem S. Bernardinus Serm. 36. art. 3. cap. 15. -- *Ad quod refpondet Alexander de Ales, quod quamvis occidere fit peccatum in fe, non tamen fecundum fe, quia quandoque licet. Dare autem ad ufuram eft peccatum in fe, & fecundum fe; ideo nunquam in aliquo cafu licet.*

Erudite Aftefanus nofter loco proxime laudato fub initio -- Actus humani ex electione procedentes quidam funt de fe boni; poffunt tamen male fieri: ut dare eleemofynam eft de fe actus virtutis; poteft tamen male fieri, ut fi fiat propter vanam gloriam. Quidam autem funt de fe, & fecundum fe boni; & ideo non poffunt male fieri: ut Deum vel proximum diligere ex charitate. Quidam funt de fe mali, qui tamen cum debitis circumftantiis poffunt bene fieri: ut homicidium, licet de fe fit malum, poteftati tamen ſæculari zelo iuftitiæ eft licitum, & bonum. Quidam funt de fe, & fecundum fe mali; & ideo non poffunt bene fieri: ut odire Deum, proximo invidere, quæ nullo modo ex nulla circumftantia poffunt bene fieri. Quidam funt indifferentes, qui nec boni nec mali funt de fe, nec fecundum fe: ut ambulare, vel loqui. Dicendum igitur ad quæftionem propofitam, quod ufura eft quidquid accedit in mutuo forti pacto, vel intentione principali, & fic eft de fe, & fecundum fe peccatum, & nullo modo, nullo cafu poteft bene fieri. Et hoc oftenditur &c. -- Hactenus ille.

Refpondeo, quod fic, Ratio una eft: quia eft contra charitatem, & naturalem hominis cognitionem, ut pro ufu rei momentaneo, & naturaliter infructuofa, & cum periculo accipientis, qualis eft ufus rerum mutuabilium, pretium recipiatur. Unde & Philofophus naturali æquitate, & ratione ductus dicit in principio Politicorum, quod *ufuraria acquifitio pecuniarum eft maxime præter naturam.*

(3) Ufuram & ipsi legi naturæ adverſari duodecim argumentis probat S. Bernardinus Serm. 38. art. 1. per totum. Præcipua funt ea duo, quæ exhibet Scotus in 4. diſt. 15. q. 2. §. Sunt ergo tres inquit -- *Poteft ergo talis ratio assignari: quia in mutui datione transfertur dominium; hoc enim fonat vocabulum, mutuum do tibi meum. Ergo qui con-*

cedit mutuo, non manet dominus pecuniæ mutuatæ; & per consequens si pro illa pecunia recipiat aliquid ultra sortem, pro non suo recipit, sive vendit non suum. Alia ratio est: Eilo quod pecunia maneret sua, tamen illa pecunia non habet ex natura sua aliquem fructum, sicut habent aliqua alia ex se germinantia, sed tantum provenit aliquis fructus ex industria alterius, scilicet wienis. Industria autem hujus non est ejus, qui concedit pecuniam. Ergo ille volens recipere fructum de pecunia, vult habere fructum de industria aliena, quam tamen non dedit ille alius sibi ex hoc, quod accepit mutuum ab alio.

Nec obstat, si accipiens mutuum lucretur ex pecunia mutuata: quia tale lucrum potius attribuitur industriæ personæ, quam pecuniæ. Arguitur L. 3. ff. *Ad legem Falcidiam*.

(4) *Et hæc est ratio, subdit Scotus ibidem, quare per oppositum fructus pignorum germinantium computantur in sortem: scilicet, ut explicat ibi S. Bernardinus cap. 7., quia non sunt ex industria recipientis, sed ex natura germinantium rerum. Si natura rei mutuatur inspicitur, vere scripsit S. Bernardinus ibidem cap. 2. -- Res mutuabiles, in quibus usura committi solet, habent a natura, vel arte sibi determinatum valorem, ac per consequens in eo minime excrecere possunt, nempe ex hoc ipso fructum generare valent. Naturale utique est, quod res, quæ generat fructum, semper crescat in valore cum ipso fructu, atque majoris est valoris, cum est sub fructu, quam quando permanet sine fructu. Quum igitur usura res habentes determinatum valorem, & per consequens non fructificantes, facit excrecere in valore, relinquitur quod faciat rem non generantem fructum generare lucrum. Proinde secundum Philosophum primo Polit. cap. 6. usura dicitur a Cothos, quod est partus: quia contra naturam rei, scilicet mutuabilis, & pecuniæ, vult usurarius, quod pecunia pariat, scilicet lucrum, ubi non generat fructum. Hoc tamen miraculum facit usura, quia per eam aurum nascitur ex argento, ut ponitur dist. 47. cap. SICUT --. En quod improbando scribitur hoc capite Sicut §. 1. -- Interdum etiam usura arte nequissima ex ipso auro aurum nascitur.*

Aliæ multæ rationes ponuntur per Doctores Extra *De usuris*. Sed summa omnium rationum est, quod Deus summe est detestatus ipsam in veteri & novo Testamento, ut patet in Cap. *Super eo* Extra *De usuris*: quod non fecisset, si non esset malum in se. Unde nec aliqua dispensatio potest fieri in ipsa, ut patet in dicto Cap. *Super eo*. Ex his igitur patet, quare prohibeatur.

(5) Inte-

(5) *Integrum caput Super eo*, quod est Alexandri III., jam dedi exponens tertium verbum definitionis usuræ annotatione 24. in fine, Ipsum ergo recole, & reperies quidquid ibi ab Authore profertur.

TERTIUM DUBIUM. Utrum leges, quæ permittunt usuram, sint injustæ.

(6) Jus Civile permisisse usuras nemo est qui ire possit inficias statim atque legat in C. Titulum *De usuris*, qui pene totus est super hac re. Unam ipse do legem primam sic expressam -- *Si interrogatione præcedente promissio usurarum recte facta probetur, licet instrumento conscripta non sit, tamen optimo jure debentur* --. Nollem tamen credas lege Civili cuique esse permittum pro arbitratu quodlibet ultra sortem exigere lucrum, etiam summum. Vetitum id fuit eodem tit. L. *Eos qui*, ubi pro diversitate personarum statuitur, quid unusquisque possit recipere -- *Super usurarum vero quantitate etiam generalem sanctionem facere necessarium esse duximus, veterem duram, & gravissimam earum molem ad mediocritatem deducentes*. Ideoque jubemus illustribus quidem personis, sive eas præcedentibus, minime licere ultra tertiam partem Centesimæ, usurarum nomine in quocumque contractu vili, vel maximo stipulari. Illis vero, qui Ergasteriis præstant, vel aliquam licitam negotiationem gerunt usque ad bessem Centesimæ [usurarum nomine in quocumque contractu] suam stipulationem moderari. In trajectitiis autem contractibus, vel specterum sænori dationibus, usque ad Centesimam tantummodo licere stipulari, nec eam excedere; licet veteribus legibus hoc erat concessum. Ceteros autem [omnes] homines dimidiam tantummodo Centesimæ usurarum [nomine] posse stipulari: & eam quantitatem usurarum etiam in aliis omnibus casibus nullo modo ampliari, in quibus citra stipulationem exigi usura solent. Nec liceat Judicii memoratam augere taxationem occasione consuetudinis in regione obtinentis --. Centesima dicitur, in qua pro singulo centenario unum singulo mense persolvitur, & sic pro sorte Centesima singulo anno usura duodecim correspondebat. Quatuor igitur sunt triens, seu tertia pars Centesimæ. Sex sunt dimidia pars, seu semicentum Centesimæ: & octo sunt bes, seu duæ partes Centesimæ.

Vetuit quidem usuras nono Ecclesiæ sæculo Basilii Macedo Imperator Orientis Constitutione hac de re edita; sed Leo Sapiens ipsius filius eas, moderatas tamen, iterum permittere quasi fuit coactus: quia divites pene omnes delicti spe lucri ex mutuo percipiendi se præbent indigentibus immites, atque difficiles. Id totum perspicuum est ex Novella ejusdem Leonis 83., quæ est hujusmodi -- *Si a spiritus legibus ita se mortale genus regi sineret, ut humanis præceptis nihil indigeret, id vero & decorum, & salutare esset: at, quoniam se ad spiritus sublimitatem elevare, divinæque legis vocem amplecti non cuiusque est: ac vero,*

quos hac virtus ducat, numero valde pauci sunt: bene sese adhuc res haberet, si saltem secundum leges humanas viveretur. Quæ vocantur pecunia credita usura, ubique a spiritus Decreto condemnantur. Id sciens Pater noster æternæ memoriæ Princeps, usurarum solutionem sanctione sua prohibendam putavit. Atqui propter paupertatem res illa non in melius [quem tamen finem Legislator proposuerat] sed contra in pejus vergit. Qui enim antea usurarum spe ad mutuandam pecuniam prompti fuerant, post latam legem, quod nihil lueri ex mutuo percipere possint, in eos, qui pecuniis indigent, difficiles atque immites sunt. Quin etiam ad facile iurandum, quodque id fere consequitur, ad iusjurandum abnegandum, id occasionem præbuit. Breviter: propter redundantem in humana vita perversitatem non modo non profuit legis virtus, verum etiam obsuit. Quamquam igitur ex se legem culpæ [quod quidem etiam absit] nequeamus: propterea tamen quod humana natura [quod diximus] ad illius sublimitatem non perveniat, egregium illud præscriptum abrogamus: ac in contrarium statuimus, ut æris alieni usus ad usuras procedat: idque, quomodo veteribus Legislatoribus placuit, ad trientes Centesimæ, nempe, quæ quotannis in singulos solidos singulas sæeneratoribus siliquas pariunt.

Quid plura! Et sua ætate clamabat Augustinus Epist. 153., alias 54. ad Macedonium — *Quid dicam de usuris, quas etiam ipsa leges, & Iudices reddunt iubent! An crudelior est, qui subtrahit aliquid, vel eripit diviti, quam qui trucidat pauperem sœnore! Hæc, atque huiusmodi male possidentur, & vellem restituerentur; sed non est, quo Iudice rependantur.*

Si petas, quare id fuerit lege civili quandoque permissum? Placet responsum Alexandri de Ales relatum a S. Bernardino Serm. 38. art. 3. cap. 3. in hæc verba — *Ad hoc respondet Alexander de Ales in tertia distinctione, quod permisit comparativa permissione usuras levissimas exigi, ne accideret pejus: quia tunc prout erant homines ad usurarum lucrum. Iudicantes igitur minus malum sustineri leves usuras, quam graves, concessit illud.*

Glossa tamen in cap. *Quid dicam* 14. q. 4., cui concinunt S. Bernardinus ibidem, Author in Angelica ver. *Usura secundum num. 1.*, aliique, arbitratur in præsentem usuras esse vetitas etiam jure civili: idque probat inquiens — *Quia Imperator [Justinianus] jubet servari ea, quæ statuta sunt in Nicæno Concilio, ut in Authent. De Ecclesiast. tit. in prin. Coll. 9. Sed Nicænum Concilium prohibet usuras, ut 47. dist. cap. QUONIAM, & ibi etiam cap. QUONIAM. Cum ergo Imperator Constitutione sua confirmavit statuta Nicæni Concilii, patet, quod voluit derogare omnibus legibus, quæ loquuntur de usuris --.* Addit Alesanus in sua Summa lib. 3. tit. 11. de tertio — *Nec obstat quod ille Canon Quoniam multi loquitur tantum de Clericis, quia auctoritas ibi posita, quæ est*

est -- *Qui pecuniam suam non dedit ad usuram* --, Clericis & laicis est communis. Nec obstat etiam, quod secundum leges Codicis, & Digestorum possunt peti usurae, quia lex supra allegata, quae est in Authentica, est posterior illis; unde omnes leges usuras permittentes sunt abrogatae. Sciendum tamen, quod Justinianus prius permisit usuras levissimas, non quasi ælimans eas esse licitas, sed ad majus malum vitandum. Nam homines imperii sui vidit esse pronos ad dandum usuram; & ideo comparativa permissione permisit minus malum, ut non fieret pejus --. Hactenus ille.

Respondeo. Videtur multis omissis quod sic, quia contra legem Dei, & charitatem proximi.

(7) Hoc jam fuit supra ostensum. Unice addam quod habet Nicolaus Summ. Pontifex 10. dist. cap. 1., & Symmachus item Papa ibidem cap. 2. *Leges Imperatorum non in omnibus Ecclesiasticis controversiis utendum est: praesertim cum inveniuntur Evangelicae, ac Canonicae sanctioni aliquoties obviare. Lex Imperatorum non est supra legem Dei, sed subius. Imperiali judicio non possunt Ecclesiastica jura dissolvi* --. Ita Nicolaus --. *Non licet Imperatori, vel cuicumque pietatem custodienti, aliquid contra Divina mandata presumere, nec quicumque, quod Evangelicis, Prophetis, aut Apostolicis regulis obviet, agere* --. Ita Symmachus. Religiose igitur Carolus Magnus in Capitularibus lib. 1. cap. 25. scripsit -- *Usura est, ubi amplius requiritur quam datur, verbi gratia si dederis solidum, & amplius requisieris* --, & lib. 5. cap. 36. -- *Usuram non solum Clerici, sed nec laici Christiani exigere debent* --, & lib. 6. cap. 201. -- *Venerandi Canonibus, & Divina prohibet auctoritas usuras accipere* --. Religiose item Ludovicus XII. Rex Galliarum in suo Edicto lato mense Martio 1499. -- *Interdiximus, & prohibuimus: interdiximus, & prohibemus quibusvis Tabellionibus, ne ullum contractum sanctuaritium scribant, pena privanda dignitatis, & multa arbitraria* -- Religiose demum Victorius Amedeus Rex Sardiniae lib. 4. suarum Constitutionum tit. 34. cap. 14. num. 1. -- *Non poterit veruna persona di qualsivoglia stato, grado, o condizione esercitar in qualunque forma publica, o occulta, direttamente, o indirettamente per mezzo di contratti tanto espressi, che simulati, o in qualsivoglia altro modo, alcuna sorta d'usure, sotto pena della confiscazione de' beni, la quale avrà anche luogo ogni qualvolta si scopra, e consti dopo la morte di qualche persona, che la medesima sia stata solita ad esercitar usure come sopra, rifatti però sempre i danni di quelli, che ne avranno patito* --.

QUARTUM DUBIUM. Utrum liceat recipere ad usuram fine peccato mortali?

K 3

Respon-

Respondeo secundum Hugonem & Archidiaconum in Cap. *Mover* 22. q. 1., quod sic, si hæc duo concurrant. Primo voluntas usurarii: quia, si quis alium induceret ad mutuo dandum sub usura, mortaliter peccaret. Secundo necessitas: & addit Archidiaconus, quod etiam pro utilitate, quam quis consequitur agendo negotia sua. Item Innocentius, & Joannes Andreæ in Cap. *Dilectus* Extra De *Simonia* recitant multas opiniones, quarum una est, quod cuique licet etiam pro opere virtuoso, ut si velit inde facere eleemosynam, vel Ecclesiam ædificare, & hujusmodi; sed propter luxuriam, & pompam, & hujusmodi non licet. Alia opinio est, quod non liceat pro omni opere virtuoso, sed pro magno solum. Tertia opinio est tenentium indifferenter, quod pro omni re, quæ non sit illicita, licet accipere sub usuris. Quarum opinionum quælibet potest teneri bona, dummodo concurrat intentio, seu voluntas usurarii; aliter, ut puta non concurrente voluntate usurarii, vel propter ludum alexæ, & hujusmodi, Doctores, & Thomas 2. 2. q. 78. art. 4. tenent, quod peccat mortaliter talis mutuo sub usuris accipiens.

(8) En verba S. Thomæ, de quo Author -- *Respondeo dicendum, quod inducere hominem ad peccandum nullo modo licet: uti tamen peccato alterius ad bonum, licitum est: quia & Deus utitur omnibus peccatis ad aliquod bonum; ex quolibet enim malo elicit aliquod bonum, ut dicitur in Enchiridio cap. 11. Et ideo Augustinus Epist. 154. Publicola quarenti, utrumliceret uti juramento ejus, qui per falsos Deos jurat, in quo manifeste peccat, eis divinam reverentiam adhibens, respondet: Quod qui utitur fide illius, qui per falsos Deos jurat, non ad malum, sed ad bonum, non peccato illius se faciat, quo per Dæmonia juravit, sed pacto ejus bono, quo fideretur. Si tamen induceret eum ad jurandum per falsos Deos, peccaret. Ita etiam in proposito dicendum est, quod nullo modo licet inducere aliquem ad mutuandum sub usuris: licet tamen ab eo, qui hoc paratus est facere, & usuras exercet, mutuum accipere sub usuris propter aliquod bonum, quod est subventio suis necessitatibus, vel alterius -- Extra omnem controversiam positum est, hanc Sancti Doctoris doctrinam æquitati esse innixam, quia, ut ibidem subdit S. Doctor in responsione ad 2. --*

Ille

*Ille, qui accipit pecuniam mutuo sub usuris, non dat occasionem usurario usuras accipiendi, sed mutuandi. Ipse autem usurarius sumit occasionem peccandi ex malitia cordis sui -- . Extra controversiam pariter est, sine necessitate neminem posse licite mutuum petere, & accipere sub usuris: quia hoc esset alteri præbere occasionem ruinæ spiritualis, & lege charitatis quisque tenetur sub mortali impedire peccatum mortale proximi, quando id potest sine suo notabili detrimento. Tota igitur controversia reducitur ad assignandum, ejusmodi conditionis, & qualitatis esse debeat hæc necessitas, ut innocentem reddat petitionem mutui ab usurario parato ad dandum mutuum, dum alius gratis mutuo dans inveniri non potest. Quia in re sicuti tempore Authoris Doctores in varias distrahebantur opinionationes, ita & in præsentiarum. Placet summopere quod scribit Joannes Pontas verbo *Usura* casu 40. -- Ipse S. Thomas, cujus in decidendo solet stilus accuratus nihil prætermittere, quantum ad præsentem casum neque gravem exigit necessitatem, sed generatim asserit, posse mutationem ejusmodi sine peccato obtinere propter aliquod bonum, quod est subventio suæ necessitatis. Et simpliciter dicit hoc ipsum unicuique licere, si indigeat: quæ quidem verba certissime non inuunt nisi necessitatem communem, aut pertinentem ad status decentiam -- . Placet summopere quod scribit Altesanus noster lib. 3. tit. 11. de tertio in fine -- Nec intelligitur secundum Ricardum in 4. dist. 15. q. 5. art. 5. cap. ultimo hic necessitas illa, quæ est extrema, sed quando homo damnificaretur notabiliter, vel notabilem penuriam pateretur, si non acciperet ad usuram. Et secundum Monaldum pro quanta necessitate liceat hoc facere, non determinat ars, vel scientia, sed intensio charitatis -- Firmum tamen stat, & in æternum stabit, peccare mortaliter eum, qui sine necessitate mutuum petit ab illo, quem scit non esse daturum nisi sub usuris: item eum, qui ita petit sub usuris ad ludos, vel ad pompas superfluas; hæc enim & his similia non sunt veræ necessitates, & petitores hujusmodi peccata peccatis cumulant. Peccare denique mortaliter eum, qui libere accedit ad usurarium paratum mutuo dare sub usuris, quando moraliter, & adhibita mediocri diligentia, reperire potest alium, qui juxta Domini mandatum mutuum præstet gratis, & sine usura.*

TERTIUS ARTICULUS est, qualiter committatur usura. Ad cuius intelligentiam triginta duo quæruntur dubia.

PRIMUM DUBIUM est. In quo contractu committatur usura?

Respondeo, quod proprie non committitur nisi in mutuo Deuter. 23.. Ad quod facit Caput primum 14. q. 3., & Lucæ 6., & Extra *De usuris* Cap. *Consuluit*. Quid autem sit mutuum, & in quibus rebus consistat, dictum est in dubio primo secundi verbi definitionis usuræ.

(1) **Q**uam Instituit. *Quibus modis re contrahitur obligatio* sub initio apposite scripserit Iustinianus -- *Mutui autem datio in iis rebus consistit, quæ pondere, numero, mensura constant: veluti vino, oleo, frumento, pecunia numerata, ære, argento, auro: quas res aut numerando, aut metiendo, aut adpendendo in hoc damus, ut accipientium fiant. Et quoniam nobis non eadem res, sed alia ejusdem naturæ, & qualitatis redduntur: inde etiam mutuum appellatum est, quia ita a me tibi datur, ut ex meo tuum fiat: & ex eo contractu nascitur actio, quæ vocatur conductio* --: recte inferunt Theologi usuram in solo mutuo proprie reperiri: quia, quum in solo mutuo aliud reddi debeat ejusdem naturæ, & qualitatis, in solo pariter mutuo verificari potest dari aliquid ultra sortem, quod constituit usuram. Solum iccirco mutuum in definitione usuræ exprimunt Ecclesiæ Patres; nam Tertullianus lib. 4. contra Marcionem ait -- *Usura est mutui redundantia* --, inquit Augustinus in Psalm. 36. -- *Usura est, si plusquam dedisti expectes accipere* --, & Basilius in Psalm. 14. -- *Usura est, si plus quam sortem acceperis* --. Huc conferunt, quæ ibi ab Authore producta sunt: quoniam caput primum, scilicet *Si saneraveris*, Augustini definitionem recitat modo memoratam: Lucæ 6. v. 35. scriptum est -- *Mutuum date, nihil inde sperantes* --: & capite *Consuluit* præmissis hisce Dominicis verbis subditur -- *Cum omnis usura, & superabundantia prohibeatur in lege* --, & Deuter. 23. v. 19. dicitur -- *Non sanerabis fratri tuo ad usuram pecuniam, nec fruges, nec aliquam rem*.

SECUN-

SECUNDUM DUBIUM. Utrum alias non possit committi nisi in mutuo?

Respondeo, quod proprie non, sed ratione æquipollentiz sic, ut in emptione, & venditione ad tempus Cap. *Naviganti Extra De usuris*, & ex dubiis infraponendis satis bona haberi poterit notitia.

(1) Usura, quam Author sic dicit ratione æquipollentiz, ea ipsa est, quam Theologi vocant impropriam, palliatam, & virtutalem, eo quia sub specie alterius contractus exercetur, & reipsa reducit ad mutuum, atque in hoc quasi transmutatur. Opportune S. Thomas 2. 2. q. 78. art. 2. ad 7. -- *Quod si aliquis carius velit vendere res suas quam sit justum pretium, ut de pecunia solvenda emptorem expectet, manifeste usura committitur: quia hujusmodi expectatio pretii solvendi habet rationem mutui. Unde quidquid ultra justum pretium pro hujusmodi expectatione exigitur, est quasi pretium mutui, quod pertinet ad rationem usure. Similiter etiam si quis emptor velit rem emere vilius quam sit justum pretium, eo quod pecuniam ante solvit, quam possit ei res tradi, est peccatum usuræ: quia etiam ista anticipatio solutionis pecunie habet mutui rationem, cujus quoddam pretium est quod diminuitur de justo pretio rei emptæ --.* Nota quomodo S. Doctor hic loquitur de solutione anticipata, vel protracta; hac enim remota ab emptione, & venditione, non erit amplius usura. Et ideo si quis vendendo pretium auget ultra justos limites, injustus quidem esset, avarus esset, & ad restitutionem teneretur; non tamen esset usurarius, nec in pœnas adversus usurarios latas incideret. Usura postmodum palliata vera usura est, sicut homo sub aliena veste, aut larva occultatus verus est homo; parum enim refert, quod mutuum expressum sit, vel tacitum, apertum, aut interpretatum, statim atque mutuum habetur, & in eo aliquid ultra sortem exigitur.

TERTIUM DUBIUM. Utrum munuscula & dona recipere post mutuum, sit usura?

Respondeo, quod non, si per modum meræ gratiæ, & absque fraude sint data. Arguitur 14. q. 3. Cap. *Usura*, 18. dist. Cap. *De Eulogiis*, 77. dist. Cap. *In singulis*, 59. dist. Cap. *Si officia*, & 61. dist. Cap. *Quid proderis*.

(3) Singulare est, quod legitur in cap. *De Eulogiis*, seu munusculis, aut Xeniiis ad sacra Concilia deferendis -- *Quæ, ut arbitror, non sunt rationabiliter querenda, nec ultro delata respondenda.*

Id erudite probat Merbæus super septima Decisione Concilii Mediolanen. primi, quæstiuncula 8. scribens — Respondeo hujuscemodi creditorem non posse usurarium haberi, qui aliquid ultra sortem a debitore mutuuum restituyente gratis oblatum acceperit. Nam, ut videre est, hic cessat usuræ ratio, nempe intentio, aut pactio mutuantis, & accipientis: & multa honeste accipiuntur, quæ inhoneste petuntur L. 1. §. Proinde ne ff. De extraordinariis cognitionibus, & cap. De Eulogiis 18. dist. . Cum igitur intentio præsertim usurarium faciat ex cap. Consuluit; nec remunerationes sint prohibitz [nisi deducantur in pactum] utpote quæ profectæ sunt ex jure naturali, quo ad referendam gratiam obligamur cap. Cum in officio [Extra] De testamentis, & L. Sed etsi lege §. Consuluit ff. De hæreditatis petitione: certum est creditorem, qui aliquid a debitore libenter oblatum ultra sortem acceperit, omni usuræ flagitio vacare --. Hæc ille.

Possset tamen hoc esse vitiosum: vel ex parte dantis, quia non libere: vel ex parte recipientis, cum credit, quod non det libere: vel propter scandalum, quia de facili possset quis incurrere periculum infamiæ; & ideo bonum esset talia non recipere.

(4) Vide quæ adnotavimus super tertio, & quarto dubio, ubi de quinto verbo definitionis usuræ. Quoad munera attendenda sunt hæc duo carmina, quæ exhibet Glossa super cap. Etsi quæstiones Extra De simonia.

Muneribus dandis attendas quatuor ista:

Qui dans, quisve petens, quæ res, quæ causa petendi.

Egregia pariter sunt verba Imperatorum Severi, & Antonini L. Solent ff. De officio Proconsulis -- Quantum ad Xenia pertinet, audi quid sentimus: Vetus proverbium est, neque omnia, neque quovis tempore, neque ab omnibus: nam valde inhumanum est a nemine accipere; sed passim, vilissimum est; & omnia, avarissimum --. Cæterum laudandi sunt illi mutuatores, qui nihil omnino recipiunt nec esculentum, nec poculentum: quoniam, quum mutuatarii plerumque sint indigentes, sæpenumero munera offerunt, vel quia supponunt mutuatores id velle: vel quia timent, ne sibi immet ipsis mutuuum auferant: vel ut eos facilius ad novum mutuuum inducant sub spe munerum: & perraro contingit, eos munerari gratis, & libere, nullo ad id secundo fine impellente. Invicem christiana virtute pugnent mutuatarius, & mutuator. Ille, occasione data, signa benevolentiz, & liberalitatis exhibeat. Hic contentus sit hujusmodi signis, nec quicquam recipiat etiam sponte oblatum. Se ostendet ille gratum, ut par est, erga eum, qui sibi benefecit. Palam hic omnibus faciet, se ad mutuuum præstandum sola fuisse charitate motum.

QUAR-

QUARTUM DUBIUM. Utrum tradens centum mercatori navigaturo per mare tali pacto, quod, si navis periclitetur, non teneatur sibi: si vero in mercando amiserit, semper sibi totum capitale, scilicet centum, reddere teneatur: &, si lucratus fuerit, habeat ipse partem lucri: sit usurarius?

Respondeo, quod sic, ut habetur in Cap. *Naviganti* Extra *De usuris*. Sed Dominus Laurentius de Florentia dicit, quod bene posset recipere pretium periculi, quod in se suscipit: quia, si non dedisset mutuo, posset aliquid recipere suscipiendo in se periculum navigationis. Sed hoc videtur expresse contra Cap. *Naviganti*, quod est de eo, qui suscipit in se periculum: ubi vult quod sit usura, etiamsi recipiatur ratione periculi. Item si ibi haberetur duntaxat respectus ad mutuum, nullum esset dubium, & lex super indubitabili posita foret, quod esse non debet, cum foret superflua; & ideo salvo meliori iudicio credo, quod nihil potest talis recipere ultra sortem.

(5) Ad præsens quod spectat, duplex est periculum: intrinsecum unum, seu generale, vel ordinarium, quod de omni mutuo verificatur, & est intraneum ipsi contractui mutui in sua natura considerato, quatenus potest fors data perire, cuicumque tradatur: extrinsecum alterum, seu particulare, vel extraordinarium, quod a natura mutui separari potest, proveniens videlicet a qualitate vel mutuatarii, vel negotiationis; puta si detur mutuatario prodigo, cavilloso, perditæ conscientiz, exercenti negotia periculosa, navigaturo in periculosa navigatione &c. Ratione primi periculi non posse aliquid recipi ultra sortem adeo certum est, nihil ut magis; huc enim tendunt leges omnes tum Divinæ, tum Canonice usuram prohibentes. Utrum autem ratione secundi periculi mutuo prorsus extrinseci, & extraordinarii, mutuator aliquid lucri possit accipere citra usuram, nedum diu disputatum est olim inter antiquos, sicuti ex textu Authoris liquido constat, sed adhuc disputatur in præsentis inter recentiores. Daniel Concina De iustitia & jure lib. 3. differt. 3. cap. 11. per totum nihil intentatum relinquit, ut ostendat, probetque in nullo periculo, quantumvis mutuo extrinseci, quantumvis extraordinario, mutuatores posse aliquid ultra sortem accipere, quin fiat reus usuræ. Joannes Pontas ex adverso ver. *Usura* calu

casu 31., Continuatur Tournely part. 2. De contractibus cap. 3. sect. 1., Gabriel Antoine De contractibus part. 2. cap. 3. q. 14. resp. 2., & quod pluris facio, Fulgentius Cuniliati, ut alios præteream complures, ejusdem cum Concina Ordinis vir, Concinae corvus, in eodem Collegio Sanctissimi Rosarii Venetiis cum ipso scribens, immo qui Theologiam suam moralem publici juris fecit, jam vulgata Theologia Christiana consodalis sui Concinae: hi omnes, alique sententiam oppositam pro virili parte tuentur, atque mutuatores in casu, de quo agitur, ita contendunt ab omni esse usura liberum, ut præfatus Cuniliati scribere non dubitaverit De contractibus cap. 4. §. 2. num. 7. -- *Quod vero ratione periculi extrinseci possit aliquid recipi [posito quod mutuatarius non dederit pignus] judicio proborum, & prudentum determinandum ultra sortem, est communior, & rationalior, immo certa sententia.*

Præcipua discrepantium harumce opinionum causa est Caput Naviganti, quod est Gregorii IX. ad Fratrem Raymundum, ita conceptum -- *Naviganti, vel eunti ad nundinas certam mutuans pecuniam quantitatem, eo quod suscipit in se periculum, recepturus aliquid ultra sortem, usurarius est censendus* --. Textum hunc mendosum vult Cuniliati cum Barbosa, aliisque scriptoribus benemultis, iisque gravissimis: ut ibi desit particula *NON*, & legendum sit -- *USURARIUS NON EST CENSENDUS* --. Id ipse repetit præsertim ex casu sequenti in eodem Capite immediate exposito, & definito, qui ibidem declaratur ab usura liber hisce verbis -- *Ille quoque qui dat decem solidos...., non debet ex hoc usurarius reputari*: quoniam, ut ipse ait, si in primo casu non deesset particula *NON*, non dixisset Pontifex, nec dicere debuisset -- *ILLE QUOQUE*, quin potius -- *ILLE TAMEN*, aut *ILLE E CONTRA*, vel aliud simile. Hunc eundem textum multis variisque modis fuisse acceptum a Doctoribus scribit Pontas casu citato, quas varias acceptiones indicavit Author in Angelica ver. *Usura primo* num 38. scribens -- *Casus est in dicto Capite NAVIGANTI. Et adverte, quod Doctores diversimode istum textum exponunt* --: & hoc in hypothese, quod legi debeat sine particula *NON*, sicuti communiter exhibetur. Daniel vero Concina ibidem §. 2. num. 2. utrumque inficiatur, & constanter scribit -- *Multi contendunt mendum irrepsisse in Pontificium textum, & desiderari particulam NON, librariorum oscitantia omissam. Sed effugium istud penitus præclusi in opere De usura contractus trini dissert. 1. cap. 5. §. 2., ubi palam feci non modo codices omnes carere particula NON, verum etiam, quod peremptorium est, S. Raymundum, ad quem directa Decretalis fuit, textum hunc referre absque præfata particula. Cavillantur alii ultima verba -- Usurarius est censendus -- idest in foro exteriori ob præsumptionem, quod ratione mutui, non periculi lucrum capteretur. Quisque videt, num sit hæc aperta legis circumventio. Nam ista dicendi formula, usurarius est censendus, &*
usura-

asurarius est, idem omnino sonant -- . Non is ego sum, qui gravissimum hoc doctorum hominum dissidium possim componere. Viderint iccirco, viderint alii; & quantum in me est, sua sit unicuique laus. Paulo infra exscribam quod vulgaverunt viri doctissimi: & tu, prudens lector, omnia semoto partium studio expendes, atque felices quod tibi verius videbitur.

Casum interim nostrum quod respicit, quum ipsemet Cuniliati subdat -- *Nonnulla tamen sunt a mutuatore circa id conditiones observanda. Prima, ut periculum extrinsecum sit verum, & non fictum. Secunda, ut de hoc paciscatur antequam mutuum tradat. Tertia, ne plus exigatur, quam a prudentibus & callentibus judicari solet. Quarta, ne mutuatarius cogatur ad potius aliquid pecunie erogandum, quam ad aliam prestandam asscuracionem, puta pignoris, fideiussionis &c. -- : Sponte fluit mutuatorem, de quo in casu, ab usura non posse salvari, quum non instante mutuatario periculum sortis in se suscipiat, sed potius ipse hunc cogat ad accipiendum mutuum cum conditionibus assignatis. Opportune igitur Author in Angelica loco proxime laudato -- *Talis mutuans non vult mutuari, nisi cum tali pacto susceptionis periculi, & propter hoc gravat debitorem in aliquid plus ex mutuo; & ideo usura est -- : est enim contra naturam mutui lucrum pacisci, lucrum ex mutuo principaliter sperare. Aliis quidem rationibus, sed tamen æque invictis, hunc eundem mutuatorem usurarium probat S. Bernardinus Serm. 39. art. 1. cap. 1. sub initio ita differens -- Nam, licet capitale currat ad periculum tradentis, quandiu est in itinere, vel in mari, & sic pro illo tempore currat ut suum; in actu tamen, & usu mercandi, & commutandi, currit solum ad periculum mercatoris, cui traditum est. Ideo respectu illius actus, & usus, est ipsius mercantis; propterea per talem actum ipsi lucratur, sicut & soli ipsi perditur. In hoc etiam casu, ut sæpius, alia ratio usuræ contingere solet: nam prius pecunia traditor non acciperet super se periculum maris, aut itineris, nisi probabiliter præsumeret partem suam etiam cum hoc toto periculo tutiorem atque utiliorem sibi, quam mercatori, eo quod varius in mari, vel in itinere amittuntur, quam per usum commutandi, & mercandi.**

Sed quid juris, si mutuator omnino gratis mutuum det naviganti pecuniam, omni alia intentione sublata; & postea mutuatarius sponte adeat mutuatorem, ipsumque roget, ut periculum in se suscipiat, ei-que ob hoc offerat aliquid ultra sortem? Nullam ibi usuram reperiri respondet Author in Angelica ibidem, & disparem rationem assignat inquit -- *Quia receptum in primo casu ultra sortem directe concernit mutuum, in quo omnis superabundantia prohibetur Luca 6., & 14. 9. 3. cap. 2. Sed in secundo casu non sic, quia non ex mutuo, sed propter factum, scilicet securitatem; unde est contraclus innominatus iste secundus -- . Idem sentit Natalis Alexander scribente Concilia ibidem num. 5. -- .*

Nullam

Nullo tunc usuram committi defendit cum aliis vel ipse Natalis ab Alexandro lutoris Ethices refutator lib. 3. art. 5. Regula 3. : quoniam mutuator ob mutui beneficium deterioris conditionis non est ac aliis quisque. Porro quilibet alius asscurare periculum negotiationis siue maritima, siue terrestris, valet. Ergo & mutuator --. Et ipse Daniel Concina casum hunc in se inspectum damnare non audet tanquam usurarium, tamen si praxim ipsius velit vehementer esse suspectam, & iccirco ibidem subdat -- Si casus iste praxi a praxi spectetur, immo si reipsa innocenter accideret in praxi, non viderem cur damnari usura posset. Verum magna hic opus est vigilantia, quia usura anguis in herba latet. Vix, aut ne vix quidem hoc in praxi sincere, & innocenter occurrat. Si tamen occurreret, nec ipse post factum absolute usura damnavem. Ceterum cum vix, aut ne vix quidem id contingat in praxi; ideo absolute Gregorius IX. deliravit usura reum mutuatorem, qui ob tale periculum in se susceptum pretium exigit.

Si ita est, reponere posset Cuniliati; Ergo per Concina ipsam excogitabilis est casus, in quo mutuator propter periculum fortis in se susceptum potest aliquid exigere supra sortem sine usura. Ergo Caput *Naviganti* accipi non debet in tota sua latitudine, uti sonat, & jacet. Ergo vel mendosum est, uti contendunt viri gravissimi, vel aliqua debet benigna interpretatione emolli, ut meliori consilio ab aliis scriptoribus constituitur. Sed jam prætergressus sum limites, quos super hac re mihi ipsi præstitueram. Parce igitur, amice Lector, parce calamo sponte veluti sua scribenti: & si id tibi videretur, postrema hæc verba habeas tanquam non dicta.

Singularem ejusdem Decretalis expositionem nobis exhibet Pater Franciscus Xaverius Zecch dissert. 2. De usuris cap. 2. §. 132. Si ipsa fiat, jam in tuto est sententia Cuniliati, quod nempe ratione periculi extrinseci licite potest aliquid recipi ultra sortem, & quod Caput *Naviganti* huic sententia non adversatur. An autem valeat, nec ne, tu ipse judica. Eam igitur accipe -- Pro interpretatione igitur allegata Decretalis existimo, Gregorium respexisse ad sænus nauticum Romanorum: sicut enim propositus casus intelligi poterat, & eo tempore debebat in sensu legum civilium; ita etiam decisio ad eundem verborum intellectum accommodari debebat. Leges autem civiles circa pecuniam trajectitiam veras admittebant usuras ratione mutui, vehementer tamen auctas ob susceptum periculum, quas usuras sacri Canones damnant: consequenter Pontifex non aliud in sua decisione posuit, quam ut cum usurarium censeri diceret, qui pro pecunia trajectitia ob susceptum in se periculum reciperet aliquid ultra sortem, ea scilicet ratione, qua permittentibus legibus Romanis exigitur sænus nauticum primario & immediate propter usum pecunie, ita ut susceptio periculi non sit causa exigendi usuras simpliciter, sed tantum cas ultra consuetum

morem

morem augendi. Gregorius ipse, & viri docti, qui casum decidendum proposuerunt, apprehendebant haud dubie ingens discrimen inter mutuum illud, ejus periculum, considerata sola natura contractus, est penes debitorem, & inter illud, ejus periculum speciali pacto in se recipit creditor. Nihilominus cum mens contrahentium praesumeretur eo tempore conformis legibus civilibus, praesumi quoque debuit contractus usurarius. Noluit tamen Pontifex definire usuram esse quidquid sincera mente ratione solius periculi a se suscepti exigitur. Unde mutuantem in casu allegatae Decretalis non absolute usurarium esse affirmat, sed usurarium esse censendum, idest in foro externo praesumendum, eum videntur contraxisse de sanore nautico a legibus civilibus permisso. Cum igitur his temporibus doctrina de usuris jam clarius digesta sit, sanusque nauticum, quatenus ratione mutui exigitur, ab omnibus catholicis reproberetur: hinc etiam decet, ut de mente eorum, qui pecunia trajectitia periculum pro mercede in se recipiunt, benignius praesumamus. Certe ex Decretali Gregorii IX. non bene concluditur asecurationem pro mercede non posse adjungi mutuo --. Haecenus Pater Zecch.

Melius tamen; meo saltem iudicio, Prosper Fagnanus in 1. part. 5. lib. Decretal. De usuris cap. Naviganti, cujus verba in suo Tractatu de mutuo & usura exscribit Bonus Merbelsius, expendens septimam Decisionem Concilii Mediolan. primi quaestiuicula 3., praemissa distinctione periculi mutuo intrinseci, & eidem extrinseci -- Aut mutuans, inquit Fagnanus, recipit aliquid ultra sortem ratione mutui tantum, alias non mutuaturus, & est usura, non obstante quod periculum sortis in se suscipiat, & in hoc casu loquitur hoc Capitulum. Aut recipit partim ratione mutui, & partim ratione periculi, & similiter usura est quantum ad illud, quod recipit ratione mutui. Aut demum recipit ratione periculi tantum, atque ut pretium periculi, & sic non est usura. Nam etsi non mutuaret, & periculum navigantis subire vellet, licite posset recipere pretium periculi suscepti: nec propter hoc, quod ei inseruit mutuando, deterioris conditionis efficitur. Hic intellectus ab Theologis communiter approbatur, sed ipso textu videtur impugnari. Primo, quia hoc Cap. vult esse usuram, etiamsi quid ultra sortem recipiatur ratione periculi, ut sonat litera ibi, PRO EO QUOD. Verba enim textus sic habent -- NAVIGANTI, VEL EUNTI AD NUNDINAS CERTAM MUTUANS PECUNIAE QUANTITATEM PRO EO QUOD SUSCIPIT IN SE PERICULUM, RECEPTURUS ALIQUID ULTRA SORTEM, USURARIUS EST CENSENDUS --. Deinde quia, si haberetur respectus ad mutuum, nullum fuisset dubium, & sic lex lata esset super indubitabili, quod esse non debet, quia esset superflua. Ad hoc L. QUOD LABEO, & ibi Glossa 1. ff. De Carb. Edic. Sed Labeonem arguit Sylvestr, quod textum perperam intellexerit: quia illa verba [PRO EO QUOD] non denotant causam receptionis lueri, sed causam mutuandi: & secundum hoc poni debet comma post verbum SUSCIPIT, non autem post verbum QUAN-

QUANTITATEM. Censetur autem creditor moveri ratione mutui, quando vult, & paciscitur, ut sortis periculum omnino ad se pertineat, alias non mutuaturus; & sic ex mutuo vult consequi lucrum, non quidem immediate, sed mediante susceptione periculi, quod usurarium est. Ita hunc textum intelligunt Antoninus in 2. part. lib. 1. tit. 1. cap. 6. §. 21., Sylvester alios adducens in ver. **USURA PRIMO** num. 35., Conrad. De contract. conclus. 1., Joannes Major in 4. dist. 15. q. 31., & Cajetanus in Summa ver. **USURA EXTERIOR** vers. **DUODECIMUS CASUS**. Hunc sensum esse verum, & frequentiori Theologorum judicio probatum attestatur Covarruvias variat. resolut. lib. 2. cap. 2. num. 5. vers. 2.. Quando autem mutuans suscipit in se periculum pecunia mutuata, & simpliciter recipit aliquid ultra sortem, non exprimens, an id recipiat ratione periculi, an ratione mutui, Canon vehementer presumit, cum recipere propter mutuum, & susceptionem periculi adhibitam esse ad palliandam usuram: ad quam quidem palliationem de medio tollendam sub colore periculi suscepti emanavit hac Decretalis. Secus vero, si mutuans exprimat se emolumentum accipere propter periculum, quod in se suscipit, quia tunc contractus non est usurarius, ut patet per Valase. Consilio. 18. num. 4., & alios complures hic congestos a modernis Collectoribus.

Quid dicendum? Ego ad conciliandas opiniones puto sic distinguendum. Aut queritur, an ejusmodi contractus censetur usurarius in foro externo, & quantum ad judicium Ecclesie: aut queritur, an sit usurarius in foro anime, & quoad Deum.

In primo casu existimo contractum judicari usurarium, & ita procedere opinionem Canonistarum: quia cum creditor recipit in se periculum rei mutuatae, & aliquid accipit ultra sortem, Ecclesia judicat principale objectum illius esse lucrum ex mutuo: ita ut non sit audiendus, si dicat, se non recipere ratione mutui, sed solum ratione periculi: quia cum hoc consistat in intentione, non pertinet ad judicium Ecclesie, quæ non judicat de occultis Cap. **SICUT TUIS** in fine, & ibi Gloss. ult., & cap. **DE SIMONIA**, & Cap. 1. **UT ECCLES. BENEFIC.**; talis enim intentio, ut inquit Joann. Andreas in Cap. **NOBIS** num. 5. **DE SIMONIA**, non video quomodo probari possit, nisi per ipsum, cui soli sicut criminoso, & in facto suo deponenti non est credendum: alioquin cuique facile esset dicere: ego fuisset alias mutuaturus: occulta enim, & incognita illi soli sunt relinquenda, qui solus novit corda fidelium hominum Cap. **CONSULUISTI** 2. q. 5.

Est est simile in simonia: nam si pecunia promissa vel data interveniat, non audiuntur electores, si dicant se non fuisse motos ad eligendum propter pecuniam, quia alias electuri erant: sed qualiscumque fuerit eorum intentio, electio judicatur simoniaca, ut firmat Gloss. 2. in dist. Cap. **NOBIS** supra **DE SIMONIA**, quam ibi sequuntur Hostiensis, Joann. Andr., Abbas, & alii communiter, & videtur sententia D. Thome 2. 2. q. 100. art. 2. ad 5.

Eodem

Eodem igitur modo non est audiendus creditor, qui dicit se non moveri ad emolumentum ultra sortem accipiendum ex causa mutui, quia alias erat mutuaturus. Sed nihilominus usurarius ab Ecclesia judicatur, qualiscumque sit ejus intentio. Et propterea textus non dicit — **USURARIUS EST** —, sed **USURARIUS EST CENSENDUS** —: quasi senseris non esse usuram intrinsece, & ex natura rei, sed usuram reputari ab Ecclesia; nam — **CENSERE** — idem importat quod judicare **L. CENSERE ff. DE VERB. SIGNIFICAT.**, Gloss. in Clement. 1. in ver. **CENSEMUS, DE PROBAT.**

Quod sane iudicium in eo videtur fundatum, quia ut plurimum creditores suscipiunt in se periculum ad palliandam pravam intentionem, quam gerunt, lucrandi ex pecunia mutuata: & ex his, quæ plerumque accidunt, jura constituuntur **L. NAM AD EA ff. DE LEGIBUS**, & sic, non quia culpa sit, sed quia solet esse, ut inquit Gloss. in Cap. **PRÆSENTIAM** in ver. **ISTAM** 1. q. 1., & est simile in Cap. **MULIER** 15. q. 1.

Limitari tamen posset hoc primum membrum, nisi aliquis primo mutua-
ret, & postea conveniret, ut ad se periculum pertineret, certa mercede sibi constituta; tunc enim non ex mutuo lucrum acciperet, sed, ut ajunt, pro
asssecuratione fortis. Ita Navarrus in Manuali cap. 17. num. 221. alios
citans: & videtur ex mente Cardinalis num. 1. in 6. Opposit. . Sed ego hoc
admitterem, dummodo ejusmodi actus non essent correctivi, quod ex bre-
vitate temporis inter mutuum & susceptionem periculi, atque ex aliis cir-
cumstantiis dijudicari facile potest secundum ea, quæ scribit Anchar. in
Consil. 434. incipient. Ex narratis num. 3. vers. **PRÆTEREA**: & Me-
nochius latissime **DE PRÆSUMPTIONE** lib. 6. Præsumpt. 12. per tot.
num. 38.: alioquin levi negotio posset unusquisque prius mutua-
re, & paulo post periculum in se suscipere, ut eluderet dispositionem hujus textus:
immo intervallum unius diei suspicionem auget, ut per Moder. Parisiensem
in Tract. **DE USURIS** num. 407., & Menoch. d. præsumpt. 12. num. 29.

In secundo autem casu, idest in foro anime, vera videtur Theologorum
distinctio: nam si mutuans recipiat aliquid ultra sortem ratione mutui, seu
ea intentione, ut lucraretur ex mutuo, quamvis periculum in se suscipiat,
absque dubio usura est, quæ sola voluntate committitur Cap. **CUM CON-
SULUIT**, super eod. Gloss., in Cap. **EX PARTE IN PRIMO** in ver.
DIMITTERE, DE OFFIC. DELEGAT. . Sed si vere non intendat
lucrari ex mutuo, sed tantummodo accipere per mercedem, seu pretium pe-
riculi juxta text. in **L. PERICULI, ff. DE NAUTICO FOENORE**: in
foro interiori, & quantum ad Deum non est usurarius. Itaque tota hæc
res ab intentione distinguitur, & specificatur, Cap. **CUM VOLUNTATE**,
DE SENT. EXCOMM., **L. QUI INJURIA ff. DE FURT.**, facit tex.
IN CIVITATE in fine supra eodem. In dubio autem, cum non distin-
guis, an lucrum recipiat ratione mutui, vel ratione periculi, censetur reci-

L

pere

pere ratione mutui; & ideo usura est secundum ea, quæ dicta sunt num. 20.: & sic arbitror posse conciliari dissidentes opiniones. Quod nota --. Haecenus Fagnanus.

Prosequitur nunc Merbesius -- Haecenus Prosper Fagnani loco citato pag. 297., & 298. explicavit præfatum cap. *Naviganti*: & declaravit non posse quicquam percipi ultra sortem a creditore ob susceptum periculum, quin usuræ crimen incurrat, si hujusmodi periculum sit mutuo intrinsecum, & ab eo separari nequeat, tametsi aliter de periculo mutationi extrinseco philosophari oporteat. Hæc ille.

Ne graveris Lector, si super hac re gravissima adhuc nonnulla adjicio. Natalis Alexander in sua Theologia dogmatica & morali lib. 3. art. 5. Regula 3. distinguit periculum facti a periculo juris. Periculum facti habetur, cum quis, rem suam mutuo dando, dubiis, incertisque rerum humanarum casibus exponit, non tamen debitorem ipsum obligatione solvendi liberat: vel cum dat mutuum ea lege, ut periculum in se suscipiat, aliter mutuum non daturus, eoque nomine aliquid exigat ultra sortem. Periculum juris est, cum creditor periculum sortis pacto quodam mutuo adjuncto suscipit, ac debitorem obligatione liberat solvendi sortem, si absque hujus culpa pereat. Hæc duo pericula, si ut par est, perpendantur, in idem recidunt cum periculo mutuo intrinseco, & eidem extrinseco superius expositis. Prosequitur postmodum Natalis, dicens ob periculum facti nihil posse recipi ultra sortem, & contendens hunc unum esse casum in cap. *Naviganti* comprehensum; & ideo subdit ob periculum juris creditorem sine usuræ vitio aliquid posse exigere, atque percipere, secus ac postmodum scripserit Concina loco supra laudato §. 2. num. 1.. Hoc ut probet, ita differit -- Hanc regulam confirmat S. Antoninus part. 2. tit. 1. cap. 7. §. 21.: *quid [inquit] de eo qui mutuavit naviganti, vel eunti ad nundinas, recepturus aliquid ultra sortem pro eo, quod suscipit in se periculum, idest, si pecuniam, vel merces inde emptas portaverit salvas, alias nihil recepturus etiam de sorte? Respondeo, quod aut illud ultra sortem recipit ratione mutui tantum, & sic est usura, non obstante quod periculum ipse suscipiat: & iste est casus capitis NAVIGANTI. Aut recipit illud ultra sortem præcise ratione periculi, ut pretium periculi, & sic non est usura, sed licitum. Nam etiamsi non mutuaret, & periculum navigantis in se vellet suscipere, licite posset recipere pretium periculi; nec propter hoc, quod ei servitium faciat in mutuando, efficitur deterius conditionis. Aut aliquid ultra sortem recipit partim ratione periculi, & partim ratione mutui; & tunc usura est quantum ad id, quod plus percipit ratione mutui, & illud tenetur restituere --. Si quis porro dixerit, se non recipere aliquid ultra sortem ratione mutui, sed ratione periculi, nihilominus in foro Ecclesiæ judicabitur usurarius: quia Ecclesia de externa duntaxat actione, non de in-*

tentione judicat. Sui enim intentionis cum nemo homo testis sit præter ipsum, semper diceret creditor, intentionem suam rectam fuisse, seque mutuum fuisse daturum, quamvis huiusmodi pactio non intercessisset. Sicut ergo, ubi pecunia promissa, vel data est pro electione ad Ecclesiasticam dignitatem, aut munus, non adiungunt electores, si dicant se ad eligendum invitatos non fuisse propter pecuniam, quia alias eundem elegerint: sed qualiscumque fuerit eorum intentio, nihilominus electio censetur simoniaca: ita non est audiendus creditor asserens se non moveri ad exigendum aliquid ultra sortem ratione mutui, quia alias mutuum erat daturus; sed nihilominus usurarius est censendus, ut dicitur cap. *Naviganti*. In foro autem conscientie, si creditor dicat se non recepisse aliquid ultra sortem ratione mutui, seu ea intentione, ut lucraretur ex mutuo, sed velut pretium periculi, quod suscepit, ipsi fides adhibenda est --. Hactenus Natalis egregie.

QUINTUM DUBIUM. Utrum mutuum dans Venetiis centum, ut recipiat centum & duodecim in Cypro, hac conditione adjuncta, quod, si mercationes, quas de illis centum emet, periclitentur in mari vel in itinere, non teneatur nisi medietatem reddere: si vero non periclitentur, teneatur ad centum & duodecim: sit usurarius?

Respondeo secundum Hostiensem, quod sic. Concor-dat Raynerius. Ratio secundum Hostiensem est: quia aut pecunia expenditur, & sic consumitur, & fit alterius, & quidquid emit est debitoris; ideo lucrum exigere de re aliena est iniquum. Aut non expenditur, & sic impium est, quod debitor solvat lucrum creditori, quod non habuit.

(6) Et hic mutuator non excusaretur a Patre Cuniliati, aliisque ejusdem opinionis viris, quia se gessit contra quartam ipsius regulam jam recitatam, & quam iterum hic exhibeo -- *Ne mutuarius cogatur ad potius aliquid pecunie erogandum, quam ad aliam prestandam assue- rationem, puta pignoris, fidejussionis* &c. --; casus enim supponit, mutuatores ipsum apponere conditionem de periculo dimidie fortis in se suscipiendo cum spe lucri expressi. Aliud sane est, quod mutuator ita velit, ita postulet, ita exigat; & aliud profecto, quod a mutuuario rogatus ita ad paciscendum trahatur. In primo casu palam facit, se mutuae principaliter propter lucrum, & consulo apponere susceptionem periculi fortis, ut lucrum ex mutuo, alias usurarium, reddat, si fieri posset,

posset, ab usura liberum. Hunc iccirco impetit prima regula a S. Bernardino super hoc posita articulo primo proxime memorato sub initio, quæ est hæc -- *In mutuis veris, vel interpretatis, spe lucri principaliter factis, dubium, seu periculum a sænore non excusat* --. In secundo vero casu lucrum unice apponit, ut servetur indemnis, & habeatur æqualitas contractus, ad quem inducitur, ut alteri inserviat.

SEXTUM DUBIUM. Utrum suscipiens periculum alicujus mercantiæ possit licite lucrum suscipere?

Respondeo, quod sic. Puta: est mercator, qui non vult se periculo totius exponere: facit pactum cum aliquo, quod suscipiat periculum, & tantum dabit ipsi pro centenario. Dico, quod talis licite suscipit. Nec obstat Cap. *Naviganti Extra De usuris*: quia non est idem casus; nam receptum ultra sortem, de quo dicitur in dicto Cap., mutuum directe concernit, in quo omnis superabundantia prohibetur Lucæ 6., & 14. q. 3. Cap. 2., & q. 4. Cap. *Si quis oblitus*, & Cap. seq. Sed hic non sic: quia non propter mutuum, quod ibi non est, sed propter factum, scilicet propter securitatem factam lucrum suscipit.

(7) Hoc idem fute probat S. Bernardinus ibidem cap. 3. scribens -- *Primo propter conditionem locationis: nam videtur esse contractus locationis; quia illi securatori licet accipere conductionem dictarum mercium usque ad talem locum suo periculo, & cum æqua mercede: & quidquid datur pro locato merces est, non usura. Sed objiciunt quidam dictum cap. Naviganti Extra De usuris, quia id cum hoc casu effectualiter idem esse videtur: videor enim, quod tibi mercanti prædictas mutuum merces, & pro eo, quod suscipio in me periculum, percipio aliquid ultra sortem; ex quo videtur, quod hic, sicut ibi, committitur usura. Ad hoc dicendum, quod prædictum cap. Naviganti loquitur in casu mutuum diverso, nam receptum ultra sortem, de quo dicitur ibi, mutuum directe concernit, in quo omnis superabundantia prohibetur, ut 14. q. 4. cap. Si quis oblitus, & cap. seq.; sed in casu isto non sic. Non enim propter mutuum, quod ibi non est, sed propter factum, idest propter securitatem, quam fecit de mercibus antedictis, recipit tale lucrum. Secundo: talis contractus licitus est propter cessationem sortis: non enim est contra primam, & secundam regulam: quia non est ibi mutuum, quum non sit ibi fors. Ergo non potest dici, quod asscurans lucrum recipiat ultra sortem Ad esse enim usuræ oportet intervenire sortem, & amplius ultra sortem, ut patet supra Serm. 33. art. 1. cap. 1., sicut*

sicut ad esse cujuslibet entis duo sunt necessaria, scilicet substantia & forma
 Extra DE SPONSALIBUS Cap. TUA NOS. Tercio: videtur esse licitus talis contractus propter experimentationem communis utilitatis, eo quod inde sequitur Reipublica commune bonum, & utilitas mercatorum. Multa enim mercationes fieri possunt, & fiunt, quæ cessarent, si non reperirentur sales assecurantes --. Brevius quidem, sed æque invictè, id probat Tabiena Usura duodecimo num. 1., ostendens contractum esse nedum locationis, sed etiam innominatum; do enim ut facias, & non do propter mutuum, quod ibi non reperitur.

De hoc contractu, qui dicitur assecurationis, estque ille, quo, pacto pretio, aliquis rei periculum suscipit, damnum sive in totum, sive in partem compensaturus, agit etiam Daniel Concina De justitia & jure lib. 3. dissert. 4. cap. 16. per totum; & ultro fatetur nedum utilem esse, & necessarium negotiationi, atque Reipublicæ, sed etiam ab omnibus adprobari tanquam licitum, dummodo concurrant nonnullæ conditiones, quæ sunt hæc. Prima, ut pretium sit justum juxta platearum consuetudines, & leges, quæ pro majori, aut minori periculorum quantitate, & qualitate pretium augent, aut minuunt. Secunda præscribit, ut vera sint pericula, quæ tum assecuratori, tum assecuratorio nota esse debent. Tertia requirit rem, quæ assecuratur, reipsa existere. Quarta postulat, ut assecurator in bonis habeat tantundem æquivalens merci, pro qua assecurationem præstat. Addunt alii quintam, nempe ut assecuratio libere a contrahentibus fiat, & non coacte. Hæc ille ibidem num. 5.

SEPTIMUM DUBIUM. Utrum ille, qui satisfacit, seu fidejubeat pro pecunia ab alio mutuo accepta, cum pacto quod habeat duos florenos pro centenariio fidejussionis: sit usurarius?

Respondeo, quod sic: quia est ibi mutuum.

(8) Fidejussio communiter definitur -- *aliena obligationis in se susceptio, qua quis se ad eam implendam obstringit, principali debitore deficiente --*, & eruitur ex L. Obligationes ff. De obligationibus, & actionibus §. 9., ubi scriptum est -- *Qui autem alieno nomine obligatur, fidejussor vocatur: & plerumque ab eo, quem proprio nomine obligamus, alios accipimus, qui eadem obligatione teneantur: dum curamus, ut, quod in obligationem deduximus, tutius nobis debeat.*

Author in hac parte secutus est S. Bernardinum, qui ita sensit loco proxime citato scribens -- *Talis quidem contractus duplici ratione illicitus esse videtur: primo, quia est ibi mutuum indirectum: secundo, quia ibi cessat periculum --*, quod utrumque S. Doctor probandum postea assumit,

ut videre potes apud eundem. Pro eadem opinione stetit S. Antoninus 2. part. Summ. Theolog. tit. 2. cap. 7. §. 45., quem sequitur Joannes Pontas ver. *Fidejussor casu 14.*, ipsius verba proferens, quæ sunt hujusmodi -- *Paria quidem videntur, mutuare ultra sortem, & certum quid recipere: & penes creditorem satis dare, & aliquid a debitore. recipere --*. Sed Author certe sententiam immutavit: quoniam in Angelica ver. *Fidejussor num. 20.*, proposito hoc eodem casu, nempe utrum fidejussor possit aliquid a debitore accipere sine usura, respondet -- *Quidam tenent quod non, quia esset usura. Ratio, quia videtur, quod fidejussio sit quoddam mutuum interpretatum. Sed ego credo, quod non sit usura aliquid accipere: dummodo neque fraus, neque dolus interveniat: puta quando convenit cum aliquo, ne credat debitori, nisi fidejubeat, ut sic lucrari possit: quia tunc non liceret. Alias sic: quia hoc non est mutuum verum, neque etiam interpretatum. Sed si ratione facti aliquid acciperet, bene esset injustitia, & contra charitatem, quando nullum periculum habet, vel laborem in fidejubendo. Sed quando aliquid accipit ratione periculi, cui se exponit, vel sorte laborum, & cæterorum, quæ faciliter incurrunt in salubus fidejussionibus, esset omnino licitum aliquid accipere, moderate tamen: & sic est contractus innominatus, non mutui --*. Postremum hoc Authoris judicium tanti fecit Tabiena, ut loco cit. num. 2., posthabitis quibusdam aliis judiciis, de eo scripserit -- *Et hoc satis videtur æquum --*. Immo & Recentiores ipsi pro hac eadem sententia pugnant; licitum enim esse hoc lucrum pro ratione quantitatis debiti, & periculi docent, probantque Gabriel Antoine De contractibus part. 2. cap. 10. q. 3., & Continuator Tournely De contractibus part. 2. cap. 9.: Et quia obligatio civilis solvendi debitum alterius est onus justitiæ pretio æstimabile, nec fidejussor tenetur eam gratis suscipere: & quia ibi mutuum virtuale non reperitur; nam fidejussio non consistit in traditione rei, sicuti mutuum, sed præcise in susceptione obligationis alienæ: & tandem quia fidejussor nihil exigit pro solvenda pecunia creditori in locum debitoris, quod esset usurarium, sed duntaxat pro eo quod obligationem hujus debiti solvendi in se suscipiat. Immo, quod pluris facio, Rota ipsa in suis Decisionibus huic judicio se conformat, teste Lucio Ferraris ver. *Fidejussio num. 46.*, & seq. scribente -- *Fidejussor potest pacisci, & de jure aliquid recipere in compensationem imminens periculi, quod subit in fidejubendo. Rota part. 2. decif. 69. num. 3., part. 3. decif. 139. num. 3., part. 13. decif. 121. num. 8., & seq., & decif. 139. num. 9., & seq.. Etiam si debitor existat idoneus, quia semper aliquid fidejussori imminet periculum. Rota part. 13. decif. 121. num. 15., & decif. 539. num. 16., & seq.. Regulariter de stylo mercatorum persolvuntur pro fidejussore duo in singula centenaria. Rota part. 13. decif. 121. num. 5., & 15., & decif. 539. num. 6., & seq..*

OCTAVUM DUBIUM. Utrum deponens pecuniam apud campforem, pro qua hic, quia negotiatur, dat deponenti decem pro centenario, licite hoc recipiat?

Respondeo secundum Baldum de Perusio, quod aut talis deposuit in specie; & tunc, quia illicite ulus est pecunia mea ei deposita, tenetur mihi omne lucrum restituere inde proveniens: quia ex re mea locupletior factus est. Arguitur L. *Qui sine usuris ff. De negotiis gestis*. Aut est usus licite, quia deposueram ad numerum; & tunc si dat ex liberalitate, sciens se minime teneri, & talis deponens non habuit animum scenerandi a principio, licite potest recipere, & retinere. Si vero dat ex quadam æquitate, quæ movet ipsum ad hoc; sic idem dicendum est; quia mera donatio est. Aut dat ex necessitate, credens se esse obligatum; tunc dicendum, ut dictum est in quarto dubio quinti verbi definitionis primi articuli hujus declarationis.

(9) *Depositum est*, ita exorditur L. 1. ff. *Depositum*, quod custodiendum alicui datum est. Dictum ex eo, quod ponitur; præpositio enim *DE* auget positum, ut ostendat totum fidei ejus commissum, quod ad custodiam rei pertinet --. Definitur iccirco a Theologis -- *Contractus*, quo aliquid alicui custodiendum traditur sine mercede, ut integrum restituatur --. Si depositarius utatur re deposita sine consensu domini expresso, vel tacito, reus est furti, Institut. *De obligationibus quæ ex delicto nascuntur* §. *Furtum* -- Itaque si creditor pignore, sive is, apud quem res deposita est, ea re utatur; sive is, qui rem utendam accepit, in alium usum eam transferat, quam ejus gratia ei data est, furtum committit --. Res postmodum deponi potest aut sigillata, & obsignata, aliove modo ostendente animum deponentis, quod nempe prorsus eadem servetur, & intacta: aut numerata duntaxat, vel mensurata, ut liquido constet quantum reddere debebit depositarius. Utrumque hunc modum complexus est Gabriel Antoine De contractibus part. 2. cap. 4. q. 2. num. 1. scribens in proposito casu de pecunia -- Porro, secundum multos, Domini consensus præsumitur circa usum pecuniæ depositæ, cum eam tradit, nec sacculo clauso, nec obsignato, nec alio indieto ostendit se utendi facultatem denegare; modo recipiens sit moraliter certus, se eam soluturum, ut primum exigatur --. Utrumque pariter respexit Author in casu; & iccirco primum

num usum dicit illicitum juxta textum expressum *L. Si sacculum ff. Depositi -- Si sacculum, vel argentum signatum deposuero, & is, penes quem depositum fuit, me invito contraxerit, & depositi, & furti actio mihi in eum competit --*; secundum vero licitum asserit: quia ex ipso modo deponendi arguitur deponentem obligare quidem depositarium ad tantundem, non vero ad idem prorsus restituendum.

Lucrum quod spectat ex usu depositi perceptum, vult Author cum Baldo totum esse domino, deponenti scilicet restituendum in primo casu, & id probari posset ex *L. Qui furtum ff. De conditione furtiva -- Qui furtum admittit, vel re commodata, vel deposita utendo, conditione quoque ex furtiva causa obstringitur --*. Ita sane in jure civili. Sed in foro conscientiae secus opinatus est Author ipse in Angelica ver. *Usura primo num. 55.* scribens -- *Sed ego non credo in conscientia, quod teneatur de necessitate --*. Ratio est, quia deponens nullum damnum ex hoc passus fuit, ut supponitur. Sancitum iccirco legimus cap. *Fraternitas 12. q. 2. -- Ad dis etiam quo augmento ea, quae furto de Ecclesiis abstulerunt, reddere debeant. Sed absit, ut Ecclesia cum augmento recipiat, quod de terrenis rebus videtur amittere, & lucra damnis quarat --*. In secundo autem casu depositarius dubio procul ad nil tenetur: & si aliquid deponenti largitur, deponens tuta conscientia conformare se potest doctrinae hic ab Authore traditae.

Animum tamen intende ad haec Authoris verba -- *Si.... talis deponens non habuit animum senerandi a principio --*: quoniam secus non esset proprie depositum, sed verum mutuum cum spe habendi ultra sortem sub pallio depositi. In praxi super hoc standum est confessioni poenitentis, ut ad rem S. Bernardinus Serm. 39. art. 1. cap. 3. -- *Dicunt quidam, quod aut ego deposui cum spe lucri, & tunc est usura: aut principaliter sine tali spe, & tunc secus est: & de hoc statur dicto meo quia haec questio de conscientia est.*

NONUM DUBIUM. Utrum mutuo dans Joanni centum usque ad decem annos hoc pacto, quod, si infra decennium alter ipsorum mortuus fuerit, debitor liberatus sit a debito ex mutuo: si vero supervixerint ambo, dabit ei, qui mutuum dedit, aliquid ultra sortem: sit usurarius?

Respondeo, quod sic: quia secundum Alexandrum Lombardum periculum non excusat, ubi causa temporis non proprii aliquid plus accipitur. Sed ubi non causa temporis, tunc ratio dubii, vel periculi excusare potest.

(10) Rationem assignat S. Bernardinus ibidem cap. 4. inquitens ex eodem Alexandro Lombardo -- *Nam talis contractus non tradit ad aequalitatem iustitiæ, quum hæc superabundantia nec ex labore, nec ex usu rei propriæ, nec recompensatione alterius rei reducat ad aequalitatem iustitiæ* -- . Rationem alteram profert idem Sanctus art. 1. ejusdem sermonis sub initio -- *Quia ibi semper præsumitur esse mutuum verum, seu interpretatum eum spe lucri propter intercurrentis tempus* -- . Alia via hoc ipsum probat Joannes Pontas ver. *Usura casu 21.* scribens -- *Enim vero nulla ratione defendi potest ejusmodi mutui genus esse gratuitum: quin potius potest omnino comparari cum illo mutuo, quod Paschasius alicui pauperi traderet, accedente pacto, quod, si prædictus pauper fieret intra quinque, aut sex annos diior, ei foret redditurus illius duplum, quod commodavisset. Quod pactum omnino usurarium est, ac penitus reprobandum. Cui sententia Sylvestre totus adhaeret.*

Scias tamen volo, Tabienam ver. *Usura 15. num. 10.* hunc eundem proponere casum, & exposita opinione Authoris nostri, & Rosellæ cum rationibus ab iisdem adductis, statim subdere -- *Possset tamen dici, quod, si ista ambæ partes velint se submittere fortune, & non sit melior conditio unius, quam alterius, pensatis periculis, & aliis, quæ circa istum contractum occurrunt, quod non sit usura: quamvis videatur citius ludus fortune, & sic non consulendus* -- . Prosequitur postmodum faciens satis argumentis in contrarium allatis, & concludens, quod in hoc casu, & in sequenti, quos ambos ipse una simul solvendos offert, non accipitur ali-quid ratione expectationis, sed ratione periculi, & quod tam capitale quam lucrum stant sub periculo usque ad terminum fortune -- . Et responsum hoc, meo saltem iudicio, non est contemnendum. Judicent igitur æqui rerum æstimatores, quid juris in casu, de quo agitur.

DECIMUM DUBIUM. Utrum Titius, qui dat Communitati septuaginta Ducatos, quia Communitas habet ex Statuto, quod quicumque, antequam habeat filiam, vel infra annum ipsius filiæ, dederit septuaginta, postquam filia venerit ad annum quintumdecimum, habeat quingentos ad tradendam ipsam nuptui, si supervixerit: si vero mortua fuerit, amittat illos septuaginta: sit usurarius?

Respondeo, quod sic: quia in mutuis veris vel interpretatis spe lucri principaliter factis dubium, seu periculum a scœnore non excusat Cap. *Naviganti*, & Cap. *In Civitate tua* Extra *De usuris*: & usura est quidquid sorti accedit

cedit Cap. *Plerique* 14. q. 3.. Est tamen sciendum, quod dubium, seu periculum tunc excusat a scœnore, quando apud lucrantem includitur dominium, aut periclitatur usus rei, cum qua lucratur. Et notanter dico primo *dominium*; quia ex re sua homo lucrari debet: secundo *usus rei*: quia mediate vel immediate ad lucrantem debet pertinere. Notandum insuper est, quod periculum non excusat a scœnore, quia nulla conditio, seu circumstantia aliquem actum ex natura vitiosum potest excusare, nisi ab eo rationem vitiositatis removere valeat. Patet hoc Exod. 12. in expoliatione Ægyptiorum; excusantur enim filii Israel propter præceptum Dei: & Osee 1. v. 2. -- *Vade, sume tibi uxorem fornicationum, & fac tibi filios fornicationum* --. Sic in proposito: si dubium, vel periculum excusare debet crimen usuræ, necesse est, quod habeat virtutem tollendi crimen usuræ veræ, vel interpretatæ. Sed in mutuis veris, vel interpretatis, si principaliter fuit spes lucri, usuræ vitium est annexum. Dubium ergo, vel periculum de sui natura a tali mutuo vitiositatem non tollit, ut patet in dicto Cap. *Naviganti*.

(11) Quum huiusmodi casus ejusdem sit indolis cum præcedenti, mutatis duntaxat personis, aliisque minimis diversitatibus essentialibus non inferentibus: nihil adjiciam nisi quod animadvertit Editor annotationum super Angelica ver. *Usura* primo num. 43.: scilicet quod hic contractus olim apud Florentinos erat in usu positus. Tene interim, quod, si licet Communitati, licet etiam privatæ personæ; & si huic non licet, nec Communitati licet: quia ubi eadem ratio, eadem causa, idem modus, ibi idem jus.

UNDECIMUM DUBIUM. Utrum, dum quis vendit possessionem tali conditione quod usque ad tot annos eam remere possit, si reddat pretium: emens possessionem faciat fructus suos absque usuræ vitio?

Respondeo secundum Raynerium, & Hugonem, quos citat Archidiaconus in Cap. *Plerique* 14. q. 3., quod si bona

bona fide, & absque fraude contractus fiat, licitus est, & talis emptio, vel venditio licet L. *Si fundum C. De pactis inter emptorem, & venditorem*, & L. *Quoricens ff. De in diem additione*. Si vero fit in fraudem, mortaliter peccat, nec ab usura excusatur. Præsumitur autem fieri in fraudem primo: si pretium sit modicum respectu valoris rei Cap. *Ad nostram Extra De emptione & venditione*. Idem tenet Hostiensis ibidem allegans L. *Quamvis §. Si cum essem ff. Ad senatusconsultum Vellejanum*, & Innocentius, & Joannes Andreæ in dicto Cap. *Ad nostram*. Secundo, si sit in pacto, quod restituatur aliquid plus, quam fuit pretium Cap. *Illo vos Extra De pignoribus*. Idem tenent Doctores in Cap. *Diocesi, De usuris*, ut notat Antonius de Butrio ibidem. Tertio, si emptor consuevit exercere usuras in dicto Cap. *Illo vos*, & Cap. *Ad nostram*. Idem tenent Hostiensis, & Baldus. Dicendum tamen secundum eisdem, quod, si venditio fiat tali pacto, quod, quandocumque reddetur pretium a venditore, vel ejus hærede, reddatur prædium, tunc contractus sit licitus, si fiat bona fide. Concordant Antonius de Butrio in Cap. *Conquestus Extra De usuris*, & Innocentius in dicto Cap. *Ad nostram*.

(12) Venditio cum pacto de retrovendendo, seu pactum retrovendendi, & redimendi, tripliciter potest contingere, in gratiam scilicet solius venditoris, in gratiam solius emptoris, & in favorem utriusque. In gratiam est solius venditoris, ut si ea conditione res vendatur, quod emptor teneatur eandem venditori revendere vel tempore quodam statuto, vel quandocumque venditori placuerit. In gratiam est solius emptoris, si venditor teneatur rem suam redimere, & recipere statim atque placebit emptori. In favorem demum est utriusque, quando utrique relinquatur libera facultas resiliendi a contractu. Conveniunt omnes venditionem cum pacto de retrovendendo esse licitam, si cedat in favorem solius venditoris, textibus expressis in Scriptura, & in jure tum Civili tum Canonico. En Scripturam Levitici 25. v. 24. -- *Cuncta regio possessionis vestra sub redemptionis conditione vendetur* --, & v. 29. -- *Qui vendi-*

dideris domum intra Urbis muros, habebis licentiam redimendi, donec unus impleatur annus --. En Jus Civile L. Si fundum C. De pactis inter emptorem & venditorem --. Si fundum parentes tui ea lege vendiderunt, ut siue ipsi, siue heredes eorum emptori pretium quancumque, vel intra certa tempora obtulissent, restitueretur: seque parato satisfacere conditioni dictæ, hæres emptoris non pares, ut contractus fides servetur, actio præscriptis verbis, vel ex vendito tibi dabitur --. Jus Canonicum quod respicit, habemus utrumque Cap. Regimini in Extravag. comm. De emptione, & venditione, quorum primum est Martini V., alterum Calixti III., in quibus ambobus approbantur tanquam liciti, & juri communi conformes census redimibiles, cum facultate scilicet eos redimendi in gratiam venditorum. Jure igitur S. Raymundus lib. 2. tit. 7. De usuris part. 6. huic quæsito -- Si vendidi tali conditione adjecta, ut quancumque solvatur pretium a me, vel herede meo, rehabeam pradium ego, vel hæres meus, quancumque a septennio usque ad novennium, vel simile; nunquid est usurarius contractus? --, negative respondet inquit -- Ad hoc dico, quod non est mutuum, & emptor facit fructus suos sine periculo usura, licet venditor juxta venditionis formam postea recuperet pradium --. Secus tamen constituunt, si memoratum pactum cedat in favorem solius emptoris; in praxi enim hic contractus vix, aut ne vix quidem est ab usura liber: quia in re nihil aliud est, quam mille nummos verbi gratia mutuo dare pro vinea empta, & hujus fructus ad beneplacitum percipere tanquam pretium pecuniæ datæ, ut deinde, quando libuerit mutuatori, vinea restitatur: quia in praxi sic contrahens non habet sinceram intentionem emendi, sed solum intendit dare pecuniam præsentem ea lege, ut totam postea recipiat cum lucro, quando sibi videbitur. Dixi in praxi: quoniam non inficior contingere posse, quod res vere ematur, quod res sic empta pereat, & pereat emptori, quin huic competat actio ad rehabendum quod solvit. Sed conditio unice favens emptori contractum reddit vehementissime suspectum. Non adeo proximus scœnori contractus est, quando pactum cedit in favorem utriusque; sed & ipse in praxi non vacat periculis, & nemini est consulendus. Vix in hoc contractu servatur æqualitas: quandoquidem, ut observat Cuniliati De contractibus cap. 8. §. 9. num. 2., longe difficilius est venditori invenire pecuniam erogandam emptori pro libito illam petenti, quam ipsi emptori post perceptos fructus rem revendere primo venditori.

Hic præhabitis quisque videt hanc Authoris doctrinam a Theologia omnibus tum veteribus, tum recentioribus communi consensione firmari: quum sermo hic sit de retrovenditione in favorem solius venditoris. Duo tamen hic adjicienda sunt. Primum, quod in prima venditione res debet minus vendi, quam valeat secundum se: quia gravatur onere retrovenditionis in gratiam solius venditoris, quod est pretio æstimabile.

Quan-

Quantum autem minui debeat de pretio alioqui iusto propter hoc onus emptori impositum, aliqui hoc extendunt usque ad tertiam partem. Sed verius asserunt alii nullam super hoc certam regulam generalem posse præscribi; minus enim minuendum erit si facultas redimendi sit ad breve tempus, aliquid plus, si ad tempus longius, & plus etiam, si ipsa sit perpetua. Relinquendum igitur hoc est arbitrio prudentum, & peritorum, qui, perpenſis omnibus circumſtantiis, tantum detrahant de iusto pretio, quantum reputabunt gravamen adiectum. Secundum, quod res non revendatur quanti primo fuit vendita, aut saltem hoc non transeat in pactum; iustum enim ipsius pretium tunc est, quanti tunc æstimabitur a peritis. Ratio est evidens: quia tempore primæ venditionis res erat gravata onere retrovenditionis pretio æstimabili, & quando retrovenditur, nullum onus emptori imponitur, res immo ab omni est onere libera. Non defunt qui secus opinantur; sed eorum opinio non videtur huic præferenda, quæ magis est æquitati consentanea. Si & prima & secunda veræ sunt, & reales venditiones, ut supponitur, quia secus jam fieret in fraudem, res vendi debet quanti valet tempore venditionis. Si igitur in prima venditione res minoris valet propter onus adiectum, pluri in secunda propter idem onus omnino sublato, retrovendetur non quanti fuit emptæ, sed quanti iudicio prudentum valebit tempore retrovenditionis. Dixi -- *Aut saltem hoc non transeat in pactum* --; non enim prohibetur emptori, si velit, eam libere dare pro minori pretio, pro eo nempe, quo eandem emerat, quomodo possit ipsam concedere omnino gratis, & sine pretio. Naturam contractus unice respexi, non gratuitam donationem, quæ non a lege, sed a libera duntaxat hominum voluntate pendet -- *Cum quilibet ad renunciandum juri suo liberam habeat facultatem* -- Cap. *Ex conscientia* Extra *De crimine falsi*.

Contra hujus conclusionis veritatem objicitur locus petitus ex Levit. cap. 25. v. 26., & 27. -- *Sin autem [ait Dominus] non habueris proximum [venditor], & ipse pretium ad redimendum potuerit invenire; computabuntur fructus ex eo tempore, quo vendidit, & quod reliquum est, reddet emptori, sicque recipiet possessionem suam* --. Ex quo loco inferunt nonnulli, contractum venditionis cum pacto de retrovendendo nihil prohibere, quominus fructus ex fundo per eum contractum vendito profecti computari debeant in sortem, siquidem id divina lege sancitur.

Hæc obiectio passim solvitur a Theologis agentibus, hisce verbis contineri legem judicalem, quæ quidem cum cæteris abrogata est per Christum, ideoque nec obligare in foro conscientiæ, nec etiam in iudicio, nisi eorum, quorum est promulgare leges, auctoritate denuo promulgata fuerit. Ita passim loquuntur graves Theologi, Alexander Alensis 2. part. q. 52. membr. 1., S. Thomas 1. 2. q. 104. art. 3., & 2. 2. q. 87. art. 1. in Corpore, ubi sic loquitur -- *Judicialia præcepta etsi non obli-*

obligent tempore gratia, tamen possunt observari absque peccato, & ad eorum observantiam aliqui obligantur, si statuantur auctoritate eorum, quorum est condere legem --. Hæc ibi. Ita docet S. Bonaventura in 4. dist. 3. art. 3. q. 2. Ita Gabriel in 3. dist. 37. q. 1. art. 2., Angelus in ver. *Decima*, & alii, quibus etiam adstipulantur Jurisperiti, ut Decius in cap. *Consuluit*, & alii, & in primis Tyraquellus lib. 1. *De utroque tract.* in præf. num. 9. -- Hactenus Merbesius super septima Decisione Concilii Mediolan. primi quæstiuncula 9. conclus. 2.

DUODECIMUM DUBIUM. Utrum emens prædicto modo, ut dictum est quæstione præcedenti, qui non vult, quod ante quinquennium (puta si ad decem annos debet redimere) instrumentum revenditionis fiat: sit usurarius?

Respondeo secundum Hostiensem, quod eo ipso detegitur fraus, ut ipse notat, & post ipsum Joannes Andreæ in Cap. *Ad nostram Extra De emptione, & venditione* in Novella: & sic videtur, quod sit usura. Archidiacono tamen videtur, quod, si bona fide hoc fit, & non in fraudem, tunc liceat. Puta: ager est macer quando emitur: emens vult ipsum optime impinguare: pinguedo non consumitur nisi in quinquennio. Si ille dicat, nolo quod ante quinquennium reemas, non erit usura, nisi fiat in fraudem. Et Hostiensis, & Joannes Andreæ intelligunt, quando fit in fraudem. Ratio autem, quare non est usurarius talis contractus, est: quia hic non habetur mutuum nec verum, nec interpretatum; & ideo nec usura: cum sit venditio vera.

(13) Opinio hæc Archidiaconi satis æqua videtur: quoniam emptor ita operatur non in fraudem usurarum, sed ut se servet indemnem. Jure igitur Tabiena ver. *Usura* 16. num. 2. adnotat, accedente justa causa, id esse licitum, etsi onus videatur, & reipsa sit venditori impositum. Adjicit Author in Angelica ver. *Usura* primo num. 67. *Nisi sibi alio modo velit satisfacere de expensa --.* Et quidem jure optimo: nam, si venditor se obligaret ad servandum emptorem indemnem ab extraordinariis expensis, de quibus in casu, non posset tunc amplius emptor citra usuram onerare venditorem Lege non rehabendi ante quinquennium.

Si

Si adversus hanc opinionem quis objiciat caput *Ad nostram Extra de emptione & venditione*, in quo declaratur usurarius qui ab altero receperat domos, & olivas titulo emptionis cum pacto in instrumento venditionis adjecto, quod, quodcumque a septennio usque ad novennium debitor solveret creditori, creditor domos & olivas debitori restitueret.

Respondco, Innocentium III. ita sanxisse non propter conditionem in argumento memoratam, sed propter pretium minus iusto, quum ibi legatur -- *Quadráginta uncias sarenorum, quæ vix dimidium iusti pretii contingebant* --. Ex quo infert Pontifex, ibi intervenisse fraudem & dolum: infert Glossa ibidem, veram non fuisse venditionem, sed simulatam -- *Et concessio simulata præsumitur propter modicum pretium* --. Cæterum hinc sublati eadem Glossa contractum licitum esse declarat inquitens -- *Si autem non ageretur in fraudem, secus esset, & haberet emptor fructus, licet venditio rescinderetur*.

Eodem modo respondet Merbélius super septima Decisione Concilii Mediol. primi quæstiuncula 9. conclus. 6. inquitens -- Sed, si spectentur accurate verba Innocentii Papæ III., apparebit instrumentum, de quo agitur, fuisse confectum in usurarum fraudem, & damnatum non præcise propter temporis determinationem, quæ si sola esset, insontem redderet contractum (hanc enim determinationem temporis ab ipso Deo Levitici cap. 25. ad redimendas domos constitutam esse legimus,) sed propter modicitatem pretii, ut pote quod ad iusti pretii medietatem non pertingeret. Quia igitur toto tempore inter septennium & novennium intercurrente, iusto domorum & olivarum suarum pretio debitor malo creditoris dolo caruit, ideo fraudulentus creditor ab Summo Pontifice ad restitutionem donorum & olivarum obligatus est: eo quod non venditionis, sed pignoris contractum improbe & callide iniisse præsumere-
tur --. Hæc ille.

Si cui forte videatur oppositum constituisse Concilium Mediolanense primum in medium productum a Natali Alexandro lib. 3. art. 5. Regula 12. dum decrevit -- *Ne fiant contractus, qui libellarii, seu ficti libellarii dicuntur, ubi non antecedit emptio rerum rei immobilis pretio iusto; vel ubi venditor redimere cogatur: vel ubi non possit redimere nisi post certum tempus* --: Audiat is Merbélium ibidem conclus. 7. mentem Concilii exponentem -- Tertium contractum (in quo scilicet venditor non possit redimere nisi post certum tempus) damnat idem Concilium. Et revera damnabilis est, & usurarius contractus, in quo apponitur venditorem non posse redimere nisi post certum tempus, si ex illa temporis determinatione venditor detrimentum notabile capiat, vel si ista temporis determinatio apponatur in fraudem usurarum. Alioquin, si fiat bona fide, est innoxia, ut supra probavimus. Verum huiusmodi temporis determinatio in fraudem usurarum facta præsumitur, si emptor solitus

tus sit foenerari: nam qui semel est malus, præsумitur esse dehinc malus in eodem genere mali L. *Si cui* §. *Isdem criminibus* ff. *De accusationibus*, & *qui semel* De Regulis juris in Sexto --. Haftenus Merbæsius.

TERTIUM DECIMUM DUBIUM. Utrum vendens vinum, frumentum, & hujusmodi pro pretio, quod currit, cum hoc pacto, quod, si plus usque ad Pascha valuerit, vult illud plus: si vero minus, non vult minuere: sit usurarius?

Respondeo, quod sic L. penultima C. *De solutionibus*, & L. *Qui bona* §. *Si quis* ff. *De damno infecto*. Et hoc idem notant Archidiaconus 14. q. 4. §. 1., & Hostiensis in summa tit. *De usuris*. Facit L. *Si non fuerint* §. *Aristo refert* ff. *Pro socio*.

(14) Aut venditor, de quo in casu, decreverat servare merces usque ad Pascha, aut non ita decreverat, sed paratus erat eas vendere pro runc. Si non ita decreverat, tenetur eas vendere secundum justum pretium illius temporis, & non amplius, quamvis eas vendat pecunia credita, sicuti sancitum legimus in cap. *Consuluit* Extra *De usuris*: ubi Urbanus III. usurarium dixit negotiatorem -- *qui merces suas longe majori pretio distrabit, si ad solutionem faciendam prolixioris temporis dilatio prorogetur, quam si ei incontinenti pretium persolvatur* --. Injustitia igitur manifesta erit ultra pretium nunc justum, commune, & consuetum exigere aliquid amplius, si merces pluris valebunt tempore Paschatis; immo verum propriumque furtum, quum ad illud incrementum venditor nullum habeat titulum ne quidem adparentem. Si autem ita merces suas usque ad illud tempus servare ipsa decreverat, adhuc in casu manifestæ injustitiæ reus est venditor: quia in hoc contractu non servaretur æqualitas, nec æquale esset utriusque contrahentis periculum. Licet utique vendenti ante tempus, quo vendere statuerat, convenire cum emptore, ut sibi solvatur pretium sive majus, sive minus quod merces valebunt eo tempore, quo vendere decreverat, deductis expensis necessariis in conservatione ipsarum, earumque imminutione &c., ut Doctores communiter. At ponere se in tuto pro majori lucro, & nolle participem esse decrementi, si minoris valebunt; negotiationem non redolet, sed avaritiam, injustitiam, turpe lucrum, furtum, & oppressionem pauperum. Et quod de consimili societate dicit Lex ultimo ab Authore producta -- *Aristo refert Cassium respondisse societatem talem coiri non posse, ut alter lucrum tantum, alter damnum sentiret: & hanc societatem leoninam solum appellare. Et nos consensimus talem societatem nullam esse, ut alter lucrum sentiret, alter vero nullum lucrum, sed damnum sentiret; ini-*

iniquissimum enim genus societatis est, ex qua quis damnum, non etiam lucrum spectet --: dicam ego de hac venditione. Iniquissimum genus venditionis hoc est, in quo venditor pro se vult unice lucrum, & emptorem non lucri, sed solius damni facit esse participem, immo totum damnum, si quod erit, subire cogitur emptor: quum in omnibus quidem, maxime tamen in jure equitas spectanda sit, uti sancitur Regula 99. ff. De diversis regulis Juris antiqui.

Brevibus proposito casui respondet Aftesanus lib. 3. tit. 11. de quarto -- Respondet Hostiensis, quod est usurarius, quum claudicat in pretio. Arguitur. C. DE SOLUTIONIBUS L. penultima --, quæ est hujusmodi -- Cum pro pecunia, quam mutuo acceperas, secundum placitum Evandro te fundum dedisse profitearis: ejus industriam, vel eventum meliorem tibi, non ipsi prodesse, contrarium non postulaturus, si minoris distraxisset, non jussu petis.

Cave tamen, ne statim credas venditoribus disitantis, se voluisse, aut velle merces suas servare usque ad hoc, vel ad illud futurum tempus: quia, ut scite animadvertit Author in Angelica ver. Usura primo num. 34., tales magis sunt contenti ita expedire, quam periculo suo usque ad aliud tempus servare. Et etiam ut plurimum sunt incerti, si erant servaturi usque ad illud tempus: cum videamus propter quadam emergentia propositum sapienter mutare --. Diligenter igitur examinandi sunt, & conculcandi, quia fraus & dolus cuiquam patrocinari non debent, ut in Cap. Ad nostram Extra De emptione & venditione.

QUARTUMDECIMUM DUBIUM. Utrum emens prædium cum pacto de retrovendendo, ut dictum est in præcedenti dubio undecimo, qui interim ipsum prædium locat venditori pro certo affectu: sit usurarius?

Respondeo, quod non: nam licitum est emere & vendere cum pacto de redimendo ad certum tempus L. 2. C. De pactis inter emptorem & venditorem, ut ibi ostensum est. Sed præsumitur in fraudem fieri ex septem capitibus. Tria jam ibi exposui; & iccirco.

(15) Intellige semper, si contractus bona fide, & sine fraude fiat, quemadmodum Author semel iterumque supra monuit dubio undecimo, & repetit in Angelica hunc eundem casum edisserens ver. Usura primo num. 68.. Idem tenuit Tabiena ver. Usura 16. num. 2. inquit -- Ille contractus, si assumit conditiones, scilicet intensionem emendi & vendendi, justum pretium, justum fictum, & conditiones ementis, scilicet quod subijcet periculo, est licitus contractus.

Suspectus tamen vehementer fuit Joanni Pontas, qui propterea ver. *Usura* casu 5. scripsit -- *Quæ in ejusmodi contractibus occurrunt peculiæ circumstantiæ evidentissime demonstrant, eos non esse veros, ac propriè dictos venditionis contractus, sed tantummodo mutui quandam speciem, quod tegitur, ac quasi simulatione quadam, nomineque venditionis involvitur: adroque eosdem esse prorsus usurarios* --. De hoc certe & Author noster valde dubitavit; & ideo tot tantasque condiciones postulat, quæ fere nunquam in praxi omnes reperiuntur.

Tertia ex his, quas memoravit dubio undecimo, erat -- *Si emptor consuevit exercere usuras* --. Et hæc ea ipsa est, ob quam Innocentius III. cap. *Illo vos Extra De pignoribus* censuit usurarium contractum, de quo in illa Decretali, quam sic absolvit -- *Contra ipsum emptorem præsumitur vehementer, præsertim cum usuras consueverit exercere* --. Jure quapropter adjicit Glossa ibidem -- *Ex qualitate personæ præsumitur talis contractus in fraudem usurarum factus* --: quia uti docemur Regula 8. *De regulis juris in Sexto* -- *Semel malus, semper præsumitur esse malus* --. Intellige in eodem genere mali. Potiori igitur jure, si sermo sit de viro usuris assuetus, ut in casu.

De hoc eodem casu fuse agit Benedictus XIV. De Synodo Diœces. lib. 10. cap. 8. nuni. 3. & seq., & postquam asseruit licitum fuisse declaratum a Rota Bononienli, & ab Ansaldo, nonnullas enumerat condiciones, a quibus debet esse immunis, ne sit usurarius. Ipsum ergo consule, & attente legito.

Quarto, si in loco, ubi agitur, consuevit hujusmodi fraus in Contractu fieri: Nam præsumitur actum quod est consuetum L. *Quod si nolit §. Quia assidua ff. De ædilitio edicto*, & L. *Si prius §. Recte ff. De aqua & aquæ pluvix arcendæ*.

(16) En quod pro re nostra habetur in duabus legibus ab Authore productis -- *Ea enim, quæ sunt moris, & consuetudinis, in bonæ fidei judiciis debent venire* --. Hæc in §. *Quia assidua* -- *Illa autem, quæ fere in consuetudine esse solent, ut per fistulas aqua ducatur, etiamsi nihil sit comprehensum in servitute constituenda, fieri possunt* --: hæc in §. *Recte*.

Ne credas Authorem ita loqui quasi de re, quæ penes aliquas nationes & urbes possit quidem in more poni, nullibi autem unquam fuerit re ipsa in more posita. Consule Joannem Pontas Casu proxime laudato, & intelliges, quod hi contractus familiares erant, & consueti etiam ætate sua apud Turonenses, Andegavenses, & Cenomaneuses: qui omnes, ipso scribente, se abstinebant a mutuis evidentiter scœneratiis, quia apud ipsos hypothecæ horum contractuum tum inter præsentes, tum inter

absen-

abfentes lapfu quinquennii confuetudine regionis præfcribebantur : & ad hoc incommodum declinandum adamabant, & exercebant hunc contractum ab Authore expositum. Intelliges pariter rem illic fuiſſe notoriam, & manifeſtam, viros illos ita contrahere conſueviſſe ad velandum mutuum uſurarium. Hi ergo contractus communiter fiebant in fraudem, & ſub pallio venditionis, & locationis vera deliteſcebat uſura. Jure itaque docet Author, quod, ſi hujusmodi contractus fiant in talibus locis, cenſentur facti more patrio, & in fraudem uſurarum.

Quinto, ſi ex pacto commodum, vel incommodum rei venditæ, excepto conſtituto affictu, pertineat ad venditorem, qui in caſu eſt etiam conductor ejuſdem rei: nam hoc eſt contra naturam emptionis, quum de re emptæ commodum vel incommodum ſtatim debeat pertinere ad ipſum emptorem *L. Illud ff. De periculo & commo rei venditæ.*

(17) Nemini dubium, quod, peracta venditione, rei commodum & incommodum pertinet ad emptorem, textu aperto *L. Poſt perfectam C. De periculo & commo rei venditæ -- Poſt perfectam venditionem omne commodum & incommodum, quod rei venditæ contingit, ad emptorem pertinet --*. Huc etiam conſert, quod habet Juſtinianus Inſtitut. *De emptione, & venditione §. Quum autem -- Quum autem emptio & venditio contracta ſit [quod effci diximus ſimul atque de pretio conveneris, cum ſine ſcriptura res agitur] periculum rei venditæ ſtatim ad emptorem pertinet --*. In hoc enim venditio differt a locatione, quod in prima dominium & periculum tranſit ad emptorem, non autem tranſit ad conductorem in ſecunda. Inverteretur igitur natura contractus, ſi venditio fieret hac lege, quod periculum remaneret apud venditorem; & iccirco jure præſumeretur factus in fraudem.

Sexto, ſi ipſe conductor, vel venditor non poſſit ſe, quando voluerit, ab hujusmodi affictus obligatione liberare, vel ſi cogatur conducere: quum in effectu talis contractus ſit quædam emptio redditus de novo conſtituti, ad quam ipſemet conſtituens, & vendens, obligatur: quod eſt penitus illicitum, ut patet in *Cap. In Civitate Extra De uſuris*. Concordat Antonius de Butrio ibidem.

(18) Statim atque cogitur venditor, ut fiat rei venditæ conductor, planum ſit, quod emptor non vult contrahere, niſi ſit certus de lucro.

Emptio igitur illa esset verum mutuum sub pallio emptionis. Injustitiæ pariter reus esset emptor, si, imponendo venditori hanc obligationem, non solveret ipsi nisi iustum pretium; obligatio enim hæc est pretio æstimabilis, & venditor recipiendo duntaxat iustum pretium rei, & insuper hanc obligationem, esset gravatus, nec in contractu servaretur æqualitas.

Sed contra. Innocentius ibidem non dicit, quod sit illicitum, sed dicit consulendum esse omnibus Fidelibus, ut ab huiusmodi contractibus se abstineant, scilicet quod non emant redditum constitutum propter hoc, vel actionem de novo.

Ad quod dicendum, quod, licet simpliciter emere redditus constitutos de novo nec condemnet, nec laudet, tamen dicit quod est penitus illicitum, quod idem ipse, qui dicitur emptor, constituat in se redditum ad actionem, in qua se obligat ad plus dandum in pecunia, vel specie, quam accepit. Et notat quod hic vocat emptorem illum, qui in secundo contractu resolutivo emit, quique in primo fuit venditor, ut patet per Antonium de Butrio ubi supra.

(19) Quoad redditus de novo constitutos, vide quæ adnotavi super primo dubio tertii Articuli primæ Considerationis. Quamvis postmodum quisque sit sui ipsius dominus, possit quoque rem suam vendere, venditam conducere, aut in emphytheusim accipere: nihilo tamen secius quum hæc infimul sunt, suspicandum vehementer est, quod venditor non libere, sed indigentia pressus hoc agat, non inveniens gratuitum mutuatorem, & quod id sciens emptor indigentem venditorem cogat ad sic operandum. Merito igitur Author arbitratur huiusmodi redditum de novo constitutum in hisce circumstantiis non esse licitum.

Quamvis autem nulla ibi sit usurarum fraus, tamen tale pactum, quo venditor cogitur conducere, continet inæqualitatem, si emptio facta est æquivalenti pretio ipsius rei: quum rem habeat pro pretio, & insuper hanc obligationem, quæ vindicat partem pretii ultra pretium constitutum *L. Fundi partem ff. De contrahenda emptione*. Et ideo emptor in hoc gravat venditorem ultra licitum, emen-

emendo minori pretio dicta obligatione computata, & sic ad restitutionem tenetur.

(20) Non ideo scribit Author -- *Quamvis autem nulla ibi sit usurarum fraus* --, quasi opinetur semel posita conditione proxime præcedenti contractum non esse usurarium; sed sensus horum verborum est -- *Etiamsi dato quod nulla ibi sit usurarum fraus, tamen tale pactum &c.* -- : quia reipsa, si emptor in ipso contractu cogit venditorem ad conducendam rem venditam, emptio vera non est, & realis, sed ficta, sed simulata, & verum mutuum sub pallio emptionis.

Septimo, si propria prædia vendat ad hujusmodi contractus faciendos: quia non est verisimile, quod intendat emere aliena, qui propria non inutiliora vendit, cum sint hæc contraria, & nemo præsumatur velle ex incontinenti contraria agere L. *Non ad ea ff. De conditionibus, & demonstrationibus.*

(21) Crescit præsumptio, si semel consideres hunc emptorem vendere propria, & emere aliena non meliora: non jam ut hæc retineat juxta morem ementium, qui emptione secuta periculum fructuum in se recipiunt, sed ut in contractu ipso ea statim locet ipsimet venditori. Si hic emptor locare decrevit animo sincero & recto, cur non locat propria? Sed hæc vendere, hæc distrahere ad emendum aliena, & statim locanda, & locanda in ipso emptionis contractu, & locanda ipsimet venditori; hoc certe animum indicat non rectum, non sincerum, non perfecte catholicum, sed lucris inhiantem, occasione sumpta ex indigentia venditoris. Mutuum igitur, repetam, mutuum hoc esset sub pallio emptionis.

QUINTUMDECIMUM DUBIUM. Utrum emens tempore messium ac vindemiarum frumentum, & vinum pro pretio, quod tunc valet, ut tot mensuræ sibi dentur tempore paschali, sit usurarius?

Respondeo secundum Hostiensem in Summa, & Joannem Andreæ in Cap. *Naviganti*, & Cap. final. Extra *De usuris*, & Glossam ibidem, quod sic, 14. q. 3. Cap. *Usura*. Nec obstat, quod aliquando sint viliora, vel non cariora; quia ad ea; quæ raro eveniunt; non aptantur jura L. *Nam ad ea, ff. De legibus*, & 4. dist. Cap. *Erit autem*:

& communis opinio, communis cursus est, quod illo tempore sint cariora, quæ opinio, seu cursus æstimandus est Cap. *Certificari Extra De sepulturis*, & L. 1. §. 1. ff. *De fluminibus*. Et talis inducendus est, ut restituat in foro conscientiæ Cap. *Consuluit*, & Cap. *In Civitate Extra De usuris*.

(22) In hoc casu dubio procul contractus est usurarius: quoniam certissimum est, quod L. *Nam ad ea* sancitum legimus -- *Nam ad ea potius debet aptari jus, quæ & frequenter, & facile, quam quæ perraro eveniunt* --: & in Paschate merces, de quibus in præsentî, fere semper cariores sunt, quam tempore messium & vindemiarum. Merito iccirco scribit Asteſanus lib. 3. tit. 11. de quarto, nonnullos enumerans casus, in quibus quis excusatur ab usura -- Quarto ratione dubii, ut si quis dat decem solidos circa Pascha, ut in Autumno totidem sibi grani, vini, vel olei mensuræ reddantur, quæ, licet tempore contractus valeant plusquam decem solidos, tamen verisimiliter dubitatur, utrum plus vel minus quam decem solidos sint valituræ tempore solutionis. Si vero daret in Autumno decem solidos, quando talia solent esse parvi pretii, ut ad Pascha totidem mensuræ talium sibi redderentur, quando hujusmodi secundum consuetudinis usum solent esse cariora, esset usura: quia non verisimiliter dubitatur, sed probabiliter creditur, quod plus valebunt tempore solutionis, quam valeant tempore contractus --. Hæc ille. Et quidem jure & merito: quoniam re diligenter inspecta ob solam pretii anticipationem emptor constituitur melioris conditionis, quam venditor: hunc injuste gravat, cogens eundem ad rem conservandam propriis expensis, eamque tradendam pro minori pretio, quam valebit tempore exhibitionis. Alexander III. Cap. *In Civitate Extra De usuris* eos duntaxat hujus generis contractus ab usura excusat, in quibus dubium est, an merces pluris sint valituræ, nec ne -- *Nisi dubium sit merces illas plus minusve solutionis tempore valituras* --. Si igitur in præsentî res aliter se habet, emptor ab usura non poterit excusari.

SEXTUMDECIMUM DUBIUM. Utrum emere frumentum, vinum, & hujusmodi tempore, quo colligitur, ut carius postea vendatur, sit usura?

Respondeo, quod non; immo licet, si propter unum istorum quatuor fiat. Primo, propter commune bonum, ut fecit Joseph, scilicet ut de proprio provideat tetræ suæ tempore famis; & hoc est meritorium. Secundo, propter pro-

provisionem suam, & suorum: sicut si quis tunc emeret, timens, ne postea deberet carius emere pro se & suis, & postea quia non indiget tanto, vendit illud plus sicut communiter venditur in foro: & hoc licet. Tertio, propter pietatem, ut sic de lucro provideat pauperibus: dummodo hoc ita moderate faciat, quod per caritatem non lædatur Communitas. Quarto, propter exercendam justam commutationem per modum mercantiæ: non ut intendat caritatem inducere, sed potius suam artem, seu negotiationem exercere, quod potissimum locum habet, quando propria negotiatio ipsius est, ut pro opere suo lucrum recipiat. Si vero propter avaritiam, scilicet ut carius vendat nulla aliqua necessitate pensata, vel utilitate: aut ut caritatem inducat, & ita congreget, quod homines cogantur emere ab eo, & ipse possit ad libitum vendere: sic penitus illicitum est, & enormiter peccat. Hæc sumpta sunt ex dictis Raynerii, Innocentii, & Hostiensis: & prædictis concordant Canonistæ, & Petrus de Ancharano in Cap. 1. *De usuris* lib. 6., qui Caput *Quicumque* 14. q. 4. solum intelligit de illis, qui non propter avaritiam aliquod prædictorum quatuor, sed propter avaritiam emunt.

(23) Si hujusmodi res de summa inspiciatur facie, concludendum statim erit contra hujus indolis negotiatores tanquam usurarios, & Reipublicæ perniciosos: non quidem quia Cap. *Ejiciens* 88. dist. scriptum est -- *Nullus Christianus debet esse mercator, aut, si voluerit esse, projiciatur de Ecclesia* --, quum in annotatione super dubio secundo primi Articuli primæ Considerationis cum S. Bernardino dixerim Authorem Operis imperfecti, ex quo caput illud fuit depromptum, & quod sub nomine Chrysostomi circumfertur, per exaggerationem ibidem esse locutum: quum insuper phrasis illa, aliæque similes, quæ in eodem Cap. reperiuntur, intelligi possint cum S. Thoma 2. 2. q. 77. art. 4. ad 1. -- *De negotiatione secundum quod ultimum finem in lucro constituit* --: sed præsertim quia Julius summus Pontifex ita sancivit textu expresso Cap. *Quicumque* 14. q. 4. -- *Quicumque tempore messis vel vindemia non necessitate, sed propter cupiditatem comparat annonam, vel vinum, veli gratia de duobus denariis comparat modium unum, & servat usque dum vendatur dena-*

denarii quatuor, aut sex, aut amplius, hoc turpe lucrum dicimus. Super quo Capite scribit Glossa -- *Quasitum est a Julio Papa, utrum hoc sit turpe lucrum? Respondet, quod sic, & dicit Hugo, quod hoc caput loquitur generaliter tam de Clerico, quam de laico* --. Casum hunc in terminis proponit Daniel Concina lib. 3. De iustitia & jure dissert. 2. cap. 3. num. 16., & nulla prorsus adhibita distinctione generatim respondet, hujusmodi negotiationem vetitam esse jure tum naturali, tum positivo: naturali quidem, quia pauperibus & Reipublicæ perniciofa: positivo vero propter memoratum Caput *QUICUMQUE*. Generatim pariter ita sanxerunt illi, de quibus S. Bernardinus Serm. 33. art. 1. cap. 2. inquires -- *Proinde secundum Fratrem Alvarum in lib. De planctu Ecclesiæ vendere carius, quam ematur, cupiditatis causa est peccatum, & turpe lucrum, 14. q. 4. QUICUMQUE: ideo tale lucrum est pauperibus dispensandum. Es iterum turpe lucrum a Doctoribus reputatur sine necessitate emere res tempore, quo minus valent, & servare ad tempus carioris fori, ut tunc vendantur; & ad hoc facit Caput prædictum QUICUMQUE, ubi de hoc textus expresse habet.*

Dubio procul negotiatio per se prohibita non est, nec mala, immo licita textu expresso Cap. Fornicari eadem dist. 88. -- *Fornicari, omnibus semper non licet: negotiari vero aliquando licet, aliquando non licet. Antequam enim Ecclesiasticus quis sit, licet ei negotiari: facto jam, non licet* --: Cui concinit D. Augustinus Enarratione in Psalm. 70. Concione prima scribens -- *Unum tamen scio, quia, si malus fuero, non negotiatio me facit, sed iniquitas mea* --. Licita insuper negotiatio est ob finem lucri moderati, ut egregie S. Thomas 2. 2. q. 77. in probatione conclusionis -- *Et ideo negotiatio secundum se considerata quandam turpitudinem habet in quantum non importat de sui ratione finem honestum, vel necessarium. Lucrum tamen, quod est negotiationis finis, etsi in sui ratione non importet aliquid honestum, vel necessarium, nihil tamen importat in sui ratione vitiosum, vel virtuti contrarium. Unde nihil prohibet lucrum ordinari ad aliquem finem necessarium, vel etiam honestum: & sic negotiatio licita reddetur. Sicut cum aliquis lucrum moderatum, quod negotiando querit, ordinat ad domus suæ sustentationem, vel etiam ad subveniendum indigentibus: vel etiam cum aliquis negotiationi intendit propter publicam utilitatem, ne scilicet res necessariæ ad vitam patriæ desint: & lucrum expetit non quasi finem, sed quasi stipendium laboris* --. Porro negotiatio in hoc præsertim est posita, ut quis minoris emat merces animo eas integras & immutatas vendendi pluris & cum lucro, textu expresso Cap. *Quid est aliud eadem dist. 88. -- Quid est aliud negotium, nisi quæ possint vilius comparari, carius velle distrahere?* -- In qua negotiationis definitione conveniunt Gabriel Antoine in Tractatu De obligationibus specialibus cap. 1. q. 1. num. 4., Cuniliati De contractu venditionis & emptionis §. 3. num. 1.,

Con-

Continuator Tournely De contractibus part. 2. cap. 1. art. 8. sect. 2. sub initio, Collectus Institut. De contractibus part. 2. cap. 1. art. 6. sect. 2., alique. Generatim igitur, & indistincte condemnare non possum negotiatores, de quibus in casu, quia ex consequenti negotiatio ipsa debet condemnari, sicuti eam condemnat Caput *Ejiciens* proxime memoratum, quod, scribente Sylvio in quæst. 77. art. 4. -- *Non pauca habet a fide aliena* --. Summiopere iccirco placet responsum Authoris, qui per viam incedens inter laxitatem & rigorem mediam ad veritatem propius accedit: negotiationem improbens pravo fine exercitam, populis perniciosam, & monopolio proximam: probans tamen, eamque permittens, si honesto fine exerceatur, & negotiator emens tempore messium & vindemiarum penuriam non inducat, neque damnum inferat Reipublicæ.

Ita, & non aliter docuere ne dum Ferraris ver. Emptio art. 2. num. 43., Gennettus Tom. 1. Tract. 3. cap. 5. q. 4., Joannes Pontas ver. *Emprio* casu 3., alique, sed & ipse S. Antoninus part. 2. Sum. Theolog. tit. 2. cap. 23. §. 16. scribens -- *De ementibus tempore messium blada, & tempore vindemiarum vinum, & alios fructus, ut postea carius vendant in futurum..... fit tripliciter Secundo fieri potest secundum justitiam commutativam, ut faciunt mercatores, & licite possunt pro opera sua recipere lucrum, ut sustinentur, dummodo non intendant carissimam inducere.*

Quomodo ergo, inquires, exponendum erit Caput *Quicumque*?

Præmitto cum Joanne Pontas ibidem quod subdit S. Antoninus -- *Nam tertio modo fieri potest, hoc est avaritia, ita quod unus tantum emit de hujusmodi, & congregat, quod postea compelluntur homines emere ab eo ad placitum suum, & ideo vendit care ut vult; & isti enormiter peccant contra proximum & Communitatem: & sales, qui victualia, vel alias res emunt, ut carissimam inducant, vocat Raymundus nefandas belluas; & mortale est --.* Præmissa eximia hac S. Antonini doctrina, quæsito responderet idem Pontas inquires -- *De hujusmodi personis solum, ut docet idem Sanctus, intelligendus est Canon antiquus, quem Julio Papæ tribuit Gratianus, & qui e primo Capitularium libro Carolomanni cap. 131. depromptus est, ut observarunt Emendatores Romani, qui indistincte hoc genus lucri damnare videntur ut lucrum turpe -- Hoc turpe lucrum dicimus --: quamvis de iis solummodo loquatur, qui propter cupiditatem illud exercent commercium, ut cum populi ruina divitias parent. Quod adeo verum est, ut nullus ab ea re dissentire possit Theologus. Hactenus ille. Et quidem jure omni: quoniam quum hinc in eo Capite legatur -- *Sed propter cupiditatem comparat annonam --: illinc negotiatio, de qua in casu, ipso jure Canonico permittatur, ut superius ostendi: cupiditas hujusmodi exponatur oportet per avaritiam & non aliter; secus contra jura omnia improbari deberet negotiatio, quod rigorismum**

risimum saperet, atque, ut Evangelii verbis utar, alligaret onera gravia, & importabilia, & ea imponeret in humeros hominum.

Eodem prorsus modo respondet Gennettus nuper laudatus; præmissis enim tum Capite *Quicumque*; tum textu S. Antonini, ita prosequitur -- Ex quibus concludi posse videtur, tale commercium licitum esse, dum fit sine intentione penuriz inducendæ, & eo tempore, quo messis adeo modica non sit, ut tales res ad victum necessariz ob id deficere possint, aut aliquo extraordinario pretio vendi: modo etiam tale commercium ad aliquem bonum finem dirigatur, veluti ad faciendum honestum lucrum, ex quo quis sibi, & familiæ necessaria habere possit. Immo illud commercium bono publico utilissimum est, ut rustici ex fructibus collectis pecuniam congregare possint variis usibus necessariam. Et auctoritati Canonis, qui prima fronte contrarius videtur, responderi potest, quod eos tantum damnat, qui vinum aut frumentum emunt propter cupiditatem, non autem illos, qui, ut suis necessitatibus subve-niant, id agunt --. Hactenus Gennettus.

Opportune igitur Athesanus lib. 3. tit. 8. de decimo in fine -- *Ad hoc nota secundum Ray., quod illi, qui tempore messium bladam, vel tempore vindemiz vinum emunt vilius, ut vendant carius, committunt peccatum, & turpe lucrum. Et hoc intelligitur, ut ipse postea dicit, de illis, qui faciunt hæc, nulla pensata necessitate, vel utilitate, sed ex sola cupiditate.*

Caveant tamen hujusmodi congregantes, & negotiatores, ne pretextu negotiationis permissæ avaritiam foveant: nam vere ait S. Bernardinus loco proxime citato -- *Mercans licet nullum mendacium, nullam fraudem, nullum perjurium, nihilque injustum, quod committere solet hoc hominum genus, in mercationibus committat; nihilominus non eximitur a mortali, si per injustam causam, licet alias juste, exercent mercantias --: verissime Apostolus prima ad Tim. 6. v. 9. & seq. -- Qui volunt divites fieri, incidunt in tentationem, & in laqueum Diaboli, & desideria multa inutilia, & nociva, quæ mergunt homines in interitum, & perditionem. Radix enim omnium malorum est cupiditas.*

DECIMUM SEPTIMUM DUBIUM. Utrum locans rem, quam æstimat, cum hac conditione quod, qualitercumque perdat, seu deterioretur, vult recuperare rem suam ejusdem pretii: sit usurarius?

Respondeo, quod hic contractus fit in fraudem usurz; quia res æstimata intercedit loco pecuniæ L. Si vero §. Quod ait ff. Solutio matrimonio. Nec vera locatio est: quia loca-

tor

tor rem suo periculo tradit, & pro hoc constituitur sibi merces, ut patet Extra *De locato & conducto*. Per Doctores propterea usurarius est talis censendus Cap. *Naviganti*, & Cap. *Consuluit* Extra *De usuris*.

(24) Locatio, uti dictum est dubio primo super secundo verbo definitionis usurae, est contractus, quo quis rem aliquam alteri utendam, fruendamve concedit, certo pretio, sive mercede constituta. Locans dicitur locator, & locationem accipiens conductor appellari solet, ut passim ff. *Locati conducti*, & C. *De locato & conducto*. Conductor varia nomina sortitur juxta diversitatem rerum, quas conducit; inquilinus enim dicitur, si praedium urbanum, vel domum: colonus, si agrum, vel praedium rusticum: redemptor, si operam personae: publicanus demum, si conducit vestigia.

In casu, de quo agitur, duplex conditio apposta est contra naturam locationis, rei scilicet aestimatio, & periculum rei conductori impositum. *Aestimatio venditio est* L. *Plerumque* ff. *De jure dotium*, quod confirmat L. *Cum fundus* ff. *Locati conducti* -- *Cum fundus locetur, & aestimatum instrumentum colonus accipiat*, Proculus ait, id agi, ut instrumentum emptum habeat colonus: sicuti fieret, eum quid aestimatum in dotem daretur --. Pugnatur ergo quod res aestimetur simul & locetur. *Non solet locatio dominium mutare* L. *Non solet* ff. *Locati conducti*. Contra naturam locationis igitur est, quod periculum rei imponatur conductori. His de causis Author improbat hujusmodi locationem: & quidem jure optimo, quoniam natura contractus postulat, ut locator semper sit dominus rei locatae, & quod, si res pereat, vel deterior reddatur, pereat domino, & domino fiat deterior: dempto casu, in quo id contingeret culpa conductoris L. *Item queritur* §. 1. ff. *Locati conducti* -- *Si navicularius onus Minturnas vehendum conduxerit, & cum flumen Minturnense navis ea subire non possit, in aliam navem merces transulerit, eaque navis in ostio fluminis perierit, tenetur primus navicularius*. Labeo, si culpa earet, non teneri ait. Caterum, si vel invito domino, vel quo non debuit tempore, aut si minus idonea navi imposuit, tunc ex locato agendum --. Hunc eundem casum proposuit Aelianus lib. 3. tit. 14. de septimo, & iisdem pene verbis respondit.

Verum enimvero quum lege non prohibeatur, permittatur immo, quod super hac re contrahentes mutuo consensu derogent legibus memoratis L. *Si quis domum* §. 2. ff. *Locati* -- *Si quis fundum locaverit, ut, etiamsi quid vi majori accidisset, hoc ei prestaretur, pacto standum esse* --, & L. *Item queritur* §. 2. ff. *codem titulo* -- *Si gemma includenda, aut insculpenda data sit, eaque fracta sit, si quidem vitio materia factum sit, non erit ex locato actio; si imperitia facientis, erit*. Huius sententiae addendum

dum est, nisi periculum quoque in se artifex receperas: tunc enim, etsi visio materia id evenit, erit ex locato actio --; & aliunde, ut habet Regula 85. juris in Sexto -- Contractus ex conventionem legem accipere dignoscuntur --: arbitrari quis posset locatorem, de quo in casu, usuræ reum non esse, sicuti a Joanne Pontas ver. Locatio casu 14. immunis a peccato dicitur, qui domum locavit ea lege, ut, si aliquo fortuito casu pereat, conductor ad eam reedificandam teneatur. Dispar tamen est ratio: quia in casu Authoris æstimatio præcessit, non autem in casu Joannis Pontas: & æstimatio, ut probavi, immutat naturam locati, & rem efficit quasi venditam. Semoveatur æstimatio, & tunc non inficior contrahentes convenire posse de periculo, imponendo ipsum conductori, sicuti ostendit casus a Pontas exhibitus: dummodo locator tantum imminuat de pretio locationis, ut, pensata qualitate periculi, æqualitas servetur in contractu: quæ æqualitas non apparet in casu ab Authore exposito, in quo conductor gravatur onere restituendi rem ejusdem valoris in quocumque eventu, & insimul solvendi mercedem in locatione constitutam.

DECIMUM OCTAVUM DUBIUM. Utrum ars campforia sit licita?

Respondeo, quod sic: dummodo cum moderamine debito fiat: quia nihil accipitur respectu pecuniæ, vel mutui, quod non est, sed respectu laboris.

(25) Ars campforia nihil aliud est, quam cambiorum exercitatio. Cambium recte definitur -- *Contractus, quo pecunia pro pecunia commutatur cum lucro Campforis*; qui enim petit pecuniam, seu cambium, dicitur campfarius, & qui pecuniam cambit, seu solvit, vocatur campfor, aut colibista, aut bancarius, aut nummularius. Quo tempore hujusmodi ars fuerit inventa, adhuc sub judice lis est; fallitur quippe Jacobus Savary in suo opere *De perfectio negotiatore* lib. 3. cap. 3., hujus inventionis Epocham figens in expulsiōe Judæorum e Gallia, qui, ut inde pecuniam secure in Longobardiam, quo concessere, traducerent, literarum cambialium invento usi fuere; quoniam, teste S. Bernardino Serm. 39. art. 3. cap. 1., hujus artis meminit Philosophus 1. Politic., scribens, quod casu & fortuna forte primitus inventa est, & postmodum experientia docente facta fuit artificialis. Cambium porro duplex est, reale unum, siccum alterum. Reale dividitur in minutum, seu manuale, & locale, seu per literas. Manuale est, cum permuratur pecunia aurea pro argentea, aut argentea pro ærea, vel e contra: & manuale dicitur, quia pecunia transit de manu in manum cum sola qualitatis diversitate. Locale est, cum pecunia præsens a campfario commutatur cum pecunia absente sibi solvenda in alio loco mediante campforis syngrapha: vel cum ipse cam-

campfor numerat, & solvit pecuniam in uno loco, ut in alio eodem a campfario restituatur. Localis hujusce cambii veltigium aliquod deprehendimus L. Si filius familias ff. De Senatusconsulto Macedoniano, ubi narratur quendam filium pecuniam per literas alibi misisse genitori suo. Siccum postmodum sic appellatum, quia caret humore fructum afferendi, iusto scilicet titulo percipiendi lucrum, tunc habetur, quando datur quidem pecunia pro pecunia, sed absque ulla rei alteratione, loci, & circumstantiarum; fingitur enim solutio alibi facienda, quæ reipsa fieri debet in eodem loco cum lucro: puta cum campfor dat pecuniam cum pacto, ut sibi reddatur in alio loco longe distanti cum lucro pro tali distantia & loco consueto; dum certo scit campfarium eo in loco non habere pecuniam, nec personam respondentem, & pecuniam sibi esse restituendam in eo ipso loco, in quo primo fuit soluta.

Artem campforiam licitam esse, si de cambio reali sermo sit, nostra hac ætate conveniunt omnes: præsertim quum Pius V. in sua Constitutione incip. *In eam pro nostro* data anno 1571. quinto Kalendas Februarii §. 1. eam appellaverit -- *Legitimum cambiorum usum, quem necessitas, publicæque utilitas induxit* --. Lucrum quippe in cambio manuali percipitur non solum ratione lucri cessantis, aut damni emergentis ex cambio, sed etiam ratione laboris, & operæ in inquirendis, coacervandis, & custodiendis variis speciebus monetarum, in numeranda pecunia &c. In cambio vero locali ratione trajectionis realis, vel virtualis pecuniæ de loco in locum, cui trajectioni faciendæ campfor operam suam locat, suscepto in se omni labore & periculo: quæ quidem opera, labor, & periculum in gratiam alterius suscepta sunt pretio æstimabilia. Nec obstat, quod interdum campfor id faciat sine labore, & incommodo, immo cum suo commodo. Nam hoc est per accidens, & provenit ex ejus cura, industria, & officio, pro quo sustinendo multæ aliunde impensæ, & operæ præstandæ sunt, quum reipsa suscipiat obligationem ex se laboriosam, & periculosam. Verba sunt Gabrielis Antoine de cambio quæst. 2. Idem omnino jam docuerat, fusque probaverat Franciscus Gennettus Tom. 1. tract. 5. cap. 1. q. 11.. Præ oculis tamen habeat campfor conditiones, quas ex laudata Constitutione Pii V. servare tenetur, ut cambium sit licitum: videlicet quod non paciscatur de aliquo lucro ratione solutionis dilatæ ultra terminum: quod neque paciscatur de aliquo interesse sive a principio celebrationis cambii, sive alias: quod cambia realia aliter non fiant, quam pro primis nundinis, ubi illæ celebrantur, & ubi non celebrantur, pro primis terminis juxta receptum locorum usum: quod denique in terminis solutionum constituendis habeatur ratio distantiae, aut propinquitatis locorum, nec longiores præfigantur termini, quam loci, in quæ facienda solutio est, distantia postalat.

Signate

Signate dixi, si de cambio reali sermo sit: quoniam cambium siccum idem Pontifex eadem Constitutione improbat hisce verbis — *Primo igitur damnamus ea omnia cambia, quæ sicca nominantur, & ita confraguntur, ut contrahentes ad certas nundinas, seu ad alia loca, cambia celebrare simulent; ad quæ loca ii, qui pecuniam recipiunt, litteras quidam suas cambii tradunt, sed non mittuntur; vel ita mittuntur, ut transacto tempore, unde processerant, inanes referantur; aut etiam nullis huiusmodi litteris traditis, pecunia ibi denique cum interesse repositur, ubi contractus fuerat celebratus: nam inter dantes & recipientes usque a principio ita convenerat, vel certe talis intentio erat; neque quisquam est, qui in nundinis, aut locis supradictis, huiusmodi litteris receptis, solutionem faciat.*

Sunt & aliæ cambii species, videlicet cambium cum recambio, seu cum recurso, quod etiam dicitur Vesuntinum, aut Placentinum: cambium dictum Francofurtense, ex quo Francofurti creditur adinventum: & cambium civicum, quod in eadem urbe consummatur. De his dicam postea. Pro majori interim huiusce rei intelligentia duntaxat hic addo, mercatores communiter nundinas habere in certis locis, seu urbibus determinatis, ubi debita solvuntur, ratiocinia fiunt, & scribuntur in libris dati & accepti. In Italia quater in annos singulos nundinæ istæ celebrantur trium mensium intervallo. Primæ celebrantur prope festum Epiphaniæ, secundæ incunte Maio, tertiæ mense Augusti, quartæ circa festum omnium Sanctorum. Francofurti bis in anno fiunt; ideo plures juniores vocant has nundinas Francofurtenses. Porro quando cambium fit ad primas, vel ad secundas, aut ad tertias, quartasve nundinas, sensus est, quod cambii solutio fieri debeat aut post tres, aut post sex, aut post novem, aut post duodecim menses. Ita Concina lib. 3. De iustitia & jure differt. 4. cap. 4. num. 1.

DECIMUMNONUM DUBIUM. Utrum habenti pecuniam specialem, quam timet futuro tempore minorari juxta ordinationes Dominorum, seu Civitatum, liceat sine vitio usuræ ipsam mutuo dare hoc pacto, ut sibi reddatur in æquali pretio, in quo est, cum ab eo mutuo datur?

Respondeo, quod sic, si ille, qui recipit, modo expendere vult illam, in tempore nempe, in quo tantum valet: quia nihil ultra sortem recipit: licet aliqui dicant quod sit usurarius.

(26) Nulla certe probabili ratione ducuntur ii, qui secus opinantur, quosque hic indicat Author, sed non exprimit: quia, ut optime S. Bernardinus Serm. 39. art. 3. cap. 1. — *Aliud est in mutuo sperare lu-*

crum,

crum, atque aliud est vitare damnum suum. Primum quidem non potest fieri sine injuria Dei, qui tale lucrum prohibuit Luca 6., nec etiam sine injuria proximi, cui mutuum debuit gratis dari. Qui autem suum evitat damnum nec Deo injuriatur, quum hoc nulla lege prohibitum sit, nec etiam proximo fit injuria, quum non ledat proximum qui suum evitat damnum. In proposito igitur casu magis querit vitare damnum, quam lucrum habere --. Hac ratione freti Theologi super casu mercatorum, qui sciunt vel mercium pretium brevi auctum, aut imminutum iri propter mercium copiam cito superventuram, aut adventuram tardius solito; vel minuentem esse alicujus monetæ ætimationem: respondent licite eos posse pretio currenti vendere & emere, sicuti factum novimus a Josepho in Ægypto Gen. 41., & monetam illam ante Edicti imminuentis promulgationem currenti pretio distrahere, ut videre est apud Concinam lib. 3. De justitia & jure dissert. 2. cap. 6. num. 19., & seq., Antoine De contractibus part. 2. cap. 5. q. 7., Ferraris ver. Emptio art. 2. num. 16., aliosque post S. Thomam 2. 2. q. 77. art. 3. ad 4. scribentem -- Unde venditor, qui vendit rem secundum pretium, quod invenit, non videtur contra justitiam facere, si quod futurum est non exponat. Si tamen exponeret, vel de pretio subtraheret, abundantioris esset virtutis, quamvis ad hoc non videatur teneri ex justitiæ debito.

Immo nec tanquam usurarius esset habendus, si non timeret duntaxat, sed tum mutuator, tum mutuatarium certo scirent, ætimationem illius pecuniæ post hebdomadam, aut mensem imminuentem esse. Ita Joannes Pontas ver. Mutuum casu 4. post S. Thomam in opusculo 73. De usuris cap. 6. dicentem -- *Aliud est vitare damnum, & aliud sperare lucrum. Quicumque enim ex mutuo sperat lucrum, peccat usura vitio sed non sic, qui ex mutuo vitat damnum nec in hoc damnificatur, qui mutuum accipit: quia non ad hoc accipit, ut ipsum usque ad tempus illud conservet, in quo verisimiliter minus valitura esset pecunia, sed ut ipsa uteretur pro tempore illo, pro quo valorem suum reservaret, quem habebat, cum eam in mutuo acceperat --; nemo enim sanæ mentis mutuo accipit pecuniam, ut illam conservet usque ad tempus imminutionis pretii ipsius proxime futuræ.*

Consulto ait Author, si recipiens expendere vult pecuniam mutuata antequam pretium ipsius imminuatur: quoniam, si mutuator certo sciret, mutuatarium velle uti ea pecunia post imminutionem pretii proxime futuram, injuste ageret, & teneretur ad restitutionem: posset enim ipse vitare damnum proprium sine detrimento alterius, puta emendo aliquid animo ipsum vendendi post Edictum Principis imminuens valorem pecuniæ, & sic rehabendo pecuniam æquivalentem illi, quam solvit ante Edictum.

Subdit Author, quod hic mutuator nihil recipit ultra sortem. Verissimum

summi hoc est. Pone quod mutuos dederit decem numinos aureos: pone quod hi decem aurei ante Edictum constituerent summam centum librarum, & quod ad constituendam hanc summam post Edictum non decem, sed undecim aurei requirerentur. In hoc casu reciperet quidem mutuator maiorem pecuniam specificam, sed idem esset pretium, idem valor. Porro dum contrahentes non paciscuntur de eadem reddenda pecunia specifica, non hæc sortem constituit, sed pretium, sed valor ex eadem confurgens. Si ergo pretium undecim aureorum post Edictum idem omnino est ac pretium decem aureorum ante Edictum: cum omni veritate dixit Author mutuatores nihil recipere ultra sortem, etsi maiorem recipiat pecuniam specificam. Salva igitur sunt omnia. Mutuatarius nullum damnum patitur, quia pecuniam vult expendere, & expendit ante Edictum. Mutuator recipit post Edictum eundem valorem, idem pretium. Hic ergo contractus nec usuræ, nec iniustitiæ incusari potest.

Brevibus rem hanc absolvit Alesanus lib. 3. tit. 11. de quinto versus finem scribens-- Aliquibus videtur, quod non, aliis quod sic: quia quamvis in mutuo non liceat sperare lucrum, licet tamen vitare damnum, quod hic mutuans intendit. Debitor etiam tantum accepit, quantum reddere tenetur. Hujus secundæ opinionis fuisse videtur Alexander Lombardus in quolibet. quæst. De usuris-- Hæc ille. Idem cum D. Thoma constituit Gennettus Tom. 1. tract. 5. cap. 1. q. 16.

VIGESIMUM DUBIUM. Utrum liceat dare marcam argenti ad tempus pro alia marca argenti?

Respondeo, quod in iis, & similibus recurrendum est ad id, quod dictum est in dubio quinto quarti verbi definitionis usuræ Articulo primo hujus secundæ Considerationis.

(27) Sublato hoc pacto, communis Theologorum sententia est in restitutione pecuniæ mutuatiæ non speciem, sed pretium pecuniæ esse spectandum; atque ideo non monetam ejusdem speciei, sed pretium, quo valebat tempore traditionis, restituendum esse. Ratio est: quia quamquam in mutuo communiter tantundem ejusdem speciei in numero, pondere, & mensura restituendum sit; tamen pecunia excipitur, in qua non consideratur ejus physica species, sed valor extrinsecus, qui non ab ipsa materia, sed a Principis voluntate sumitur. Hic enim valor constituit formaliter monetam in ratione monetæ, prout communi societati, & commercio deservit. Ita cum communi Concina lib. 3. De iustitia & jure differt. 3. cap. 19. num. 12. Posito tamen pacto, ut in casu [cum difficultas esse nequeat, dum dubitatur, aut probabilius est, pretium illius monetæ specificæ esse imminuendum, quia tunc mutuator reciperet infra

fra fortem, quod usuram non efficit unice positam in lucro sperato, aut recepto supra fortem] si mutuator incertus est, aut duntaxat dubitat de futuro valore monetæ; paratus tamen sive ad emolumentum augmenti, sive ad diminutionis periculum, nihil agit contra legem, quia æqualis est contrahentium conditio, & æqua fors. Si vero probabilius arbitrat, auctum iri valorem illius monetæ, tunc aut eam servare volebat usque ad tempus restitutionis, aut non. Si primum, improbari non potest, quia damnum proprium evitat sic contrahendo, & se servat indemnem. Si autem secundum, usurarius est, quia sic mutuum dat animo lucrandi aliquid ultra sortem.

Confule, si placet, Astesani nostrum lib. 3. tit. 11. de quarto, ubi de hoc casu, & de aliis ejusdem generis fufe, & erudite sermocinatur. Agit etiam de eo Gennetus loco nuper laudato q. 15.

VIGESIMUM PRIMUM DUBIUM. Utrum campfor, qui numeranti sibi Romæ centum & decem facit Parisiis respondere centum, sit usurarius?

Respondeo secundum Baldum in Cap. 1. Extra *De plus petitionibus*, quod non: immo licitus est talis contractus jure gentium, & necessarius, munitus naturali ratione; eo quod campfor subit pericula viarum, & damna nuntiorum, & pensiones operarum, salariorum, & factorum, ut notatur ff. *De nautico fœnore* L. *Periculi*, & ff. *De obligationibus & actionibus* L. *Trajectitiæ* in principio, & ff. *De verborum obligationibus* L. *Qui Romæ* §. 2.. Et si ipse campfor aliquod lucratur, hoc est justum, & lucrum licite sumitur: quia industria accedit rei licitæ L. *Si heres* ff. *Ad legem Falcidiam*. Propterea numeranti decem licitum est pacisci, quod ei reddantur novem: quia minuere sortem non est peccatum usuræ, augere autem sic. Et est textus notabilis L. *Rogasti* §. *Si tibi* ff. *Si certum petatur*. Hæc tamen omnia intelligo vera, dummodo recipiatur lucrum moderatum, licet alii teneant, quod talis contractus, seu talia cambia sint illicita. Quod verum credendum est in illis, qui de hoc artem non faciunt, nec propter hoc imminet sibi pericula, nec habent inde labores, & expensas.

(28) Hoc cambium, de quo sermo, est cambium reale, locale, seu per litteras; & iccirco si litteræ veræ sunt, non fictitiæ, & in fraudem usurarum; si lucrum non excedit legitimum pretium cambii: si habeat omnes condiciones a Pio V. in sua Constitutione præstitutas, ut supponitur, licitum est, & campfor iuste lucratur, ut paulo antea demonstravi.

Textus, quem Author dicit notabilem, est huiusmodi -- *Si tibi dedero decem, ut novem debeas, Proculus ait, & recte, non amplius te ipso jure debere, quam novem. Sed si dedero, ut undecim debeas, putat Proculus amplius quam decem condici non posse.*

Dum ait Author -- *Numeranti decem licitum est pacisci, quod ei reddatur novem* --, non appellat solum campforem, sed etiam campfarium, eo-que tendit, ut, ostenso jam usurarium non esse campforem; demonstraret insuper nec usuræ condemnari posse campfarium.

Quod subdit Author solos campfores ex officio, non autem personas particulares, & privatas licite posse reportare lucrum ex cambio reali, jam illud idem dixerat S. Bernardinus Serm. 39. art. 3. cap. 2., idemque postmodum docuerunt Cajetanus tom. 2. opusc. tract. 7. cap. 1., Armilla ver. *Campfor*, Cuniliati De contractu cambii §. 2. num. 4., qui hanc sententiam dicit esse probabiliorē. Secus tamen tenuit Author ipse in Angelica ver. *Usura primo* num. 52., & post ipsum Sotus lib. 6. q. 9. art. unico, Navarrus cap. 17. num. 288., Lessius lib. 2. De iustitia cap. 23. dubitat. 2. num. 9., Joannes Pontas ver. *Cambium casu* 2., Concina De cambio cap. 1. num. 7., Ferraris ver. *Cambium* num. 23., alique: quia hoc nullo jure est vetitum nec naturali, nec positivo. Minus tamen lucrum exigere debent privati, quam publici campfores; ipsi enim minoribus expensis, & oneribus sunt obnoxii, ut annotat Author in Angelica ibidem inquires -- *Tamen est verum, quod aliquid plus possunt rationabiliter accipere illi, qui de hoc faciunt artem, qui majores labores portant, cum semper sint parati.* Idem postea annotavit Concina ibidem, qui insuper conatus est Cajetani & Armillæ sententiam emollire scribens -- *Quorum opinio explicari potest, quando privati idem lucrum, quod prædicti campfores, exigunt.*

Licitum hoc intellige in illis regionibus, in quibus hæc cambia exercere lege Principis non est privatis vetitum; id enim in Galliis prohibitum esse scimus a Francisco primo in sua Constitutione Blesis lata 19. Martii 1540., quæ sic habet -- *Juxta constitutiones nostras antiquas prohibemus cambium exercere, ac monetas permutare absque literis nostris ad Prefectos rei nostræ araria adscriptis, & ab ipsis verificatis sub pœna multa arbitraria* --. Quod confirmavit Henricus primus Edicto suo lato mense Octobris 1555., addens pœnam corporariam contra secus agentes. Hisce in regionibus peccat certe quilibet privatus, qui hoc exercet: & quia legitimas Principum leges transgreditur: & quia grave damnum

adfert

adfert publicis campforibus. Sed quale peccatum esset huiusmodi transgressio, mortale ne, an veniale, non convenit inter Doctores. Vide Lucium Ferraris loco proxime citato.

VIGESIMUM SECUNDUM DUBIUM. Utrum ultramontanus, qui mille Ducatos Venetos intendit ferre Venetias, ubi plus valent, & ibi eos expendere, inveniens camplorem in patria sua habentem tabulam cambii Venetiis, tradit eos ad forum cambii Venetiarum, ut sibi Venetiis reddantur: sit usurarius?

Respondeo, quod, si ex hoc, quod prædictos ducatos prius tradit ultra montes, quam recipiat Venetiis, intendit aliquod lucrum habere, tunc est usurarius, quum prior traditio induat rationem mutui. Si autem hoc non intendit, non erit usura, quum ratione patriæ lucrum reportet.

(29) Dicit primo Author, quod, si tradens pecuniam intendit principaliter lucrum, usurarius est: & quidem jure optimo, quamvis Rosella ver. *Usura sexto* §. 8. secus opinetur: quia sola intentio facit usuram, ut perspicue cap. *Consuluit Extra De usuris*, & hic, ut supponitur, unice traderet pecuniam, ut haberet aliquid ultra sortem. Addit Tabiena super hoc casu ver. *Usura 15. num. 1.* -- *Nisi forte, ut dictum est, hoc faceret diversitas monetarum, vel industria* --: quia tunc res reducitur ad id, quod secundo loco docet Author, videlicet seclusa huiusmodi intentione contractum esse licitum, & ab omni usura liberum: quod probat idem Tabiena inquiens -- *Non enim vendit pecuniam, quæ est invendibilis, sed tantum hic recipit quantum ibi numeravit, nam tantum valet Venetiis Ducatus sine denario quantum alibi cum denario. Cursus moneta hoc operatur, & monetarum diversitas, & industria accedit rei licite L. SI HÆRES ff. AD LEGEM FALCIDIAM.* Addo, quod hic campfarius paratus est Venetias petere, & petet reipsa, ubi pecunia illa specifica plus valet, quam in patria sua. Ita igitur operatur, ut se servet indemnem, quod cuique licet.

Repones. Campfor in hoc contractu damnum patitur; recipit enim pecuniam in loco, in quo minus valet, conditione apposita reddendi eandem in alio, in quo plus valet. Campfarius ex adverso certus redditur de lucro, quod periculis viarum adhuc erat obnoxium. Non ergo æqua est utriusque conditio.

Sed responsio est in promptu. Nimis benigne de campforibus sentit

qui ita reponit. Ars hæc tot tantisque circuitonibus abundat, ut vix percipi, nedum perspicue explicari a Theologis possint. Solis campforibus nota hæc sunt; & iccirco si campfor, de quo in casu, recipit pecuniam ad forum cambii Venetiarum, pro certo habendum est nullum exinde damnum pati, sed adhuc lucrum percipere; &, si non meliorem, æqualem saltem in hoc esse ipsius cum campfario conditionem.

VIGESIMUM TERTIUM DUBIUM. Utrum mutuo dans pecuniam ultra montes, ut sibi reddatur citra montes pecunia prævalentior, sit usurarius?

Respondeo, quod sic Cap. *Consuluit*, & Cap. *In Civitate Extra De usuris*.

(30) Pecuniar prævalentioris nomine intelligit Author quandam pecuniam specificam, cujus pretium majus est in una patria quam in alia, siue isthæc pecunia ejusdem sit, siue diversi generis, quemadmodum exposuit S. Bernardinus loco proxime citato scribens -- *Sunt namque monete, siue numismata, quæ non tantum in propria patria, sed quasi ubique majorem habent valorem, seu cursum, quam alia multe monete, sicut patet de Ducabent Venetiarum, & Bolonis antiquis, & similibus. Insuper eadem numismata, quæ in tali majore pretio sunt, adhuc magis in una patria, quam in alia currunt, & carius æstimantur.*

Pecunia interim, de qua in casu, vel datur ad mutuum, vel datur ad cambium. Si mutuo datur, quemadmodum loquitur Author, dubio procul sic mutuo dans usurarius est; eo enim proposito mutuum pecuniam credit, ut plus forte recipiat, quemadmodum enarratur in Cap. *Consuluit*. Excipe tamen, si sic dans mutuum pergere deberet citra montes, illuc suam pecuniam expensurus in mercibus, aliisve similibus, & rogatus a mutuuario pecuniam huic concederet: quoniam in eo tunc esset lucrum cessans, & hac ratione posset se servare indemnem citra usuram. Si autem pecuniam tradit campfario, ut eam alibi recipiat, citra montes nempe, tunc se conformare potest & debet pretio currenti cambii, cujus perspicuam ideam nobis exhibet Cunitiati *De cambio* §. 3. num. 1. scribens -- Quando pecunia pluris valet, ubi campfario datur, quam in loco, ubi ab ipso restituitur campfario, tunc si lucrum, quod reportat campfor ob hunc diversum valorem, corquet lucrum, quod sibi debetur titulo cambii, & ex vi officii sui, debet esse contentus hoc ludebatur titulo cambii, & ex vi muneris sui, ac si pecunia, nec potest aliud lucrum recipere ex vi muneris sui, ac si pecunia, utrobique eundem valorem haberet: quia jam habet lucrum suum, & si quid ultra expetit, exorbitat a justitia. Et hinc, si lucrum ex mutuo esset majus, quam illud, quod sibi debetur ex titulo cambii, & muneris sui, teneretur hunc excessum restituere, ne a justa taxa recedat.

dat. Si autem luerum illud esset inferius eo, quod sibi ex officio debetur, ei supplendum esset: quia sibi debetur usque ad mensuram taxatam. Quod si pecunia pluris valeat ubi a campfore reddenda est campfario, quam ubi ab ipso campfore recipitur, tunc juxta Cajetanum, Bannez, Navarrum citatos a Lugo disput. 28. sect. 3. num. 37., quibus subscribit etiam Henricus a S. Ignatio lib. 9. cap. 89. num. 948., præter luerum, quod sibi debetur, titulo cambii taxatum, poterit aliquid amplius a campfario exigere: quia, si jam luerum taxatum sibi debetur, quando utrobique idem est valor, cur amplius exigere non poterit, quando monetas erogare debet, ubi pluris valent, cum ipse receperit, ubi valent minoris? Præterea campfor assecurat pecuniam ubi pluris valet; quis autem ambigere poterit, quod assecuratio eo majori pretio digna sit, quo majoris valoris est res assecurata, cum majori periculo assecurator se exponat -- Hactenus Cuniliati.

VIGESIMUM QUARTUM DUBIUM. Utrum cambium per litteras possit fieri sine usura?

Respondeo, quod sic, ut dictum est in præcedenti dubio vigesimo primo, cum idem sit.

(31) Id jam supra fuit ostensum. Addam igitur, quod in cambio locali, seu per litteras, luerum cambii majus esse debet, quam in cambio minuto, seu manuali, nisi campfor seces operari teneatur propter majorem valorem pecuniæ in loco, in quo ipsi restituenda est: quia, præter titulos, qui habentur in cambio minuto, ad campforem per litteras spectat assecuratio pecuniæ, & trajectio realis, aut virtualis ejusdem de loco in locum, quæ non habentur in cambio minuto, & quæ sunt pretio æstimabilia. De cambio minuto scribit S. Antoninus part. 3. tit. 8. cap. 3. sub initio -- *Illud ergo, quod plus recipit campfor, non recipit ratione mutui, quia ibi non est mutuum: nec quia pecunia vendatur, quia est invendibilis, ut dicit Archidiaconus; sed ratione laboris, quem subit in numerando pecuniam, & expensarum, quas facit pro pensione, & ministris. Ratio enim laboris & expensarum habenda est Extra De voto cap. Magnæ --* Modicum ergo debet esse hujusmodi luerum: & tunc tale est, quando id tantum sibi retinet campfor, quod Principis Edicto sancitur, aut, si publica desit auctoritas, generali consuetudine comprobatur.

VIGESIMUM QUINTUM DUBIUM. Utrum mutuo dans monetam ad certum terminum, recepturus alterius generis monetam, aut aurum, aut argentum, vel aliam speciem: sit usurarius?

Respondeo secundum Hostiensem, & Goffredum, quod, si hoc animo facit, ut in æstimatione sua lucretur, usura est, Cap. *Consuluit Extra De usuris*, sicut faciunt qui de nundinis ad nundinas mutuum dare solent. Hanc usuram omnibus execrabiliorem judicat Hostiensis, quantumcumque sub specie venditionis, commutationis, vel alterius contractus fiat, cum excedat centesimam usuram; & quodcumque nomen imponatur ei, cum mala intentione, & fraudulenter fiat, usura est: quia sorti aliquid accedit Cap. *Plerique* 14. q. 3.. Hoc idem tenet Alexander Lombardus. Posset etiam fieri distinctio, quæ habetur dubio quinto quarti verbi definitionis usuræ hujus Considerationis.

(32) Hunc casum exponit Navarrus in suo Enchiridio, sive Manuali pag. 218. Editionis Taurinensis anni 1582., agens *De usura circa cambia* Littera L., sic scribens -- *Quod in principalibus Emporiis Hispaniæ, Galliæ, & Belgii habentur tres, vel quatuor nundinæ certis temporis intervallis distinctæ. Et quod sunt aliqui, qui habent magnam quantitatem pecuniarum, quibus nullas merces emunt, sed in fine prædictarum nundinarum tradunt eas iisdem, quibus antea, vel aliis volentibus eas accipere solvendas in nundinis in aliis Civitatibus ejusdem, vel aliorum Regnorum proxime futuris, cum aliquo certo, vel incerto lucro; & in fine aliarum nundinarum recipiunt illam quantitatem cum lucro per se, vel per suos instructores, sive actores, & statim tradunt eas aliis, vel eisdem solvendas in nundinis, vel aliis terminis statim alterius Civitatis; & in fine illarum faciunt quod in proxime præteritis. Et ita non solum conservant suam pecuniam, sed etiam lucro vicunt, & ditantur.*

Hic casus vel consideratur tanquam mutuum, vel tanquam cambium. Si tanquam mutuum, sicuti ipsum accipere videtur Author, iterum distinguendum est. Vel mutua datur pecunia cum lucro certo, vel cum incerto. Si primum, non video quomodo excusari possit ab usura. *Usura est, ubi amplius requiritur, quam datur: Verbi gratia: si dederis solidos decem, & amplius quesieris: vel dederis frumenti modium unum, & super aliquid exegeris--.* Ita 14. q. 3. cap. *Usura*. Hic amplius requiritur quam datur, & quidem absque ullo iusto titulo: quoniam mutuator, ut supponitur, nec merces vult emere, nec alio modo licite negotiari, sed unice lucrari ex mutatione pecuniæ. Hic motivum lucrandi unice desumitur ex restitutione expectata usque ad alias nundinas.

Usura

Usura igitur est aperta, & manifesta, & omnium usurarum maxima, quin pallio aliquo possit obregi: & secus opinari est vetitum, & damnatum in propositione proscripta ab Alexandro VII. in ordine 42. -- *Licitum est mutanti aliquid ultra sortem exigere, si se obliget ad non repetendam sortem ad certum tempus* -- . Si postmodum mutua præstatur pecunia cum lucro incerto, quia videlicet in primis nundinis valor pecuniæ potest esse major, aut minor, adhuc sic inutuam dans usurarius est, quod ita ostendo. Ille mutuator eo proposito mutuam pecuniam credit, ut plus forte recipiat, quemadmodum legimus cap. *Consuluit Extra De usuris*. Pecuniam insuper suam mutuam dat illi, a quo aliquid plus, quam dedit, expectat accipere, sicuti enarratur cap. *Si scerneraveris* 14. q. 3. . Si ergo hi, de quibus sermo in hisce duobus capitibus, usurarii dicuntur, & declarantur, etiam iste habendus erit tanquam usurarius; spes enim lucri in ipso est causa princeps mutationis: quoniam hac unica de causa se confert ad nundinas, negotium huiusmodi exercet, quod certe non faceret sublata spe lucrandi, immo si vel unum solum videret turpe hoc lucrum exercentem in dies magis magisque non ditescere. Addit S. Bernardinus Serm. 39. art. 3. cap. 2. -- *Secundum etiam Alexandrum Lombardum dicendum est, quod ille, qui mutat pecuniam alterius generis ad certum terminum, peccat, si ratione termini dati vult habere pecuniam, quam probabiliter credit amplius valituram in termino dato, quam sit pecunia, quam ipse dederat. Operatur enim excrecentiam propter dilationem temporis* -- .

Et Author hic, & S. Bernardinus ibidem appellant ea, quæ dicta sunt dubio quinto super quarto verbo definitionis usuræ: videlicet aut mutuator erat servaturus pecuniam illam usque ad sequentes nundinas animo eam tunc commutandi pretio in illis currenti, aut non erat servaturus. Si secundum, usura tunc est propter rationes supra productas. Si autem primum, excusari poterit ab usura: quia se servat indemnem, &, si aliquid lucri percipit, hoc non erit ex mutuo, sed ex industria licita; potest enim quisque lucrari commutando pecuniam, non ratione mutui, sed ratione patriæ, & valoris ipsius in una patria maioris, minoris in alia. Verum enimvero quum hi, de quibus sermo, super hoc negotientur ex consuetudine, ex habitu; & in sequentibus nundinis pecuniam restitutam recipiant, non animo eam expendendi in rebus familiaribus, vel alicui licitæ negotiationi tradendi, sed animo eam iterum mutuo præstandi vel isdem, vel aliis volentibus eam accipere sub eadem conditione restitutionis ab aliis nundinas: arbitror mentoratam distinctionem eisdem suffragari non posse. Suffragetur cuidam particulari, & in aliquo particulari casu. Per me id licet; potest enim hoc contingere, quin expectatio lucri sit causa princeps mutui, & quod lucrum ipsi debeatur, ut servetur indemnis. Non suffragabitur certe iis, de

quibus in præfenti: quia in istis expectatio lucri semper est causa princeps, & propter hanc solam mutuum dant, & propter hanc solam mutationibus negotiantur contra jura omnia hujusmodi negotia merito improbantia, contra Dominicum mandatum -- *Mutuum date nihil inde sperantes.*

Si postmodum præfens casus reducatur ad cambium, habebimus tunc cambium illud, quod dicitur ad terminum solutionis vel ad nundinas, vel temporale, vel Lugdunense, vel Francofurtense: in eo positum, quod campfor dat hic pecuniam ea lege, ut illam cum lucro recipiat Francofurti, vel alibi ad proximas nundinas, & plus minusve exigit pro cambio, quo magis vel minus remotæ sunt nundinæ, in quibus restitutio facienda est. Hunc contractum licitum esse tuentur Lessius, Layman, Tamburinus, alique, quos refert, & sequitur Ferraris ver. *Cambium* num. 33., 34.; immo & ipse Joannes Pontas ver. *Nummularius* casu 3., ratione, ut ajunt, lucri cessantis, aut damni emergentis, quod campfor posset pati, & quod patitur, quia, cum nundinæ sunt proximæ, pretium cambii solet esse vilius propter copiam pecuniarum, majus autem, cum nundinæ sunt remotæ. Ex adverso eundem habent tanquam usurarium Cajetanus, Soto, Colletus Institut. De cambio conclus. 3., Antoine De cambio q. 3., Concina De cambio cap. 4. num. 2. & seq., quia auctarium non exigitur nisi pro carentia pecuniæ ad certum tempus, & pro solutionis dilatione; quapropter quo major est dilatio, majus exigitur auctarium. *Secluso alio titulo justo excusante ab usura, cambium hoc est usurarium. Nam est verum mutuum, ratione cujus lucrum exigitur: nihil enim aliud est, quam contractus, quo traditur pecunia, ut reddatur cum lucro infra terminum, seu in quo exigitur aliquid ob dilatam solutionem --* Ita Antoine loco citato. Postremam hanc opinionem præferendam esse arbitror: & quia campfores raro cambiunt dilata solutione, & tunc forte contingit, quando otiosa pecunia abundant, & deficiunt occasiones cambiendi ad lucrum certum: & quia in hoc vere & proprie non se gerunt tanquam campfores, sed tanquam mutuatores. Vel ergo omnibus sic mutuo dare licet, vel nulli. Omnibus non licere jam ostensum est. Nec igitur licebit campforibus, nisi in ipsis, sicuti & in aliis habeatur verum lucrum cessans. Dico *verum*, quoniam illud, quod pati possunt, non est verum lucrum cessans, sed quid commune omnibus mutuatoribus, & quod, si sufficeret, mutuatores omnes semper redderet ab usura liberos. Cæterum ii ipsi Auctores, qui lucrum hoc permittunt, tot tantasque conditiones requirunt, ut vix, aut ne vix quidem in praxi omnes in finem reperiantur. Concludit igitur ipsemet Pontas, quod in praxi raro admodum contingit, ut illud commercium sit ab usura liberum.

Notatu dignum est, quod adjicit Colletus proxime citatus -- *Cæterum illud solum impugno cambii genus, quod descripsi; si enim aliter exerceatur cambium Lugdunense, ut aliqui loci hujus incolæ me præfente dixerunt,*

de

de eo penes alios efflo judicium --. Jam superius dixi artem hanc tot tantisque circuitionibus, involucris, & modis exerceri, ut a solis campforibus intime percipiatur, & ipsam superet, tametsi perspicacem, Theologorum intelligentiam. Videant igitur ipsi. Nos differimus juxta leges Ecclesiæ adversus usurarios prætitutas, &, si ipsi ad hujusmodi leges non se conformant, vel innumeras ipsorum circuitiones consulto nobis occultant, certum est eos esse usuræ reos: & timendum vehementer est, ne de ipsis verificetur quod scriptum legimus Ecclesiastici 11. v. 16. -- *Error & tenebra peccatoribus concreta sunt --*, & quod dixit Christus Jo. 3. v. 20. -- *Omnis enim, qui male agit, odit lucem*.

VIGESIUM SEXTUM DUBIUM. Utrum qui Januæ existens emit ab aliquo Turonenses recipiendos in Francia in talibus nundinis, sit usurarius?

Respondeo secundum Alexandrum Lombardum, quod, si emens plus vel minus dat propter temporis dilationem: puta si usque ad nundinas sunt tres menses, & minus dat, quam si essent tantum duo, tunc contractus est illicitus: & maxime si pecunia recipienda in termino plus valitura creditur probabiliter: vel si sic emens communiter lucretur, hoc enim posito videtur mutuum indirectum. Sed si esset dubium, ratione dubii vel communiter, vel probabiliter accidentis excusaretur. Credo attendendum esse, quod dictum est in secundo Articulo primæ Considerationis dubio primo, & secundo.

(23) Eadem habent S. Bernardinus Serm. 39. art. 3. cap. 2., Alesanus lib. 3. tit. 11. de quarto &c. Super hac re animus emptoris explorandus est. Si id agat in fraudem usurarum, & propter dilationem solutionis, vel aliquid detrahat de justo pretio, vel aliud operetur in damnum venditoris, reus erit vel usuræ, vel injustitiæ. Si autem recto animo operetur, quia hoc sibi prodesse vel obesse potest, ac venditori non obest, & insuper inter ipsos servatur æqualitas pro emptionibus & venditionibus constituta, contractus erit licitus, nullo usuræ, vel injustitiæ crimine commagatus.

VIGESIMUM SEPTIMUM DUBIUM. Utrum recipiens Florentiæ decem libras grossorum, quæ tunc valent decem florenis, a campfore cum pacto, quod ipsi campfori teneatur

neatur tantum dare, quantum infra decem dies post celebratum contractum valebunt decem libræ grossorum Venetiis, quæ quidem aliquando plus, aliquando minus valent, & hoc hinc ad mensem receptionis earum: grave-tur inique, & utrum campfor sit usurarius?

Respondéo, quod sic, quia est ibi mutuum cum intentione recipiendi ultra sortem: nec periculum potest excusare ab usura Cap. *Naviganti Extra De usuris*. Est etiam illicitus talis contractus: quia speratur lucrum nummi, de quo nullum potest egredi lucrum, ut patet 88. dist. Cap. *Ejiciens*. Item tertio est illicitus: quia cum damno proximi fit, scilicet recipientis, experientia teste, quæ omnium est magistra Cap. *Quam sit Extra De electione*. Lib. 6., & cum destructione civium, qui talia cambia frequentare probantur. Ex iis patet quid de cambiis sit dicendum: quia, si sunt artificialia, sicut ars campforia, habes declarationem dubio 18., & 19.. Si vero sunt cambia realia, considera dubium 21.. Si autem cambia per litteras, dubium 24.. Si vero casualia, seu cambia grossorum, hoc dubium 27. te clarum faciet.

(34) Hunc casum fusc exponit, & solvit S. Bernardinus loco proxime laudato cap. 3., qui, etiamsi candide fateatur, quod campfor aliquando perdit, aliquando lucratur, tamen sapienter adjicit -- *Nec obstat, quod prædictæ libræ grossorum quandoque valeant minus, quia intentio mutuantis est ex tali mutuo lucrum habere* --: atque ut ad rem S. Antoninus part. 3. tit. 6. -- *Intentio lucri ex mutuo facit usurarium* --. Sed demus ejusdem Sancti Archiepiscopi responsum super hac eadem difficultate, quam sibi proponit part. 2. Summ. Theolog. tit. 8. cap. 3. ante medium -- *Illud communiter censetur usurarium: quia ibi est mutuum, & spes lucri in campfore, ex quibus duobus perficitur usura* 14. q. 3. *Can. SI FOENERAVERIS.... Nec excusat periculum, vel dubium amittendi, idest quia minus possunt valere illa centum tempore redditionis: tum quia in mutuo aliquid sperare non licet, Argum. DE USURIS Cap. NAVIGANTI: tum quia raro contingit quod perdat* --. Adde quod campfor non daret mutuo, nisi speraret se recepturum esse pecuniam prævalentem, seu cum majori pretio, & valore quam dederit.

Non

Non defuere Veteres, qui hunc campforem voluerunt immuncum ab usura, Laurentius scilicet De Rodulphis, Joannes De Anania, & Archidiaconus. Sed & hi fateri debuerunt vel inviti, tutius esse ab hoc contractu se abstinere propter periculum animæ, quia sic mutuū dantes se exponunt periculo peccandi. Quid multa? Sola ipsa conditio in contractu apposita -- *Quod seneatur ipsi campfiori tantum dare, quantum infra decem dies post celebratum contractum valebunt decem libra grossorum Venetiis* -- animum præferret lucro inhiantem, & non solo titulo christianæ charitatis ad præstandum mutuū adductum.

Quum Author declarat se absolvisse ea, quæ pertinent ad cambium, non erit abs re nonnullas alias adjicere, & exponere cambii species, quarum ipse non meminit. Primo igitur occurrit cambium cum recambio, seu cum recurso, sic appellatum, quia recurrit unde incipit. En quomodo conficitur. Cajus pecunia indigens, & necessitate coactus petit a Titio campfore centum aureos, nihil de cambio cogitans, quum in universo terrarum orbe nec mensam apertam, nec campfores, nec correspondentes habeat. Titius campfor nolens pecuniam suam relinquere sine lucro, offert eidem cambium Placentinum, seu Vesuntinum: videlicet quod dabit ei centum aureos postulatos cum onere, quod reddat eos in proximis nundinis Placentiæ, vel in alio loco celebrandis, & cum lucro consueto cambii. Et quia Cajus nec Placentiæ, nec alibi correspondentes habet, Titius offert eidem Sejum proprium correspondentem, & ad hunc scribit nomine proprio & Caji, eidem injungens, ut acceptet debitum Caji, & solvat cambium, ejusque lucrum consuetum. Sejus acceptis literis Titii in libris dati & accepti scribit debitum Caji, ipsumque solvit cum pecuniis ejusdem Titii, & postea cum istis iisdem pecuniis instituit secundum cambium, committendo Cajo, ut in patria sua ipsum solvat Titio cum lucro primi, & secundi cambii. Cajus certe est omnino impotens ad solvendum, & ideo tota hæc summa, quasi ipsam receperat a Titio, iterum traditur cambio modo nunc exposito, atque ideo per multos annos quandoque continuantur hæc cambia & recambia, donec, sœnore multiplicato, exhauritur patrimonium Caji coacti solvere, & centum aureos, quos habuit, & omnia lucra cambiorum & recambiorum intercurrentia, quæ paucorum annorum spatio vel cœquant, vel excedunt pecuniam mutuatam. Hoc cambium rem diabolicam dicit Sporer Tomo 2. tract. 6. sect. 2. De cambiis num. 44. Et reipsa, si ut par est pensetur, nihil aliud est, quam cambium siccum repetitum; circuitiones enim hæc figmenta sunt a Titio ad usuras occultandas excogitata, quibus Cajus fingitur correspondens hujus, vel alterius, ut exsaturetur avaritia Titii; quum hujus pecuniis, & correspondentibus omnia fiant, & non aliter.

Secundo venit cambium civicum, sic vocitatum, quia in eadem Civitate

vitare consummatur. En quomodo peragitur. Cajus indiget Taurini centum aureis, eosque petit a Titio campfore cum onere eisdem ibidem restituendi ad primas, vel ad secundas nundinas, adjecto lucro cambii consueto. Testatur quandoque Cajus se nummos hujusmodi accipere vel ad cambium alibi exercendum, vel ad negotiationem ineundam; sed re ipsa iisdem utitur ad proprias indigentias reparandas. Multa excogitarunt nonnulli ad hunc contractum salvandum. Irrito tamen conatu, meo saltem iudicio. Quidquid dicat Cajus indigens, quidquid etiam juramento testetur: quum campfor ipse ex munere non sit: quum ipsius indigentiam cognoscere possit Titius; quum Cajus alibi non habeat pecunias, nec correspondentes: cambium fictum est, cambium simulatum ad habendam pecuniam, & re ipsa purum est purumque mutuum, etsi proxenetæ usurarum persæpe lenones nihil quandoque intentatum relinquunt, ut repræsentent, & persuadeant rem aliter se habere. Sed quid dixi cambium fictum? Cambium locale est illud, in quo vel campfor dat campfario pecuniam in uno loco, ut ipsi restituatur in alio, vel ipse campfarius solvit campfiori pecunias in uno loco, ut eidem de mandato campforis in alio restituantur. In casu non fingitur alter locus, in quo campfiori pecunia reddenda sit, sed pacto firmatur, ut restituatur ibidem. Quocumque igitur modo pecunia velit uti Cajus, non poterit habere rationem cambii, ne simulati quidem, sed purum erit mutuum cum pretio cambii.

Remanet nunc enucleandum cambium alterum, quod dicunt obliquum. Qua in re utar verbis Benedicti XIV. De Synodo Diocæs. lib. 10. cap. 5. num. 8., & seq. -- Titius indigens mille aureis mutuos eos petit a Cajo, qui, cum consueverit negotiari, & negotiatione pecuniam suam augere, renuit indulgere petitioni Titii, a quo ratione mutui nihil potest exigere. Quia vero Titius Cajum urgere non cessat, res inter eos in hunc modum componitur. Titius mutuos accipit a Cajo prædictos mille aureos, neque mutui causa quidquam se Cajo ultra fortem soluturum promittit. Ut tamen Cajo damnum rependat, quod ex dato mutuo subit, dat ei facultatem æquivalentem pecuniæ summam sive a semetipso, sive ab alio, per cambii contractum accipiendi, eamque ad negotiationem destinandi, simulque Titius se obligat ad solvendum Cajo, donec ei mutuum restituat, quidquid ratione cambii impendit, aut impendere deberet, si prædictos mille aureos a campfore accepisset. Quandoque etiam ipsemet Titius mutuatarius assumit sibi onus cambiis negotiandi tantam pecuniæ summam, quantam mutuum accepit a Cajo, in commodum tamen, & utilitatem ejusdem Caji, cui quotannis solvit quantum ex cambiis lucratur, aut lucrari posset, donec ei mutuum restituat.... Præmissa hac cambii obliqui notione, quam præbet Cardinalis

nalis De Luca lib. 5. tit. De cambiis in Summ. part. 2. num. 16., facile est suspicari prædictas involutas ambages esse unice excogitatas ad palliandam usuram, quæ nihilominus non satis occultatur, & magis adhuc aperte se prodit, cum contractus secundo ex recensitis modis initur. Quid enim absurdius, quid incredibilius fingi potest, quam quod Titius indigens mille aureis, quos mutuos accipit a Cajo, totidem statim habeat paratos ad nundinas transmittendos, atque in activa cambia erogandos in mutuantis Caji utilitatem! Et nihilominus non desunt Auctores qui pro ejusmodi cambiorum tuenda justitia decertant, inter quos Cardinalis De Luca De cambiis discurs. 3. num. 5., discurs. 5. num. 8., discurs. 23. num. 9., Ansaldo. De commerc. & mercat. discurs. 65. num. 46., & seq., Rota Bononiensis apud Urceolum De transact. quæst. 40. a num. 23. usque ad fin., & Rota Romana decis. 1. lib. 8. ad ornatum. Card. De Luca., & decis. 323., & 695. cor. Molines. Verum quid sit de foro externo, in quo fortasse ita res gesta præsumitur, sicut in contractus stipulatione describitur, in foro tamen interno, ubi sola spectatur veritas, si pecunia accepto mutuo respondens neque a mutuantem, neque a mutuuario juxta prædictas diversas pactiones fuerit ad nundinas transmissa, seu in cambia activa erogata, nec unquam in alterutrum animo fuit eam ad nundinas transmittere, seu in cambia erogare: minime dubitandum est, cambium esse illicitum, turpe, & usurarium, ac propterea e Christiana Republica prorsus eliminandum. Non enim vero negamus posse mutuantem, qui solet pecuniam suam negotiatione augere, aliquid percipere a mutuuario titulo ejus quod interest; hoc est lucri cessantis, aut damni emergentis. Sed cum hic legitimus adest titulus aliquid ultra mutuam sortem exigendi, is erit ingenue adducendus, neque recurrendum ad prædictos cambii obliqui anfractus, qui vehementem ingerunt suspicionem fraudis, & doli --. Hactenus sapientissimus Pontifex. Postremam ipsius periodum tu, Lector, attente considera; hæc enim vel sola sufficit ad cognoscendum istud cambii genus nihil aliud esse nisi tegumentum usuræ.

VIGESIMUM OCTAVUM DUBIUM. Utrum tradens centum cuidam mercatori cum pacto, quod tantum det sibi de lucro sive lucretur, sive non: periculum tamen casus fortuiti totius capitalis in se retinens, & omne damnum ipsius capitalis, quod sine culpa mercatoris procedit: sit usurarius?

Respondeo secundum Girardum Obdonis, & Laurentium de Florentia, quod non, immo licitus est talis contractus,

tractus, si tantum accipit de lucro, quantum verisimiliter mercator potest lucrari, cum bene lucratur, & quantum perdere, cum nihil lucraretur. Nam talis mercator emit lucrum capitalis pro tanto pretio, quanto probabiliter cum propria utilitate potest æstimari. Alii autem dicunt, quod illicitus est. Sed primum verius credo, nisi forte fieret in fraudem usurarum.

(35) Casum hunc perhibet Joannes Pontas ver. *Societas* casu 4., & totus est, ut ostendat id non licere. Præcipua ipsius momenta sunt hæc. Primo, quia hic contractus est contra naturam societatis, quæ postulat, ut ambo contrahentes æque participent de damno, sicut & de lucro. Secundo, quia adversatur S. Thomæ 2. 2. q. 78. art. 1. in corpore scribenti -- *Secundum se est illicitum pro usu pecunie accipere pretium, quod dicitur usura* --. Tertio, quia hunc contractum reprobat Sixtus V. in sua Constitutione *Desestabilis* edita anno 1586. die 25. Octobris. Quarto, quia demum non convenit cum S. Bernardino Serm. 39. cap. 3., qui dicit -- *Si intendis habere lucrum, & non damnum, usura est* --. Hæc tamen tanti ipse non facio, ut statim condemnem Authorem secus docentem; quoniam, supersedendo Constitutione Sixti V., de qua dicam infra, responderi potest, ut sequitur.

Ad primum. Utique -- *Societas cum contrahitur tam lucri, quam damni communio initur* -- L. *Si societatem* ff. *Pro socio*. Sed hic agitur de contractu venditionis formaliter, aut saltem virtualiter sequente societatem; dum enim contrahentes conveniunt de lucro, ut in casu, unus vendit jus ad lucrum, & alter ipsum emit, non autem mutuam ineunt societatem.

Ad secundum. Joannes Pontas ex inadvertentia omisit unum verbum in textu S. Thomæ, cujus appositio difficultatem solvit. S. Doctor ibi, postquam dixit proprium, & principalem usum pecuniæ esse ipsius consumptionem, sive distractionem, subdidit -- *Et propter hoc secundum se est illicitum pro usu pecunie mutuata accipere pretium, quod dicitur usura* --. Do ipse lubens ex pecunia mutuata non posse recipi lucrum: sed in præsentia non agitur de hac re; agitur enim de jure ad lucrum, & quaeritur utrum vendi possit, nec ne.

Ad quartum. S. Bernardinus revera habet verba recitata art. 2. cap. 3. ibidem, sed de alio casu loquens a præsentia longe diverso. Casum nostrum exhibet S. Bernardinus ibidem art. 1. cap. 1., & in eadem cum Authore sententia est. Ea verba ipsa S. Bernardini -- *Quartus casus addi potest, puta quum in mercando capitale currit ad periculum tradentis, ita quod quidquid mercando, vel alio inculpabili modo perditur, perdatur*

tra-

traditori ipsius capitalis; lucrum autem fixum est: & in tali casu certum est, quod mercator, cui capitale traditum est, emit totum futurum lucrum capitalis predicti tanto pretio, quantum probabilitas futuri lucri cum utilitate propria posset rationabiliter aestimari. Talis quidem contractus secundum quosdam illicitus est: tamen secundum Gerardum Obdonensem licite fieri potest, & hoc multiplici ratione. Primo ratione periculi. Secundo ratione lucri. Tertio ratione vitandi damni. Primo ratione periculi: nam in tota mercatione fienda ex hoc capitale capitale ad periculum tradentis currit. Secundo ratione lucri; quia totum lucrum, quod perventurum aestimatur probabiliter, aliquem valorem habet, qui potest aliquo pretio justo aestimari, & per consequens etiam iuste vendi. Tertio ratione vitandi damni: quia iste, qui dat suum proprium capitale, iuste potest inde exigere interesse. Idem patet a simili. Detur enim, quod aliquis tradat equum suum ad septimanam sub pretio competenti, vel conducat eum in preliis, & aliis sibi necessariis, tandem ille, cui equus traditus est, emit totum futurum lucrum annue conductionis equi. Sicut hoc licite emi potest, ita & ibi. Credo igitur, quod ratione contractus in hoc nulla committatur usura, nisi hoc fieret in fraudem usurarum: ita quod illud capitale non esset vere secundum rem traditum pro capitali, sed potius pro mutuo, & ad usurarum lucrum: quia hoc esset contra primam regulam, quum esset ibi mutuum interpretatum, & per consequens esset contra secundam regulam, quia apud lucrantem perveniret lucrum de re, cujus non haberet dominium, nec usum --. Certum est igitur S. Bernardinum a Joannis Pontasii opinionatione non stare: & quæ Pontasius protulit, tanti non esse momenti, ut ab Authoris sententia sit recedendum.

Hunc casum quoque perhibent Fulgentius Cuniati De contractu societatis §. 2. num. 9., & Daniel Concina lib. 3. De iustitia & jure, differt. 3. cap. 22. §. 5. num. 9. & seq.: & quamvis ambo convenient in hoc contractu nihil haberi, quod adversetur iustitiæ, adjicit tamen Concina se olim illum consuluisse, sed facti poenitere; re enim serius considerata permittendus non est, quia a Sixto V. in proxime laudata Constitutione prohibitus. Id ut probet, profert hæc verba ex §. 3. ejusdem Constitutionis deprompta. -- Ita ut non ad certam summam, aut quantitatem ab omni periculo, & damno, ut præfertur, immunem lucri nomine persolvendam, neque ad capitale, si casu fortuito perierit, restituendum socius accipiens teneatur --: atque contendit hæc duo disjunctive, non copulative esse accipienda, ut Summus Pontifex unum æque prohibuerit ac alterum, non vero duntaxat tanquam insimul conjuncta. Si igitur ostendam Sixtum V. in hac Constitutione prohibuisse quidem, pacisci de lucro determinato, quando insimul in pactum transit capitale, seu fors, & remanet periculo accipientis; non autem quando unice contrahentes convenient de assecuratione lucri ex negotio provenientis, periculo fortis

rema-

remanente penes tradentem: salva res erit, & hic contractus venditionis, qui satente ipso Concina nullam prodit injustitiam, nec erit aliquo jure positivo vetitus.

Id statim demonstro. Quod ut faciam, præmitto casus enarrationem a Summo Pontifice factam sub ipso Constitutionis initio -- *Nam multi speciosum, & honestum societatis nomen suis sæneratitiis contractibus prætexendo, hoc quasi colore & suco, mercatoribus, opificibus, negotiatoribus, & aliis personis super eorum mercibus, officinis, tabernis pannariis, aliisque rebus, ac bonis, pecunias suas, aut alias res societatis nomine conferunt; vel greges, armenta, aut certa animalia agricolis, seu terrarum cultoribus, pastoribus, aliisque rusticis, seu quibuscumque personis dant in societatem, sive ad foccidam, ut vocant, ea conditione, ut sors ipsa, seu caput, quod vulgo dicitur capitale, tam pecuniarum, quam animalium, & rerum, saluum semper & integrum existat pro eo, qui non industriam, aut operas, sed pecunias, animalia, aut res hujusmodi in societatem confert, utque omne periculum, & damnum ab altero socio recipiente sublianeatur, contra aequitatem, & societatis justitiam diversimode paciscuntur, eosque socios cum quibus contrahunt, plerumque pauperes & egenos, suoque labore, & industria visitantes, ad sortem, seu capitale restituendum, quicumque tandem casus, & rerum eventus consequatur, pacto & obligatione obstringunt, simulque etiam certam lucri quantitatem, & summam, veluti tot pro quolibet centenario, in singulos annos, aut menses per alterum socium, durante societate, solvendam præfinitunt, ac præscribunt; eamque summam, & quantitatem, non subductis rationibus accepti & expensis, quod in codices, seu tabulas societatis referri solet, neque facto calculo, vel computo, pro ipsius lucri, vel damni lucro variabilem, sed laborem & curam computandi, & calculandi se invicem remittere, & renuntiare asserentes, quovis tempore certam constituunt.*

Præmitto pariter quod Summus Pontifex exinde decrevit, & constituit §. 1. -- *Proinde nos hac nostra perpetuo valitura Constitutione damnamus, & reprobamus omnes, & quoscumque contractus, conventiones & pactiones posthac incundos, seu incundas, per quos, seu quas cavebitur personis pecunias, animalia, aut quaslibet alias res societatis nomine tradentibus, ut, etiamsi fortuito casu quamlibet jacturam, damnum, aut amissionem sequi contingat, sors ipsa, seu capitale semper saluum sit, & integrum a socio recipiente restituatur, sive ut de certa quantitate vel summa in singulos annos aut menses durante societate respondeatur: statimisque hujusmodi contractus, conventiones, & pactiones usurarios, & illicitos posthac censeri debere; atque in posterum non licere iis, qui pecunias, vel animalia, aut alias res in societatem tradent, de certo lucro, ut præfertur, perscipiendo inter se pacisci, & concordare: neque etiam, sive ad certum, sive ad incertum lucrum convenerint, socios, qui ea recipient, ad sortem, seu capi-*

capitale saluum, & integrum, ubi illud casu fortuito perierit, vel amissum erit, reddendum quovis pacto, aut promissione sibi obligare.

Pergo nunc. Summus Pontifex in casus enarratione hæc duo, videlicet pacisci de capitali salvo & integro, & pacisci de lucro certo quotannis habendo, tanquam insimul conjuncta, insimul contingentia in uno eodemque contractu, & cum iisdem contrahentibus, proposuit. Perspicuum id fit, vel leviter expendendo hæc Pontificis verba — *simulque etiam certam lueri quantitatem, & summam* —; particula enim *simul* est particula conjungens, qua præcedentia verba cum proxime sequentibus copulantur. Ergo improbavit ea, damnavitque tanquam insimul conjuncta, & copulata, non autem tanquam divisa, & duos casus conjunctos constituentia. Secus, unum proposuisset, & alterum damnasset. Secus, casum damnasset in enarratione non expositum. Quis ignorat hæc duo simul juncta non ejusdem esse indolis, ac si sumantur separata & divisa! Docente ipsomet Concina, casus noster solitarie inspectus nullam vel minimam prodit injustitiam; conjunctus autem & usura, & injustitiæ pene ab omnibus condemnatur. Non ergo idem judicium ferendum est de eo absolute spectato, ac de eodem conjuncto cum prævio pacto, quod tradens pecuniam &c. securus sit de capitali, & hoc remaneat periculo solius accipientis.

Præterea [quod pluri faciendum est, & quod unum sufficit pro re nostra] Summus Pontifex hæc duo pacta indistincte damnavit tanquam usuraria & illicita — *Statuimusque hujusmodi contractus, conventiones, & pactiones usurarios, & illicitos posthac censeri debere* —. Contractus noster in se inspectus, solitarie consideratus non est hujusmodi per Concinam ipsum; usura enim juri naturali adversatur, estque injustitia manifesta, ut scribit S. Thomas 2. 2. q. 78. art. 1. inquit — *Dicendum, quod accipere usuram pro pecunia mutuata est secundum se injustum; quia venditur id, quod non est, per quod manifeste inæqualitas constituitur, quæ justitia contrariatur* —, ut etiam fuso calamo ostendit Concina De mutuo & usura cap. 3. per totum: & aliunde contractus noster solitarie acceptus, Concina teste, nihil habet injustitiæ — *Si naturam contractus considero, nullam deprehendo injustitiam* —. Verba sunt ipsius loco primo laudato. Vel igitur se fecellit Summus Pontifex declarans usurarium, adeoque injustum contractum, in quo nulla deprehenditur injustitia: Vel se fecellit Concina putans, & volens Summum Pontificem in hac sua declaratione comprehendisse contractum nostrum se junctum inspectum, ipsomet fatente, ab omni injustitia, & per consequens ab omni usura liberum. Primum adserere nefas. Dicendum est igitur Daniele Concina in hoc mentem Pontificis non fuisse assequutum; & idcirco nedum Authorem nostrum, qui scripsit longe ante Sixtinam Constitutionem, sed ipsum etiam Fulgentium Cuniati, qui post eundem

Concinam Theologiam vulgavit suam, potuisse citra errorem, & laxitatem contractum nostrum, præsentemque casum ab injuria, & per consequens etiam a scœnore vindicare.

Summus Pontifex, uti contenditur, duas affecuraciones, fortis nempe & lucri, improbavit, damnavitque non prout separatim fieri possunt, sed tanquam insimul conjunctas, & copulatas. Ergo, inquires, sicuti sejunctim fieri potest affecuratio lucri, uti dicitur, quin huic pacto repugnet Pontificia Constitutio, ita fieri etiam sejunctim poterit affecuratio fortis, quin Sixtinæ Constitutioni adversetur. Sed quis discrimen non videt, idque latissimum? Unum est principale, alterum duntaxat accessorium. Unum societatem destruit, non item alterum. Unum efficit, quod contractus transeat in mutuum, non vero alterum. Accessorium ergo damnatum est propter principale, non autem principale propter accessorium: quia hoc in se inspectum, ipso Concina adserente, nihil præfert injustum: injustissimum autem est per Concinam principale, scilicet affecuratio fortis; hac enim sequuta contractus statim transit in illam societatem leoninam, de qua inferius, omni jure prohibitam. Ex quo igitur affecuratio lucri sejunctim facta non est vetita per Sixtinam Constitutionem, non recte inferitur, quod item vetita non sit affecuratio fortis, etiam dato quod secunda non sequatur affecuratio, lucri videlicet.

Fateor nihiloominus, & candide fateor hujusmodi contractum in praxi non esse consulendum; attenta enim humana fragilitate, &, quod pluris est, insatiabili hominum lucrandi cupidine, suspicandum vehementer est, quod tradens pecuniam non conferat eam animo veræ, propriæque societatis, sed solo animo inducendi socium minorem ad paciscendum de lucro ex eadem proventuro. Quo in casu videri posset, & haberi tanquam mutuum interpretatum sub pallio societatis.

VIGESIMUM NONUM DUBIUM. Utrum cives, qui mutuo dant Communitati propter certum lucrum, coacte tamen ac violenter, ita ut potius desisterent, quam sic dare mutuum, cum incurrant multoties multum damnum, sint usurarii?

Respondeo, quod sic: quum quidquid accedit forti in mutuo sit usura, nisi affuerit verum & certum interesse, quod potest æstimari etiam ex dubio eventu secundum conditiones personarum & negotiorum juxta Thomam 2. 2. q. 62. art. 4. in corpore. Non autem potest poni interesse certum pro incerto, ut dicit Thomas 2. 2. q. 78.

art.

art. 2. ad. 1., & notat Antonius de Butrio in Cap. *Salubriter Extra De usuris*. Nec excusat eos coactio, vel alia necessitas, ut Cap. *Super eo Extra De usuris*, & *Extra De his, quæ vi metusve Cap. Sacris*.

(36) Præmissis do auctoritates ab Authore indicatas -- *Alio modo si damnificet aliquem, impediendo ne adipiscatur quod erat in via habendi, & tale damnum non oportet recompensare ex aquo: quia minus est habere aliquid in virtute, quam habere actu. Qui autem est in via adipiscendi aliquid, habet illud solum secundum virtutem, vel potestatem; & ideo, si redderetur ei, ut haberet hoc in actu, restitueretur ei quod est ablatum non simpliciter, sed multiplicatum, quod non est de necessitate restitutionis, ut dictum est articulo tertio. Tenetur tamen aliquam recompensationem facere secundum conditionem personarum, & negotiorum --. Ita S. Thomas loco primo citato.*

Recompensationem vero damni, quod consideratur in hoc, quod pecunia non lucratur, non potest in pactum deducere: quia non debet vendere id, quod nondum habet, & potest impediri multipliciter ab habendo --. Ita S. Thomas loco secundo indicato.

Respondemus, quod, cum usurarum crimen utriusque Testamenti pagina detestetur, super hoc dispensationem aliquam posse fieri non videmus --. Ita Cap. Super eo.

Distinguimus autem, utrum is, qui communicat excommunicatis invitus, sit per coactionem attractus, aut per metum inductus. In primo casu talem non credimus excommunicatione teneri, cum magis pati, quam agere videatur. In secundo, licet metus attenuet culpam, quia tamen non eam prorsus excludit, cum pro nullo metu debeat quis mortale peccatum incurrere, excommunicationis labe credimus inquinari --. Ita Cap. Sacris.

Dubio procul hic agitur de mutuo; mutuum enim exprimit quæsitum, & non censum, de quo, si ageretur, aliter esset constituendum, ut inferius patebit. Secluso igitur iusto titulo non potest aliquid exigi ultra sortem. Iustus titulus non est, quod pecunia poterat fructum asferre in manu mutuatoris: quia, præterquamquod, ut ait D. Thomas secundo recitatus, venderetur id, quod nondum est, quilibet mutuator hunc titulum allegare posset, & ideo in omni mutuo liceret usura. Dum postea iustus habetur titulus, quia mutuator damnum reipia patitur ex hoc mutuo, optima est distinctio a D. Thoma producta, videlicet: aut auferretur ei lucrum, quod jam habebat, aut duntaxat impeditur lucrum, ad quod habendum erat in via. Si primum, lucrum exigere potest ad æqualitatem damni. Si vero secundum, illud duntaxat exigit arbitrio boni viri, pensata negotii qualitate, ipsiusque circumstantiis.

Coactionem quod respicit, quum vitium usuræ positum non sit in mutatione pecuniæ, sed in spe lucri, & in receptione alicujus rei ultra sortem: si quis a Communitate cogatur ad mutuum dandum, animus is in mutatione servet catholicum ab omni spe lucri, ab omni lucri intentione alienum, & usuræ labe non commaculabitur.

Sed quid, si Communitas ipsum compellat, & cogere velit ad stipulandum mutuum sub usuris? Constante ipse reluctetur. Quum usura sit mala in se & secundum se, ut ostensum fuit dubio secundo Articuli secundi hujus Considerationis, prohibita iccirco quia mala, non mala quia prohibita, nec minis, nec coactionibus cedere debet catholicus vir, sed potius mori, quam scdari.

Sed quid, si Communitas ipsum cogat, & compellat ad accipiendas usuras? Usuræ labe posita non est in nuda materiali receptione usurarum, seu pecuniæ datæ pro usura, bene vero in receptione earundem cum animo eas retinendi. Cedat ergo in hoc casu coactioni, animo eas restituendi, & postmodum congruo tempore illas revera restituat, quod mille modis potest fieri.

Non displicet distinctio Alexandri Lombardi super hoc eodem casu, quam refert, & non improbat Alfesanus noster lib. 3. tit. 11. de quinto versus finem scribens -- Dillinxit autem, quia relevatio potest fieri dupliciter: uno modo per modum gratitudinis, quia scilicet Communitas gratis, & liberaliter relevat mutuantes, & tunc licite recipitur. Alio modo per modum obligationis, quia scilicet Communitas ad hoc faciendum se obligavit, & tunc non percipitur licite, & specialiter, quia ex tali obligatione mutuum incipit esse voluntarium, & fieri propter spem lucri. Mihi autem videtur, salvo semper judicio meliori, quod, si is, qui mutuavit, semper mallet, si posset, suum mutuum recuperare, quam proventus habere, licite possit eos recipere: præcipue cum Communitas ad hoc se obligaverit sponte, ut supponitur ad præfens --. Hactenus Alfesanus.

TRIGESIMUM DUBIUM. Utrum ementes jura prædictorum civium pro eo, quod ipsi dederunt mutuo Communitati, licite sine usuræ vitio possint recipere illud, quod Civitas talibus dabit?

Respondeo, quod, si principale est illicitum, similiter & accessorium Extra *De regulis juris* lib. 6., & ideo usurarii sunt.

(37) En Regulam juris hîc laudatam, quæ est in ordine 42. -- *Accessorium naturam sequi congruit principalis* --. Huc etiam pertinet Regula

gula 18. -- *Non firmatur tractu temporis, quod de jure ab initio non subsistit.* Huc demum accedit Regula 29. ff. *De diversis regulis juris* --. *Quod initio vitiosum est, non potest tractu temporis convalescere.*

Secus opinatus est Joannes de Saxonia, ut videre est apud Altesanum loco proxime citato: quia ipse defendit posse cives mutuo dantes sine vitio usuræ aliquid ultra sortem a Communitate recipere. Verum, quum Author aliter supra constituerit, jure nunc docet euentes talia jura esse usurarios. Sed quid juris, si cum Alexandro Lombardo & Altesano ponamus, quod Communitas auctarium elargiatur sponte & libere, causa gratitudinis, non obligationis: anne licite posset quis emere jus ad tale auctarium gratis elargitum, & gratis elargiendum? Videtur certe, quod sic: quia, si hujusmodi auctarium gratis datum licite recipitur, licite etiam vendi potest, & emi. Verum enim vero, quum donum pure gratuitum nullam secum ferat obligationem, & qua libertate donatur, eadem possit libertate negari: res esset plena periculi ipsum reducere ad quoddam jus, & pro ipsius spe pretium accipere.

TRIGESIMUM PRIMUM DUBIUM. Utrum cives sint usurarii, a quibus Communitas pecuniam accipit mutuo, sed ut nunquam ipsam restituat, si accipiant illud, quod sibi annuatim constituit ipsa Communitas pro dicta pecunia taliter accepta, sicut fit in impræstitis Venetiarum, in Montibus Florentiæ, & in Locis Januæ.

Respondeo, quod Doctores diversi diversa super hoc senserunt. Iste autem Sanctus vult, quod sint usurarii, si voluntarie dictam pecuniam taliter Communitati dederint. Si autem coacte, dicit, quod licet aliquid accipere pro interesse. Sed ista sua opinio mihi non placet; nec rationes, & motiva ipsius, quæ omitto brevitatis causa, efficaciter de jure concludunt; nec tollunt rationes, & illa, quæ per Doctores in Cap. *In Civitate Extra De usuris* sunt allegata, quæ nimis longum foret hic ponere. Ideo salvo meliori judicio mihi videtur, quod talis contractus licitus sit: quum in hoc casu non habeatur mutuum, sed potius venditio reddituum Communitatis, quæ fieri potest, ut tetigi in tertio Articulo primæ Considerationis, & tenet iste Sanctus, & etiam notant Doctores in dicto

Cap. *In Civitate*: ubi addit Antonius de Butrio -- & prædicta faciunt ad id, quod Venetiis sæpissime revocatur in dubium. Ibi enim omnes singulatim describuntur, qui pecunias hætenus contulerunt in communi, deinde Commune respondet eis quolibet anno pro centenario quinque quantum minus, sed capitale nunquam restituit, & vocantur impræstita Venetiarum --. Hæc ille.

(38) De hisce contractibus, qui Venetiis impræstita, Florentiæ Moneres, & Januæ Loca dicebantur, olim diu, multumque disputatum est, aliis hinc contendentibus eos esse usurarios, aliis illinc pro virili parte tuentibus eosdem esse ab omni fœnore liberos. Variantium opinionum causa fuit: quia alii cum S. Bernardino Serm. 41. art. 2. per totum arbitrabantur verum esse mutuum purum putumque: existimabant alii veram esse venditionem, verumque censum, ut opportune monet Tabiena ver. *Usura* 14. scribens -- *Nam antiqui disputabant sub nomine mutui, moderni vero sub nomine emptionis: & forte causa hujus fuit, quia erat diversa opinio, scilicet utrum possint emi annui redditus, seu redditus pecuniarii non ab antiquo constituti: quibusdam dicentibus quod non, ut Innocentius in Cap. IN CIVITATE, DE USURIS, quibusdam vero quod sic, ut Panormitanus in eodem Cap.* Verum enim vero quum nostra hæc ætate explorata res sit, hujusmodi contractus mutuum non esse, sed venditiones, & census, non erit abs re censum hic exponere, atque nonnulla ad ipsum pertinentia brevi calamo explanare.

Census nomine hic non intelligitur tributum, quod singula capita subditorum Principi pendunt, quemadmodum sumitur census Matth. 22. v. 17. -- *Licet censum dare Cafari, an non?* --: neque accipitur census pro eo, quod alteri solvitur in signum subjectionis, & imperii, sicuti acceptum esse novimus 1. q. 3. Cap. *Quæsitum*: neque pro alia quacumque significatione præter eam, quæ vulgaris nunc est, & communis inter Theologos, quod nempe census sit -- *Jus percipiendi pensionem annuam ex re alterius utili, & fructifera, super qua fundatur* --. Omnem censum hoc modo usurpatum larvatam esse usuram putarunt Henricus, Salicetus, & Hortomannus. Sed ipsum, dummodo realis sit, absque ulla usuræ labe constitui, vendi, & emi posse declararunt Martinus V. in sua Constitutione *Regimini*, quam legimus in Extravag. comm. *De emptione, & venditione* cap. 1., Calixtus III. in sua Constitutione item *Regimini*, quæ habetur ibidem cap. 2., & Pius V. in sua Constitutione *Cum onus* edita 14. Kal. Februarii 1568., quam perhibet liber septimus Decretalium *De forma contrahendi censum* cap. 1.. Census alius est reservativus, consignativus alter. Primus habetur, quum quis alteri tra-

dit

dit rem suam, prædium puta, domum, &c., conferens eidem dominium tam directum, quam utile, reservata sibi pensione determinata aut pecuniæ, aut fructuum quotannis ipsi solvenda: & de hoc, quem omnes licitum agnoscunt, & fatentur, in præsentì non est sermo. Secundus, nempe consignativus, fit, cum quis, retento dominio proprii prædii tam directo, quam utili, alteri vendit jus percipiendi pensionem annuam super eodem. Si hic census constituatur super re, vocatur realis: si super persona, dicitur personalis: si super re, insimul & persona, mixtus appellari solet. Qui vendit census, ille scilicet, qui debet alteri pensionem solvere, dicitur Censuarius: qui autem census emit, is nempe, cui solvenda pensio est, Censualista vocatur. Census item, si tempore determinato præfinitur, decem puta, aut viginti annis, temporarius dicitur, seu temporalis: si per totam alicujus hominis vitam, vocatur vitalitius: si denuum instituitur, ut semper duret, perpetuus appellatur. Census insuper alius est redimibilis, qui potest redimi sive arbitrio solius venditoris, idest Censuarii, sive arbitrio solius emptoris, idest Censualistæ, sive arbitrio utriusque: irredimibilis alter, qui nullo tempore potest redimi. Census denuum dicitur pecuniarius, si annua pensio in pecunia sit posita: fructuarius vero, si in fructibus constituta sit.

Sermo in præsentia non est de censu personali, quo persona obligationem sibi, vel suis etiam hæredibus imponit certam pensionem solvendi emptori ex industria, arte, & labore suo. Sive jure naturali hic census sit licitus, sicuti magni nominis Doctores arrident; sive etiam spectato jure naturæ illicitus sit, & usurarius, sicuti alii contendunt magni sublelli viri: certum est Summum Pontificem Pium V. sua in Constitutione eundem improbasse, dum ad census honestatem, inter cæteras condiciones, hanc quoque requisivit, ut census constituatur in re fructifera, immobili, certa, ac nominatim designata inquiens -- *Hac igitur nostra constitutione statuimus census, seu annuum redditum creari, constitui nullo modo posse nisi in re immobili, aut qua pro immobili habeatur, de sui natura fructifera, & quæ nominatim certis finibus designata sit* --. Vide Benedictum XIV. de Synodo Diocæs. lib. 10. cap. 5. num. 4. & seq.

Sermo unice erit de censu reali, & quidem non de fructuario, de quo nemo unus ferme dubitavit, sed de pecuniario, quo venditor, seu Censuarius quotannis tenetur solvere pensionem constitutam in pecunia numerata. Hunc jure etiam naturali esse licitum ex eo evincitur, quod, sicuti potest quis emere rei alicujus usumfructum, remanente dominio directo penes venditorem, ita emere potest jus percipiendi partem fructuum ex alieno fundo, & loco horum potest venditor se obligare ad solvendam emptori singulis annis certam pecuniæ summam illorum fructuum æstimationi respondentem. Nihil enim refert, quod pensiones successive solvendæ quandoque omnes simul sumptæ superent pretium,

quod ab emptore, seu Censualista fuit solutum: sicuti nihil refert, nec impedit iustitiam venditionis alicujus prædii, quod hujus fructus spatio centum annorum omnes simul sumpti superent pretium acceptum. Ratio est manifesta, quia fructus successive colligendi minoris valent, quam omnes simul sumpti. Necellum tamen est, ut idem realis census sequentes habeat conditiones. Prima, ut fundetur super re fructifera; pugnat enim vendere jus percipiendi fructus ex re, & eandem rem non esse fructiferam. Secunda, ut iusto pretio census vendatur, & ematur; hoc enim iustitia postulat in quocumque contractu emptionis, & venditionis. Iustum autem pretium erit, quod vel a Principe præfixum est, vel communi Regionum consuetudine firmatum. Tertia, quod pereunte re in totum vel ex parte, re, inquam, super qua census est constitutus, pereat & census ex æquo, & per consequens pensio vel in totum, vel ex parte non amplius solvenda sit. Quarta, ut res censui subiecta non distrahatur sine consensu emptoris, seu Censualistæ, cui competit jus percipiendi partem fructuum ex ea. Hæc spectato solo jure naturæ: quoniam jus Ecclesiasticum consulentes, plures alias reperimus conditiones a Summis Pontificibus assignatas. Placet exscribere, quod super hoc exhibet Concina De iustitia & jure lib. 3. dissert. 4. cap. 11.

Duas Constitutiones edidit Martinus V., & Calixtus III., quæ inter Extravagantes recensentur, in quibus pro censibus rite celebrandis octo præscribuntur conditiones. Prima: qui censum vendit, fundum, nempe domum, aut possessiones, assignare debet, super quibus census constituitur. Secunda solus fundus subiectus censui manere debet pensioni obligatus, non persona, nec cætera ejus bona: ubi excluditur census personalis. Tertia: pretium iustum sit. Quarta: emptio non fiat pecunia credita, sed numerata. Quinta: venditor census valeat ad libitum redimere aut in totum, aut in partem, prout ei placuerit. Sexta: emptor non cogat venditorem ad censum redimendum. Septima: si fundus subiectus censui perit absque culpa Censuarii, pereat census. Octava: fundus tantum ut minus fructificet, quanti æstimatur pensio solvenda. Juniores contendunt has duas Extravagantes probare quidem census his conditionibus præditos; secus præcipere, ut eadem observentur.

Nicolaus V. alteram edidit Bullam, quæ quatuor præscribit conditiones in censibus constituendis servandas. Prima: quod census super re immobili certa constituatur; ad cujus securitatem obligari generaliter alia bona possunt ad tollendas fraudes, ne videlicet, si fundus subiectus censui esset alio onere gravatus, deceptus remaneret emptor. Secunda: pactum adjiciatur de retrovendendo eodem pretio. Tertia: pensio non excedat decem in centum. Quarta: pro securitate, pænz, & pacta iusta adjici valent.

Constitutio S. Pii V. pro censuum iustitia est omnium celeberrima, quam

quam integram supra dedi. Ad duodecim revocantur conditiones in eadem præscriptæ, quarum plures in aliis tribus Extravagantibus Bullis, quas indicavi, continentur. Prima: census constituendus est super fundo immobili, & natura sua frugifero; qua conditione improbantur census personales, ut fatentur omnes. Secunda: pretium census solvatur numerata pecunia coram testibus, & Notario. Hæc conditione excluduntur census, quorum pretium solvitur debitis Censuarii. Elidunt hanc conditionem Censuistæ emptores hoc pacto. Pecuniam Censuario dant pacto adjecto, ut eo ipso tempore restituatur in solutionem debiti. Tertia: prohibet anticipatam pensionum solutionem, aut id in pactum deduci. Quarta: vetat pacta, quæ obligent ad casus fortuitos eos, qui ex natura contractus non tenentur. Quinta: potestatem reservatam vult Censuario vendendi, & alienandi fundum subiectum censui. Sexta: rescindit, & irrita declarat omnia pacta, quæ obstringunt debitorem morosum ad interesse lucri cessantis, vel ad cambium, seu certas expensas, aut certa salaria. Septima: census non augeatur ex pensionibus non solutis. Octava: nulla onera solvantur, quæ vi contractus non debentur. Nona: si fundus perit vel in totum, vel in partem, census aut extinguatur, aut minuat pro rata fundi deperditi. Decima: facultatem Censuarius habeat redimendi censum suum eodem quo vendidit pretio, quoties voluerit, non obstantibus pactis contrariis initis. Undecima: tenetur Censuarius, quando redimere censum velit, bimestri ante denuntiare id Censuistæ. Duodecima: pretium census semel constitutum non augeatur, vel minuat. Hactenus Concina.

Petes nunc: an omnes hujusmodi conditiones servandæ sint, ut contractus nedum non sit usurarius, sed omnino sit licitus?

R. Patri Concinae loco proxime citato cap. 12. num. 7., & seq. non arridet, regiones distinguere, in quibus viget Constitutio Pii V., ab illis, in quibus non est moribus recepta. Benedictus tamen XIV. ex adverso cum communi Theologorum hæc distinctione utitur, quum lib. 10. de Synodo Diocesi. cap. 5. num. 5., loquens de censu personali, nedum scripserit -- *Quapropter etiam Auctores, qui censum personalem, ejus natura inspecta, ab usura suspicione vindicant, ingenue tamen fatentur eum licite fieri non posse, ubi præfata Pii V. Constitutio est recepta; quod tamen in Gallia, Belgio, & Germania non contigisse affirmant Lefsius cit. cap. 22. num. 20., Haunoldus de justit. tract. 10. num. 316., Pirhing ad tit. de usur. num. 85., Wiestner ibidem num. 81. --*; sed insuper ad rem nostram quod pertinet, adjecerit -- *Verum, quanquam nos sciamus eundem Summum Pontificem, supplicante Catholico Rege Philippo II. indulgisse Hispanis, ne ad sue Constitutionis, quoad eas conditiones, quæ juris naturalis aut divini non sunt, exactam observationem adstringerentur, sicuti narrant Gutierrez cit. q. 177. in fin., & Felicianus De Solis lib. 1.*

lib. 1. De censibus cap. 7. num. 2. : nec dubitemus ab eadem obligatione potuisse, contrario usu, seu legitima præscripta consuetudine, cæteras eximii nationes; vehementer tamen suspicamur in censu mere personali, præsertim utrinque redimibili, eas desiderari condiciones, quas non solum Pontificia Constitutio, verum etiam ipsum jus naturale, & divinum exposcunt, ne sit larvatus contractus mutui, & propterea coram Deo usurarius — Immo, eandem distinctionem ponens tanquam necessariam, & indubitatam super hac re, prosequitur sapientissimus Pontifex, & modum præstituit, quem servare debent Episcopi pro regionum varietate, scribens — Sed, quoniam nulla hætenus hæc de re ab Apostolica Sede prolata est sententia, non decet ut Episcopus in sua Synodo censum personalem declaret ex natura sua usurarium; sed, si præsit Diæcesi, ubi prædicta viget S. Pii V. Constitutio, urgebit ejusdem observationem, curabitque pro viribus, ne personales census in eam clanculum inducantur. Si vero Diæcesim gubernet, in qua Piana Constitutio non est moribus recepta, serio Fideles monebit, atque hortabitur, ut a censibus personalibus abstineant, eo quod, etiam sola spectata eorum indole, usura periculo, & suspitione non vacent — Tanti igitur Pontificis vestigia sequens, sic quaesito respondeo. Ubique locorum, videlicet tum ubi viget, tum ubi non viget Piana Constitutio, servari debent condiciones, quæ sunt juris naturalis, aut Divini; hæ enim Fideles obligabant universos etiam priusquam Pontificia Constitutio promulgaretur. Quoad condiciones autem, quæ juris humani sunt, ad earum observationem tenentur regiones illæ, in quibus Piana Constitutio est moribus, usuque recepta, non autem cæteræ.

Ex hucusque dictis infer primo, quod census irredimibilis jure naturali licet, non Ecclesiastico. Naturali, inquam: quia sicuti licet venditio rei cum irredimibilitate eidem adnexa, ita licet irredimibilis venditio juris percipiendi fructus ex re, quæ nihil aliud est nisi quædam partialis venditio rei. Non licet autem jure Ecclesiastico: quia, ut audisti, id a Summis Pontificibus fuit expresse vetitum; & ideo hujusmodi census fieri nequeunt in illis regionibus, ubi Constitutio Piana est moribus recepta.

Infer secundo, quod census redimibilis ad beneplacitum Censuarii, seu venditoris, licitus est tum jure naturali tum Ecclesiastico. Jus naturale non prohibet, quod res vendatur ea lege, ut emptor teneatur eam retrovendere venditori, quando huic placebit: & jus Ecclesiasticum, ut audivimus, id expresse constituit.

Infer tertio, quod non licet ullo jure census redimibilis ad nutum emptoris, seuensualitæ, est nonnulli secus opinentur. Pugnât hic census cum decima conditione Pii V., de qua supra: & jure naturæ inspecto mutuum est sub pallio census; vera enim emptio esse non potest, dum eam possum revocare pro libito, & insinualiquid recipere ultra

ultra fortem. Idem dicas de censu utrinque redimibili propter hanc eandem rationem.

Infer quarto, quod utroque jure licet census vitalitius. Jure quidem naturali; est enim contractus aleæ, & meræ sortis, in qua æquale periculum est pro utraque parte. Jure etiam Ecclesiastico, quia in Constitutionibus Pontificiis ne verbum habetur ipsum interdicens.

Infer quinto, quod licite potest quis pacisci, ne census redimatur per partes ad libitum redimentis, sed totum insimul debeat redimi. Pactum hoc certe non convenit cum quinta conditione a Martino V., & Calixto III. præstituta, de qua supra. Verum quum Pius V. in sua Constitutione illius conditionis mentionem non fecerit, inferunt Theologi, quod consulto eam non apposuit, & non apponendo abrogavit.

Venio tandem ad casum singularem ab Authore adductum. Hic contractus, de quo Author, census reipsa est signativus, & pecuniarius, in quo civis habet rationem emptoris, & Censuitæ, seu Censualistæ, Communitas vero rationem habet venditoris, & Censuarii. Dicit Author, quod Communitas accipiebat pecuniam, ut nunquam ipsam restitueret. Si sensus sit, quod venditor, sive Communitas ex conditione in contractu apposta non posset amplius pecuniam restituere, & censum redimere; tempore Authoris erat hoc licitum jure naturæ, non autem Ecclesiastico: quia census perpetuus & irredimibilis jam tum erat vetitus a Martino V. & Calixto III., quorum primus inauguratus fuit Pontifex anno 1417., secundus vero anno 1455., & ideo antequam Author huic lucubrationi manum admoveret. In præsentia autem ubique hic census licet jure naturæ, & jure Ecclesiastico in iis duntaxat locis, in quibus Constitutio Piana non est usu recepta. Si vero Author iis verbis unice intellexerit, uti intellexisse ex lectione textus fit manifestum, quod Cives, sive Censualitæ cogere non possent Communitatem ad reddendam pecuniam, sicuti mutuatores cogere non possunt accipientes simpliciter mutuum, Communitas nihilominus, etsi forte nunquam eam restitueret, ad sic agendum tamen nulla lege teneretur, quin potius pecuniam acceptam adhuc posset pro libito reddere, & censum redimere: erat hoc tunc temporis ubique licitum, & ubique locorum licitum est etiam in præsentia: quum nihil aliud hoc exprimat, nisi censum pecuniarium redimibilem ad nutum venditoris.

Nihil postea facessit negotii quod Cives libere, vel coacte pecuniam Communitati tradant, & census emant. Quum census pecuniarius redimibilis pro libito venditoris nullo jure prohibeatur, ut dixi, Communitas non compellit Cives ad aliquod vetitum, eisdem sic cogendo: & interdum in iis ipsa est angustia posita, bello sæviente, vel fame, vel alia consimili causa, ut, non inventis spontaneis emptoribus censuum, ob bonum commune possit, immo teneatur Cives pecuniosos

com-

compellere ad erogandam pecuniam, & ad emptionem censuum.

Maxime tamen interest, quod Communitas habeat redditus veros, & reales, super quibus possint constitui census. Et hoc est, quod Author ipse in Angelica ver. *Usura primo* num. 77. opportunè animadvertit; hac enim conditione deficiente, pecunia a civibus erogata esset simplex mutuum, & non emptio reddituum: quoniam emi non potest jus ad percipiendos fructus rei non existentis.

TRIGESIMUM SECUNDUM DUBIUM. Utrum ementes ab iis, qui taliter habent in Communitate mille, vel tria millia, ut dictum est in dubio præcedenti, jus ipsorum ad emolumentum omne, quod percipiunt ex dicta pecunia taliter Communitati data: sint usurarii?

Respondeo, quod sic secundum istum Sanctum. Sed contrarium credo verius, scilicet quod non, secundum Dominum Antonium de Butrio ubi supra, qui hanc quæstionem format. Ratio est: quia emptor recipit redditum in pecunia jam constitutum. Item, idem redditus crescit & decrescit, & eundem posset Communitas in totum abolere, si vellet, & nihil respondere. Item, non est quasi major redditus quam si esset unius possessionis immobilis: & sic Contractus videtur licitus per prædicta jura, & rationes. Hæc ille. His concordat Petrus de Ancharano in *Cap. Usurarum Extra De usuris* lib. 6.. Hæc tamen intelligo vera, quæ in isto dubio, seu quæstione, & præcedenti dixi: nisi Civitas constituat prædictos redditus novos, si forte antiqui in similibus, vel aliis essent consumpti: quia tunc non liceret, nam hujusmodi non possunt emi, ut dictum est in dubio, seu quæstione prima & secunda tertii Articuli primæ Considerationis. Similiter illicita essent hæc, si damnificaretur Respublica ex ipsis locis, quæ pupillo æquiparatur *L. Rempubicam C. De jure Reipublicæ*; Unde ejus administratores non possunt eam damnificare, nec factum eorum in damnum Reipublicæ valet *L. Ambitiosa ff. De decretis ab Ordine faciendis*, & *L. Præses C. De transactionibus*.

(39) Hic casus affinis est illi, quem Author proposuit dubio primo tertii Articuli primæ Considerationis, videlicet -- *Utrum liceat emere redditus pecuniarios* --. Memento rationis invictæ, quam illic adduxit, nempe in hujusmodi emptionibus non vendi pecuniam, quæ est invendibilis, sed vendi jus ad eandem: & hæc sola etiam sufficiet, etique invicta pro præsentī casu.

Ad novos redditus pecuniarios quod attinet, animadverti super eodem dubio Authorem in Angelica ver. *Usura primo* num. 44. immutasse sententiam. Recole igitur quæ dixi tum ibidem, tum annotatione super dubio sequenti: quoniam, ni velimus cum nonnullis veteribus habere census tanquam muruum, non vero tanquam veras venditiones & emptiones, sicuti reipsa sunt, dicamus oportet redditus novos tum fructuarios, tum pecuniarios licite posse constitui, licite vendi, & emi licite; jugiter enim de novo constituuntur, emuntur, & venduntur in universis catholici orbis Regionibus a Laicis, a Clericis, & ab Ecclesiis ipsis.

Respublica certe pupilla est *L. Rempubicam C. De jure Reipublicæ -- Rempubicam ut pupillam extra ordinem jvari moris est --*. Respublica gaudet jure minorum, & beneficio restitutionis in integrum, textu expresso *L. Respublica C. Quibus ex causis majores -- Respublica minorum jure uti solet: ideoque auxilium restitutionis implorare potest --*. Non ergo subsistunt decreta Decurionum in ejusdem detrimentum *L. Ordinis C. De decretis Decurionum -- Ordinis ambitiosa decreta sacris Constitutionibus improbantur --*: & *L. Ambitiosa ff. De decretis ab Ordine faciendis -- Ambitiosa decreta Decurionum rescindi debent, siue aliquem debitorem dimiserunt, siue largiti sunt --*: & *L. Praeses C. De transactionibus -- Praeses Provinciae examinabit, utrum de dubia lite transactio inter te, & Civitatis tuæ administratores facta sit: an ambitiose id, quod indubitate deberi posset, remissum sit: nam priore casu ratam manere transactionem jubebit: posteriore vero casu nocere Civitati gratiam non sinet --*. Ratio est in promptu: quia Decuriones Reipublicæ non sunt Domini reddituum, & jurium communium, sed simplices administri; & ideo sicuti contractus factus a Tutoribus, vel Curatoribus in damnum pupillorum, & minorum illicitus est, & debet rescindi, pari modo illicitus est, & rescindendus contractus factus ab Administratoribus Reipublicæ in damnum ejusdem.

Inquiri hic potest: an, posito quod hujusmodi census constituti fuerint cum notabili Reipublicæ detrimento, emptores ipsorum teneantur restituere totum id, quod a Republica receperunt?

R. Nullum dubium, quod administratores in hoc casu tenentur compensare Rempubicam, sicuti tenentur Tutores & Curatores ad omne damnum pupillis & minoribus culpa ipsorum illatum. Ementes autem quod respicit, vel sciebant hi novorum censuum constitutionem detri-

men-

mento esse Reipublicæ, vel id penitus ignorabant. Si primum, Author in Angelica ver. *Usura primo* num. 79. aperte docet, teneri eos ad integram restitutionem. Et quidem jure optimo: quia scientes & volentes dedissent operam rei illicitæ in damnum tertii. Si secundum, putarem eos non teneri ex justitia: quia bona fide perceperunt lucrum cum justo titulo emptionis censuum. Præsertim quum id non esset in damnum Reipublicæ, quæ reddi deberet indemnitas ab ipsis administratoribus, qui in hisce casibus tenentur ad omne damnum Reipublicæ compensandum. Præsertim quum ad privatos singulares homines non spectet inquirere, & perscrutari: an quod sit a publicis Reipublicæ administratoribus in publicam cedat utilitatem, nec ne.

Monitum te hîc volo, nomine Reipublicæ, de qua leges nuper recitatz, gaudentis jure minorum, & beneficio restitutionis in integrum, non venire duntaxat suprema Dominia, & administratores ipsorum: sed pariter comprehendi Communitates inferiores, Urbes puta, Castra, Villas, & Pagos, sicuti expresse Bartolus in dicta *L. Respublica*, & cum eo Jurisconsulti omnes, & Canonistæ. Et in his, sicuti & in illis non desunt pupilli, minores, viduæ, &c., quorum jura a publicis administratoribus tractantur. Æquum est ergo, ut hæc, sicut & illæ gaudeant jure minorum, & in casu iniquæ, ambitiosæ, ut verbo legis utar, administrationis, reddantur indemnes.





IRCA tertiam, & ultimam præsentis Tractatus Considerationem, quæ est de Societate, duplex Articulus est declarandus, cum Societas dupliciter fiat, in pecunia scilicet, & in animalibus. Primus ergo Articulus erit de Societate pecuniæ, secundus vero de Societate animalium.

PRIMUS, inquam, ARTICULUS est de societate pecuniæ, quæ fieri potest tripliciter. Primo, quando sunt duo (nec minus quam inter duos fieri potest, cum sit quædam fraternitas L. *Verum ff. Pro socio*) quorum unus ponit pecuniam tantum, & alter operam corporalem tantum. Secundo fit, quando unus ponit pecuniam & operam, & alter pecuniam tantum, vel operam tantum. Tertio fit, quando ambo ponunt pecuniam, & operam. Ad majorem hujusmodi societatis declarationem tredecim quærentur Dubia.

(1) *Est autem societas, ut ait Marcus Tullius, duorum, pluriumve conventio honeste contracta ad uberiores questum, & commodiorum usum -- Ita Glossa in Rubrica super Institut. De societate. Societas coiri potest vel in perpetuum, idest dum vivunt, vel ad tempus, vel ex tempore, vel sub conditione -- Ita L. 1. ff. Pro socio. Societatem coire &*
re,

re, & verbis, & per nuncium posse nos, dubium non est -- Ita L. 3. eodem Titulo. Dissociamur renunciatione, morte, capitis minutione, & egestate -- Ita eadem lege. In re turpi contrahi non posse societatem textum habemus expressum L. 57. eodem tit., quæ est hujusmodi -- *Nec pratermittendum esse Pomponius ait, ita demum hoc esse verum, si honesta & licite rei societas coita sit: ceterum si maleficii societas coita sit, constat nullam esse societatem.* Generaliter enim traditur rerum inhonestarum nullam esse societatem -- Societatem contrahere possunt omnes illi, qui possunt se civiliter obligare, non autem cæteri: quum societas verus sit, propriusque contractus, exigens iccirco nedum consensum contrahentium L. 1. §. Conventionis ff. De pactis, & L. 3. ff. De obligationibus & actionibus, sed insuper personas idoneas, quibus a jure contractus civilis non sit vetitus. In contractu societatis conferens pecuniam non transfert ipsius dominium in accipientem sicuti contingit in mutuo, sed ipse adhuc remanet ejusdem dominus, & de ea lucratur tanquam de re sua, ut egregie D. Thomas 2. 2. q. 78. art. 2. ad 3. inquit -- *Sed ille, qui committit pecuniam suam vel mercatori, vel artifice per modum societatis cujusdam, non transfert dominium pecunie suæ in illum, sed remanet ejus: ita quod cum periculo ipsius mercator de ea negotiatur, vel artifex operatur: & ideo sic licite potest partem lucri inde provenientis expetere tanquam de re sua.* Pecunia utique de se sterilis est, & iners, nullumque generat fructum. Sed quum sublit hominum industriæ, eaque utantur homines tanquam instrumeto negotiationis, fructus inde proveniens non erit ex pecunia nude sumpta, bene vero ex hominum industria medio pecuniæ.

Cum societas jus quodammodo fraternitatis in se habeat L. Verum ff. Pro socio: æquum est ut consocii de lucro participant, & de damno, nam ex Regula 45. juris in Sexto -- Qui sentit onus, sentire debet commodum & e contra --: æquum pariter est ut consocii in omnibus diligentes se præbeant -- Et ideo, si socius quædam negligenter in societate egisset, in plerisque autem societatem auxisset, non compensatur compendium cum negligentia, ut Marcellus libro sexto Digestorum scripsit -- L. Et ideo ff. Pro socio.

PRIMUM DUBIUM. An societas prædicta sive ad mercantiam, sive ad artem, sit licita?

Respondeo, quod sic secundum Dominum Angelum de Perusio in quodam suo tractatu de societate, & hoc tam de jure Civili, quam Canonico, & Divino, quia opera alicujus sæpe valet pro pecunia L. 1. C. Pro socio, & Institut. De societate §. 2.: & sic tenent Glossa in Cap. Pleri-

Plerique 14. q. 3., & Hostiensis. Quod intelligendum est, quando ars est licita, & non prohibita Cap. *Per vestras* Extra De donationibus inter virum & uxorem: Et quando æquitas servatur in omnibus, quia secundum Goffredum damna & lucra communia esse debent, in dicta Glossa Cap. *Plerique*, & dicta L. 1.. Et hoc secundum industriam, periculum, & hujusmodi: ita ut qui plus posuit pecuniæ, operæ, vel industriæ, plus habeat de lucro L. *Si non fuerint* in principio, & L. *Quid enim* in fine ff. Pro socio: quod arbitrio boni viri relinquendum est, quia in hac actione pro socio, qui bonæ fidei est, sequendum est arbitrium boni viri L. *In propofita* ff. Pro socio.

(2) Contractum societatis esse licitum jure civili probatur ex universo Titulo *Pro socio* tum in Codice, tum in Digestis, & ex Titulo *De societate* in Institutionibus. Licitum pariter esse jure Canonico ostenditur ex Cap. *Per vestras* Extra De donationibus inter virum, & uxorem, ubi Clemens III. mandat dotem cujusdam uxoris -- vel saltem alieni mercatori committi, ut de parte honesti lucris dictus vir onera possit matrimonii sustentare --: quod intellige tradendo eam in societatem, non autem ad mutuum, ut apposite Glossa super eo loco -- Non enim tenetur generari dotem, & de usuris alere uxorem. Argum. C. DE ADMINISTRATIONE TUTORUM Authentica NOVISSIME: sed convertat eam in societatem honestam, vel aliquod commercium, & ex lucro honesto eam alat --. Ostendi quoque potest ex Constitutione Detestabilis Sixti V. edita anno 1586. 12. Kal. Novembris: quoniam Summus Pontifex non solum sub ipsius initio scribit -- Speciosum, & honestum societatis nomen --, sed, in ejusdem §. 2. unice præcipit, ut omnia pure, sincere, & bona fide fiant a consociis -- Sed potius cuncti noverint societates hujusmodi, cum in posterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide, sicut decet, justis & æquis conditionibus, & pactis, secundum juris dispositionem, ac sine ulla prorsus fraude, palliatione, aut usuraria pravitatis labe, aut suspitione ineundas, seu contrahendas esse.

En Legem primam C. Pro socio -- Societatem, uno pecuniam conferente, alio operam, posse contrahi magis obtinuit --. En verba §. 2. De societate -- Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit: quia sæpe opera alicujus pro pecunia valet.

Prudenter Author verbis utens Legis *Quid enim ait — Qui plus posuit pecuniam, opera, vel industriam* --; æqualitas enim, quæ in societate servanda est, arctari non potest ad tantum, & non amplius, ut ubique, & semper ita fiat, & non aliter. Variat hæc juxta varietatem negotiorum, personarum, & locorum; & ideo debet esse non æqualitas physica, sed accommodata circumstantiis, atque arbitrio boni viri determinanda -- *Plerumque enim tanta est industria socii, ut plus societati conferat, quam pecunia* -- L. *Si non fuerint ff. Pro socio* -- *Quia sepe quorundam ita pretiosa est opera in societate, ut eos justum sit conditione meliore in societatem admitti* -- . Institut. *De societate §. 2.*

Si autem unus non plus conferret quam alius, & nihilominus vellet plus de lucro habere, immo hoc conduceret in pactum: tale pactum valeret saltem de jure civili secundum aliquos. Azo tamen, quem sequitur Accursius, aliter dixit, & Glossa etiam dicta L. *Si non fuerint* in principio, & L. *Quid enim* eodem Tit..

(3) Contrahentes de jure civili ita posse pacisci, ex eo forte deduci posse quis arbitrabitur, quod Institut. *De societate §. 2.* legimus -- *De illa sane conventionem quaestum est, si Titius, & Sejus inter se pacti sint, ut ad Titium lucri duæ partes pertineant, damni tertia, ad Sejum duæ partes damni, lucri tertia: an rata debeat haberi conventio?* Quintus Mutius contra naturam societatis talem actionem esse existimavit, & ob id non esse ratam habendam. Servius Sulpitius, cujus sententia prævaluit, contra sensit -- . Verum enim vero, quum statim subdatur -- *Quia sepe quorundam ita pretiosa est opera in societate, ut eos justum sit conditione meliore in societatem admitti* -- , quisque videt Sulpitium ita sentisse, ejusque sententiam prævaluisse in eo duntaxat casu, in quo unus plus in societatem conferret quam alius; non autem in casu exposito, in quo supponitur socios ex æquo contulisse, & non aliter. Concinit Lex *Si non fuerint*, id sub hac unica conditione permittens -- *Si vero placuerit, ut quis duas partes, vel tres habeat, alius unam, an valeat? placet valere: si modo aliquid plus contulit societati vel pecunia, vel opera, vel cujuscumque alterius rei causa* -- . Concinit & Lex *Quid enim*, eandem conditionem exprimens -- *Illud potest conveniens esse viri boni arbitrio, ut non utique ex æquis partibus socii simus: veluti si alter plus operæ, industriæ, gratiæ, pecuniæ in societatem collaturus erat* -- . Arbitror ideo pactum, de quo in casu, nec jure civili posse fieri; & ideo hanc Azonis opinionem veriorē esse dicit Glossa ab Authore memorata. Recte igitur idem Author in Angelica ver. *Societas primo num. 5.* -- *Sed tu tene cum Azone & Accursio in dicta L. SI NON FUERINT, & di-*

Ho Antonio in cap. final. DE USURIS, & Angelo ubi supra, & secundum Theologos, & veritatem, quod nullo modo licet: quia, ut dixi, societas est quædam fraternitas, & tale pactum est contra ejus naturam; ideo non valet L. CUM PRECARIO ff. DE PRECARIO, & cap. fin. DE PRECARIIS. Et ideo in conscientia tenetur restituere, vel satisfacere omne, quod indebitè habuit, vel in quo proximum gravavit hoc pacto.

SECUNDUM DUBIUM. Utrum tradens centum ad societatem cum pacto quod vult ipsum capitale salvum, nec aliquod damnum, vult pati in ipso; de lucro autem tantum vult, quantum placuerit accipienti sibi dare: sic usurarius?

Respondeo, quod sic, quantum ad illud, quod capit ultra centum Cap. *Consuluit*, & Cap. *Naviganti Extra De usuris*. Propterea secundum Baldum in L. 1. q. 9. ff. *Pro socio* talis quidquid recipit de lucro extenuat sortem. Non enim est hic societas: nec ex forma contractus, quia est contractus mutui: nec ex natura, quia est contra naturam societatis, quod unus habeat caput fractum, & alius salvum ff. *Pro socio* L. *Si non fuerint*. Et id, quod legitur in Cap. *Per vestras Extra De donationibus inter virum & uxorem*, debet intelligi, quando pecunia datur ad partem lucri & damni. His concordat Glossa in Cap. *Plerique* 14. q. 3.. Quidam tamen dicunt esse licitum, & hoc de jure civili ex vi pacti; quia contractus ex conventionem legem recipiunt Cap. *Contractus* de *Regulis juris* lib. 6. Azo tamen, & Accursius tenent contrarium, & melius, in L. *Si non fuerint* ff. *Pro socio*. Ratio, quia quum societas sit quædam fraternitas, ut dictum est, ideo tale pactum est contra naturam societatis; quapropter non valet Extra *De precariis* Cap. ultimo, & L. *Cum precario* ff. *De precario*. His concordant Antonius de Butrio in Cap. final. Extra *De usuris*, & Angelus de Perusio ubi supra. Tene ergo, quod usurarius est: quia in dubiis tutior pars est eligenda Cap. *Juvenis* Extra *De sponsalibus*.

(4) Dubio procul hoc pactum est contra naturam societatis; & incircò apposite Glossa loco ab Authore memorato -- *Videtur, quod si quis pecuniam dedit negotiatori, ut inde emat merces, & des sibi partem lucri, quod illud sit licitum: quod non concedo, si periculum spectet ad recipientem, ut sit inter eos contractus mutui* -- . Quæ, amabo te, quæ societas, quæ fraternitas, dum unus nullum unquam damnum pati potest, quia vult capitale salvum, immo ut in pluribus lucratur, quia vult esse particeps lucri ex negotiatione provenientis: alter vero lucrum quidem potest ut plurimum sperare, sed etiam potest operas perdere, & quod pluris facio, se exponit periculo damna rependendi ære proprio: si capitale, quemadmodum non semel contingit, in totum pereat, vel amittatur ex parte! Pallia sunt hæc, pallia usurarum, non autem veræ societates, & fraternitates. Opportune quapropter Natalis Alexander lib. 3. art. 5. Regula 23. -- Et certe, quod legitima, justaque societas ea pactione coiri non possit, ut capitale sit salvum ei, qui pecuniam in societatem confert, liquido probat discrimen, quod mutuum inter & societatem intercedit. In mutuo enim dominium pecuniæ mutuo datæ totum in debitorem translatum est, totumque lucrum ad ipsum pertinet; cum nihil ab eo exigere, vel sperare iure possit creditor ratione mutui: quamobrem debitor totam, & integram pecuniam mutuo acceptæ summam ipsi reddere tenetur, ipsiusque unius periculo exponitur negotiationi, ipsumque unum pecuniæ, sive rei alterius creditæ damna spectant, si fortuitis casibus pereat. Verum e contrario se res habet in contractu societatis: qui enim pecuniam confert, illius dominium non transfert in socios -- *quia nemo societatem contrahendo rei suæ dominus esse desinit* -- , ut dicitur L. *Si tibi* lib. 19. Dig. tit. *De prescriptis verbis, & in factum actionibus*. Quamobrem lucri, fructuumque ex rebus in societatem collatis provenientium particeps est; adeoque si capitale pereat, ipse perire debet uni, modo pereat absque dolo culpaque sociorum.... Usurarius igitur contractus est, si pecunia in societatem conferatur ea pactione, ut, si fortuitis casibus pereat, non pereat conferenti, sed nihilominus fors illi salva sit. Sic enim societas in mutuum degenerat, ex quo lucrum captatur --. Hæc ille.

Disputarunt quidem Antiqui, utrum de jure civili possit apponi pactum de capitali salvo; sed uno ore semper confessi sunt id non esse æquum, nec in iudicio animarum permittendum, sicuti testatur Nicolaus de Auximo in suo Supplemento ad Summam Pisanellam ver. *Societas secundo*, scribens -- Sed an possit pacisci, quod capitale sit salvum? Respondeo, de jure Canonico, & in foro conscientiæ non potest secundum Dominum Angelum, & ita sentit Glossa in cap. *Plerique* 14. q. 3... De jure autem civili sunt opiniones: nam Baldus in L. 1. C. eo. q. 9. tenet, quod tale pactum non valet neque ex forma contractus, neque ex ejus natura; ideo dicit, quod sapit usurariam pravitatem. Hostiensis autem in sua

Sum-

Summa in tit. *De usuris* §. *An aliquo casu*, tenet, quod de jure civili talis societas valet magis ex vi pacti, quam ex natura contractus. Sed dictum Baldi videtur verius, ut ex præcedentibus colligi potest etiam in proximo §. . Secundum omnes autem hoc pactum non est æquum, nec in judicio animæ servandum, ut notat Dominus Antonius de Butrio in Cap. final. Extra *De usuris* --. Hactenus Nicolaus cognomine De Romanis, vir sanguine, doctrina, pietate, muneribus, & legationibus clarus, Juris utriusque laurea donatus Bononiæ antequam Ordinem nostrum ingrederetur, & jam factus Frater Minor Gregorii XI. Romani Pontificis a Secretis, uti scribit Wadingus ad annum 1376. num. 12. . Supplementum hujusmodi absolvit hic Frater Nicolaus die 28. Novembris 1444. in veteri nostro Cœnobio Mediolanensi sub titulo Sanctæ Mariæ de Angelis, vulgo Sancti Angeli, sicuti ipsemet in fine ejusdem adnotavit .

Si res bene perpendatur, hic est ille casus, quem exposuit, & improbat Sixtus V. in sua Constitutione *Detestabilis*, cujus supra memini, ubi de tertio Articulo Considerationis proxime præteritæ, annotatione super dubio 28.; tradens enim pecuniam paciscitur de capitali salvo, & paciscitur insimul de habenda parte lucri ex negotiatione provenientes. Recole verba Constitutionis eo loci recitata, & invenies ovum non esse ovo similis, sicuti præfens casus similis est illi, quem Summus Pontifex enarravit .

Dices forsan Summum Pontificem in sua casus enarratione locutum fuisse, dum initum fuit pactum de lucro certo -- *Simulque etiam certam lucri quantitatem, & summam, veluti tot pro quolibet centenario in singulos annos aut menses per alterum socium, durante societate, solvendam præfinitum* -- ; hic autem sermonem haberi de lucro indeterminato, & ad arbitrium recipientis .

R. Ita sane . Ergone Summus Pontifex casum quoque nostrum non comprehendit? Fallitur quisquis ita arbitratur: quoniam, absoluta casus enarratione, hunc reprobans consulto meminit etiam, quando pactum initur de lucro duntaxat incerto, & ambos casus, qui essentialiter non distinguuntur, eodem atro colore depinxit -- *Atque in posterum non licere iis, qui pecunias, vel animalia, aut alias res in societatem tradunt, de certo lucro ut præferant, percipiendo inter se pacisci, & concordare: neque etiam sive ad certum, sive ad incertum lucrum convenerit* [nota ly incertum], sociis, qui ea accipient, ad sortem, seu capitale saluum, & integrum, ubi illud casu sortuito perierit, vel amissum erit, reddendum quovis pacto, aut promissione sibi obligare . Sed de hac Sixtina Constitutione redibit sermo in fine hujus Articuli, ubi fusc exponam contractum, quem vocant trinum, seu trium contractuum, a quo trino contractu non multum hic casus discriminatur, qui potius est ei similis.

Unice igitur hic addam auctoritatem ultimo ab Authore indicatam ex Cap. *Juvenis*, quæ in rebus ad mores spectantibus semper præ oculis habenda est -- *In his, quæ dubia sunt, quod certius existimamus, tenere debemus* .

TERTIUM DUBIUM. Utrum vidua, quæ prædicto modo tradit centum, & ad hoc curat fieri instrumentum; sed tamen apud se intendit retinere periculum capitalis, & solum facit hoc pactum, ne decipiat a mercatore: sit usuraria, si aliquid ultra sortem accipiat de lucro?

Respondeo, quod non, nec tenetur restituere, sed tamen peccat mortaliter: quia seipsam diffamat: & quia exponit se periculo, si capitale perderetur, recipiendi restitutionem ipsius. Item, si sic decederet, hæredes ipsius vellet contractum in suo robore permanere, & sic daret eis occasionem peccandi. Tenetur ideo notam facere intentionem suam, ne forte morte subita præoccupetur.

(5) *In contractibus rei veritas potius, quam scriptura perspicui debet* L. 1. C. *Plus valere*: & præsertim si res agatur in foro animæ, in quo intentio operantis præ omnibus discutienda est. Jure igitur docet Author hanc mulierem habendam non esse tanquam usurariam. Quod intellige in foro conscientiæ, non autem in foro fori; in hoc enim — *Expressa nocent, non expressa non nocent* -- ff. *De diversis regulis juris* num. 195. Tenetur iccirco legitime manifestare intentionem suam, & hujus consocium reddere suum consocium, quo non peracto absolvi non potest a Confessario.

QUARTUM DUBIUM. Utrum ponens in societate centum, ita quod medietas, vel quarta pars capitalis sit ad periculum recipientis, sit usurarius?

Respondeo, quod sic, & tenetur ad restituendum quidquid lucri accepit de illa parte, quæ non subiacet periculo ipsius tradentis. Ex isto casu, & multis similibus patet, quod intentio S. Bernardini fuerit, quod ponens centum in societatem retineat in se periculum totius capitalis, & quod non liceat aliter contrahere. Sed contra ipsum est Glossa expresse in Cap. *Plerique* 14. q. 3., quæ dicit, quod potest fieri pactum, quod periculum capitalis sit commune. Dicendum est ergo, quod, si tale pactum factum est, quod nempe medietas currat ad periculum re-

ci-

ipientis, lucrum erit licitum. Ratio, quia si in fine societatis nihil inveniretur, nisi capitale solum, tunc hoc ipsum divideretur secundum quod pactum factum est de periculo; idem enim pactum, quod factum est de damno, intelligitur de lucro, & e converso, ut Institut. *De societate* §. *Illud*, quod & omnes Canonistæ sequuntur. Si autem tale pactum non est factum: quia iste Sanctus tenet, quod capitale totum erit tradentis; ideo bene dicit talem esse usurarium quantum ad lucrum illius partis, quæ periculo non subjacet. Capitale igitur totum erit tradentis, ut iste Sanctus tenet, & infra patebit, si pactum faciens intendat in fine ipsum totum habere, etiam si nihil tunc esset nisi capitale.

(6) Tota difficultas in hoc est posita: an sine labe usuræ possit quis nec ne pacisci, quod confocius, seu recipiens capitale aliquo modo participet de ipsius periculo. Possè reipsa absque ulla usuræ macula docuit Colletus in suis Institutionibus De contractu societatis quæsito primo, ubi, postquam tribus argumentis ostendit finita societate capitale non esse dividendum, subdidit -- *Sicubi tamen vigeret consuetudo, aut inter partes convenisset, ut capitale una cum lucro, vel sine lucro divideretur inter socios, iis etiam in divisione comprehensis, qui solam operam contulissent, illa divisio fortis licita esset* -- . Idem docuit Joannes Caballutius Professor Avenionensis apud Joannem Pontas ver. *Societas* casu 2. . Etenim, postquam in sua Juris Canonici Theor. & prax. cap. 13. num. 3. quartam adsignans conditionem requisitam ad justam societatem dixerat -- *Quarto, ut singuli subeant damna, & expensas pro rata quoque eorum, quæ ex parte sua contulerunt: atque seorsim totam incurrant jacturam eorum, quæ in sortem contulerunt: ut qui pecuniam contulit, totum pecunie suæ periculum subeat, si absque socii culpa levi aut lata preat: si vero salva pecunia nihil obveniat lueri, socius alter, qui suum laborem, vel industriam contulit, subeat solus jacturam industriae suæ, & laboris; pecunia vero tota ad eos redeat, qui eam contulerunt* -- : num. 6 ad rem nostram hæc habet -- *Sicubi tamen contraria vigeret consuetudo, aut aliter inter partes conveniret, id poterit servari* -- . Idem quoque tenuit Glossa ab Authore memorata hisce verbis -- *Sed si per illa verba societatem contrahunt, & tunc periculum spectat ad utrumque, tunc bene licitum est, quod unus socius det pecuniam, & alter suppleat laborem, qui deest in pecunia* -- . Quid plura! Sixtus V. in sua Constitutione *Detestabilis* jam superius in-

dicata id docuit, id fancivit expresse §. 2. inquit -- *Si vero finita societate ipsum capitale extat, ei, qui illud in societatem contulerit, restituatur, nisi socio recipienti fuerit communicatum, aut aliter inter ipsos constabentes super eo legitime conventum sit* --. Pactum igitur, quod approbavit Author, adprobo & ego in sensu ab eodem exposito; & iccirco ponens pecuniam cum hoc pacto potest, finita societate, licite lucrum recipere.

Sed si petas abs me, quam lucri partem in hoc casu percipere debeat ponens pecuniam: an dimidiam, an infra, an supra medietatem? Respondeo id generatim assignari non posse propter varietatem negotiorum, personarum, & industriæ. Regula generalis hæc est, ut in contractu servetur æqualitas. Arbitrio igitur boni viri res est permittenda; & hic pensata quantitate & qualitate periculi utriusque socii, quantitate & qualitate operarum & industriæ, quantitate & qualitate negotii determinabit in unoquoque casu, quæ lucri pars debeatur uni, & quæ alteri ex sociis: *quia sæpe quorundam ita pretiosa est opera in societate, ut eos iustum sit conditione meliore in societatem admitti* Institut. *De societate* §. 2.: quia sæpe negotium ejus est indolis, ut lucrum brevi tempore sortem ipsam excedat.

Dempto postmodum hoc pacto, quum ponens pecuniam generatim loquendo subiacere debeat integro periculo fortis, usuræ labe pollueretur recipiens lucrum proveniens ex ea parte, quam voluit esse periculo recipientis: quia lucraretur ex re non sua, sed alterius. Dempto item hoc pacto, generalis regula est, quod periculum fortis totum spectet ad ponentem pecuniam; & ideo, si finita societate solum supersit capitale, hoc totum debebitur ei, & non socio, qui nihil pecuniæ contulit in societatem; pari etenim passu incedere debent periculum & lucrum. Sed de hoc fusius infra cum Authore dubio 9.

QUINTUM DUBIUM. Utrum ponens operam in societate, navigando scilicet, equitando, & hujusmodi, teneatur eam sumptibus suis ponere?

Respondeo secundum Baldum de Perusio, & Jacobum de Arena, & Cynum in dicta L. 1. C. *Pro socio*, quod non, quando proficiscitur causa societatis, sed debet hoc habere de corpore societatis: quia lucrum intelligitur deductis expensis L. *Illud* C. *De collationibus*, & L. *Mucius* ff. *Pro socio*. Quod intelligit Baldus in dicta L. 1., exceptis expensis, quas domi fecisset: quia istæ non debent fieri de corpore sociæ-

societatis. Arguitur L. *Sed etsi lege §. Quod autem quis ff. De hæreditatis petitione*. Dominus vero Angelus de Perusio in prædicto Tractatu dicit, consuetudinem debere servari in hoc, etiam in foro conscientiæ, cum consuetudo sit optima interpretes legum L. *Si de interpretatione ff. De legibus*; quum minime mutanda sint, quæ longam interpretationem receperunt L. *Minime eodem tit.*; & tacite videatur actum quod fieri consuevit L. *Quod si nolis §. Quia assidua ff. De ædilitio edicto*.

(7) Æquissimum est Authoris iudicium super hac re tum jure civili, tum jure canonico. Jure quidem civili: quoniam in laudata L. *Mæcius* ita sancitur -- *Neque enim lucrum intelligitur, nisi omni damno deducto: neque diminutum, nisi omni luero deducto* -- . Jure etiam canonico: quoniam Sixtus V. in memorata Constitutione §. 2. ita decrevit -- *Ac præterea iidem contrahentes fructus, expensas, & damna in commune conferant, & prout æquum, & justum fuerit, sibi communicent, atque dividant* -- . Quod autem hoc locum duntaxat habeat in illis expensis, quæ fiunt causa societatis, & non aliter, recte id probat Author ex citato §. *Quod autem quis*. Queritur hic: an si hæres erogando, & expendendo, penum hæreditarium ebibat, hujusmodi erogationes, & expensæ censeri debeant factæ ex penu hæreditario, vel ex proprio ipsius patrimonio. Et respondetur eas ex hæreditate, quas fecit quia hæres; illas autem, quas fecisset tametsi non hæres, ex patrimonio factas esse judicandum -- . *Et verius est, ut ex suo patrimonio decedant ea, quæ, etsi non hæres fuisset, erogasset* -- . Sicuti enim se habet hæres quoad expensas factas post consecutam hæreditatem, ita se habet socius quoad sumptus, quos fecit post societatem initam. Si igitur expensæ duntaxat factæ ab hærede ut hærede, ad hæreditatem pertinent, illæ duntaxat factæ a socio ut socio, pertinebunt ad societatem. Super hac re textum habemus expressum L. *Cum duobus §. 15. ff. Pro socio* -- *Si quis ex sociis propter societatem profectus sit, veluti ad merces emendas, eos duntaxat sumptus societati imputabit, qui in eam pensati sunt*.

Docemur utique L. 37. ff. *De legibus* -- *Si de interpretatione legis queratur, in primis inspiciendum est, quo jure civitas retro in ejusmodi casibus usa fuisset: optima enim est legum interpretes consuetudo* -- : & L. 32. §. 1. -- *Inveterata consuetudo pro lege non immerito custoditur* -- : & L. 23. eodem tit. -- *Minime sunt mutanda, quæ interpretationem certam semper habuerunt* -- . Hæc tamen omnia intelligenda sunt, quando consuetudo iniqua non est, nec juri naturali, aut divino contraria. Quapropter si invecita fuisset consuetudo notabiliter gravans unum vel alterum consocium, non posset quis tuta conscientia ad hanc se conforma-

re:

re: quia regula operationum nostrarum non est quævis consuetudo qualicumque modo exurgens, & constituta, sed sola consuetudo rationabilis, juri naturali, & legi divinæ consentanea.

SEXTUM DUBIUM. Quomodo socii, qui contulerunt partes dispartes, & conduxerunt fundum, vel apothecam, ad pensionem teneantur?

Respondeo secundum Angelum de Perusio ubi supra, quod locanti tenentur pro æqualibus partibus; inter se autem tenentur pro rata societatis, & ita dividere inter se debent dictum debitum mercedis, sicut dividunt principale, nempe secundum partes dispartes. Ita etiam probat, & determinat Baldus in L. 1. C. *Pro socio* q. 13., ubi etiam dicit, quod suppellectilia, & vasa dictæ societatis debent dividi secundum dictas partes dispartes.

(8) Et hoc rectæ rationi est quam maxime consonum. Locans non tenetur inquirere, & multo minus intime perscrutari naturam societatis initæ inter eos, qui abs se petunt conductionem fundi, vel apothecæ: quum locatio, quantum ad se spectat, res sit societati prorsus extrinseca, & cum ea non connexa. Unice ipsi incumbit scire numerum eorum, cum quibus de locatione paciscitur, ut pretium præstitutum saltem pro æquali parte ab ipsis possit exigere. Dico saltem: quia quum fundus, vel apotheca non locetur tanquam in partes dissecta, ut una uni, altera respondeat alteri conductori, sed tota simul, & toti societati unum morale constituenti: arbitror unumquemque teneri in solidum, ut uno vel altero deficiente possit locator ab aliis, qui remanent, & sunt solvendo, integrum pretium repetere.

SEPTIMUM DUBIUM. Utrum ponenti tantum operas liceat facere pactum, quod vult tantum certum pro opera sua, & nihil vult sentire de damno?

Respondeo, quod sic secundum dictum Angelum de Perusio ubi supra: quia iste non est contractus societatis, sed locationis operarum suarum. Et hoc, nisi culpa sua damnum procederet, ut L. *Item quæritur* in principio, & L. *Si merces* §. *Qui columnam ff. Locati conducti*. In hoc autem venit non solum culpa lata, sed etiam levis, ut
In-

Institut. *Quibus modis re contrahitur obligatio* §. 2., licet alii contrarium dixerint.

(9) Nullum dubium hunc esse contractum locationis; & iccirco opportune concludit S. Bernardinus Serm. 39. art. 2. cap. 3. post declarationem hujusce casus, quod ponens operam pretium ex pacto, & convento reciperet -- *non ut socius, sed ratione salarii sui* --. Opportune pariter Nicolaus de Auximo in suo Supplemento ver. *Societas primo* -- *Isle non est contractus societatis, sed locationis, quia negotiator. ille locat operas suas pro illo pretio, & isto modo nihil sentiet etiam de lucro. Posset autem & pactum facere, quod non solum deberet habere prædicta viginti sine ullo damno, sed etiam talem, vel talem partem de lucro, & nullam de damno: quod quidem reciperet non ut socius, sed ratione operis, sive sui salarii, ut dictum est de tali locatione supra: Locatio §. 3. & sequentibus.*

Jam convenit inter Theologos, quod si contractus cedat in utilitatem solius recipientis, ut in commodato, tenetur quis de culpa juridica levissima, quæ est omissio illius diligentæ, quam adhibere solertissimi, & prudentissimi in rebus ejusdem naturæ. Si utrique parti sit utilis, ut in locato &c., tenetur quis de culpa levi, quæ est omissio vigilantæ, & diligentæ, quam prudentiores, & diligentiores in iis rebus adhibere consueverunt. Si demum cedat in utilitatem solius dantis, ut in deposito, unice quis tenetur de culpa lata, quæ est illius omissio diligentæ, quam homines prudentes ejusdem professionis solent adhibere. Id præsertim eruant ex L. *Si ut certo loco* §. 2. ff. *Commodati*, ubi culpa lata vocatur dolus, levis dicitur culpa, & levissima appellatur diligentia, seu omissio diligentæ.

Huic doctrinæ non adversatur §. *Qui columnam* ab Authore laudatus, qui ita habet -- *Qui columnam transportandam conduxit, si ea, dum solitur, aut portatur, aut reponitur, fracta sit, ita id periculum præstat, si qua ipsius, eorumque, quorum opera uteretur, culpa acciderit. Culpa autem absit, si omnia facta sunt, quæ diligentissimus quisque observaturus fuisset* --. Ad rem quippe Glossa super hunc locum -- *Diligentissimus, idest diligens, ut ponatur superlativus pro positivo, ut e contra sæpe contingit. Nec enim dubium est locatorem opera non teneri de levissima culpa, ut arguitur supra COMMODATI L. SI UT CERTO §. NUNC VIDENDUM, & infra de regulis juris L. Contractus. Sed secundum Doctores est speciale in columna, & aliis rebus, quæ leviter franguntur, ut exactissima diligentia præstetur* --. Dum hic audis regulas juris, non eas intellige, quæ habentur in fine Sexti Decretalium, sed illas, quæ reperiuntur in fine Digestorum sub tit. *De diversis regulis juris*; ibi enim laudatam legem invenies num. 23.. Est speciale, ait Glossa, in columna, aliisque ejus-

eiusdem generis; quæ facillime franguntur, ut conductores sint diligentissimi, & propter rei naturam diligentiam adhibeant quam possunt maximam. Omissio igitur illius diligentiae, quæ in alia re culpam inferret unice levissimam, in columna, aliisque similibus culpam arguit levein, & persæpe latam.

OCTAVUM DUBIUM. Utrum ille, qui posuit capitale in societate, & perditum est ante finitam societatem, teneatur iterum aliud ponere?

Respondeo, quod non, sive periculum capitalis sit commune, sive non: quod tenet Glossa in L. *Si non fuerint* §. 1. ff. *Pro socio*, & in L. 1. C. eodem titulo. Concordat Angelus de Perusio ubi supra.

(10) En verba Glossæ primo memoratæ -- *Sed quid, si perdatur pecunia talis.... An posset unus alium compellere operari, vel ut tantundem pecunia reportet, vel reponat? Respondeo non: quia finita est societas interemptione rerum, ut infra eodem titulo L. VERUM §. finali --*. Similia habet Glossa secundo laudata; & ideo unice profero quod habetur in lege hic indicata -- *Societas solvitur ex personis, ex rebus, ex voluntate, ex actione. Ideoque sive homines, sive res, sive voluntas, sive actio interierit, distrabi videtur societas.*

NONUM DUBIUM. Utrum capitale finita societate debeat esse commune, vel solum illius, qui posuit illud, si tunc non inveniatur aliquid ultra sortem?

Respondeo, quod licet Baldus hanc quæstionem late examinet in L. 1., & in quæst. 2. C. *Pro socio*, tamen mihi videtur dicendum secundum Angelum de Perusio ubi supra: quod, si aut ex pacto, aut ex consuetudine periculum capitalis erat commune, tunc communiter debet dividi inter eos. Si autem periculum non erat commune inter eos, quia nec intervenit pactum de periculo, nec de consuetudine est, quod periculum sit commune, tunc totum capitale erit illius, qui illud posuit. Congruit hoc arbitrio boni viri, ut ille, qui participaturus non erat de periculo, non participet de ipso capitali. Immo secus esset

set contra jus fraternitatis, cui societas comparatur L. *Verum* in principio ff. *Pro socio*. Item, quum ille, qui pecuniam ponit, communicare ejus commoditatem dicatur illi, qui operas tantum ponit; & ille, qui operas ponit, communicet alteri fructum suæ personæ tantum; inferitur ex hoc, quod capitale non est communicandum.

Jacobus de Arena dicit, quod de jure, & consuetudine est, quod capitale sit salvum in hoc casu. Quare enim socius debet habere partem capitalis? Si dicis, quia posuit operam. Et ego dico, quod pretium operæ intelligitur esse correspondens interusurio ipsius pecuniæ, non autem ipsi forti. Est nempe hoc simile, ac si ponatur pecus ex una parte, & ex alia cura pastoralis. Ideo sicut ibi sola damna & commoda in obventionibus sunt communia, non autem pecus, ut L. *Cum duobus* §. 2. ff. *Pro socio*, ita hic: ut dicamus, quod in dubio potius intelligatur in societate positus usus rei, quam ipsa res. Et ad hoc facit foccidum ovium: quia foetus, lana, & hujusmodi dividuntur, non autem oves foccidæ datæ: & licet capita sint mortua, tamen societas in foetibus durat ff. ubi supra L. *Si id quod*, & ff. *De pignoribus* L. *Grege* in principio. Et hoc, quod dico, quod oves in societatem datæ non sunt communes, id intellige de ipso capitali. Et hæc est natura societatis, quæ natura tanquam quoddam intrinsecum omnibus contractibus inest: quia nihil aliud est, quam dispositio quædam, quam lex, vel consuetudo statuit super contractus L. *Si unus* §. *Pactus* ff. *De pactis*. Et hanc opinionem Jacobi sequitur S. Bernardinus. Sed opinio Angeli est verior. Nec credo quod Jacobus aliter teneret, quando est pactum, quod periculum capitalis sit commune.

(11) Si demas pactum de periculo, quod illæsa conscientia fieri non posse putarunt Jacobus De Arena & S. Bernardinus; quodque licite fieri

fieri posse ostendi paullo ante, ubi de dubio quarto: conveniunt Authores hic memorari sortem in presenti casu non esse dividendam, sed ex integro esse restituendam capitalistæ, qui eam posuit. Idem sentit Joannes Cabassutius, ejus verba protuli, ubi de eodem dubio quarto. Idem pariter Joannes Pontas ver. *Societas* casu 2., & Colletus in suis Institutionibus De contractu societatis quæsito primo, qui ambobus contendunt hanc unam esse S. Thomæ mentem, atque sententiam. Hoc postremum sic probat Pontas, cum quo concordat Colletus solo variato literarum cortice -- Ratio hujus decisionis est, quia pecunia a societate collata solius est ejus; qui eam contulit, ut docet S. Thomas, & post eum Sotus, Cardinales Cajetanus, & Tolemus, Navarrus, Azorius, permultique alii. Ait Doctor Angelicus 2. 2. q. 78. art. 2. ad quintum -- *Qui committit pecuniam suam vel mercatori, vel artifice per modum societatis cujusdam, non transfert dominium pecunie sue, sed remanet ejus, ita quod cum periculo ipsius mercator de ea negotiatur, vel artifex operatur.* Unde Cabassutius loco citato num. 7. concludit: jure agitur eum, qui pecuniam in sortem societatis contulit, eam recuperare, si super sit. Si pecunia pereat, perire illi debet, qui eam contulit. Ergo, si super sit, eidem tradenda est, ut qui sentit onus, sentiat quoque commodum Cap. QUI SENTIT ONUS De regulis juris in Sexto, & secundum naturam est commoda cujusque rei eum sequi, quem sequuntur incommoda L. SECUNDUM NATURAM ff. eodem titulo -- Hactenus ille. Immo, quod pluris facio, ita decrevit, ita sancivit Sixtus V. in sua Constitutione *Detestabilis* §. 2. verbis adeo perspicuis, ut in aliam trahi nequeant intelligentiam -- *Si vero finita societate ipsum capitale extat, ei, qui illud in societatem contulerit, restituatur* -- Quid clarius?

Mirandum iccirco est Daniele Concina, qui nullum immotum reliquid lapidem ad Sixtinam Constitutionem ab omni non satis congrua interpretatione merito vindicandam, ubi egit de contractu trino lib. 3. De justitia & jure dissert. 3. cap. 21. §. 2., hic ab eadem in totum recessisse, doctrinam tradendo Sixtinæ Constitutioni omnino contrariam. En ipsius verba ibidem cap. 22. §. 5. num. 17. -- *Hinc colliges, si finita societate nullum sit lucrum, sed solum remaneat fors a Capitalista collata, tum dividendam esse juxta æstimationem operarum: alioquin socius amitteret totum capitale operarum, si integra fors rediret ad capitalistam* -- Sortem esse dividendam, ait Concina. Sortem restituendam esse ei, qui illam contulit, inquit Sixtus V. Doctrina igitur Concinae Sixtinæ Constitutioni adversatur. Nec quicquam probat ratio a Concina in medium prolata; par enim esset utriusque socii jactura: quia tantum perdit [ita Colletus nuper laudatus] qui negotiationi vulgo proficue subiecit pecuniam suam, eamque sterilem recipit, quam qui nihil ex industria sua percepit

emolumenti —: quia operæ socii non respondet sors, seu capitale, sed hujus interusurium, hujus commoditas; ut unus socius alteri communi-
cet suam operam, alter consocio communicet pecuniæ commoditatem: quia dominus capitalis remanet ille, qui illud posuit, ut docuit nos S. Thomas; & jura omnia clamant, quod, si res perit, domino perit, si autem superest, domino superest: quia demum industria, seu opera socii, non est capitale, non est sors, sed quid sortem supponens, & ipsi adveni-
ens. Sors ergo domino reddatur, & adhuc socii erunt omnino pares: quia hic nullum percipiet fructum ex commoditate, & usu pecuniæ, quem communicavit socio, alter nullum item fructum ex industria sua, quam socio communicaverat.

DECIMUM DUBIUM. Utrum damnum debeat esse com-
mune, si capitale perdatur, an solum illius, qui illud
posuit?

Respondeo. Videtur, quod sic, quia damnum debet
esse commune L. *Si non fuerint* §. 1. ff. *Pro socio*. Con-
trarium tamen determinat Glossa in dicta L. Ratio, quia
sicut de capitali nihil accipiens lucratur, ita non debet
damnificari. Si autem lucraretur, ita damnificari deberet:
quia de contrariis eadem regula datur L. *Manifestissimi*
quidem juris est §. *Sed cum in secundam C. De furtis* &
servo corrupto, in textu ibi — *Ubi enim periculum, ibi* &
lucrum collocetur.

Cynus in L. 1. C. *Pro socio* distinguit dicens, quod
aut statim perdita fuit pecunia capitalis, & tunc damnum
debet esse commune: aut non statim, sed post operas ex-
hibitas, & tunc sufficit recipienti damnum operarum sua-
rum. Et hanc opinionem dicit Cynus esse veriore.

Jacobus autem de Arena indistincte vult, quod dam-
num sit commune L. *Cum duobus* §. *Quidam sagariam*,
& L. *Si id quod* §. *Item Celsus* ff. *Pro socio*.

Baldus autem vult, quod quatenus est commune lu-
crum, eatenus sit & damnum, & non aliter.

Angelus de Perusio in suo Tractatu de societate quæst.

12. part. 1. dicit, quod, licet civilis rigor velit, quod, si statim perit, & perit causa societatis, damnum sit commune L. *Si id quod* §. 1., opinio tamen Petri, quam sequitur Cynus, præsertim in foro conscientiæ, magis ipsi placet, cum videatur convenire arbitrio boni viri, quod in hoc iudicio sequendum est L. *In proposita* ff. *Pro socio*.

Addo, quod si quasi in principio societatis totum capitale est perditum ex modico opere, tunc adhuc putarem, quod pro aliqua parte ille, qui operas ponit, participare debet de periculo, postquam etiam participaturus erat de lucro dicti capitalis. Arguitur L. *Si non fuerint* ff. *Pro socio*, & L. *Quid enim*.

Hæc autem omnia procedunt, ubi nulla consuetudo est in contrarium. Si autem consuetudo esset, quod periculum capitalis foret commune: quia id, quod est in consuetudine, videtur actum inter partes Authentica *De fidejussoribus* §. final., & C. eodem titulo L. fin. & L. *Quod si nolis* §. *Quia assidua* ff. *De adilitio edicto*, & L. *Si prius* §. *Recte placuit* ff. *De aqua & aquæ pluvie arcendæ*: tunc dicerem, quod periculum sit commune, postquam hoc potest fieri per pactum expressum, ut tenet Glossa in Cap. *Plerique* 14. q. 3., licet regulariter periculum dictæ pecuniæ pertineat ad illum, qui eam posuit in societate. Et hoc nisi cum damnum venit culpa socii, qui tenetur de culpa lata, & levi, non autem de levissima: quia sufficit, quod talis adhibeat diligentiam in rebus communibus, quam adhiberet in propriis L. *Cum duobus* ff. *Pro socio*. Si enim expresse periculum in se quis suscepisset, hoc non intelligitur de illo, quod venit culpa consocii L. fin. C. *De nautico fœnore*. Hæc ille.

(12) Jam supra cum Colleto, Cabassutio, Glossa, & Sixtina Constitutione demonstravi, socios posse licite pacisci, quod capitale sit commune, commune ipsius lucrum, commune periculum: dummodo pacto adji-

adipiantur conditiones, quibus inter socios servetur æqualitas. Neque huic doctrinæ adversatur declaratio Concilii Mediol. 1. sub S. Carolo in hæc verba -- *In societate non fiat pactio, ut fors salva sit, fractus vero communiter dividatur* -- : neque quod sancivit Sixtus V. in memorata Constitutione §. 1. inquit -- *Neque etiam sive ad certum, sive ad incertum lucrum convenerint, socios, qui ea recipient, ad sortem, seu capitale salvum & integrum, ubi illud casu fortuito perierit, vel amissum erit, reddendum quovis pacto, aut promissione sibi obligare* -- . Aliud sane est, quod ponens pecuniam paciscatur de capitali salvo, & ex integro a recipiente sibi ipsi reddendo in quocumque eventu: & aliud profecto, quod pacto reddat capitale commune, ut, si pereat, pereat æqualiter utrique, si vero superfit, utrique æqualiter superfit. Primum vetuit Concilium Mediolan., vetuit & Summ. Pontifex Sixtus V., ut ex ipsorum verbis liquido constat. Secundum autem tantum abest, ut prohibuerint, quin potius idem Sixtus V. fieri posse sancivit verbis jam prolatis, & quæ iterum proferre juvat -- *Si vero finita societate ipsum capitale extat, ei, qui illud in societatem contulerit, restituatur, nisi socio recipienti fuerit communicatum, aut aliter inter ipsos contrabentes super eo legitime conventum sit* -- . Porro pactum, de quo in præsentis casu, & in nonnullis præcedentibus, non est primum, bene vero secundum, ut ipsum recolecti fit manifestum. Non ergo fuit vitium.

Secluso igitur huiusmodi pacto, videtur quidem jure civili sancitum, quod fors in casu utrique socio pereat, quum scriptum sit L. *Si id quod §. 1. ff. Pro socio* -- Item Celsus tractat, si pecuniam contulisset ad mercem emendam, & mea pecunia periisset, cui perierit ea? Et ait, si post collationem evenit, ut pecunia periret, quod non fieret nisi societas coita esset; utrique perire: ut puta si pecunia, cum peregre portaretur ad mercem emendam, periit. Si vero ante collationem, posteaquam eam destinasset, tunc perierit, nihil eo nomine consequeris, inquit, quia non societati periit -- . Non ita tamen, non ita est. Hæc siquidem lex loquitur in casu, in quo ambo socii contulerunt pecuniam in societatem -- *Si pecuniam contulissetus* -- , & in quo sola periit pecunia unius consocii -- *Et mea pecunia periisset* -- . Jure igitur sancitur, quod in hoc casu pereat societati: quoniam statim atque plures contulerunt pecuniam in societatem, ex pecunia specifica hujus & alterius confurgit quædam summa societati destinata, ex qua si quid pereat, societati perit; facta enim huiusmodi summa, non amplius hujus est hæc, & illius est altera specifica pecunia, sed unice tantum pecuniæ, quantum quis contulit in societatem. Illa igitur pecunia specifica, quæ prius erat mea, tunc remanet societatis; & ideo si illa perit, societati perit; & jactura & damnum dividi debet inter socios pro rata pecuniæ, quam unusquisque contulit in societatem. In casu autem, de quo sermo in præsentis, fors non con-

fertur in societatem ab utroque socio, sed ab uno duntaxat, altero conferente solam industriam, & operam. Hunc casum respicit Glossa in §. 1. L. Si non fuerint ff. Pro socio, & dempto pacto, de quo supra, respondet, quod damnum sortis non debet esse commune. Verba ipsa accipe -- Sed quid, si perdatur pecunia talis: an sit periculum commune? Respondeo non: nisi hoc pactum est: sicut nec, si alter, qui operas præstat, moreretur, esset commune --. Huc confert tritum illud adagium L. Manifestissimi §. Sed eum in secundam C. De furtis -- Ubi enim periculum, ibi & lucrum collocetur --: quoniam si, salva remanente sorte, dividenda hæc non est, sed ex integro reddenda domino, ipsa pereunte, soli domino perire debet. Secus qui ponit operam participaret de damno sortis, & non de lucro ejusdem, essetque hæc pene illa leonina societas merito improbata eadem L. Si non fuerint §. 2. Aristo refert Cassium respondisse, societatem talem coiri non posse, ut alter lucrum tantum, alter damnum sentiret: & hanc societatem leoninam solitum appellare --. Et ipso igitur civili jure spectato, damnum in casu illius duntaxat esse debet, qui erat dominus sortis, & non utrique socio commune.

Ad Jus Canonicum quod attinet, satis esset, atque super quod produxit Cabassutus ex Regula 55. juris in Sexto, videlicet -- Qui sentit onus, sentire debet commodum, & contra --: quoniam si jure canonico lucrum sortis non est commune, dum ea sola superest, ut superius ostendi, nec ipsius amissio debet esse communis, si ipsa amittatur. Placet tamen adjicere Sixtum V. Summ. Pontificem in sua Constitutione jam pluries memorata. In hac, ut audilli, decrevit, quod sorte superstitæ hæc non dividatur, sed restituatur ei, qui illum contulit in societatem. Virtualiter ergo pariter sancivit sortis amissionem, si contingat, non esse dividendam, sed ex integro spectare ad dominum sortis, & ipsi soli perire ex Regula juris modo recitata: itemque ex alia, quæ est in ordine decima, ff. De diversis regulis juris -- Secundum naturam est, commoda cujusque rei cum sequi, quem sequuntur incommoda --: ex Regula demum 39. juris in Sexto -- Cum quid prohibetur, prohibentur omnia, quæ sequuntur ex illo.

Distinctio excogitata, quod fors vel perit initio societatis, vel societate jam provecta, non aridet: quia qui sortem contulit in societatem, æque dominus ipsius est initio societatis, ac societate provecta. Ergo ex æquo ipsi perire debet quodcumque amittatur. Sola culpa onerare potest eum, qui unice confert operam & industriam; ea enim interveniente jura omnia clamant hunc teneri ad compensationem damni ex proprio. Tenetur de dolo, & de culpa lata, textu expresse Instituit. De societate §. 9. -- Socius socio utrum eo nomine tantum teneatur pro socio actione, si quid dolo commiserit, sicut is, qui deponi apud se passus est, an etiam culpæ, idest desidiæ, atque negligentia nomine, quasitum est?

Præ-

Prævaluit tamen, etiam culpa nomine teneri eum -- Tenetur pariter de culpa levi; societas enim unus ex illis contractibus est, qui cedunt in utilitatem utriusque socii; & ideo sancitur L. Si ut certo §. 2. ff. Commodati -- Sed ubi utriusque utilitas vertitur, ut in empto, ut in locato, ut in dote, ut in pignore, ut in societate, & dolus, & culpa præstat -- Non tenetur postmodum de culpa levissima, textu expresso Institut. De societate §. 9. -- Culpa autem non ad exactissimam diligentiam dirigenda est. Sufficit enim talem diligentiam communibus rebus adhibere socium, qualem suis rebus adhibere solet. Nam qui parum diligentem socium sibi adsumit, de se queri, sibi que hoc imputare debet -- Hæc pene omnia amplectitur, & confirmat L. Socius ff. Pro socio, quam & hic recitare non erit abs re, quamvis cum præcedentibus fere in verbis ipsis conveniat -- Socius socio etiam culpæ nomine tenetur, idest desidie, atque negligentie. Culpa autem non ad exactissimam diligentiam dirigenda est: sufficit etenim, talem diligentiam communibus rebus adhibere, qualem suis rebus adhibere solet: quia qui parum diligentem sibi socium acquirit, de se queri debet -- Infer ex hoc, quod, si fors, seu res tradita in societatem furto auferatur defectu debitæ custodiæ, eam compensare tenetur ille, cui data est, L. Cum duobus §. 3. ff. Pro socio -- Quod si a furibus subreptum sit, proprium ejus detrimentum est: quia custodiam præstare debuit, qui æstimatum accepit. Hæc vera sunt, & pro socio erit actio, si modo societatis contrahendæ causa pascenda data sunt, quamvis æstimata.

UNDECIMUM DUBIUM. Utrum damnum illius, qui posuit operas, debeat communicari ad invicem: puta si socius resistens volentibus sibi auferre pecuniam vulneretur, & faciat multas expensas ad curandum se, & hujusmodi.

Respondeo, quod non ff. Pro socio L. Socium §. Socius, ubi expresse ponitur, quod id non in societatem, quamvis propter societatem, impensum sit. Sed licet dicta lex dicat indistincte, quod non, tamen salvo meliori judicio videtur mihi dicendum, quod sicut unus participat aliquid de damno capitalis in pecunia, ita & æquum est, quod alter participet aliquid de damno personæ, quod evenit propter societatem: cum, ut dictum est, societas sit quædam fraternitas L. Verum in principio ff. Pro socio.

Et illud, quod dicit dicta lex *Socium*, intelligi debet, quando damnum personæ contingit culpa sua, ut expresse ostendit L. *Cum duobus* §. *Quidam* ff. *Pro socio*, ubi habet textus -- *Quidam sagariam negotiationem coierunt: alter ex his ad merces comparandas profectus in latrones incidit, suamque pecuniam perdidit: servi ejus vulnerati sunt, resque proprias perdidit: dicit Julianus damnum esse commune tam pecuniæ, quam rerum cæterarum, quas secum non tulisset socius, nisi ad merces communi nomine comparandas proficisceretur. Sed & si quid in medicos impensum est, pro parte socium agnoscere debere, rectissime Julianus probat --*. Hæc textus, & bene.

(13) Expensas, quæ fiunt causa societatis, esse communes, nemo unus est, qui id inficietur; & ideo jure optimo L. *Cum duobus* §. 15. ff. *Pro socio* -- *Viatica igitur, & meritoriorum, & stabulorum, jumentorum, carrulorum vecturas, vel sui, vel sarcinarum suarum gratia, vel mercium, recte imputabit --*. Idem adseruit Sixtus V. in sua Constitutione *Destabilis* §. 2. hisce verbis -- *Ac præterea iidem contrahentes fructus, expensas, & damna in commune conferant, & prout æquum & justum fuerit, sibi communicent, atque dividant*.

Videndum igitur superest: an in casu, de quo agitur, expensæ factæ sint causa societatis, nec ne. Super hoc eodem casu duas habemus leges invicem pugnantes. Prima est L. *Cum duobus* ff. *Pro socio* §. *Quidam sagariam*, quam Author integram exhibuit. Secunda est L. *Socium* §. 1. eodem titulo, cujus nonnulla duntaxat verba recitat Author, & quam ipse integram produco -- *Socius, cum resisteret communibus servis venalibus ad fugam erumpentibus, vulneratus est: impensam, quam in curando se fecerit, non consecuturum pro socio actione Labeo ait: quia id non in societatem, quamvis propter societatem, impensum sit --*. Quid igitur constituendum? Author in Angelica ver. *Societas* primo num. 15. scribit, legem postremo hic citatam intelligendam esse, quando damnum evenit causa socii. Editor annotationum super eadem arbitrat, damnum, de quo hæc lex, non evenisse propter societatem proprie, sed duntaxat occasionaliter. Pressius tamen, & meo saltem judicio melius Glossa super eadem lege inquires -- *Labeo ait, sed male, ut infra Lege proxima --*. Et reipsa lex immediate sequens secus constituit. Eandem habeto -- *Secundum Julianum tamen, & quod medicis pro se datum est, recipere potest. Quod verum est --*. Hoc ipsum Glossa ibidem magis magisque confirmat dicens -- *Quod verum est, quia propter commune negotium*

tium procurandum hoc contingit; & hoc nisi in culpa fuerit -- . Non ergo ad mentem Labei sive Labeonis L. *Socium* definienda res est; sed pro certo haberi debet cum Glossa Labeum sive Labeonem ibi dormitasse, se fefellisse; & cum Juliano tum L. *Secundum*, tum L. *Cum duobus* §. *Quidam sagariam* firmiter tenendum est, damnum in casu utrique socio esse commune, quemadmodum arbitratus fuit Author, & cum eo Pontas ver. *Societas* casu 12., Ferraris ver. item *Societas* num. 21., & Theologi communiter.

DUODECIMUM DUBIUM. Qualiter dividi debeat societas, si nihil inter ipsos est conventum expresse?

Respondeo, quod licet alii aliter dixerint, secundum Angelum ubi supra quæst. 2., salvo meliori judicio sic est dividenda. Si totum societatis est trecentum, ego, qui posui centum, prius extraham centum, & postmodum ducenta dividuntur inter me, & eum, qui posuit operas. Ita tamen quod, qui plus in societatem contulerit vel pecuniæ, vel operæ, vel industriæ, plus habeat, ut L. *Si non fuerint* in principio, & L. *Quid enim* ff. *Pro socio*: & hoc arbitrio boni viri.

Et illud, quod dicunt quidam, quod similiter ille, qui posuit operam, debet prius extrahere tantum, quantum est æstimanda sua opera, sicut alter prius extrahit centum, quæ posuit, non valet nec de jure Divino, nec Civili, nec Canonico: nam opera hominis nihil aliud est quam officium diurnum ut L. 1. ff. *De operis libertorum*; inmo opera hominis dicitur esse fructus hominis, ut L. 3. & seq. ff. *De operis servorum*. Et ideo qui in societate tantum operam ponit, non dicitur aliquid consistens in sorte, vel in capitali ponere, sed solum fructum suæ personæ: quia fructus, aut usus fructus personæ correspondet fructui seu commoditati illorum centum. Pro quo bene facit quod dicitur L. *Cum duobus* §. *Utrum* ff. *in coeunda* ff. *Pro socio* -- *Pretium enim operæ*, inquit textus, *artis est velamentum* -- . Et hanc sententiam securus est

Baldus in L. 1. q. 2. C. *Pro socio*. Et sic intelligi debet, quod *sape opera alicujus pro pecunia valet*, ut Institut. De societate §. 2., scilicet pro commoditate & usufructu dictæ pecuniæ.

(14) Super hac re duo sunt discutienda. Primum, utrum opera illius, qui in societatem contulit solam industriam, sit conjungenda sortis, ut ex pecunia unius, & opera alterius consurgat, & fiat una communis fors. Secundum, utrum, statim atque industria non sit habenda tanquam fors, lucrum dividi debeat in partes æquales, vel pro qualitate industriæ, aut alterius circumstantiæ. Inter veteres Goffredus putavit, etiam operam esse æstimandam, computandam in sortem, & extrahendam ante quamcumque divisionem, sicuti extrahitur fors, quam alter socius contulit in societatem. Inter Recentiores idem tenuit Daniel Concina lib. 3. De iustitia & jure differt. 3. cap. 22. §. 5. num. 16. scribens -- *In hoc itaque contractu industria socii est addenda sorti; ita ut ex pecunia, aut animalibus capitalista, & industria socii una fors communis fiat. Si opera socii æquent summam capitalista, tum æqualiter fors & lucrum dividenda sunt. Si industria socii æqualeat tertia parti summe capitalista, tum in partitione cedit socio tertia pars sortis & lucri, seu tertia pars totius summe. Ratio evidens: quia ad negotiationem non minus conferunt opera socii ac fors capitalista. Ergo ejusmodi opera in sortem computanda sunt, & juxta earundem valorem socius tam sortis, quam lucri particeps esse debet --* Secus tamen opinatur Author tum hinc, tum in Angelica ver. *Societas primo* num. 17. . Secus opinati sunt alii complures, quos memorat, & sequitur Ferraris ver. *Societas* num. 41., qui omnes constanter adferunt solam pecuniam ab uno socio collatam habere rationem sortis, hanc esse extrahendam, ex integro reddendam ei, qui eam posuit, & lucrum duntaxat esse dividendum. Et quod pluris facio: hæc est regula partitionis a Summo Pontifice Sixto V. præstituta, quando socii aliter non convenerunt inter sese -- *Si vero finita societate ipsum capitale extat* [ait Summ. Pontifex in sua Constitutione sæpenumero memorata §. 2.] *ei, qui illud in societatem contulerit, restituatur, nisi socio recipienti fuerit communicatum, aut aliter inter ipsos contrahentes super eo legitime conventum sit. Ac præterea iidem contrahentes fructus, expensas, & damna in commune conferant, & prout æquum & justum fuerit, sibi communicent, atque dividant --* Agebat hic Pontifex de societate, in quam unus solam contulerat pecuniam, & alter solam industriam, ut manifestum sit Constitutionem ipsam percurrendo. Respexit ergo casum nostrum, in quo de societate tali modo inita sermo est. Ratio, quam in oppositum protulit Concina, videlicet -- *Quia ad negotiationem non minus conferunt opera socii, quam fors capitalista --*,

non

non videtur evidens: quoniam hac ipsa de causa operans fit particeps lucri, nam -- *Fructus hominis in operis consistit, & retro in fructu hominis opera sunt* -- L. 4. ff. *De operis servorum*: quoniam si & ipsa socii industria computari deberet in sortem, atque extrahi ante divisionem, qui unice ponit industriam melioris semper esset conditionis ac ille, qui ponit pecuniam & sortem realem, atque numeratam; tantum enim ut plurimum haberet cum sola sorte putata, quantum capitalista cum sorte reali, & non aliter. Æquitas ergo non patitur, ut industria conjungatur forti, & transeat in sortem. Firmum quapropter erit quod cum communiori Doctorum docet Author, quodque Sixtus V. in sua Constitutione præfinivit. Hæc de primo, quod erat expendendum: quodque inter antiquos fusc probavit, idque tum jure civili, tum jure canonico, Nicolaus noster de Auximo in suo Supplemento Venetiis vulgato anno 1477. typis Francisci de Dailbrun ver. *Societas primo* sub initio, qui iccirco ita conclusit -- *Ille ergo qui in societate operam tantum ponit, non dicitur aliquid consistens in sorte, vel in capitali ponere, sed solum fructum personæ suæ, qui fructus aut usufructus personæ correspondet fructui, aut commoditati illorum centum, quæ in societate posuit.*

Secundum exponendum cum adgredior, statim occurrunt leges adeo perspicuæ, nihil ut magis. Et quidem, si nihil de partibus lucri & damni nominatim convenierit, *æquales scilicet partes & in lucro, & in damno spectantur* -- Institut. *De societate* §. 1. *Si non fuerint partes societatis adjectæ, æquas eas esse constat* -- L. 29. ff. *Pro socio*. Ex æquo igitur in casu, de quo sermo, dividendum est lucrum, quod superest præter sortem, quemadmodum scribit Author, & probat Joannes Pontas ver. *Societas casu* 3. inquires -- *Nam ubi pactio non distinguit, uni non amplius lucrum, nec major jactura esse debet, quam alteri...* ita ut inferendum sit Landrium qui 12000. libras contulit præsentis, & non ignorabat Askenodorum solum adhibere industriam, & laborem, tacite consensisse partes lucri esse æquales inter se, quum nihil stipulatus est contrarii -- Id intellige, dum unus contulit totam pecuniam in societatem, & alter contulit totam industriam; secus enim fieri deberet, sicuti docet Author in Angelica loco proxime citato scribens -- *Si alter posuit centum, & alter operas, & de lucro habent ducenta: extrahet primo, qui posuit centum, sua centum, & sic de quocumque alio, qui aliquid posuit: quæ summa extracta, reliqua ducenta, quæ sunt de lucro, dividunt inter se omnes.* Ita tamen quod qui plus posuit in societatem, puta operas, & pecuniam, vel duas partes pecuniæ, respectu illius, qui solum animam posuit, non respectu ejus, qui operas posuit, quia opera valet tantum sicut pecunia, quæ ponitur, habebit plus de lucro --. Dum audis operam valere sicut pecuniam, id accipe generatim loquendo, & plerumque: non enim inficior quandoque adeo pretiosam esse aliquorum operam, ut

aliter sit constituendum, quemadmodum monui annotatione sexta proxime præterita.

TERTIUM DECIMUM DUBIUM. Utrum possit licite fieri pactum, quod unus habeat duas partes lucri, & unam damni, vel duas damni, & unam solam lucri?

Respondeo, quod, si hoc pactum arbitrio boni viri non facit deteriore partem unius præ altero, ita ut qui plus posuit, ut dictum est, plus habeat, licitum est in conscientia: & hujus opinionis est Angelus de Perusio ubi supra; alias non.

(15) Jam superius ostendi annotatione tertia proxime præterita, quod, si contrahentes ex æquo conferunt in societatem, nec jure civili possunt pacisci, quod unus præ alio, lucrum percipiat, aut damnum patiatur; in omnibus enim contractibus servari debet æqualitas. Æquissimum est ergo judicium Authoris, qui omnia reducit ad æqualitatem: qua sublata constanter inficiatur id posse fieri licite. Si quis contra proferat nonnullas leges civiles, quæ in speciem videntur secus constituerent, eas expone sicuti ipse prædicta annotatione tertia easdem exposui, videlicet quando unus socius præ alio plus contulit pecuniæ, operæ, vel industriæ. Præ oculis tamen semper habeas, quod dixi annotatione 35. super tertio articulo proxime præterito; nempe Sixtina Constitutione fuisse prohibitum, quod unus socius cum altero pacificatur de allocatione capitalis, & de lucro in simul ex eo proventuro.

Promissis nunc sto, contractum exponendo, quem vocant trinum, seu trium contractuum, de quo fuse Gabriel Antoine *De contractu societatis* quæst. 3., Daniel Concina lib. 3. *De justitia & jure* dissert. 3. cap. 21. per totum, Colletus Institut. De contractu societatis art. 1., Fulgentius Cuniliati De contractu societatis §. 2., Benedictus XIV. De Synodo Dioces. lib. 10. cap. 7., Ferraris ver. *Societas* num. 3., & seq. Qua in re utar verbis Benedicti XIV. loco nunc laudato num. 2. -- *Titius inis contractum societatis cum Sempronio mercatore, cui mille aureos tradit, e quibus probabiliter sperat se centum & triginta lucraturum: sed metuens Titius, ne una cum sperato lucro capitale amittat, alium contractum inis cum eodem Sempronio, cui condonat sexaginta aureos sperati lucri, ut, qualiscumque sit futurus negotiationis exitus, ipsi caveat de securitate capitalis mille aureorum. Rursus secum reputans Titius, melius sibi fore aliquod moderatum lucrum, sed certum habere, quam pinguius, sed incertum expectare, tertium contractum cum eodem Sempronio inis, quo eidem remittit alios viginti aureos sperati lucri, ut quinquaginta residuo ei solvat,*

vat, five negotiatio bene, five male succedat --. Primus dicitur contractus societatis. Secundus vocatur contractus affecurationis capitalis. Tertius appellatur contractus venditionis lucri incerti pro aliquo certo præstiruto tempore solvendo. Ex hac declaratione planum fit, casum, de quo Auctor in secundo dubio proxime exposito, vel ipsum exhibere contractum trinum, vel cum eodem maximam habere affinitatem.

Pergit Summus Pontifex, & num. 3. ita nos edocet -- *Hic porro est trinus ille contractus, quem celebrem fecit exorta inter Dominicum Sotum, & Martinum Navarrum discordia. Putabas nimirum Navarrus tres prædictos contractus simul, & cum eadem persona tuto conscientia iniri posse, atque ab usuraria pravitare immunes esse ob rationes, quas adducit in suo Manuali cap. 17. num. 234, & seq. Sotus ex adverso asseribat, trium illorum contractuum conjunctionem degenerare in mutuum fœneratitium, & societatis lites, quæ lucri damniq; communionem exposcunt, evertere, suamque assertionem pluribus propugnabat argumentis, quæ videri possunt in ejus Opere De justitia lib. 6. q. 6. art. 2. Causa delata est ad Sixtum V. Pontificem Maximum, qui, diligenter questione discussa, duplicis securitatis passionem societati adjectam usurariam pronunciavit, eamque deinceps fieri prohibuit sua Constitutione 68., quæ incipit, Detestabilis, edita anno 1586. tom. 4. part. 4. Bullar. pag. 263. --. Ex hoc infer, quod tres hujusmodi contractus separatim inspecti, & cum distinctis personis initi, liciti sunt, nullam usurariam redolent pravitatem: dummodo in ipsis servetur æqualitas, & non fiant in fraudem usurarum. Verba Sixtinæ Constitutionis jam recitavi ex integro, quantum ad præsens spectat, annotatione 35. super tertio Articulo secundæ Considerationis. Ea igitur illic relege.*

Progreditur Summus Pontifex, & num. 4. ita scribit -- *Et nihilominus nondum causa finita est: Siquidem plures, & non obscuri nominis posteriores Theologi trinum contractum ab omni usura reatu absolunt, & licite etiam nunc fieri posse defendunt --. Authores postmodum producti hinc & illinc sentientes, ipsorum argumenta declarat, & tandem num. 6. ita concludit -- Hæc sunt præcipua rationum momenta, quæ in utramque partem adducuntur; neque Apostolica Sedes priori opinioni, etsi minus congruere videatur Sixtinæ Constitutioni, ullam hætenus censuram inussit, a qua proinde eidem infligenda debet Episcopus abstinere. Ad usum vero quod attinet, tuto poteris contractum trinum, quem etiam ejusdem patroni periculosum fatentur, pro viribus impedire, atque ab eo ineundo suos subditos dehortari: quod a plerisque Episcopis in suis diocesanis Synodis sapientissime factum referunt citati Gennetti. tom. 1. tractat. 4. cap. 14., Natalis Alexander Episl. 94. in appendice ad Tom. 2. sue Theologiae Moralis --. De mente igitur Sapientissimi hujus Pontificis, tametsi sententia docens contractum trinum esse licitum cum una eademque persona usque adhuc ab Apostolica Sede nulla fuerit censura irretita: tamen minus congruit*

Sixti-

Sixtinæ Constitutioni, & Fideles ab ea in praxi sequenda dehortandi sunt.

Scio quidem hujusmodi iudicium Benedicti XIV. habendum non esse tanquam infallibilem Ecclesiæ definitionem: quum ipsemet in fine Præfationis Operi præfixæ ingenue scripserit -- *At, ubi neque a Romanis Pontificibus prædecessoribus nostris, neque a nobis ipsis, aut in Bullario, aut alibi, Apostolica auctoritate quidquam definitum est, ac generaliter omnibus in rebus, quibus nullum ex publica Ecclesia auctoritate pondus accessit, nihil nos definire, ac veluti decretorium exhibere intendimus. Ea enim nobis & semper fuit, & adhuc mens est, ut sententiam nostram proponentes, hanc casenus tueamur, quatenus illi ex rationibus, & auctoritatibus, quæ nos ad eam amplectendam impulerunt, satis roboris & firmitatis adesse dignoscatur; libentique animo subscribimus doctrinæ Scriptoris eximii Melchioris Cani, qui lib. 6. de locis Theologicis cap. 8. in resp. ad nonum argumentum, de libris agens, qui a Summis Pontificibus conscripti publicantur, hæc ait -- CUM EDUNT LIBROS DE RE QUALIBET ROMANI PONTIFICES, SENTENTIAM SUAM UT HOMINES ALII DOCTI EXPRIMUNT, NON TANQUAM ECCLESIAE JUDICES DE FIDE PRONUNCIANT.* Magnus ille Prædecessor noster Innocentius IV. Commentaria sua in libros Decretalium scripsit, cum Summum Pontificatum peteret -- *TRAHENS MORAM LUGDUNI, POST CONCILIUM IBI CELEBRATUM, COMPOSUIT APPARATUM SUPER DECRETALIBUS* -- uti testatur Thomas Diplovatius in Vita ipsius Innocentii antedictis Commentariis præmissa. Neque profecto Innocentius hoc sibi unquam arrogavit, ut, quidquid in eo Opere scripseret, pro re definita haberetur; sed facile passus est, opiniones suas, quas tanquam privatus Doctor proposuerat, ab aliis Doctoribus oppugnari: ut patet ex ipsa, quam citavimus, illius Vita; multoque magis ex ea, quam sibi amplissimam hac in re licentiam sumpserunt posteriores Canonistæ, dum sententias ab Innocentio suis Commentariis insertas sæpe deferere, & in alia omnia ire non dubitarunt --. Nihilo tamen minus, quum agatur de sententia, pro qua jam pugnabat major pars Scriptorum, & quæ ex sola ipsa vel perfunctoria Sixtinæ Constitutionis lectione deducitur: eidem certe magnum pondus adjecit tanti Pontificis iudicium, quod nullo solido fundamento unquam poterit oppugnari.

Satis, meo saltim iudicio, satis hoc esset, ut contractui trino valediceremus; non enim in scientia morum opinari quis debet ad ostendendam ingenii subtilitatem, & profunditatem, sed ad instruendos Confessarios, & Fideles, ut sciant quid in praxi tuta conscientia sequi possint, quid declinare teneantur. Et revera solido fundamento non videtur innixum, quod Patroni contractus trini solent adserere: videlicet Cardinales Toletum, & Sanctæ Severinæ, quibus concinnandæ Sixtinæ

Con-

Constitutionis cura fuit a Pontifice commissa, testatos esse Patri Stephano Tuccio Societatis Jesu, Sixti V. mentem fuisse damnare duntaxat conventiones, & pacta, quæ in se injusta, illicita, & usuraria sunt, non vero quæ omni usura vacare probantur: aut Sixtum V. ejusmodi pactantes solum prohibuisse, quando apponuntur ex vi solius societatis, non tamen quando societati adjunguntur. Primum viam sternit labefactandi, & eludendi quascumque, & si luce meridiana clariores, Summorum Pontificum Constitutiones; homo siquidem propriæ opinionis tenax semper posset regere, Summum Pontificem non intellexisse id, quod exprimit littera, sed aliud longe diversum: & hoc confirmare uno vel altero prætenso vivæ vocis oraculo. Summus Pontifex quod voluit, expressit. Expressio Sixti V. in laudata Constitutione improbat contractum trinum, eumque dicit usurarium, ut vel inviti fateri tenentur ipsius Patroni. Insuper hæc Pontificia expressio ea est, quæ nos instruit, & quam Pontifex Fidelibus omnibus tenendam proposuit, & injunxit. Usque adhuc Summi Pontifices non vulgarunt Constitutionem alteram, quæ Sixtinam abroget, illius phrasæ emolliat, & secus doceat. Ipsi igitur standum est, & non decantatæ illi verbali declarationi nulla Pontificia Constitutione legitime probatæ. Accedit, quod Constitutio Sixti V. nihil effecit novi, sed duntaxat usurarias declaravit eas pactiones, quæ insimul consideratæ jam erant, semperque fuerunt usuraria labe pollutæ. Ita declaravit Sacra Congregatio anno 1593. -- *Cum tempore Clementis VIII.* [ita Benedictus XIV. lib. 10. De Synodo Diœces. cap. 7. num. 5.] *compilandus esset liber septimus Decretalium, suis dubitatum, an illi inferenda foret prædicta Sixtina Constitutio, atque in Congregatione habita die 12. Novembris 1593. deliberatum non esse inferendam eo, quod nihil novi in ea decerneretur, sed contractus reproberetur in se fœneratitius, jam a jure communi proscriptus: sicut colligitur ex Actis Congregationum ea super re habitatum, quæ asservantur in Archivo Arcis Sancti Angeli --.* Secundum continet doctrinam a Facultate Parisiensi in terminis proscriptam, & improbatam anno 1644. si Colleto, 1664. si Cuniliati, 1665. si Concinzæ fides. Propositione erat hæc -- *Si contractui societatis adjungatur contractus assicurationis capitalis, ac venditionis lucri incerti pro certo, virtute trium horum contractuum licitum est exigere luctum certum cum assicuratione capitalis --.* Et hæc fuit censura eidem propositioni inusta -- *Falsa est, scandalosa, inducens ad usuras committendas, variasque aperit artes eas palliandi, justitiam & charitatem violandi, & a Sacra Facultate jam damnata --.* Ad-do, quod & ipsi Patroni contractus trini eundem prædicare non audent, nec populo suadere -- *Licet iste contractus sit licitus, prout existimo [ait Joannes Major in 4. dist. 15. q. 49. in fine] non tamen in sermone ad populum mercatorum hoc dicerem; non enim nescius sum, quia a periculoso*

con-

contractu abstinendum sit --. Propter periculum [scribit Valentia Tom. 3. disput. 25. punct. 2.] nemini illud esse suadendum --. Jure igitur Merbesius nonam Concilii Mediol. 1. Decisionem expendens -- Cum Summus Pontifex Bulla tam perspicua, quam certa, & indubitata hujusmodi contractus utpote usurarios damnaverit, & auctoritate Apostolica interdixerit, neminem posthac fore arbitror, quin a talium conventionum usu, & consuetudine penitus abhorreat: tamen si nonnulli suo ingenio plus a quo confisi eos licitos esse affirmare audeant.

Quod postmodum contractus trinus in se sit reipsa foeneratitius, jam invictè id ostendit Author noster, ubi de dubio secundo proxime præterito: probans hujusmodi pactiones esse contra naturam societatis, quæ in totum destruitur per contractum assecurationis capitalis inde sequentem. Contractus trinus, si intime perpendatur, resolvitur in mutuum; ibi enim est mutuum, ubi verum rei dominium transfertur in accipientem, sicuti contingit in hoc contractu, quia, si res perit, accipienti perit, & non alteri. Nec juvat adserere ipsum ex pacto teneri ad erogandam pecuniam in negotiationem; quoniam hæc pactio apparens est, & ad obtegendam usuram unice appolita. Egregium sane negotiationis genus! Negotiari volo, inquit dans pecuniam. Sed interim, sive negotiatio male, sive bene succedat, volo ut restituas mihi integrum capitale, volo insuper ut des mihi tantum lucri, & non aliter. Vera negotiatio ea est, qua quis se fortunæ exponit, periculo se exponit lucrandi & perdendi. Si igitur dans pecuniam proteltatur se velle negotiari, & insimul nulli vult se exponere periculo, immo lucrum certum postulat, & ad hoc rependendum in quocumque eventu obligat accipientem: ex parte ipsius vera negotiatio non est, sed apparens, & simulata. Mutuum ergo erit, non societas; secus quisque petenti mutuum absque usura posset respondere: nolo tibi dare mutuum, sed tecum inibo societatem hac lege, ut me de sorte securum facias, & ob majus lucrum, quod ex negotiatione potest probabiliter evenire, aliquod minus, sed certum, quolibet anno mihi persolvas. Quis non videt hæc esse pura putaque verba, & vera pallia usurarum!

Postulabis nunc abs me: quare hic triplex contractus, si fiat cum tribus personis distinctis, immunis est ab usura, ut superius monui, & initus cum una eademque persona usuræ labe polluitur? Brevibus respondet Antoine ibidem -- *Disparitas est, quia alia pacta cum alio facta non impediunt, quominus stet vera societas cum mercatore, qui in eo statu constituitur, quem postulat societas; per accidens enim respectu illius est, quod alii pecuniam collatam assecurent. At pacta illa cum socio inita evertunt societatem, & aequalitatem, cum hic totum periculum & damnum subire debeat, ille vero solum lucrum certum ultra sortem recipiat.*

Paullo fusius respondet Cuniliati inquiens -- *Respondetur concedendo, quod*

quod dicti contractus celebrati cum non socio sint liciti, quia revera servatur aequalitas, qua nullo modo servatur, si celebrentur cum socio. Quenam enim aequalitas verificari unquam poterit, si alter contrahentium totum damnum subeat ne dum operarum & industria perditarum, verum etiam novo onere obnoxius fiat, reponendi integrum capitale; & alter nullum damnum subeat, & insuper etiam lucrum reportet, & quod horribilius est, quod reportet lucrum, & nullum subeat damnum titulo fundato in contractu, qui non extat, sed est destructus a pactionibus adjectis! Propterea manifeste apparet injuria socio illata, qui est socius solius nominis, & revera mutaturus, usura injusta sub specioso pallio occultata gravatus. Non ita, dum contractus illi celebrantur cum tribus non sociis; quandoquidem nemini illorum irrogatur injuria, dum reapse servatur aequalitas inter datum & acceptum. Et quamvis tandem contrahens cum illis reportet certum lucrum absque ullo periculo, id est fructus solertia sua nemini injuriose; neque enim ex tali lucro ullus gravatur.

Sed quid, si socius accipiens offerret tradenti assecurationem sortis & lucri sponte & libere? Sixtina Constitutio unice loquitur, dum ipse tradens ita postulat, ita vult pacisci: quum §. 1. consulto dixerit Summus Pontifex -- *Atque in posterum non licere iis, qui pecunias, vel animalia, aut alias res in societatem tradunt* --. Aliunde accipiens sic postulans nulli infert injuriam, sed sibi ipsi consulit, sperans lucrum longe majus pecunia, quam pro tali assecuratione sciens & volens se obligat ad perfolvendum. In hoc igitur casu contractus trinus nec erit vitiosus; nec usurarius. Ita differunt nonnulli, quibus sic respondeo.

Magna usuratum pars oritur ex speculationibus plurium Theologorum, qui in cubiculo suo praecones, distinctiones, divisiones, & plura commensa excogitant, quae in metaphysica abstractione verisimilia apparent, pro praxi vero ineptissima sunt, & viam aperiunt fraudibus, ac usuris manifestis -- Opportune Daniel Concina De justitia & jure lib. 3. differt. 3. cap. 12. §. 5. num. 3. . Assecuratio, de qua in praesenti, cavet ab omnibus periculis tum extrinsecis, tum intimis mercaturae usque ad negotii consummationem. Cavet a periculis terrae, maris, diminutionis pretii, difficilis venditionis, mercium corruptionis: a periculis infidelitatis famulorum, vel emptorum, qui decoctores fiant. Quis prudens, clamat Concina ibidem cap. 21. §. 6. num. 2., nisi sit necessitate habenda pecunia coactus, similem praestabit, aut praestabit unquam assecurationem! Si ita clamavit Concina, dum ipse tradens assecurationem petit, & exigit a socio minori: quid dicam ego in hac hypothesis, in qua ponitur, quod ipse accipiens assecurationem offerat, & exoptet! Contractus societatis jam hic supponitur initus. Non ergo necessitas eundem potest compellere ad hujusmodi assecurationes offerendas. Casus iste profecto est pene metaphysicus: quoniam nullus sanæ mentis vir unquam ita operabitur, quum

ex contractu societatis antea inito jam habeat, unde lucrum sperare possit, periculo fortis remanente penes tradentem. Hoc unum, meo saltem iudicio, sufficeret ad ostendendum, quod inveni inventum hoc est ad labefactandam, si fieri posset, Sixtinam Constitutionem, & ad contractus trini malitiam aliquo modo imminuendam.

Sed propius accedo. Fallitur quisquis putat Sixtinam Constitutionem non comprehendisse hypotheseum hanc pene metaphysicam, quam socius minor mentis compos, & integer nunquam adamabit. Utique sub initio casum enarrans ponit, quod ipse socius maior, seu tradens, assecurationem postulet ab accipiente. Utique Paragrapho primo contractum sic expositum improbens, illicitum declarans, & usurarium, meminit assecurationis, & pactionis a tradente requisitæ, atque exoptatæ. Sed perge, & consule Paragraphum sequentem, nempe secundum, ita conceptum -- *Sed potius cuncti noverint societates huiusmodi, cum in posterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide, sicut decet, iustis & æquis conditionibus, & pactis, secundum juris dispositionem, ac sine ulla prorsus fraude, palliatione, aut usurarie pravitate labe, aut suspitione, ineundas, seu contrahendas esse; ita ut non ad certam summam, aut quantitatem ab omni periculo, & damno, ut præfertur, immunem, lueri nomine persolvendam, neque ad capitale, si casu fortuito perierit, restituendum socius accipiens teneatur --* Quid ad hæc fabricatores præsentis hypotheseis? Summus Pontifex hic agit de contractu trino in se inspecto, super sedens illo, qui eundem promovet, tradens ne sit, vel accipiens, socius maior, vel minor. Si igitur sic indefinite acceptum eundem fieri vetuit, respexit etiam hypotheseum, & casum, de quo in præsentia; & iccirco jure merito dixi falli eos, qui arbitrantur, posita oblatione assecurationis facta ab accipiente, contractum non amplius esse in Sixtina Constitutione comprehensum. Addo, quod propositio Facultati Parisiensi exhibita, & paullo antea recitata, indefinita ipsa erat, & unice exprimebat contractum assecurationis adjectum contractui societatis, ne verbum quidem habens, an hæc assecuratio promoveatur a tradente, vel ab accipiente. Et nihilominus eandem declaravit falsam, scandalosam, & inducentem ad usuras committendas. Nihil igitur malitiæ contractui trino detrahit, quod assecuratio offeratur ab accipiente: vel saltem hoc non adeo malitiam imminuit, ut societatem non destruat, & contractum reddat a fœnore liberum.

Ratio est evidens. Adhuc in hac hypothese verificatur, quod alter lucrum tantum, alter damnum sentiret. Ergo adhuc esset ea leonina societas, de qua L. *Si non fuerint* §. 2. ff. *Pro socio*. -- *Aristo refert, Cassum respondisse, societatem salem coiri non posse, ut alter lucrum tantum, alter damnum sentiret: & hanc societatem leoninam solitum appellare --* [Ca-

ve,

ve, ne credas: Patronis contractus trini, dum, pro ipsorum opinione stabilienda; ex §. 1. hujus legis hæc verba producantur -- *Ita coiri societatem posse, ut nullius partem damni alter sentiat, lucrum vero commune sit, Cassius putat* --. Præterquamquod eodem Paragrapho lata verba exponuntur & emolliuntur, ipsemet Cassius Paragrapho sequenti secus constituit, & secus constituendo improbat quod præcedenti Paragrapho dixerat, sicuti ostendunt ipsius Cassii verba ex Aristo nunc recitata. Leges produci debent integræ, non truncæ, non mutilæ: & præsertim quum ex hac, vel illa lege pendet summa totius veritatis, & controversiæ, sicuti in præsentî] Adhuc in hac hypothesi verificatur, quod per assecurationem adjunctam destruitur contractus societatis, & tradens sit simplex mutuator. Adhuc accipiens fieret solus dominus sortis. Adhuc ibi esset turpis inæqualitas inter socios; hic enim subiret omne periculum, ille vero haberet solum lucrum. Atqui nihil ultra sortem licite recipi potest ex mutuo: nihil licite potest quis lucrari ex re non sua: nihil licite potest accipi, dum in contractibus non servatur æqualitas. Ergo adhuc tradens usurarius esset, & injustus.

Peto: si mutuarius ipse a mutuatore peteret mutuum, & eodem sponte offerret, sponte promitteret solvere lucrum ratione mutui: posset ne tunc mutuator licite recipere lucrum, quin coram Deo & hominibus amplius censeretur, & fieret usurarius? Doctores immunem quidem dicunt a peccato mutuarium, dum ita operatur necessitate ductus, & alium reperire non potest gratis mutuo dantem. Sed uno ore, unoque consilio mutuatorem adhuc usurarium declarant, cum onere restituendi omne lucrum sic acceptum: quin ipsi vel minimum proficiat, quod ab altero requisitus mutuum præstitit adjecta conditione lucri ultra sortem. Idem ergo dic in præsentî: quia tum mutuator hic, tum tradens sortem in societatem, de quo in hypothesi, rem adhuc agerent in se vetitam, in se illicitam, in se usuræ labe pollutam.

Repones forsân hic, me ponere tanquam certum id, quod adhuc sub judice est: nempe quod contractus trini in se inspectus sit sœneratitius: quum notum omnibus sit nonnullos Doctores catholicos, eosque non infimi subseclii, etiam post Sixtinam Constitutionem eundem velle ab usura omnino liberum.

Quid ad impugnatores contractus trini de hac opinione, quàm Benedictus XIV. nuper laudatus conceptis verbis dixit minus congruere Sixtinæ Constitutioni: quam Facultas Parisiensis falsam absolute declaravit, & scandalosam? Non posui duntaxat contractum trinum in se inspectum illicitum esse, & usurarium; sed insuper brevibus id probavi, idque etiam inviste, & fusc probant quotquot eundem non licere merito contendunt. Si, quia unus vel alter scriptor, conquistis distinctionibus, præcisionibus, & hujus generis aliis, nonnullas etiamnum

tuctur

tuetur propositiones ab Ecclesia catholica proscriptas, habendæ essent hæ tanquam licitæ, & non improbæ; actum esset de qualibet ferme censura in hac parte ab Ecclesia jam inusta. Valeant ergo super hac re præcisiones, distinctiones valeant. Contractus trinus etiam in se, & nude inspectus reducitur ad mutuum verum, propriumque. Non igitur eundem reddit licitum, quod assecurationes offerantur ab accipientibus, & ipse tradens primo eas non postulet, non exigat, atque in pactum adducat.



SECUNDUS ARTICULUS, ac ultimus præsentis
 Considerationis est de foccida animalium:
 pro cuius introductione tria sunt notanda.

(1) **H**ic contractus recte definitur a Colleto Institut. De contractu societatis art. 2. — *Conventio duorum, vel plurium, quorum alii certum quemdam animalium numerum in societatem conferunt, alii vero hæc animalia servant, & pascunt, ut ex fructibus lucrum percipiant* -- Societates animalium etiam respicit Constitutio Sixti V. *Detestabilis*, de qua jam pluries: quum sub initio ipsius scriptum sit -- *Nam multi pecunias suas, aut alias res societatis nomine conferunt, vel greges, armenta, aut certa animalia agricolis, seu terrarum cultoribus, pastoribus, aliisque rusticis, seu quibusvis personis dant in societatem, sive ad foccidam, ut vocant* -- Quod ergo ab eodem Pontifice sancitum diximus, & demonstravimus circa societatem pecuniæ, vel mercium, id omne constitutum pariter dici debet de societate animalium.

Primum, quod quando in foccida, & in aliis contractibus ratio mutui immiscetur, si ratione ipsius mutui fiat in illis potior conditio præstitoris, quam mutuantis ab illo, semper pro tanto est ibi usura, pro quanto ob rationem mutui veri, vel interpretati fit potior conditio præstitoris.

(2) Immisceri posse rationem mutui in quolibet contractu, res est manifesta: non ita quod idem omnino contractus sub eodem respectu sit mutuum & societas, mutuum & locatio, mutuum & commodatum; quoniam si mutuum, ergo non societas, non locatio, non commodatum: sed ita quod pecuniæ in societatem traditæ alia adjungatur mutuata eidem personæ, cum qua contrahitur societas, duplicem simul & semel contractum edendo, unum societatis, alterum mutui: vel quod apponantur conditiones, ob quas contractus sub alio nomine initus transeat in mutuum verum, aut interpretatum. Recte igitur dicit Author in hisce, casibus conditionem tradentis non posse fieri meliorem propter mutuum, adnexum, & immixtum: quia tunc ratione mutui aliquid reciperetur,

R

ul-

ultra fortem absque iusto titulo, quod omni jure est vetitum, sicuti superius ostendi.

Secundum, quod in foccida aliquando duo contractus concurrunt, scilicet societatis, & locationis. Propterea qui vult discernere, quando foccida sit licita, vel non, duo consideret. Primo, quod est formale in vera societate pecuniæ positæ: quia verum est, quod ille, qui dat pecuniam ad veram societatem mercatori, tenetur periculum fortuitum totius capitalis in se retinere. Hoc intelligo secundum quod declaravi in præcedentibus articulis. Secundo, considerare debet quod est formale in ipsa locatione, scilicet quod locans retinet in se periculum casuale rei locatæ. Si igitur in foccida periculum remaneat apud dantem, tunc usura non potest esse. Posset tamen injustitia aliqua ibi inveniri ex parte dantis, vel etiam recipientis.

(3) Isthæc doctrina, quam Author accepit a S. Bernardino Serm. 40. sub initio, non videtur statuere discrimen societatem inter & locationem: quia sicuti in societate tradens pecuniam, vel animalia, generaliter loquendo remanet dominus totius fortis, quam tradit in societatem: ita locator dominus totius rei, quam alteri locat. Sicuti in societate si fors ex integro casu fortuito pereat, aut fiat deterior, generaliter tota perit tradenti, ipsique fit deterior: ita prorsus in re locata respectu locatoris. Sicuti demum in societate rem traditam accipiens tenetur de dolo, de culpa lata, & levi, non autem de levissima: ita pari passu de conductore, seu accipiente rem locatam differendum est: quia tum societas, tum locatio est contractus cedens in utilitatem utriusque. Discrimen igitur societatem inter & locationem in hoc constituit: quod in locatione determinatur certa pensio, a conductore statuto tempore solvenda, nil autem certo solvendum ab accipiente determinatur in societate, quæ est ludus fortis, & in qua ponens capitale lucrum expectare debet a fructibus, qui sunt contingentes. Aliud adde discrimen: videlicet quod in locatione animalium conductor habet simplicem usum rei, & non participat de fructibus, si qui enascantur, & prodeant, nisi contrahentes aliter paciscantur; in societate vero fortem accipiens non solum habet usum ipsius, sed etiam de ejusdem fructibus participat plus minusve secundum varietatem negotiorum & personarum. Et alterum, si placet, discrimen adde: nempe quod generaliter in locatione eadem numero res debet reddi domino; non item in societate, cum pecunia

nia alteri tradatur, ut eam expendat merces emendo; & tradens finita societate jus habeat non ad idem numero, sed ad æquivalens duntaxat.

Tertium, quod quando arbitrio boni viri non percipitur, in quem sit potior, vel deterior pars, tunc nullum ibi potest esse peccatum. Si autem alterius pars esset deterior, tunc prævalens tenetur restituere alteri quod ultra debitam justitiæ æquitatem recepit, cum hoc advertit.

Istis præmissis quæritur: qualiter societas animalium contrahatur?

Respondeo secundum Angelum de Perusio in secunda parte sui Tractatus de societate quæst. 1., quod sex modis.

Primo, quando expresse traduntur gratia societatis contrahendæ, ut dicit Glossa in L. Si pascenda pecora C. De pactis: vel etiam quando tacite, quia non exprimitur quod gratia societatis tradantur, sed ut sint communia: & tunc pro parte dominium remanet apud tradentem, quia tacite pro alia parte ratione communionis transfertur in illum, cui communicantur L. 1. §. In societate ff. Pro socio. Et hoc modo etiam contrahitur societas L. Si tibi rem §. 1. ver. Sed si puerum ff. De præscriptis verbis. Et bene facit quod dicit Baldus in dicta L. Si pascenda. Et ut circa societatem isto modo contractam res clarior evadat, quatuor casus sunt proponendi.

(4) Societas contrahi potest expresse, & hujus indolis est ille contractus, de quo L. Si pascenda C. De pactis -- Si pascenda pecora partiarum [idest ut fæctus eorum portionibus quibus placuit, inter dominum & pastorem dividantur] Apollinarem suscepisse probabitur, fidem pacto præstare per Judicem compellitur -- Contrahi item potest tacite, & hujusmodi sunt omnes illi contractus, de quibus L. 1. §. 1. ff. Pro Socio -- In societate omnium bonorum omnes res, quæ coeuntium sunt, continuo communicantur --: quoniam statim atque duo vel plures omnia ipsorum bona in commune reponunt, censentur inire societatem. Id intellige de illis bonis, quæ possident, dum societatem ineunt: nam si unus ex sociis post initam societatem aliquid de novo emeret, hoc esset suum, & remaneret proprium, non autem commune sociis, sicuti sancitur L. Si quis

societatem eodem titulo -- Si quis societatem contraxerit, quod emit, ipsius fit, non commune --, super qua opportune Glossa -- Quod emit, scilicet post contractam societatem --. Contrahitur tandem pacto apposito, ut fors reddatur communis, & hunc contractum exprimit §. Sed si puerum ab Authore laudatus -- Sed si puerum docendum, vel pecus pascendum tibi dederō, vel puerum nutriendum ita ut, si post certos annos venisset, premium inter nos communicaretur.

Quod ait Author -- Tunc pro parte dominium remanet apud tradentem, quia tacite pro alia parte ratione communionis transfertur in illum, cui communicantur --, id intellige quando animalia traduntur æstimata, sicuti Author inferius pro virili parte tuetur, non vero quando sine æstimatione traduntur. Secus sibi ipsi non cohæreret, quum infra doceat tradentem solum semper remanere dominum omnium eorum animalium, quæ inæstimata dantur in societatem. Adde, quod Author ipse in Angelica ver. Societas secundo num. 2. eadem verba profert sermonem habens de animalibus æstimatis, & non aliter, atque contendens æstimationem facere venditionem, vel quasi venditionem. Excipe, nisi fiat pactum, quod sic tradita reddantur omnino communia tamen inæstimata: quemadmodum fieri posse absque ullo usuræ vitio inferius ostendam.

ET PRIMO DE ANIMALIBUS GROSSIORIS GENERIS, quæ diversimode traduntur.

Animalia grossioris generis sunt boves, vaccæ, jumenta, equi, & hujusmodi, quorum fructus regulariter in anno non ascendunt ad valorem matris, ut experientia docet. Hæc aliquando traduntur in socidam non æstimata, aliquando æstimata, aliquando sine terræ communione, aliquando cum terra; ut L. Cum duobus §. Utrum ver. Si in cocunda ff. Pro socio. Tres de ipsis casus proponam.

(5) Inter animalia minuta nonnulla reperiuntur, quorum annuus fructus ut in pluribus ascendit ad valorem matris, immo quandoque hujus pretium excedit: ut in ove, si lana & lac computentur: ut in gallina, si ova computentur & pulli. Id interdum contingit etiam in ipsa vacca, quæ inter animalia grandia recensetur, attento nempe pretio vituli & lactis. Sed Author ait regulariter, videlicet, ut plurimum; hoc enim non est specificum discrimen inter animalia grandia, & minuta, seu parva.

Accipe legem hîc ab Authore memoratam, quam integram do, quia inferius ejusdem mentio sæpenumero fiet -- Utrum ergo tantum dolum,

an

an etiam culpam præstare socium oporteat, queritur? Et Celsus libro septimo Digestorum ita scripsit: socios inter se dolum & culpam præstare oportet. Si in cocunda societate [inquit] artem, operamve pollicitus est alter, veluti cum pecus in commune pascendum, aut agrum politori damus in commune querendis fructibus: nimirum ibi etiam culpa præstanda est: presium enim operæ artis est velamentum. Quod si rei communi socius nocuit, magis admittit, culpam quoque venire. Damna, quæ imprudentibus accidunt, hoc est damna fatalia, socii non cogentur præstare. Ideoque si pecus æstimatum datum sit, & id latrocinio, aut incendio perierit, commune damnatum est, si nihil dolo, aut culpa acciderit ejus, qui æstimatum pecus accepit. Quod si a furibus subreptum sit, proprium ejus detrimentum est: quia custodiam præstare debuit, qui æstimatum accepit. Hæc vera sunt, & pro socio erit actio, si modo societatis contrahendæ causa pascenda data sunt, quamvis æstimata.

Super hoc verbo subreptum sit opportune monet Glossa -- Scilicet culpa socii interveniente. Et nota, quod quidam sumunt hinc argumentum, quod furtum nunquam sine culpa saltem levissima fieri potest; sed verius contrarium est, ut infra DE FURTIS L. EUM §. IDEM SCRIBIT. Quid enim, si uxor nocte marito surripit, vel potatio sibi datur, cui opium sit immixtum? Et sic nota, quod furtum plerumque culpa fit, sed tamen quandoque contra-- Haftenus Glossa.

PRIMUS CASUS. Si inæstimata tradita sunt, & sine terra, sciendum, quod aut nullum pactum factum est de capitali, & fructu, aut factum est pactum.

(6) Animalia dicuntur dari inæstimata, quando mentio non fit pretii ipsorum, dum contrahitur societas, nec tunc contrahentes interrogantur, & conveniunt quanti valeant, tametsi sive antea, sive post, alia occasione data, eorundem æstimatio facta sit; præcedens enim ælimatio, vel subsequens, alia occasione sequuta, nihil confert ad contractum, nec in ipsum influit. Dicuntur postmodum dari sine terra, quando principaliter dantur ad querendos fructus, & ea tradens non imponit accipienti onus colendi fundum aliquem, aut agrum ad se spectantem: tametsi eidem quandoque non veteret aliena colere prædia, & sic querere lucrum, sive fructum inter socios dividendum, vel non dividendum.

.Si nullum, tunc reperio quædam jura extravagantia, & posita inter extraordinaria Capitula Feudorum in fine decimæ Collationis. Rubrica dicit -- *Consuetudo societatis jumentorum* --. Et sic sequitur ad literam in nigro -- Si

quis dederit jumentum jure societatis, ille, qui accepit, debet tenere per quinque annos, si nihil dictum est de tempore, & omnes poledri debent esse communes, & id, quod quaesierunt tempore triturationis: & in capite quinque annorum separatur societas: & ille, qui dedit, habere debet jumentum ante partem; sed si ille, qui accepit, dedit tertiam partem pretii in emendo jumentum, secundum Glossam tunc jumenta, & omnia partienda sunt per dimidium: Et si amiserit jumentum culpa sua, quia non bene custodierit, & corium non potuerit ostendere, vel caudam, emendare tunc debet --. Hæc ibi. Est & alia Rubrica -- Consuetudo societatis vaccarum --. In nigro sic dicitur -- Si quis dederit alicui vaccam, ut haberet eam jure societatis, & non dixerit de tempore, debet eam tenere per quinque annos, & omnes vituli debent parti per medium. Et ille, qui dedit vaccam, debet eam habere pro capite salvo si nihil dictum est, & ille, qui suscepit, non dedit de suo in prerio vaccæ. Alioquin si pretii partem dedit tertiam, dicit Glossa, per ea, quæ supra dicta sunt in jumentis, omnia debent parti per medium. Et si is, qui accepit, amiserit vaccam culpa sua, quia custodem non misit, vel non bene custodivit, & propter hoc amissa est vacca, quia fures abstulerunt, vel lupo eam comedit, debet emendare socio suo -- Hæc ibi. Satis ista arbitrio boni viri sunt consona, & consuetudo hoc tenet. Si vero aliter esset consuetudo: tunc aut est æqua arbitrio boni viri, & sic quolibet jure servanda est: quia videtur inter partes actum quod est consuetum L. Quod si nolis ff. De adilitio edito. Aut est iniqua, & tunc de jure civili, si obtenta esset per binum actum in judicio contradictorio, servanda esset, ut dicit Glossa in L. 3. C. De episcopali audientia. De jure civili, etsi lex dura, servanda est L. Prospexit ff. Qui & a quibus: dummodo

modo tantam iniquitatem non contineat, quod abufio potius quam confuetudo dici poffit per ea, quæ habentur in L. *De quibus ff. De legibus*, & in Cap. *Cum confuetudinis Extra De confuetudine*. De iure autem divino, & in conscientia dicta confuetudo non effiet fervanda: quia in hoc rigor iuris Civilis non attenditur, fed iuftitia, & æquitas Cap. *Plerique* 14. q. 3. Immo ad reftitutionem teneretur ille, qui cum damno focii eam fervare vellet. Arbitrari autem bonus vir poteft, fi æqua fit, aut iniqua, confideratis valore animalium communicatorum, opera focii, fructu eorum, & qui plus pofuit, ut dicit textus in L. *Si non fuerint ff. Pro focio*; alia enim doctrina certior tradi non poteft.

(7) Nullum immotum reliqui lapidem, ut hæc jura, feu Capitula extraordinaria reperirem, & legerem. Confului iccirco nedum juniora, fed etiam Vetuftiora Corpora Juris Civilis. Amicorum opera infuper ufus fum, qui & ipfi voverunt Codices vetuftiffimos in variis bibliothecis inventos. Sed irritò femper conatu. Attente pariter perlegi veteres Scriptores bene multos de animalium focietate agentes: & quamvis in nonnullis invenerim citata hujusmodi Capitula, ficuti fit ab Authore in Angelica ver. *Societas primo* num. 3. & neminem tamen reperire potui, qui ea ad verbum referret. Spe tandem quali penitus abjecta, miffum ad me fuit vetuftiffimum Supplementum ad Summam Pifanellam Nicolai noftri de Auximo, & in hoc ver. *Ufura fecundo* lætus tandem reperi, quod prius improbo labore fruftra conquifceram. Ea igitur exhibeo ficuti habentur in Anecdoto, demptis nonnullis verbulis emendatis juxta id, quod legitur in memorato Supplemento.

Confuetudinem multum poffe, & habere vim legis, nemo eft qui non fciat, quum fcriptum fit L. *De quibus §. 1. ff. De legibus -- Inveterata confuetudo pro lege non immerito cuftoditur, & hoc eft jus, quod dicitur moribus conftitutum*. Nam cum ipfe leges nulla alia ex caufa nos teneant, quam quod iudicio populi receptæ funt: merito & ea, quæ fine ullo fcripto populus probavit, tenebunt omnes: Nam quid intereft, fuffragio populus voluntatem fuam declarat, an rebus ipsis, & factis? Quare rectiffime etiam illud receptum eft, ut leges non folum fuffragio Legislatoris, fed etiam tacito confenfu omnium per defuetudinem abrogentur -- Bonus actus confuetudinem efficit, eamque firmat nedum in criminalibus, ut inquit Gloffa ab Authore laudata fcribens -- Nota, quod duæ vices faciunt confuetudi-

nem. Sed contra Extra DE CAUSA POSSESSIONIS ET PROPRIETATIS Cap. CUM ECCLESIA SUTRINA, ibi, NEC AB EO QUOD CLERICI ANTEDICTI &c. Solum hic in criminalibus; alias non inducunt consuetudinem, nisi præscriptio incideret --: sed etiam in cæteris, ut statuit altera Glossa ibidem in margine adjecta, quæ habet -- Concor. 25. q. 2. cap. ITA NOS in principio, DE POENITENTIA Dist. 2. Cap. SICUT TRIBUS. Facit Cap. VENERABILEM in Glossa super verbo EX SUCCESSIONE Extra DE ELECTIONE, ubi dicitur quod binus actus inducit consuetudinem, non distinguendo inter criminalia & civilia --. Audiamus Glossam hîc indicatam -- Tres successiones continuæ videntur jus successionis inducere; immo duæ: quia binus actus inducit consuetudinem. Arg. 25. q. 2. ITA NOS, & C. DE EPISCOPALI AUDIENTIA L. NEMO.

Secundum consuetudinem tamen judicandum non esse, nec operari nos debere, si iniusta ipsa est, & iniqua, docemur tum jure Civili, tum Canonico. Jure quidem Civili, nedum quia Constantinus Imperator apud Gratianum cap. Consuetudinis 11. dist. sancivit -- Consuetudinis, usque longævi non vilis auctoritas est. Verum non usque adeo sui valitura momento, ut aut rationem vincat, aut legem --: sed etiam, & præsertim, quia textum habemus expressum L. Nemo C. De sententiis & interlocutionibus -- Nemo Judex, vel arbiter existimes, neque consultationes, quas non rite judicatas esse putaverit, sequendum, & multo magis sententias Eminentissimorum Præfectorum, vel aliorum Procerum [non enim si quid non bene dirimatur hoc & in aliorum Judicum vitium extendi oportet, cum non exemplis, sed legibus judicandum sit]: neque si cognitionales sint amplissima Præfecturæ, vel alicujus maximi Magistratus prolata sententiæ: sed omnes Judices nostros veritatem, & legem, & justitiæ sequi vestigia sancimus --. Jure etiam Canonico dist. 8. per totam -- Nemo consuetudinem rationi, & veritati præponat, quia consuetudinem ratio, & veritas semper excludit cap. Veritate ibidem: & cap. seq. -- Si consuetudinem forsassis opponas, advertendum est, quod Dominus dicit: Ego sum veritas, & vita. Non dixit: Ego sum consuetudo, sed veritas. Et certe, ut B. Cypriani utamur sententiâ, qualibet consuetudo, quantumvis vetusta, quantumvis vulgata, veritati omnino est postponenda, & usus, qui veritati est contrarius, abolendus --. Ad rem iccirco Concilium Toletanum quartum coactum anno 633. Can. 8. inquit -- Perniciosa consuetudo nequaquam est recipienda.

Scriptum quidem legimus L. Prospexit §. 1. ff. Qui, & a quibus -- Quod quidem perquam durum est: sed ita lex scripta est --. Sed non in idem recidunt lex dura, & consuetudo iniqua. Legem tamen duram esse servandam, lubens fateor, & præsertim si Jus Civile inspicitur. Servari autem debere consuetudinem iniquam, attento etiam Jure Civili, omni-

no inficior, ut probat Caput *Consuetudinis* proxime recitatum, aliisque compluribus confirmari potest. Ponamus nihilo secius aliquid in Jure Civili reperiri, quo ostendi videatur consuetudinem servandam esse, licet iniquam. Jus Civile corrigendum tunc erit per Jus Canonicum, in quo perpetuo sancitur, legem [consuetudo habet vim legis; *est enim jus quoddam moribus institutum, quod pro lege suscipitur* Cap. *Consuetudo* dist. 1.] debere esse honestati, & justitiæ consentaneam eodem Cap. *Consuetudo* -- *Lex erit omne jam, quod ratione consilietur duntaxat, quod religioni conveniat, quod discipline congruat, quod saluti proficiat* --: & Cap. *Erit autem* dist. 4. -- *Erit autem lex honesta, justa, possibilis, secundum naturam, secundum patriæ consuetudinem, loco, temporisque conveniens, necessaria, utilis, manifesta quoque, ne aliquid per obscuritatem in captionem contineat, nullo privato commodo, sed pro communi civium utilitate conscripta.*

Ex hucusque dictis sponte fuit, Authorem merito constituere, quod, si consuetudo invecita super animalium societate ex illis est, de quibus Cap. *Cum tanto* Extra *De consuetudine* -- *Cum tanto sint graviora peccata, quanto diutius infelicem animam detinent alligatam, nemo sana mentis intelligit naturali juri [cujus transgressio periculum salutis inducit] quantumque consuetudine, quæ dicenda est verius in hac parte corruptela, posse aliquatenus derogari* --, tuta conscientia servari ipsa nequit, & ad restitutionem tenetur ille, qui juxta eam operatur cum damno tertii.

Subdit postmodum Author, quod judicio boni viri definiri debet, An consuetudo in casu æqua sit, vel iniqua: & hoc illud idem est, quod sancitur L. *In proposita* ff. *Pro socio*. Sed petes abs me, qui esse debeat hic bonus vir? Quum de re agatur, quam interdum Confessarii perfecte non callent, docti licet, sagaces, scientes mercium pretia, & innumeras negotiatorum artes non ignorantes: arbitror iccirco boni viri nomine hic intelligendos esse viros nedum in omnium oculis probos, & Deum timentes, sive Clerici ipsi sint, sive laici, sed perfecte instructos de omnibus illis, quæ cum hujusmodi societatibus conjunguntur. Cave tamen, ne eos feligas, qui eandem consuetudinem sequuntur, & opere probant; nemo enim Judex in propria causa L. *unica* C. *Ne quis in sua causa judicet* -- *Generali lege decernimus, neminem sibi esse judicem, vel jus sibi dicere debere: in re enim propria iniquum admodum est, alicui licentiam tribuere sententia* --: quoniam naturali quodam instinctu quisque fertur ad proprias actiones ab omni labe purgandas, & cupido lucri excæcat oculos, mentesque sapientum -- *Radix enim omnium malorum est cupiditas* -- Prima ad Timot. 6. v. 10.

Si vero inter socios sit factum pactum, tunc cum pluribus infinitis modis contractus concipi possint, plura enim sunt negotia hominum quam vocabula L. *Natura* ff. *De*

præ-

præscriptis verbis, si singula pacta, quæ inter dictos socios contrahi possunt, prosequi vellem, rem infinitam tentarem. Et iccirco magis per viam regulæ, quam prosequendo per singulos casus, hujusmodi res declarari potest. Jure Civili videtur, quod pacta facta circa pecora pascenda, & circa eorum foetus sint servanda L. *Si pascenda pecora C. De pactis*. Hoc tamen intelligendum est, dummodo contractus tales sint, quod arbitrio boni viri æqualitatem contineant, considerato capitali ex parte ejus, qui illud posuit, & considerata opera ex parte custodientis, & hujusmodi, per regulam in L. *Si non fuerint ff. Pro socio*, quæ vult, ut qui plus posuit plus recipiat, & L. *In propofita ff. Eodem titulo*, quæ vult, quod arbitrio boni viri relinquantur, ut dictum est.

(8) *Natura enim rerum conditum est, ut plura sint negotia, quam vocabula* L. *Natura ff. De præscriptis verbis*. Jure igitur ex hac lege insert Author, quod singula pacta recenseret non possunt, & quod præstat quibusdam generalibus veluti regulis rem totam exponere, ex quibus quisque possit cognoscere, quid agendum sit super hac re, quidve vitandum. Quæ ad constituendam æqualitatem hic profert Author deprompta ex L. *Si non fuerint*, jam non semel fuso calamo declaravi Articulo proxime præcedenti. Ne igitur eadem decantare videar, recale quæ ibidem dicta sunt.

Ad hoc clarius intelligendum considerandum est, quod pactum inter dictos socios fieri potest tum circa capitale inæstimatum, quod ponitur in societate, tum circa fructus, tum circa tempus, quo durare debet societas.

Quando fit circa ipsum animal, quod inæstimatum traditur, non videtur posse fieri tale pactum, quod periculum sit alterius quam ejus, qui illud dedit: quia regulariter periculum pertinet ad ipsum, ut dicit Baldus in dicta L. *Si pascenda*. Ut æqualitas servetur, dictum animal in fine societatis debet esse proprium ipsius tradentis. Quodlibet igitur aliud pactum, quod fieret, non esset æquum,

æquum, nec iustum; quoniam si unus socius perdit capitale, latis est, quod alter perdat operas suas, ut latius dictum est primo Articulo hujus Considerationis dubio nono, & decimo.

(9) Hujusmodi pactum, quod nempe accipiens subeat periculum totius fortis, expresse fuit vetitum a Sixtina Constitutione, quæ & ipsas animalium societates comprehendit, ut superius ostendi. Vetitum item fuit a Concilio Mediolanensi primo *De usuris* in hæc verba — *In societate animalium, quæ inæstmata alicui dantur ad custodiam, sive ut operas præstet, omnes casus etiam fortuiti semper sint periculo ejus, qui dederit, nisi id alterius socii dolo, vel magna negligentia accidisse conspicerit: nec fiat pactum, ut fors sit semper salva etiam ex primis statibus* —. Quod postmodum non possit licite fieri, id egregie probat Franciscus Gennettus Tom. I. tract. 4. cap. 13. q. 1. scribens -- *Ratio autem, cur necesse sit, ut is, qui pecora in societatem confert, subeat periculum fortis principalis, est. Primo, quia contra naturam societatis est, quod lucrum percipiat ab eo, qui non sustinet periculum fortis, juxta mentem legis SI NON FUERINT §. ARISTO ff. PRO SOCIO, ubi dicitur, societatem injustam esse, cum is, qui damnum sustinet, lucrum non percipit — INIQUISSIMUM ENIM GENUS SOCIETATIS EST, EX QUÀ QUIS DAMNUM, NON ETIAM LUCRUM EXPECTAT* --. Ex quibus verbis sequitur, quod a contrario ille, qui nullum damnum, & periculum subire vult, nullum etiam lucrum sperare debet. Secundo, quia pactum, quo cavetur, ut omne periculum ad unum ex sociis spectet, contrarium est aequalitati, quæ inter socios jure quodam fraternitatis observari debet, & talem contractum usurarium reddit. Tertio, quia dum res datur ea conditione, ut alia similis reddatur, mutuum contrahitur, ut videtur in *Lege 2. §. MUTUI DATIO ff. SI CERTUM PETATUR*. At ille, qui mutuo dat cum pacto recipiendi aliquid ultra sortem principalem, usuram committit, ut constat ex *Can. SI FOENERAVERIS 14. q. 3.*

Audire nonnullos dictitare, se pacisci de capitali salvo, seu de omni periculo capitalis imponendo socio accipienti: quia rustici omnia spondent; sed, quum aliena animalia penes se habent, temerarii sunt, & audaces, & sæpe fidem fallunt. Quotidiana experientia docet [inquunt] quod quando ipsi non subeunt periculum animalium, his utantur pro arbitrio, ea defatigant plusquam par sit, & immoderatis laboribus eadem reddunt deteriora & morti proxima. Coercendi igitur sunt, ipsis imponendo periculum fortis; tunc enim certe secus operantur.

Egregium sane inventum! Verba hæc malitiæ sunt ad excusandas excusationes in peccatis, & hominum timentium ubi non est causa timoris.

ris. Ad tradentem spectat usum animalium assignare, conditiones præstituere, immoderatos labores excipere. Jure omni potitur tradens solvendi societatem, rescindendi, statim atque rusticus conditiones non servat, & animalibus abutitur in societatem acceptis. Sed omittamus hæc ceteroquin satis apta, ut ostendatur inanes esse recensitas timoris causas, & impia pallia usurarum. Timet tradens, quod rusticus nimium animalia fatiget in damnum sui, cui malo mille modis potest occurrere: & nec hilum timet gravare rusticum onere ipsi per leges indebito, cum reddere deterioris conditionis contra leges societatis, & extremæ inopix periculo eundem exponere, si animalia perirent? Non ex prætextibus & technis contrahentium judicanda est justitia vel injustitia contractus, sed ex modo ipso, quo contrahitur. In hoc casu omne periculum esset accipientis, & tradens per omnia esset in tuto, & quod pejus est, cum æqua spe lucri. Manifesta igitur injustitia ibi est: quin tolli possit per memoratum timorem eo tendentem, ut uni unice prosit, alteri unice noceat.

Sed dices. Tradens animalia compensare potest periculum ipsorum, quod in se recipit rusticus, huic relinquendo majorem fructuum partem, quæ ei non deberetur ratione societatis. In hoc igitur casu vera constitueretur æqualitas, a qua tota pender justitia contractus.

Præmissis hujusmodi æqualitas potest quidem speculative concipi, sed vix, aut ne vix quidem in praxi exerceri. Habeatur nihilominus, constitutatur, si placet. In hoc casu verum adhuc haberetur mutuum, quia totum rei dominium transferretur in accipientem, sicuti contingit in mutuo. Nihil ergo lucri tradens posset licite recipere, quia secus perciperet lucrum ex re non sua, sed alterius, cum lucrum rei pertinere debeat ad dominum ipsius. Opportune quapropter Cardinalis Barberinus sua in Synodo nullas & invalidas hujusmodi societates, quæ societates amplius non essent, declaravit iniquens — *Li contratti, e compagnie a capo salvo etiam d'animali, cioè riservata sempre la sorte principale per il dante, dichiariamo nulle, ed invalide* — Finge nihilominus, si ita velis, hujusmodi contractum non reduci ad mutuum verum, propriumque: attamen constanter dicam non posse fieri licite. Ratio in promptu est: quia id in Sixtina Constitutione est expresse prohibitum, nec Christi fidelibus licet eas præstituere pactiones, quas Ecclesia fieri vetuit. Præsertim quum id vetuerit iusta de causa, etiam si casus reducatur ad hypotheseos hic constitam; certum enim adhuc tunc esset, quod ut in pluribus fieret in fraudem usurarum, & quod hisce pactionibus sterneretur via ad quascumque usuras, etiam ingentes, & enormes, velamine societatis obtegendas. Quid multa? Nobis quidem libertas aliqua relicta est iis in rebus, in quibus nihil habemus lege sancitum, uti docemur Extra De transactionibus Cap. final. — *In his vero, super quibus jus non invenitur expressum, procedas [æquitate servata] semper in humaniorem partem declinando, secundum quod personas, & causas, loca,*

loca, & tempora videris postulare --. At ubi lex est, ubi lex vel determinat quid agatur, vel prohibet aliquid fieri, nullibi invenies, quod homines impune, & licite possint aliter operari. Legi tunc est parendum; secus quæcumque lex, tametsi aperta, tametsi gravissima, sancta, & virtutum emendatrix, hac vel illa arbitraria conditione, & pactione inventa, irrita redderetur. Vetuit Sixtus V., ne societas fieret, imponendo socio minori periculum totius fortis. Ergo nobis non licet secus agere, atque pacisci. *Indignum est*, aiebat Tullius, Paganus licet, & solo lumine naturali instructus, in Oratione pro Cluentio num. 53., *in ea Civitate, quæ legibus teneatur, discedi a legibus*.

Sed contra videtur per argumentum a simili: quia, ut ostensum est in præcedenti Articulo, licet ei, qui dedit pecuniam, facere pactum, quod periculum capitalis sit commune, ut tenet Glossa in Cap. *Plerique* 14. q. 3.. Ergo etiam id licet quoad animal in foccidam datum, quamvis inæstimatum.

Respondeo, quod non valet hujusmodi similitudo. Ratio est, quia pecunia, vel res similis ipso usu consumitur, & sic in ipsa societate totaliter exercetur. Sed secus est in animalibus, quæ non sic consumuntur, sed quandoque meliorantur. Unde sicut melioramentum pertinet ad dantem, sic & debet pertinere periculum L. *Secundum naturam* ff. *De diversis regulis juris*. Ex hoc infer, quod non licet socio, qui animal inæstimatum posuit, pacisci, ut de primis fructibus suum capitale possit detrahare.

(10) Aliud sane est, quod accipiens pacto adigatur ad periculum totius capitalis in se recipiendum; & aliud est, quod periculum capitalis, lege apposita, reddatur commune. Primum semper est vetitum, semper usurarium. Secundum nec posse licite fieri, si sermo sit de animalibus, hic docet Author, idemque repetit in Angelica ver. *Societas secundo* num. 3.. Secus tamen ipse arbitror quoad hoc ultimum. Quare ita sentiam, in causa est ipsamet Sixtina Constitutio; hæc enim utramque societatem comprehendit, pecuniæ scilicet, & animalium: & postquam fancivit ea, quæ servari debent secluso pacto, generaliter excepit -- *Nisi socio recipienti fuerit communicatum --*, nullum discrimen præstituens inter unam & alteram societatem. In causa est Benedictus XIV., qui de Synodo Diœces. lib. 10. cap. 8. num. 2. licitum dixit contractum collaticum hac pactione

ne

ne adjecta confectum. En ipsius verba -- *In nonnullis Diœcesibus frequentes sunt contractus, vulgo nuncupati collatici, qui sunt hujusmodi. Pro quolibet bove terram arante tradito bubulco, seu colono, solvitur domino bovis certa portio frumenti, hac tamen adjecta lege, ut, si bos naturaliter moriatur, damnum sit domino & bubulco commune; si vero pereat culpa ejus, cui traditus est, is totum damnum subeat. Hic contractus, de quo fufe Clericus in Miscellan. decis. 30. per tot. invaluerat in Diœcesi Amerina, & quia poterat primo aspectu aliquam usurae suspicionem ingerere, ut eam eluerent providi Episcopi Amerini, illum Theologis sedulo discutiendum commiserunt: cumque ab his acceperint, usura flagitio vacare, contractum, uti antea consueverat, etiam in posterum fieri permiserunt --* In causa denique est Sacra Congregatio Concilii, quæ super hoc eodem casu consultata, quæsito exhibito -- *An contractus, de quibus agitur, vulgo collatici, sint liciti in casu &c.* -- Respondit in una Amerina Visitationis die 16. Decembris 1730. -- *Affirmative, dummodo pacta apposta in contractibus sint justa, & respectiva ad formam SS. Canonum --*, ut legere est in Thesaurio Resolutionum Tom. 5. pag. 83. , 84. Romanæ editionis 1745. , quæ prostat Venetiis: & præcipuum pactum in hoc contractu est, quod damnum sortis sit commune, commune periculum. Hæc quum ita sint, æquum est, ut respondeam objectis ab Authore productis. Ad primum iccirco, quod nempe pecunia usu consumitur, usu autem non consumuntur animalia: dico, quod in prima societate merces succedunt loco pecuniæ, ejusque vices gerunt. Merces autem usu non consumuntur; adeoque non est, rei extantiam quod spectat, inter merces & animalia discrimen. Ad secundum: quod scilicet animalia meliorantur, & præstantior horum status pertinet ad tradentem: dico in justo contractu societatis animalium, statim atque damnum & periculum redditur commune, secus esse agendum, & incrementum debere pariter esse commune, sicut commune sit decrementum, quemadmodum sanxerunt Episcopi Amerini, de quibus infra, & ipse inferius etiam dicam expendens contractum societatis, dum animalia traduntur æstimata. Firmum igitur remanet, quod pactum, de quo in præfenti, sicuti fieri licite potest in contractu societatis pecuniæ, ita etiam licite potest fieri in contractu societatis animalium: dummodo sive in uno, sive in altero contractu fructus ita distribuantur, ut arbitrio boni viri ea habeatur æqualitas, sine qua societas usuraria censetur, aut saltem injusta.

Adjicit Author, tradentem non posse pacisci, quod de primis fructibus suum capitale exiga, & recipiat. Et hoc idem auditæ expresse improbatur, & veritum a Concilio Mediol. primo paullo antea recitato. Optima est ratio, quam in medium profert Author in Angelica ver. *Societas secundo* num. 3. in fine scribens -- *Et ex prædictis patet, quod ille, qui dat animalia inextimata cum pacto, quod de primis fructibus capitale suum*
detra-

detrahat, illicite facit, & tenetur restituere quicquid accepit in gravamen alterius socii. Nam socium in hoc gravat, quia operas, & expensas, quas fecit, si statim extracto valore capitalis periret ipsum capitale, amitteret: & sic ipse esset in tuto, & alter socius in periculo. Sed pone, quod non perit, sed cum tempore multum lucratus est alter socius: ad quam restitutionem tenebitur predictus? Respondeo, quod ad tantum, quantum arbitrio boni viri extimabitur periculum perditionis operarum, & expensarum, quas perdere poterat—. Super hoc ultimo casu ab Authore hic exposito, arbitror, quod non sit æqua compensatio adducta, nisi jactura sequentibus annis suppleatur, quo in sensu forte locutus est Author. Eo primo anno socius minor nedum se exposuit periculo perdendi operas, & expensas, sed reipsa easdem amisit. Tradens igitur animalia eidem debet restituere lucrum, quod pro illo anno ipsi debebatur jure societatis. Lucratus quidem fuit sequentibus annis qui accepit animalia. Sed quid tum? Lucrum hoc annis sequentibus respondet, seu operis & expensis exhibitis post primum annum. Pro hoc ergo primo anno gravatus remanet, & compensari debet ad ratam lucri, quod eo anno obvenit, ipsique ex vera & iusta societate debebatur.

Hæc omnia, quæ dixi, scilicet quod periculum pertinet ad tradentem, nec licet facere pactum in contrarium, intellige, nisi tradens in aliquo gravaretur: puta cum recipiens nollet teneri de perditione animalium, si hæc culpa sua eveniret, nisi in parte, quum teneatur in totum *L. Cum duobus §. Utrum ver. Si in cocunda, & §. Damna ff. Pro socio*: quia tunc secus esset; nam qui in uno gravatur, debet in alio levari dicta *L. Secundum naturam*.

(11) Hic casus omnino singularis est. Jura omnia clamant in contractibus societatis accipientem teneri ex dolo, ex culpa lata, & etiam levi, non autem ex levissima, ut perspicue ostendi Articulo proxime præcedenti. Teneri, inquam, de tota sorte, ad compensandum scilicet ære proprio integrum capitale, si ipsius dolo, vel culpa pereat. Sed accipiens, de quo in casu, legi huic alioqui æquissimæ se subjicere detrectat. Quid igitur agendum? An ne pacisci, quod in quocumque eventu subeat periculum totius capitalis propter casum hunc singularem, cujus expresse non meminit Sixtina Constitutio? Nequaquam. Præterquamquod ipsam fugit probabilitatis umbram, quod qui non vult subire periculum dum debet, & est in culpa, ipsum subire velit in casibus etiam fortuitis in quibus ad id nulla lege adstringitur: hoc esset graviores adamare improbitatem ad evitandam leviores. An ne convenire, quod damnum sit

com-

commune, si fors ipsa pereat, sive culpa socii id contingat, sive absque ipsius culpa: quemadmodum Author hic fieri posse non dubitat? Non video, quod ibi usura reperiatur, aut iniustitia: dummodo accipiens portione fructuum compenset tradentem super periculo huic indebito de damno communi fortis, si hæc pereat culpa recipientis. At numquid recipiens id præstabit? Quis credat! Consultius itaque agetur, si cum hujus consilii viris nulla ineatur societas. Semel atque æquissimis legibus obtemperare nolunt, animum non ostendunt catholicum, neque se præbent eos bonæ fidei viros, quos postulat vera societas L. *In proposita ff. Pro socio*. Rejiciantur ergo, & societas cum aliis ineatur animo paratis obtemperare legibus, & opere probantibus, se in custodiendis animalibus libenti animo eam velle adhibere diligentiam, quam exigit societas bonæ fidei, & quæ ipsis ex lege injungitur sub pœna compensationis ære proprio.

Quando fit pactum circa fructus, sive fiat circa societatem, vel lac, vel frumentum, vel aliud, quod quæri possit ex opera bouum, vel ex trituratione equorum, & hujusmodi, si conforme sit justitiæ, vel consuetudini, servandum est. Si vero non constat de consuetudine, & arbitrio boni viri æqualitatem continet, etiam tunc servandum est, dummodo ille, qui plus posuit, plus habeat.

Quando demum fit pactum circa tempus, quo durare debet societas, tunc pariter servanda est æqualitas arbitrio boni viri. In animalibus grossis talis societas consuevit durare quinquennio, ut patet per jura extravagantia supra posita. Non videtur ergo tutum, contrahere pro tempore longe majori, vel minori, præsertim in foro conscientiæ, quia id vix contingit sine damno alterius sociorum.

(12) Nihil invenio lege præstitutum super hac re, neque Civili, neque Canonica, si jura demas ab Authore memorata. Si tempus nimis longum est, damnum affert accipienti: cum animalia plurium annorum spatio reddantur deteriora, & proinde minus apta ad labores subeundos, edendosve fructus. Si sit plus æquo brevius, damnum affert utrique; quia nec unus nec alius socius tam cito compensari potest. Natura animalium pensetur, & ille præfiniatur annorum numerus, quo neutri sociorum fiat injuria.

SECUNDUS CASUS est, quando animalia grossa traduntur sine terra, sed æstimata. Tunc periculum casus fortui-

ti est inter socios commune, ut dicitur L. *Cum duobus* §. *Damna* ff. *Pro socio*, & tenet Baldus in L. *Si pascenda* C. *De pactis*.

Nec mirum, quia tunc æstimatio facit emptionem L. *Æstimata* ff. *Soluto matrimonio*: & perinde est, ac si ille, qui dat prædicta animalia, mutuam præstitisset socio medietatem pretii, & socius poluisset aliam medietatem, & animalia ab ipsis duobus communiter essent empta, & sic in societatem posita: quo in casu quilibet pro rata teneretur de periculo, quando periculum evenit sine culpa alterius sociorum. Nam, si dolo, vel culpa alterius evenit, illius solum erit periculum, cujus culpa contingit L. *Cum duobus* §. *Damna* ff. *Pro socio*. His concordat Antonius de Butrio.

Baldus tamen in L. 1. C. *Pro socio* distinguit dicens: quod aut periculum evenit casu fortuito sine culpa alterius, & in hoc concordat cum Antonio de Butrio. Aut evenit ex natura; & tunc dicit, quod periculum solum erit dantis; quamvis dederit animalia æstimata: quia sic etiam penes eum erant moritura. Nec in contractibus non ordinatis ad transferendum dominium æstimatio facit emptionem, ut L. *Cum duobus* §. *Damna* ff. *Pro socio*, & L. 3. ff. *Locati*, & L. *Cum manu facta* §. 3. ff. *De contrahenda emptione*, ubi dicitur -- *Nemo potest videri eam rem vendidisse, de cujus dominio id agitur, ne ad emptorem transeat: sed hoc aut locatio est, aut aliud genus contractus*.

Sed, salvo meliori iudicio, hoc non videtur probari per allegata, nec est ratio diversitatis. Immo cum melioramenta etiam naturalia in hoc casu communicentur, ut L. *Si non fuerint* ff. *Pro socio*, conveniens quoque est, ut pericula similiter dividantur. Nec valet quod dicit, quod

æstimatio non facit emptionem in contractibus non ordinatis ad transferendum dominium. Immo facit, ut patet in locatione per dictam L. 3. ff. *Locati*. Quapropter indistincte tenendum est, quod periculum sit commune, nisi culpa alterius provenierit. Et hoc intelligo, nisi expresse aliud conventum sit dicta L. *Cum manu sata*: vel nisi ex consuetudine aliud inducatur, cum, ut dictum est, intelligatur actum, quod est consuetum L. *Quod si nolis §. Quia assidua* ff. *De edilisio edicto*. Et quod æstimatio in casu inducat emptionem, argumento est L. *Æstimata* ff. *Soluto matrimonio*.

(13) Hic est celeberrimus ille contractus, in quo, ut verbis utar Petri de Ubaldo. *De duobus fratribus* part. 5. q. 26. num. 29, totus fere mundus versatur. Decisio ipsius pendet ex vi æstimationis: Utrum videlicet æstimatio faciat venditionem, vel quasi venditionem, vel nihil prorsus efficiat, & unice apponatur prudentis cautionis ergo, si culpa recipientis animalia perirent. Sed quis poterit invicem pugnantes componere Doctorum sententias? Joannes Pontas ver. *Societas* casu 18. vult, quod æstimatio faciat venditionem -- *His addendum secundum legis dispositionem L. ÆSTIMATÆ ff. SOLUTO MATRIMONIO æstimationem pro venditione valere -- ÆSTIMATIO VENDITIO EST L. PLERUMQUE § 5. ff. DE JURE DOTIUM*. Dominium autem rei vendita transfertur in emptorem. *Quam ob causam accipiens rem in æstimationem solus subit pericula. SI ÆSTIMATA RES DATA SIT, habet alia lex [ff. COMMODATI L. SI UT CERTO §. 3.] OMNE PERICULUM PRÆSTANDUM AB EO, QUI ÆSTIMATIONEM SE PRÆSTATURUM RECEPIT --* Idem repetit casu sequenti scribens -- *Dicitur etiam venditio, quum secundum leges æstimatio sit venditio, hoc est ei aliqua ratione equipolleat; quo in casu dans solum potest percipere pretium pecorum sine ullo alio questu --* Pro eadem sententia stetit Franciscus Gennettus; hic enim agens de societate animalium in responsione ad tertiam quæstionem scripsit -- *Constat enim ex iis, quæ superius dicta sunt, quod, dum æstimata dantur animalia, nihil ex illorum fructibus recipi potest --* Et clarius in responsione ad quæstionem quintam -- *In traditione animalium æstimatorum transfertur dominium in accipientem, qui non tenetur ad restituenda eadem animalia, sed tantum similia, & ejusdem qualitatis & quantitatis --* Ejusdem demum opinionis fuit, ut veteres omittam, Sylvestrum puta ver. *Societas* secundo num. 1. alioque, Colletus in suis Institutionibus De societate animalium in responsione ad primum casum ibi propositum inquens -- *Et certe talis*

son-

tractus vel est mutuum, vel venditio. Si mutuum, usura est manifesta ex eo lucrum percipere. Si venditio, quam a estimatione fieri dicunt leges, venditor nihil ultra estimationem percipere debet -- Author, ut vides, arbitratur quidem estimatione fieri emptionem, sed hanc non extendit nisi ad dimidium sortis, cum velit periculum reddi commune, uti sancitur ff. *Pro socio* L. *Cum duobus* §. *Damna*, quam legem jam integram dedi annotatione quinta proxime præcedenti. Immo & hanc opinionem præ cæteris adamavit in Angelica ver. *Societas secundo* num. 2. Idem quoque ante Authorem nostrum scripserat Nicolaus de Auximo in Supplemento jam pluries memorato ver. *Usura secundo*, cujus verba inferius ex integro recitabo. Tertiam nunc opinionem accipe, quam exhibet & sequitur Bonacina cum aliis *De contractibus* disput. 3 q. 6. punct. 3. num. 6. scribens -- *Si tradis oves æstimatas simpliciter, non censetur inire contractum venditionis, sed societatis: nam illa æstimatio simpliciter præmittitur, ut, si animalia culpa, vel dolo socii pereant, socius teneatur ad illorum restitutionem, non vero si pereant absque ipsius culpa; res enim domino perit. Idem in simili tenet Reginaldus De contractu commodati, & Azorius in eodem contractu, & Molina De commodato tract. 2. disp. 295. num. 9. --* Quartam opinionem possem adicere, Boni scilicet Merbesii in suo Tractatu de mutuo & usura, observatione secunda in Statuta Concilii Mediolan. primi, qui scripsit, quod, si animalia traduntur simpliciter æstimata, æstimatio censetur unice facta, ut si socii minoris dolo, vel culpabili negligentia animalia pereant, ille ipse socius æstimationis pretium restituere teneatur. Si vero æstimata traduntur, ut innocens socius ea teneatur restituere, etiam si absque ipsius culpa intendant, tunc æstimatio facit venditionem, & dominium transfertur in recipientem. Sed quum nihil novi hæc opinio constituat; iccirco unice expendam tres primas modo recitatas.

In tanta opinionum varietate & discrepantia nihil deberem ipse constituisse, quum propositi mei duntaxat sit Authoris doctrinam explanare. Liceat nihilominus & mihi, quid in hac re sentiam, aperire. Postremam sententiam arbitror non posse cæteris anteponi; leges enim decernentes æstimatione fieri venditionem, vel quali venditionem, adeo perspicue sunt, nihil ut magis. Nec quicquam probat L. *Cum manu fata* ff. *De contrahenda emptione* §. 3., ubi dicitur -- *Nemo potest videri eam rem vendidisse, de cujus dominio id agitur, ne ad emptorem transeat --*: qua fretus S. Bernardinus Serm. 40. art. 1. cap. 3. tertium casum expendens sentire visus est in casu, de quo nunc, æstimatione non fieri venditionem. In hac lege non agitur de re æstimata, sed unice de sylva, quæ vendita: & inquiritur, an glans decedens venditoris sit, vel emptoris: & definitur eam, quæ decedit ante cæssionem arborum, esse venditoris; eam aurem, quæ reperitur in arboribus, dum caduntur, esse emptoris. Nihil igitur

consert ad contractum, de quo in praesentia, quum hic agatur de re aestimata, & inquiratur, utrum aestimatio adjecta contractui venditionem efficiat, nec ne. Hoc praehabito, duae primae opiniones superflunt, quarum prior textui innititur expresse L. Si ut certo §. 3. ff. Commodati -- Et si forte res aestimata data sit, omne periculum praestandum ab eo, qui aestimationem se praestaturum recepit --: posterior vero textum quoque habet apertum L. Cum duobus §. Damna ff. Pro socio -- Ideoque, si pecus aestimatum datum sit, & id latrocinio aut incendio perierit, commune damnum est, si nihil dolo, aut culpa acciderit ejus, qui aestimatum pecus acceperit --. Verum enim vero, quum super lege pro priori sententia adducta, & signate super verbo periculum adnotet Glossa -- Id est omnem culpam, vel id est periculum per culpam omnem proveniens --: quum Glossa sibi constans, super L. Plerumque ff. De jure dotium §. 4., ubi scribitur -- Secutis igitur nuptiis aestimatio rerum perficitur, & sit vera venditio --, ita moneat -- Vera quoad periculum, non quoad omnia --: quum demum hae leges, aliaeque his similes, quas illius sententiae Patroni solent adferre, de societate animalium non agant, sed de rebus aliis ab ea prorsus diversis: puto iccirco posteriorem sententiam, pro qua stat Author, magis esse legi consentaneam. Lex enim Cum duobus §. Damna, quam sententia haec profert, de animalibus signate agit, & quidem in societatem traditis. Et ipse igitur sententiam Authoris obsequio: quod videlicet, si animalium aestimatio fiat, dum traduntur in societatem, haec aestimatio secundum jura sit quasi venditio, & per eam periculum fiat commune, commune damnum. Sententiam hanc nedum amplexatus est Episcopus Amerinus anno 1587., sed opportunam eam censuit ad contractum vulgo collaticum in tuto ponendum. En quod refertur in Amerina Visitationis jam laudata annotatione decima proxime praecedenti -- Requisitus idem Episcopus, ut transmitteret unum aliquod hujusmodi contractus, vel stipulationis exemplar; respondet, stipulationes vulgo Polise ibi valde diversas esse, prout diversa sunt paciscentium voluntates; loco vero ipsarum transmittit exemplar Decreti prolatis ab Episcopo De Lazaris ejus Praedecessore de anno 1587. pro moderatione talium contractuum, & ab Universitate acceptati, quo non aliter permittuntur hujusmodi contractus, quam sub sequentibus conditionibus. Primo, quod boves aestimentur pro integro anno, quo durante nec socius major, id est Dominus repetere valeat, nec socius minor restituere, nisi de communi consensu utriusque partis. Secundo, quod in fine anni, si societas dissolvatur, debeant denuo animalia aestimari, & decrementum communi damno, prout incrementum communi lucro cedere debeat. Tercio, quod commune sit damnum, si bos naturaliter, vel divino judicio moriatur; si vero culpa socii minoris, ejus damno in totum perisse dicatur. Et quarto, quod socius major pro collatico, seu mercede, non plus quam octo quartas frumenti recipere possit pro quolibet bove bono, ac mercantili --.

Et,

Et, quod pluris facio, Sacra Congregatio Concilii, cui hoc Decretum fuit exhibitum, ipsum non improbavit; immo, respondendo *Affirmative* quaesito exposito, idem cum omnibus suis conditionibus videtur approbasse. Concludo igitur sententiam Authoris esse cæteris anteponendam tanquam legi magis consentaneam, & a Sacra Congregatione Concilii non improbatam. Præ oculis tamen semper habeas, quod in hoc contractu, ut immunis sit tum ab usura, tum ab injustitia, nedum periculum capitalis debet esse commune, sed commune pariter sit oportet tum incrementum, tum decrementum ejusdem, ut expresse secunda conditio ab Episcopo Amerino apposita.

Audio in nonnullis locis hunc contractum ita fieri, quod commune quidem sit periculum sortis, commune incrementum, commune pariter ejusdem decrementum: sed quod finita societate socius major, nempe dominus habeat pro se integrum capitale, si supersit. Verum utique est, quod de hac re Episcopus Amerinus altum servavit silentium in suis conditionibus: immo quod Author ipse in hoc eodem casu loquens de fructibus supponere potius videtur, totam sortem in fine societatis esse domino reddendam. Verum pariter est, quod æstimatio facit venditionem quoad periculum, non quoad omnia, ut paullo antea dixi cum Glossa. Nihil tamen minus, quam instar regulæ nobis sit quod legitur *L. Manifestissimi §. Sed tum in secundam C. De furtis & servo corrupto — Ubi enim periculum, ibi & lucrum collocetur* --: censerem id non posse fieri. Socius minor, seu accipiens participat in casu de periculo sortis, si pereat. Participet ergo etiam de sorte, si supersit; aliter contra legem expressam modo productam ubi esset periculum, ibi non esset lucrum.

Fortè dices id fuisse pactione sancitum inter contrahentes. Et ego respondeo non posse fieri pactiones contra legem; secus possent etiam convenire de integro capitali salvo in favorem tradentis contra Sixtinam Constitutionem, quod est absurdum, & ab omnibus improbandum.

Fortè dices, quod nimium gravaretur socius major, si aliter fieret, & præsertim si societas uno duntaxat duraret, vel altero anno. Et ego respondeo, quod æque, & fortè magis gravatur socius minor plerumque pauper, & inops: nam etiam eo brevi tempore animalia possunt interire in grave ejusdem detrimentum. Si hæc lex socio majori videtur dura, tradat is animalia inæstimata, & tunc tota fors ad ipsum redibit, ut superius ostendi.

Fortè dices id fieri, ut compensetur socius major, qui integrum capitale tradidit: quum lucrum, quod ex animalibus percipitur, soleat esse exiguum ad differentiam lucri provenientis ex negotiatione in societate pecuniæ, quod persæpe est maximum, & brevi tempore sortem ipsam excedens, eamque duplicans iterum iterumque. Et ego respondeo compensationem hanc, si quæ facienda est, quod firmiter non adsero, non debere fieri ex eo, de quo quid agendum sit jam fuit lege sancitum, sed

ex eo duntaxat, quod lex reliquit arbitrio boni viri, aliis nempe societati adnexis. Libertas, ut dixi annotatione nona proxime præterita, relicta nobis est in iis; in quibus jus non habetur expressum; non autem in his, in quibus lex ipsa præfinivit quid fieri debet, quidve vetari; tunc enim parendum est legi, nec nobis licet contra ipsam aliquid operari, aut pacisci. Bonus igitur vir pensato capitali, quod totum emitur a socio majori: pensato periculo, quod media æstimatione sit utrique commune; pensata qualitate operarum & indultriæ: pensatis denique expensis, tempore, & hujus generis aliis societati adnexis: judicet quid debeat uni, & quid alteri: firmo tamen semper manente, quod periculum & lucrum fortis sit commune, commune incrementum pariter & decrementum. Rem hanc in hunc modum magis magisque confirmo.

Æstimatio certe æquivaleret pacto, quo contrahentes insimul conveniunt, quod periculum capitalis sit commune, nulla facta mentione lucri fortis. Ergo in hoc pacto etiam fors censi debet facta communis, textu expresso Institut. *De societate* §. *Illud* -- *Illud expeditum est, si in una causa pars fuerit expressa, velati in solo lucro, vel in solo damno, in altera vero omissa: in eo quoque, quod prætermisum est, eandem partem servari* --. Hac lege freti Doctores uno consilio constituunt quod docuit Atesanus lib. 3. tit. 12. circa quintum inquires -- *Si autem in societate contrahenda aliquid exprimitur de lucro, idem tacite dictum videtur de damno, & e converso, Institut. eod. §. ILLUD; eadem enim debet esse ratio contrariorum. Arg. ff. DE LEGATIS 3. L. ultima. Et hoc est verum de damno, quod casu contingit* --. Peto interim abs te. Si contrahentes convenirent, vel foret lege sancitum, quod capitale esset commune, seu commune lucrum fortis sorte superstiti, nulla facta mentione de periculo; periculum in hoc casu censi ne deberet etiam commune, sicuti commune factum est lucrum fortis? haud dubie: & hoc tum propter legem expressam modo recitatam, tum propter Doctores omnes id aperte docentes, ut dixi: quia secus non servaretur æqualitas. Paritate rationis igitur idem dicamus oportet, dum per legem, vel per pactum, periculum fortis factum est commune, & de ejusdem lucro nihil fuit expresse sancitum: eadem quippe debet esse ratio contrariorum.

Pro hac doctrina stetit Author loquens de societate pecuniæ; Articulo enim præcedenti respondens quarto dubio scripsit versus finem -- *Quia si in fine societatis nihil inveniretur nisi capitale solum, tunc hoc ipsum divideretur secundum quod pactum factum est de periculo; idem enim pactum, quod factum est de damno, intelligitur de lucro & e converso* --. Pari igitur modo dicendum est, & statuendum in societate animalium, quod sic ostendo. Ubi eadem ratio, ibi idem jus cap. *Translatio Extra De constitutionibus*. Eadem est ratio pro utraque societate, ut patet; ergo idem jus pro utraque debet constitui; & ideo quod de una societate dicitur, necesse est, ut de altera pariter intelligatur. ...

Huic

Huic doctrinæ accessit Sixtus V. in sua Constitutione §. 2., dum dixit -- *Si vero finita societate ipsum capitale extat, ei, qui illud in societatem contulerit, restituatur: nisi socio recipienti fuerit communicatum* -- Arbitratur hic Summus Pontifex in qualibet societate sive pecuniæ, sive animalium, de qua ipse indistincte loquitur, capitale communicari posse socio minori, seu utrique socio fieri commune. Id porro fit, dum periculum capitalis redditur commune, ut nunc demonstravi leges producendo apertissimas hoc ipsum evincentes: quia non potest communicari lucrum, nisi communicetur etiam periculum, & e converso. Firmum igitur tene, quod, si per legem æstimationis periculum fortis redditur commune, per binas leges hic memoratas, immo per legem æquitatis, commune etiam tunc redditur lucrum fortis.

Recte postmodum contra Baldum docet Author, quod periculum commune esse debeat, sive casu fortuito, sive naturaliter animal moriatur: & hoc expresse decrevit Episcopus Amerinus in tertia conditione jam recitata -- *Tertio, quod commune sit damnum, si eos naturaliter, vel divino iudicio moriatur* -- . Profecto Lex Cum duobus §. Damna ff. Pro socio id non exprimit; sed nihilominus ex ipsa eadem lege paritate rationis legitime inferitur.

Ex his patet, quod si fiat pactum, quod periculum non sit commune non erit licitum in conscientia, nisi, ut in præcedenti casu dictum est, alter eorum gravaretur in aliquo.

(14) Vide, quæ dixi hac de re annotatione undecima proxime præcedenti.

Circa fructus vero, & tempus, quo societas durare debet, eodem modo licet pacisci in hoc casu, in quo æstimated traduntur, sicuti licere diximus in præcedenti casu, quando dantur inæstimated; ita tamen ut æqualitas servetur arbitrio boni viri. Nam, dum traduntur æstimated, non videtur, quod fructus debeant per medium partiri, si alter eorum posuit operam: quia hic plus posuit. Et ideo attendendum est, si opera potest fieri per minores, & pupillos, quorum operæ non sunt in magna æstimatione, licet aliquæ tales sint L. final. §. fin. ff. De liberali causa: vel si recompensatur per lacticia, & huiusmodi: & de palca, seu de sceno, quod dat ad comedendum,

dum, ut sic arbitrio boni viri, qui plus ponit, tantum reportet, ut dicta L. *Si non fuerint*.

(15) En legem finalem hic ab Authore indicatam -- *In eum, qui impubes juraverit, scilicet qui & jurare potuerit, danda est utilis actio operatum nomine, cum pubes tamen factus erit: potest tamen & impubes operas dare: veluti si nomenclator sit, vel hystrio.*

Semper tamen præ oculis habeatur, quod rusticus, qui animalia sic æstimata recipit, perinde est ac si mutuo haberet a dante medietatem valoris, ex qua nihil ultra fortem licet accipere Cap. *Consuluit*, & Cap. *In Civitate Extra De usuris*. Attente iccirco consideretur, quod respectu principalis, seu capitalis tantum ponit rusticus in societatem, quantum alter socius.

(16) Iisdem pene verbis rem hanc gravissimam exposuerat, & absolverat ante Authorem nostrum Nicolaus de Auximo in Supplemento jam laudato ver. *Usura secundo*. Eundem, si placet, audiamus -- Si autem dicta animalia extimata traduntur, tunc periculum casu fortuito inter socios est commune L. *Cum duobus* §. *Damna* ff. *Pro socio*, Et tenet Baldus in dicta L. *Si pascenda* C. *De pactis*. Aliqui tamen distinguere videntur, quia aut est damnum fortunæ, & procedat quod dictum est: aut damnum naturæ, idest quod procedit ex natura, & hoc pertineat solum ad tradentem animalia. Sed certe hoc jure probari non videtur. Nec est ratio diversitatis; immo cum melioramenta etiam naturalia hoc casu communicentur ut dicta L. *Si non fuerint*: conveniens est, ut similiter pericula dividantur. Nec mirum, si hoc casu sit talis communicatio: quia extimatio introducit emptionem etiam in contractibus, in quibus de sui natura non transfertur dominium, puta in locatione ff. *Locati* L. 3., nisi sit aliud expresse conventum ff. *De contrahenda emptione* L. *Cum manu facta* §. *Nemo*; vel nisi ex consuetudine aliud inducatur, cum, ut dictum est, intelligatur actum quod est consuetum dicta L. *Quod si nolis* §. *Quia assidua* ff. *De adilitio edicto*. Dicta ergo extimatio introducit in dubio emptionem. Arg. L. *Æstimata* ff. *Solutio matrimonio*. Et habetur perinde ac si ille, qui dat dicta animalia, mutuasset socio medietatem pretii, & ipse posuisset aliam medietatem, & communiter ab ipsis fuissent empta. Et ideo non mirum, si quilibet pro rata de periculo teneret, quando sine culpa alterius sociorum processit; aliter illius solius erit damnum, cujus culpa contigit, ut in dicto §. *Damna*. Circa fructus autem, & tempus, quo societas durare debeat, eadem dicenda sunt, quæ & dicta sunt supra in primo casu, quando inextimata tradun-

duntur, ut scilicet semper æqualitas arbitrio boni viri servetur per jura ibidem allegata. Unde hoc casu postquam quilibet sociorum ponit tantundem respectu pretii animalium, quæ extimata tradita sunt: & socius rusticus plus ponit respectu operarum, & custodiæ, non videtur, quod fructus per medium dividi debeant. Et ait dictus Dominus Angelus. De hoc aliquos dubitare vidi, & putarem arbitrio boni viri conveniri, ut æqualitas servetur; quia si talis custodia, & cura animalium, quam ponit socius rusticus, fiat, aut fieri posset per infantes, & parvulos, quorum operæ non sunt in magna extimatione, licet aliquæ sint, tunc si aliquam utilitatem ex animalibus percipit plus rusticus socius, quam alius, ut fimi, & lutaminis, quæ verisimiliter cum opera pastoris compensari possunt, juste fructus æqualiter dividuntur. Si vero pastoris operæ, quas ponit rusticus, aut poni facit, sive alii sumptus, puta palearum, fœni, & similibus excederent commoditatem lutaminis, tunc, ut æqualitas servetur, juste rusticus ante partem aliquid pro pastoralis opera recipere debet, quod æqualeat ei, quod plus ponit dicta L. *Si non fuerint*. Aliter si tradens animalia vellet æqualem portionem, videretur vellem pretium mutui facti socio de pretio medietatis sortis, & sic usuram committeret, cum quidquid accedit sorti usura sit 14. q. 3. *Plerique*. Nec hoc casu posset quis per consuetudinem contrariam excusari in foro conscientiæ, cum iniquitatem contineat, & damnum socii, & jacturam, & juri fraternitatis non conveniat, cui societas comparatur L. *Verum ff. Pro socio*. — Hactenus antiquus ille scriptor.

TERTIUS CASUS est. Traduntur animalia grossa, sive æstimata, sive inæstimata cum terra: puta communico socio unum par boum, aut vaccarum, ut arare debeat certam quantitatem terræ.

In hoc casu aut inæstimata ea tradidi, & tunc totum periculum pertinet ad me: aut ea tradidi æstimata, & tunc periculum erit commune L. *Cum duobus §. Damna ff. Pro socio*, nisi dolus, vel culpa alterius processerit. Quando enim traduntur æstimata ut sint in societatem, ille, cui traduntur, pro medietate emere videtur dicta L. *Æstimata*. Similiter fructus terræ tunc erit communis: quia unus ponit partem boum & terram, & alter partem boum, & operas. Quando autem traduntur inæstimata, cum, ut præostensum est, totum periculum animalium

per-

pertineat ad dominum, posset dominus, qui ponit animalia & terram, pacisci, ut maiorem partem fructus terræ recipiat, quia rusticus tantum ponit operas. Hoc intellige, nisi opera rustici, & ejus industria magis æstimetur quam fructus terræ: quia tunc non solum fructus terræ æquis partibus essent partiendi, sed etiam posset rusticus salva conscientia plus recipere de fructibus terræ per L. *Si non fuerint* ff. *Pro socio*: quod tamen arbitrio boni viri relinquendum est, ut æqualitas servetur, dicta L. *In proposita*.

(17) Ne putes Authorem sibi non cohærere, quamvis paullo antea dixerit, quod fructus terræ partiri non debent ex æquo inter socios; nunc autem doceat, quod debent esse communes. In præcedenti casu loquebatur de animalibus, quæ æstimata quidem traduntur, sed sine terra; in hoc vero de animalibus loquitur, quæ æstimata traduntur, & cum terra. Plus ergo ponit tradens in secundo, quam in primo casu; & ideo Nicolaus de Auximo loco modo laudato prudens subdit -- *Et si dicta animalia extimata traduntur cum terra, convenit, quod damnum & lucrum sit commune, & fructus equali parte dividantur, cum unusquisque ponat partem animalium, quæ communicata sunt per extimationem, ut dictum est, & unus ponat terram, & alter æquivalentes ponat operas secundum eundem*.

Cætera, quæ hic habet Author, jam superius semel & iterum declarata sunt.

DE ANIMALIBUS MINUTIS.

QUARTUS CASUS: quando societas contrahitur super animalibus minutis, ut ovibus, porcis, capris, & hujusmodi.

Sic invenitur scriptum in Extravagantibus supra citatis. Rubrica dicit -- *Consuetudo societatis caprarum* -- . Sequitur nigrum -- *Si quis dederit capram, aut pecudem jure societatis, ille, qui accepit, debet tenere per tres annos, & in unoquoque anno pro capra debet dare duodecim formatos bonos, & optimos, pro pecude sex, & medietas capretorum, & agnorum debet esse communis, & medietas lanæ: & ille, qui dedit capram, aut pecudem; ante partem debet eam habere. Et si ille, qui accepit, dedit tertiam, tunc*
omnia

omnia partienda sunt per medium. Sed si ille, qui accepit, amiserit culpa sua, quia eam non custodierit, vel pecorile non bene clauferit; domino tunc emendare debet. Et, ut dictum est, bonos formaticos dare debet, scilicet non quidem de una munctura: quia, si dedit tantum unam pecudem, vel unam capram, non debet mihi dare talem formaticum, qualis potest fieri de una munctura tantum, sed tres, aut quatuor muncturae insimul mitti debent, ut bonus formaticus inde fiat. Quod si dedi alicui viginti, aut quadraginta pecudes, aut totidem capras, debet ne mittere unam muncturam insimul, & facere unum formaticum de tota munctura? Certe non, sed mediae extimationis, & quod non fraudetur qui dedit, nec qui accepit. Sed si agni, vel capresi nati non fuerint de una aliqua capra, vel pecude, non debet dare nisi medietatem formatici, quem daret si nati essent agni vel capresi.

Altera Rubrica habet — Consuetudo societatis porcarum -- . Sequitur in nigro -- Si quis dederit porcā alicui jure societatis, & non fuerit dictum de tempore, tunc is, qui accepit, debet eam tenere per tres annos: & omnes porcelli, qui nati fuerint, partiendi sunt per medium in unoquoque anno: vel, si placuerit Domino, & ei, qui accepit, tenere usque in capite trium annorum, debent parti omnia per medium, etiam porcellos natos de porcellis. Et cum porca facit porcellos, debet Dominus facere adjutorium ei, qui accepit, & non debet qui accepit, dare tersiam, aut incontrum. Et si amiserit culpa sua, quia porcellos non bene clauferit, vel custodem cum porcis non bene miserit, debet Domino emendare, vel casum amissionis Domino dicere. Hæc ibi.

Hæc autem leges consuetudinariæ arbitrio boni viri conueniri debent, & æquitatem continere, & in foro conscientie seruari possunt secundum Angelum de Perusio in locis,

cis, in quibus talis consuetudo viget. In aliis autem, in quibus de tali consuetudine non constaret, dum talia animalia sive æstimata, sive inæstimata traduntur, ut societas contrahatur: sive aliquod pactum factum fuerit, sive non circa animalia, vel fructus eorum: tenendum est quod supra dictum fuit in primo, & secundo casu circa animalia grossa in foccidam data æstimata, vel inæstimata sine terra, cum sit eadem ratio. Arg. L. *Illud ff. Ad legem Aquiliam*.

(18) Et hæc jura, seu capitula extravagantia reperi in Supplemento Nicolai de Auximo jam memorato ver. *Ufura secundo*; atque hujus ope supplevi nonnulla verba, quæ deerant in textu Authoris.

Prudenter postmodum Author & hic, & in locis, ad quæ legentes remittit, exposcit arbitrium boni viri; vere etenim scripsit idem Nicolaus ibidem non longe ab initio -- *Non potest tamen dari doctrina generalis super hujusmodi traditionibus animalium propter varietatem traditionum, & dolos, qui a quibusdam super talibus excogitantur* -- . Si quæ super his regula generalis exhiberi potest, unica illa est, quam ipse paullo antea expressit inquitens -- *Et nota generaliter, quod, quando communis est conditio, licitum est. Secus ubi melior videtur conditio unius, quam alterius*.

Secundo contrahitur societas, quando dominium animalium non transfertur, & animalia non communicantur, sed sola custodia committitur pretio aliquo dato, vel recepto. Tunc dicitur contractus locationis, & conductionis L. *Si merces ff. Locati conducti*: & facit L. *Non solet*, & L. *Qui mercedem ff. eodem titulo*, & L. *Naturalis ff. De præscriptis verbis*. Hic adverte, quod aut tradens dicta animalia recipit aliquid, puta pro bobus ut arent, vel pro pecudibus, ut stercorizent, & hujusmodi. Aut recipit aliquid ille, cui traduntur, pro mercede custodiæ. Aut convenitur, quod opera animalium, vel stercorizatio habeat locum mercedis. Omnes isti tres modi considerari possunt, ut in simili dicit textus de servo L. 1. §. *Si quis servum ff. Depositi*; qua de causa tradens animalia dicitur nunc conductor,
nunc

nunc locator ; his enim vocabulis promiscue utimur L. *Veteres*, & L. seq. ff. *De actionibus empti & venditi*. In omnibus istis tribus casibus resultat contractus locationis, cujus natura est, ut res aliqua locetur, aut conducatur ad aliquid faciendum, sicuti in supradictis tribus casibus patet, non vero ad fructificandum, & ideo fructus & periculum pertinent ad dominum rei locatæ L. *Item si pre-*rio §. 1., & 2. ff. *Locati*. Fructus boum, si hi meliores reddantur: itemque fructus vaccarum, vel pecudum, sicut lac, lana, & hujusmodi, sunt domini, ad quem etiam spectat periculum, si fortuito contingat L. *In judicio C. De locato*, & L. *Ex Conducto* §. 1., & L. *Si quis domum* §. 1., & §. *Imperator*, & L. *Si merces* §. *Conductor* ff. *Locati*. Si autem periculum eveniat dolo, vel culpa unius ex contrahentibus, tunc pertinet solum ad istum, ut dictis juribus probatur. Imperitia custodis, qui pro custodia mercedem recipit, culpæ adscribitur, & de ea custos ipse tenetur L. *Si quis domum* §. *Celsus* ff. *Locati Conducti*. Qui enim custodiam alicujus rei recipit accepta mercede, tenetur de culpa levissima L. *Qui mercedem*, & L. *Si merces* §. *Qui Columnam* ff. *Locati*. Et quia hic contractus locationis, & conductionis est contractus bonæ fidei, ut Institut. *De actionibus* §. *Actionum*; hinc est quod merces debet esse justa & congrua, & arbitrio boni viri conveniri L. *Si in lege locationis* ff. *Locati*; & ideo si hæc plus vel minus excederet, teneretur ad restitutionem qui recipit illud plus.

(19) Dubio procul quum res alicui traditur vel ad aliquem usum, vel ad simplicem custodiam, mercede data vel accepta, contractus locationis est L. *Si merces* ff. *Locati conducti* -- Si merces promissa sit generaliter alieno arbitrio, locatio & conductio contrahi non videtur. Sin autem quanti Titius aestimaverit, sub hac conditione stare locationem, ut si quidem ipse, qui nominatus est, mercedem definierit, omnimodo, secundum ejus aestimationem, & mercedem persolvi oporteat, & conductionem ad esse-

rum

Etum pervenire. Sin autem ille vel noluerit, vel non potuerit mercedem definire, tunc pro nihilo esse conductionem quasi nulla mercede statuta --. Ex hac lege infer, quod non habetur locatio, ubi merces constituta non est -- *Qua enim locatio est* [ait L. Si convenerit in fine ff. De communi dividundo] *cum merces non intercesserit?* Locator semper retinet dominium rei locatz, textu aperto L. Non solet ff. Locati -- *Non solet locatio dominium mutare --*; & iccirco periculum pertinet ad ipsum, non ad conductorem, textu pariter aperto L. In judicio C. De locato -- *In judicio sam locati, quam conducti, dolum, & custodiam, non etiam casum, tui resisti non possit, venire constat --.* Excipe, nisi contrahentes aliter servata æqualitate convenerint, sicuti monui, ubi de tertio Articulo secundæ Considerationis annotatione 24.

Tres postmodum contractus locationis, de quibus hic Author, ex illis sunt, quorum meminit L. Item si pretio §. 1. ff. Locati -- *Quoties autem faciendum aliquid datur, locatio est --*; & iccirco iisdem competit quod §. 2. ibidem scribitur -- *Cum insulam edificandam loco, ut sua impensa conductor omnia faciat, proprietatem quidem eorum ad me transfert, & tamen locatio est; locat enim artifex operam suam, idest faciendi necessitatem --.* Ne credas tamen in contractu locationis fructus nunquam pertinere ad conductorem: quoniam, si locatio fiat non ad faciendum, & ad custodiam, ut in præsentī, sed ad fructificandum, ut dum quis agrum locat, aut vineam, fructus eo in casu sunt conductoris, dummodo pensionem solvat mutuo consensu in locatione conventam. Placet adjicere, quod conductor rem sibi locatam potest alteri locare, nisi secus in locatione fuerit præstitutum, textu expresso L. Nemo ff. De locato -- *Nemo prohibetur rem, quam conduxit, fruendam alii locare, si nihil aliud convenit --:* Et tunc præ oculis haberi debet, quod L. Si in lege §. 1. ff. Locati fuit sancitum -- *Si colonus locaverit fundum, res posterioris conductoris domino non obligantur, sed fructus in causa pignoris manent, quemadmodum essent, si primus colonus eos percepisset.*

Imperitiam custodis habere rationem culpæ, textu docemur aperto L. ab Authore laudata -- *Celsus etiam imperitiam culpa adnumerandam libro octavo Digestorum scripsit, si quis vitulos pascendos, vel sarcindum quid, poliendumve conduxit, culpam cum præstare debere, & quod imperitia percavit, culpam esse: quippe ut artifex, inquit, conduxit --.* Et brevius Regula 132. ff. De diversis regulis juris antiqui -- *Imperitia culpe adnumeratur --.* Excipe, nisi locator ipse sponte eligat custodem, quem scit esse minus peritum, vel ut minus persolvat pro custodia animalium, vel ut eidem indigenti hac via subveniat. *Scienti, & consentienti non fit injuria neque dolus --* Regula 27. juris in Sexto.

Quod postmodum cultus teneatur de culpa etiam levissima, sicuti scribit Author, id non probat L. Qui mercedem ita concepta -- *Qui mercedem*

dem accipit pro custodia alienius rei, is hujus periculum custodia præstat --. Et quanvis id exprimat L. Si merces §. Qui columnam, recole quæ super hac eadem re dixi Articulo proxime præterito annotatione nona, & fateberis cum Glossa superlativum pro positivo ibi fuisse usurpatum. Quum locatio est illis contractibus sit qui cedunt in favorem utriusque, communis est Doctorum sententia, conductorem teneri de culpa lata, & levi, non autem de levissima. Posset tamen dici, quod conductor in hoc casu tenetur de culpa etiam levissima non ex vi locationis, sed quia mercedem accipit pro custodia. Audiamus Authorem ipsum in Angelica ver. Locatio num. 23. rem hanc egregie exponentem -- *Adverte, quod, quando quis mercedem accepit pro custodia, si sumus in contractu, in quo solum tenebatur de culpa lata, ut in deposito, sic acceptio mercedis pro custodia faciet, ut teneatur de levi, & sic intellige cap. BONA FIDES, DE DEPOSITO, & L. 1. §. SI VESTIMENTA §. Depositum. Si vero sumus in contractu, in quo tenetur de levi culpa, sicuti in locato, sic acceptio mercedis pro custodia rei locata faciet, ut teneatur de levissima: & sic loquitur, & intellige L. QUI MERCEDEM, & L. DOMINUS prædictas. Quod bene nota pro solvendis multis contrarietatibus.*

Accipe nunc duas leges ab Authore postremo loco indicatas -- *Actionum autem quadam bonæ fidei sunt, quædam stricti juris. Bonæ fidei sunt hæ: ex emptio, venditio, locato, conducto, negotiorum gestorum, mandati, depositi, pro socio &c.*

Si in lege locationis comprehensum sit, ut arbitrato domini opus adprobetur, perinde habetur, ac si viri boni arbitrium comprehensum fuisset: idemque servatur, si alterius cujuslibet arbitrium comprehensum sit: nam fides bona exigit, ut arbitrium tale præstetur, quale viro bono convenit: idque arbitrium ad qualitatem operis, non ad prorogandum tempus, quod lege finitum sit, pertinet, nisi idipsum lege comprehensum sit.

Tertio contrahitur societas, quando animalia traduntur, & dominium ipsorum in totum transfertur in recipientem cum pacto, quod meliorentur, & sic meliorata communicentur. Hic contractus dicitur innominatus, & competit actio, quæ vocatur *præscriptis verbis* L. Si tibi rem §. Sed si puerum ff. De præscriptis verbis, & quæ ejusdem naturæ est cum contractu innominato L. Naturalis ff. eodem titulo, & Glossa ibidem. In hoc casu pretium animalium sic datorum, si vendantur, debet esse commune, ut dicta L. Si tibi rem. Idem de fructibus dicit Glossa ibi-

ibidem, quod nempe communicari debeant per L. *Si pas-
cenda C. De pactis*. Periculum pariter debet esse commune,
sicuti communis est utilitas L. *Mucius ff. Pro socio*. Et
cum hic contractus innominatus magis assimiletur contra-
ctui societatis, quam locationis, licet dominium transfe-
ratur, ideo circa periculum, & utilitatem ipsorum ani-
malium, & foetus, & fructus eorum, dici possunt ea,
quæ supra in duobus primis casibus primi modi societatis
dicta sunt. Si autem melioramentum non sequatur, vi-
detur quod res integra restitui debeat Domino, quasi cau-
sa data, & non sequuta, & sic sine causa fuerit accepta,
ut ff. *De conditione causa data, causa non secuta*, & *De
conditione sine causa* per totum: nisi sine causa recipientis,
vel pertinentium ad eum res perierit, aut deterior facta
sit, cum bonæ fidei possessor non teneatur, nisi in quan-
tum factus est locupletior sive ex re principali, sive ex
fructibus, sicuti L. *Utrum ff. De hereditatis petitione*.

(70) Contractus alij sunt nominati, innominati alij. Nominati di-
cuntur illi, qui non sistant in generali nomine contractus, vel pa-
ctionis, sed transeunt in proprium, seu specificum nomen ipsis in jure
attributum, ut emptio, venditio, locatio, conductio, depositum, com-
modatum, & hujusmodi. Innominati censentur illi, qui proprio, &
specifico nomine carent, sistentes in generali nomine contractus, & pa-
ctionis. Reducuntur hi ad quatuor species, sicuti docemur L. *Naturalis*
sub initio ff. *De prescriptis verbis*, videlicet: Do tibi, ut des: Do, ut
facias: Facio, ut des: Facio, ut facias. Contractus, de quo in præsentî,
tamen si quandam habeat speciem societatis, societas tamen certe non est;
pugnat enim esse societatem, & omne rei dominium transferri in ac-
cipientem L. *Si tibi rem §. 1. eodem tit.* — Quia nemo societatem contra-
bendo rei suæ dominus esse desinit --. Opportune igitur Glossa super hoc
verbo desinit -- In totum; in partem autem desinere potest, ut supra pro
socio L. 1. §. *In societate* --. Id expressim adseruit Nicolaus de Auximo
loco laudato inquit -- Tertio traduntur animalia, ita quod totum do-
minium transferatur in accipientem sic, quod per eum meliorata postmodum
communificentur. Et isto casu non est contractus societatis, nam per societatem
nemo desinit esse dominus in totum rei tradita.

Lex *Si tibi rem* proxime memorata olim erat posita tanquam lex di-
stin-

distincta a sequenti lege *Si tibi area*, & ab antiquis utraque citabatur sub sua specifica litera initiali. Sed nunc quidquid sub iisdem reperitur, citatur sola lege *Si tibi rem*, quia ex istis duabus una facta est.

Actio præscriptis verbis ex contractibus innominatis descendit, ubi scilicet civilis causa subest sufficiens ad actionem introducendam. Et cum negotium non cadit in certum, & speciale nomen contractus, nec causa huiusmodi actionis exprimitur; sed hæc actiones exprimuntur sic, do ut des, facio ut facias, facio ut des. Ex quibus nascitur actio præscriptis verbis nominata, alias civilis. Ita Vocabularium utriusque juris. Ad rem iccirco Lex secunda ff. De præscriptis verbis — Nam cum deficiant vulgaria, atque usitata actionum nomina, præscriptis verbis agendum est.

Huiusmodi contractum arbitror non esse licitum. Non diffiteor quidem contrahentes ita posse convenire, ut omne rei dominium transferatur in accipientem, sicuti contingit in empto, & in mutuo: quum id expresse legatur L. *Si tibi area* §. 1. ff. De præscriptis verbis -- Sed si forte periculum domini tui fecero, idem se, quod in area, dicturum: quia dominium definit ad primum dominum pertinere --. Sed cum hoc componi certe non potest, quod pretium animalium remaneat commune, dum venduntur, commune periculum, commune lucrum; hæc enim communia sunt, dum omne dominium non est translatum in accipientem, ut subdit eadem lex -- Ergo, si quis area dominium non translulerit, sed passus sit te sic edificare, ut communicaretur vel ipsa, vel pretium, erit societas.

Licitus est nihilominus hic contractus, si intelligatur sicuti debet intelligi. Sensus ergo contractus est, quod animalia tradantur translato integro dominio in accipientem, cum hoc pacto, quod meliora reddantur, & meliori conditione secuta tunc fiant communia, tunc contrahatur societas, & per hanc omnia tum communia sint, lucrum nempe, damnum, & fructus. Ita hunc exprimit Nicolaus de Auxinio ibidem, qui ejusdem declarationi finem imponit scribens -- *Si vero melioramentum secundum conventionem secutum fuerit, res communicari, & contractus societatis contrahi debet* --. In sui igitur initio hic est contractus innominatus; & quia tunc totum dominium translatum est in accipientem, ad ipsum solum eo tempore pertinent fructus, & periculum, sicuti jura omnia clamant. Sed quum ex pacto, si sequatur effectus, animalia communicari debeant; hinc fit, quod tandem transeat in contractum societatis, per quem omnia postmodum sunt utrique socio communia.

Concludit Author, quod, si animalia ad meliorandum data sunt, & non inde sequitur præstantior eorum status, tunc ex integro debeant domino reddi: quia causa non secuta, ob quam fuisse tradita. Sed hic adice, quod eo in casu, statim atque in meliorem statum animalia reducta non sunt culpa ipsorum animalium, non culpa patientis, refarciendum est damnum, quod passus est recipiens ea alendo, & custodiendo,

T

sicuti

sicuti inferitur ex L. Si pecuniam sub initio ff. De conditione causa data causa non secuta -- Si pecuniam ideo acceperis, ut Capuam eas, deinde parato tibi ad proficiscendum conditio temporis, vel valetudinis impedimento fuerit, quominus proficisceris: an condici possit, videndum. Et, cum per te non steteris, potest dici repetitionem cessare. Sed cum liceat pœnitere ei, qui dedit, procul dubio repetetur id, quod datum est: nisi forte tua inter sit, non accepisse te ob hanc causam pecuniam. Nam si ita se res habeat, ut, licet nondum profectus sis, ita tamen rem composueris, ut necesse habeas proficisci: vel sumptus, qui necessarii fuerant ad profectum, jam fecisti, ut manifestum sit, te plus forte, quam accepisti, erogasse, conditio cessabit. Sed, si minus erogatum sit, conditio locum habebit; ita tamen ut indemnitas tibi præstetur ejus, quod expendisti -- Excipe, nisi recipiens aliquid lucri perceperit ex animalibus, quo expensæ factæ compensentur.

Quarto societas contrahitur secundum vulgarem appellationem, quando datur equa, vel asina ad cooperiendam eam equo. Et quia hic contractus dicitur etiam innominatus, iccirco datur actio præscriptis verbis dicta L. Si tibi rem eodem titulo. Sic habet textus in Extravaganti supra citata. Rubrica dicit -- *Consuetudo societatis jumentorum* -- Nigrum ita habet -- *Si quis dederit jumenta cooperienda equo alicujus, omnes poledri debent esse communes nati in illo anno de jumentis illis, partiendique sunt secundum consuetudinem. Et ille, cujus sunt jumenta, debet pariri poledros, & mittere electionem illi, cujus est equus: utrum velis accipere poledrum, an accipere partem pretii* -- Hæc ibi.

Ubi autem conventio facta non esset, consuetudo loci foret servanda. Ubi vero de consuetudine non appareret, ad arbitrium boni viri recurrendum est, maxime ad exonerationem conscientiae, ne quis cum aliena jactura aliquid lucretur: quia teneretur ad restitutionem L. Nam hoc natura ff. De conditione indebiti.

(21) Si alteri das equum, vel taurum, ut eo utatur ad cooperiendam, est contractus locationis, sicuti scribit Sylvester Prieras in sua Summa ver Societas secundo num. 2. -- Quia, inquit, idem est dare equum, ut quis eo utatur ad iter, & dare taurum, ut quis eo utatur ad sacunda-

tionem

tionem vaccarum -- . Si vero equas, aut vaccas adducis ad dominum equi vel tauri, ut cooperiantur mercede soluta, erit contractus innominatus, ut docet Author, scilicet do ut facias: In utroque contractu curandum vehementer est, ut merces, quæ præstituitur, iusta sit, non autem nimia: quia L. *Nam hoc ff. De conditione indebiti* -- . *Nam hoc natura æquum est, neminem cum alterius detrimento fieri locupletiores.*

Quinto societas large loquendo contrahitur, quando animalia traduntur æstimata, ut commodum, & incommodum sit recipientis: & tunc resultat contractus emptioris & venditionis. Arg. L. *Æstimata ff. Solutio matrimonii*. Et ideo tradens animalia nihil aliud potest petere, quam pretium ipsorum; aliter esset usura Cap. *Consuluit*, & Cap. *In civitate Extra De usuris*: nisi emptor animalium fructus percepisset ex animalibus emptis, & moram traxisset in solvendo pretium: quoniam tunc tanquam interesse posset petere partem fructuum L. *Curabit C. De actionibus empti & venditi*, quod etiam locum habet in foro conscientiarum, ut tenet Glossa in Cap. *Conquestus Extra De usuris*.

(22) Ne credas ob solam æstimationem ab Authore hic commemoratam omnia fieri recipientis. Quum Author supra, ubi de secundo casu, totus fuerit, ut ostenderet accedente æstimatione periculum animalium reddi commune: ut sibi cohareat, dicamus necesse est, ipsum hic supponere, quod æstimationi adjiciatur alterum pactum, quo totum periculum transferatur in accipientem, & hic solus fiat dominus animalium: vel saltem id virtualiter innuere verba ipsa in casu posita, quod nempe commodum & incommodum pertineant ad recipientem.

Quod subdit Author de emptore, qui est in mora ad solvendum, & interim percipit fructus, jam superius fuisse declaravi, agens de tertio verbo definitionis usurarum. Jura omnia tum civilia, tum canonica, jura omnia lucrum permittunt tanquam interesse, quando scilicet venditor damnum patitur, quia conventum pretium non accepit tempore præstituto.

Sexto contrahitur societas sine ullo pacto, nec apparet, quomodo animalia rustico sint concessa, præsertim mortuis jam principalibus, qui ipsa dederunt, & acceperunt. Cum hic res sit dubia, servanda est consuetudo, nam in dubio

illud, quod consuetum est, inter partes censetur actum L. *Quod si nolis* §. *Quia assidua* ff. *De edilisio edicto*, & L. *Si prins* §. *Recte placuit* ff. *De aqua & aquæ pluvia arcendæ*. Si autem non constat de consuetudine, in dubio præsumitur contractus innominatus L. 2. ff. *De præscriptis verbis*: quo casu de dictis animalibus, & de fructibus ipsorum dicendum est, sicuti dictum fuit supra de prima societate contracta in duobus primis casibus secundum Angelum de Perusio, a quo hæc omnia extraxi, de societate animalium, de qua ipse tractatum edidit.

Ego autem puto, quod, ex quo non constat quid actum sit, totum remitti debeat arbitrio boni viri, sicuti Cap. *De causis* Extra *De officio & potestate Judicis delegati*, & L. *Si non fuerint* ff. *Pro socio*, ut unicuique detur quod sibi debitum est L. *Iustitia* §. *Juris præcepta* ff. *De iustitia & jure*. Et propterea qui tradidit animalia, illa recipiat cum omnibus fructibus, & accessionibus, illis exceptis, quæ sine culpa recipientis deperditæ sunt: cum dicta animalia fuerint tradentis, nec appareat, quod dominium in alium fuerit translatum. Arg. L. *Fructus* ff. *De diversis regulis juris*. Receptori tamen animalium fiat congrua compensatio juxta mensuram sumptuum, & sui laboris: & hoc actione *mandati*, ex quo per mandatum, seu impositionem Domini animalia pascenda suscepit, ut L. 1. ff. *Mandati*: vel saltem actione *in factum*, seu *præscriptis verbis* L. 2. ff. *De præscriptis verbis*.

(23) Solvitur certe societas nedum contrahentibus omnibus & vivis sublati, sed uno solo decedente Institut. *De societate* §. 5. -- *Solvitur adhuc societas etiam morte socii: quia qui societatem contrahit, certam personam sibi eligit. Sed & si consensu plurium societas contracta sit, morte unius socii solvitur, etsi plures supersint: nisi in coeunda societate aliter convenierit* -- Nec hæres jus habet ad societatem proseguendam, nisi hæc mutuo sociorum consensu iterum firmetur L. *Nemo* ff. *Pro socio* -- *Nemo potest societatem hæredi suo sic parere, ut ipse hæres socius sit:*

fit: in heredem autem socii proponitur alio, ut bonam fidem præstes.

Quum societas non sola intentione, & mentis cogitatione incepta, sed opere, & factis pene publicis: quum socii bonæ fidei scripto mandare soleant, immo debeant, quidquid operantur, & quod persolvunt, & quod accipiunt, & quid uni vel alteri socio jure societatis rependunt: sociis vita functis, vel uno ipsorum sublato, ex rebus in antecessum gestis facile quis potest cognoscere, quod genus societatis inierant. Diligenter igitur eo in casu hæc omnia, & his similia perpendantur. Et, si ex accurata ipsorum indagine planum fiat, quæ species societatis fuerat inita, secundum hanc judicanda res est: nec cuiquam licet unam societatem præ alia ponere, quia tunc hoc non potest præstitui sine hujus, vel alterius injuria.

Pone nihilominus, quod quacumque indagine ab hæredibus adhibita id nequeat certo deprehendi. Equissimum tunc est Authoris judicium: videlicet quod, si non agatur de societate ea in patria consueta, & pene communi, tunc requiratur arbitrium boni viri. Generalis regula est utroque jure firmata, quod in rebus omnibus tum civilibus tum criminalibus, ubi de lege non constat, ubi lex nihil sancivit, arbitrio Judicis, vel boni viri ex integro relinquatur Cap. *De causis* §. 1. Extra *De officio & potestate Judicis delegati* — Illis etiam, qui pro causis tibi commissis ad citationem tuam venire, aut suo super his parere judicio neglexerint; si tale fuerit negotium, quod certa exinde poena in Canonibus exprimitur, eandem infligas; alioquin ipsos pro delicti qualitate, & causa secundum tuum arbitrium punire procures -- Bonus igitur vir, præ oculis habens quod scriptum est *L. Justitia* §. 1. ff. *De justitia & jure* -- Alterum non ledere, suum cuique tribuere --, judicabit in hoc casu, quid ab hæredibus præstandum erit, recipiendum, aut erogandum. Putarem postmodum bonum virum non teneri ad judicium unice serendum secundum ea, quæ hie ab Authore producta sunt; posse immo rem componere juxta communiorē societatis speciem, ut capitale sit tradentis, fructus vero servata æqualitate dividantur. Hoc ipsum cognovit Author ipse; & iecit in Angelica ver. *Societas secundo num. 10. disjunctive dixit* -- *Censebitur contractus societatis, & per omnia fiet de fructibus, & reliquis, sicut jus societatis exigit, vel saltem fiet rectori animalium debita compensatio secundum exigentiam sumptuum, & laboris sui.*

Ex prædictis confurgit optima præsentis Articuli declaratio, ita ut possit intelligi qualiter animalia tradantur, & quomodo super ipsis contrahatur societas, quidque agendum sit. Item sternitur via non solum ad intelligendos casus societatis licitæ, vel illicitæ, quos posuit S. Bernardinus, sed etiam alios quoscumque, qui possunt contingere: Utrum

nempe liciti sint, vel illiciti. Quatuor primi casus, quos posuit S. Bernardinus, & licitos esse dixit, sunt huiusmodi.

PRIMUS CASUS. Habens viginti capita ovium init societatem cum alio habente totidem, & communicant ad invicem oves, periculum, emolumentum, & expensas: & ultra hoc quandoque paciscuntur simul, quod de earum fructibus capita morientia reparentur, vel alia emanantur ad augmentum gregis.

(24) Hunc casum exhibet S. Bernardinus Serm. 40. art. 1. cap. 1., & adjicit -- *In hoc vero casu, quia nulla intervenit ratio mutui, non potest esse usura; quamvis, si in huiusmodi pactis alterius conditio potior esset, vel deterior, tunc ibi vitium injusti prelii esse posset* -- Deterior fieret conditio unius præ alio, si oves uni soli concederentur, vel aliter unus præ alio gravaretur. Dubio procul custodia est pretio æstimabilis, & pro ea a consocio compensari deberet, ut servaretur æqualitas.

SECUNDUS CASUS. Petrus dat Joanni centum oves in foccidam cum pacto, quod Joannes ipse habeat medietatem de ovibus in principio, in medio, & in fine, dummodo Petrus retineat periculum casus fortuiti.

(25) Hic contractus innititur legi illi jam sæpenumero recitatæ Institut. De societate §. 2. -- *Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit: quia sæpe opera alicujus pro pecunia valet* -- Dum Author ait medietatem de ovibus &c., aut intelligit solos fructus, aut etiam ipsam sortem. Si solos fructus, plana res est juxta legem hic productam. Si vero etiam ipsam sortem, tunc hujus periculum debet esse commune, quemadmodum sancitur eodem tit. De societate §. 3. -- *Illud expeditum est, si in una causa pars fuerit expressa, veluti in solo lucro, vel in solo damno, in altera vero omissa: in eo quoque, quod prætermissum est, eandem partem servari.*

TERTIUS CASUS. Petrus dat Joanni in foccidam viginti oves, & Joannes ponit decem, & in fine æqualiter dividunt eas, quia opera & expensæ, quas facit Joannes, compensantur cum aliis decem positis a Petro supra Joannem.

(26) Quum in hoc casu finita societate capitale dividatur ex æquo, periculum ipsius debet pariter esse commune. Secus in aliqua parte fortis
alter

alter damnum, alter lucrum tantum sentiret contra id, quod sancitum legimus L. *Si non fuerint* in fine ff. *Pro socio*.

QUARTUS CASUS. Petrus dat Joanni centum oves in foccidam, pacificens secum satisfacere sibi de labore, & expensis, quas Joannes faciet pro prædictis ovibus custodiendis: hoc addito, quod Joannes solvet tertiam partem de prædictis ovibus, & stet ad tertiam partem lucri & damni.

(27) Duo ibi sunt contractus, unus locationis, & alter emptionis. Joannes locat operas suas in custodiendis ovibus, & mercedem accipit labori suo respondentem. En contractum locationis, in quo Joannes est locator, & Petrus conductor, seu redemptor. Idem Joannes emit tertiam partem ovium, harum lucrum ipse solus percipit, & ipse solus sustinet earundem periculum. En contractum emptionis. Licitus est uterque contractus, dummodo iusta merces in primo, & iustum sit pretium in secundo. Adde, si placet, & tertium contractum, nempe societatis: quia tertia pars empta a recipiente ab aliis duabus divisa non est.

Ex prædictis etiam infertur, quod illiciti sunt tres sequentes casus a S. Bernardino pariter exhibiti.

PRIMUS CASUS. Petrus dat Joanni viginti oves æstimas certo pretio, hoc pacto quod Joannes nullum fructum, nullamque utilitatem percipiat, donec ipse Petrus totum suum capitale extraxerit: vel quod de foetibus reparentur capita quolibet casu moritura.

(28) Nonnulli cum Bonacina De contractibus disput. 3. q. 6. punct. 5. num. 4. arbitrantur hunc contractum esse licitum: dummodo animalia ante recuperatam sortem stent periculo ipsius tradentis. Sed, præterquamquod hic contractus fuit expresse vetitus a Concilio Mediol. primo jam laudato -- *Nec fiat pactum, ut fors sit semper salva etiam ex primis satibus* --, jure meritoque scribit Tabiena ver. *Usura tertio num. 5. super hoc eodem casu* -- *Et quamvis si substaret omni periculo, posset licitari; tamen ut in plurimum vel erit illicitus, vel erit onerosus: quia videtur accipere totum suum capitale quasi securum: & posset esse, quod conduens amitteret omnes operas suas, & locans nihil perderet: puta si antequam acciperet totum, vel circa finem omnes perirent* --. Concinit Sylvester in Summa ver. *Societas secundo num. 9.* -- *Pactum iniquum est secundum Uldericum, & Joannem de Lignano. Et ratio, qui nimis gravatur accipiens* --. Hæc de prima parte contractus expositi. *Est iniquum, quia hoc est quasi tradere oves immortales* --. Hæc de secunda ejusdem parte:

Tene ergo cum iisdem, & cum Authore, & cum S. Bernardino ibidem cap. 2., quod huiusmodi contractus impius est, & quædam species societatis leoninæ.

Subdit S. Bernardinus -- *Si tamen post prædictam æstimationem pretii ovium, aut cum reparatione earum de fructibus, contractus societatis sic fieret, quod quantum levat ovium pastus, & custodia pastoralis, tanto melior fieret portio societatis in recipiente, & custodiente, ac pascente oves, tunc vero non esset ibi usura, nec peccatum injusti pretii* --. Et hoc tamen non vacat periculo. Nisi reducat ad contractum alexæ, in quem recipiens omnino libere, sciens & volens consentiat sub spe majoris lucri futuri: certe accipiens adhuc in hac moderatione gravaretur propter periculum amittendi expensas, & operas, si antea animalia perirent.

SECUNDUS CASUS. Petrus dat Joanni viginti oves æstimatas viginti florenis, cum pacto quod teneatur sibi redde medietatem pretii, scilicet decem florenos, quidquid contingat de ovibus: quod perinde est ac si, quia mutuo dedit Joanni decem, paciscatur de eodem, gravando in contractu mutui.

(29) Quum de mente S. Bernardini æstimatio in societate animalium præter prudentem quamdam cautionem nihil prorsus efficiat, sicuti superius dixi: sponte fuit hunc contractum per ipsum esse illicitum, quia socio minori, seu accipienti, onus imponitur per leges societatis eidem indebitum. Author quidem pro virili parte tueretur, æstimationem esse quasi venditionem, & per eam periculum capitalis reddi commune. Sed nihilominus quum per legem in hoc contractu oppositam socius major semper velit salvum didimidium capitalis, & socius minor in quocumque eventu hanc medietatem restituere teneatur, etiam si capitale absque ipsius culpa deterioris conditionis fiat: nec Author hunc contractum habere potest tanquam licitum. Non apponatur lex, de qua in casu. Tum damnum, tum lucrum, incrementum nempe & decrementum, tum periculum sortis commune sit; & contractus erit licitus. Non medietas reddenda, si supersit, ea est, quæ contractum inficit, sed conditio apposta, quod reddi ipsa debeat in quocumque eventu. Author hunc tradentem assimilat mutuatori: quia, sicuti vidimus in secundo casu primi modi societatis animalium, accedente æstimatione per ipsum perinde est, ac si socius major mutuum dedisset medietatem sortis, & socius minor aliam medietatem contulisset in societatem.

TERTIUS CASUS, qui non est societatis, nec ad hanc materiam pertinet, talis est. Emit quis a pauperibus oves, quas

quas scit eos non habere, & dat eisdem in foccidam, aut locat pro certa annua pensione. Idem casus est, si emat boves, vel quodcumque aliud animal. Hic certe usurarius est Cap. *Consuluit*, & Cap. *In Civitate Extra De usuris*, & tenetur ad restituendum quidquid pro dictis ovibus, seu animalibus recepit ultra suam sortem, cum mercedem accipiat sine causa ff. *De conditione sine causa* per totum.

Sed, si credebatur eos habere oves, & sine fraude has emit, usura non est, nec peccatum quamdiu durat bona fides. Hac tamen cessante tenetur ad restitutionem percepti, ad quod interesse suum non se extendebat, tenetur scilicet de eo, in quo factus est ditior quamdiu fuit bona fides L. *Utrum* ff. *De hereditatis petitione*.

(30) Emens animalia, quæ non extant, aut non extare putat, ut fructus societatis percipiat, aut mercedem locationis exigat, operatur is in fraudem usurarum, & animum foeneratitium eonquilito pallio societatis occultat. Dolose igitur agit, usurarius est, & omnibus poenis contra usurarios latis fit obnoxius.

Dum autem arbitratur venditorem habere animalia, quæ reipsa non habet, fallitur quidem sic putans, quod enique sancto viro potest contingere; sed non peccat eum hoc errore, cum hac bona fide societatem contrahens, vel pensionem accipiens: dummodo, ut monet S. Bernardinus ibidem, & post eum Sylvester Prieras, capitale stet periculo tradentis.

Accipe nunc legem hic ab Authore memoratam -- *Utrum autem omne pretium restituere debeat bonæ fidei possessor; an vero ita demum, si factus sit locupletior, videndum. Finge pretium acceptum vel perdidisse, vel consumpsisse, vel donasse; & verbum quidem pervenisse ambiguum est: solum ne hoc contineret, quod prima ratione fuerit, an vero & id, quod durat. Et puto, sequentem clausulam Senatusconsulti, etsi hæc sit ambigua, ut ita demum computet: si factus sit locupletior -- Idem sancitur lege Item veniunt §. 6. ff. De hereditatis petitione -- Eos autem, qui iustas causas habuissent, quare bona ad se pertinere existimassent, usque eo duntaxat, quo locupletiores ex ea re facti essent. Apposite ideo Glossa super hac lege -- Hæc est optima regula, qua nulla verior in iure, ut bonæ fidei possessor in id tantum, quod ad se pervenerit, teneatur -- Id intellige de illis, quæ nondum fuere præscripta: quoniam, etsi possessor malæ fidei nullo tempore possit præscribere, & sibi adquirere aut rem possessam, aut fructus, sicuti docemur Cap. *Vigilanti Extra De præscriptionibus* -- *Vigilanti studio**

ca-

navendum est, ne mala fidei possessores simus in prædiis alienis: quoniam nulla antiqua dierum possessio juvat aliquem mala fidei possessorem -- & Regula secunda juris in Sexto -- Possessor mala fidei ullo tempore non præscribit --: Præscribit tamen possessor bonæ fidei, textu egregio Institat. De usucapionibus sub initio -- Jure civili constitutum fuerat, ut qui bona fide ab eo, qui dominus non erat, cum crederet cum dominum esse, rem emerit, vel ex donatione, aliave quavis iusta causa acceperit, is eam rem, si mobilis erat, anno ubique uno, si immobilis, biennio tantum in Italico solo usucaperet, ne rerum dominia in incerto essent. Et quum hoc placitum erat, putantibus antiquioribus dominis sufficere ad inquirendas res suas præfata tempora: nobis melior sententia resedit, ne domini maturius suis rebus defraudentur, neque certo loco beneficium hoc concludatur. Et ideo Constitutionem super hoc promulgavimus, qua cautum est, ut res quidem mobiles per triennium, immobiles vero per longi temporis possessionem [idest inter presentes decennio, inter absentes viginti annis] usucapiantur: & his modis non solum in Italia, sed etiam in omni terra, quæ nostro imperio gubernatur, dominia rerum, iusta causa possessionis præcedente, adquirantur --. Id ipsum probatur Jure Canonico Extra toto titulo De præscriptionibus, in cujus postremo capite sic lego -- Quoniam omne, quod non est ex fide, peccatum est: synodali iudicio diffinimus, ut nulla valeat absque bona fide præscriptio tam Canonica, quam Civilis.

Pergit Sanctus Bernardinus, & alium proponit casum, qui talis est. Est unus, qui dat centum oves cuidam Monasterio, cum pacto quod annuatim recipiat duos solidos ab eodem Monasterio, quamvis longe plus valeant fructus earum: & addit, quod si oves moriantur, ipse vult prædictum fructum; si autem multiplicentur, omnes sint Monasterii.

Secundum Hostiensem talis casus licitus est, nec dans tenetur ad restitutionem, etiam si oves mortuæ sint, nisi prius infectæ fuissent, & jam ad mortem paratæ, & hoc ignoraverit Monasterium L. Verum §. Si locupleri ff. De minoribus. Consulit tamen Hostiensis tradenti, quod in casu, quo morerentur antequam Monasterium aliquam haberet utilitatem, nihil recipiat: quia nullus debet locupletari cum alterius jactura Extra De regulis juris Cap. Locupletari Lib. 6.. Careat etiam talis, quod, nisi in hoc con-

contractu Monasterium consentiat, non tenebitur de prædictis ovibus datis Abbati, vel Cellario, vel hujusmodi, cum prædicto pacto, vel consimili. Cap. 1. Extra *De deposito*. Hæc secundum Hostiensem.

(31) In casu proposito adde cum S. Bernardino ibidem cap. 3. -- *Insuper, quod post mortem tradentis, etiamsi centuplarentur, ad ipsum Monasterium veniant* --; non enim sermo instituitur de pensione in perpetuum solvenda, sed duntaxat in vita tradentis.

Hic contractus est ille census vitalitius, quem Theologi vocant reservativum, de quo dixi annotatione 38., ubi de tertio Articulo secundæ Considerationis: & fit, cum quis alteri rem suam tradit; prædictam puta, domum, aut aliam rem, conferens eidem dominium tam directum, quam utile, reservata sibi pensione determinata quotannis solvenda ab accipiente. Census vitalitium licite posse constitui, nemo est, qui ire possit inficias, quum nec jure Civili; nec jure Ecclesiastico sit vetitus. Aliqui hic contractus videri forte poterit illicitus, quia pereuntibus ovibus Monasterium adhuc teneretur pensionemolvere præstitutam, secus ac sancitum fuit a Pio V. in sua Constitutione *Cum onus* anno edita 1586. per hæc verba -- *Postremo census omnes in futurum creandos non solum re in totum, vel pro parte perempta, aut infructuosus in totum, vel pro parte effectus, volumus ad ratam perire* --. Sed attente is perlegat eandem Constitutionem, & deprehendet Summum Pontificem non de reservativo, sed de solo censu consignativo fuisse locutum, in eoposito, ut quis retento sibi dominio propriæ rei tam directo, quam utili, alteri vendat jus percipiendi pensionem annuam super eadem.

Durum fortassis alteri videbitur onus Monasterio impositum solvendi pensionem etiam pereunte capitali, & quidem per totam vitam tradentis; cum oves perire possint eo ipso primo mense vel anno, quo traduntur. Sed animadvertat is, si placet, quod etiam eodem primo mense, vel anno perire potest tradens; & Monasterium tunc haberet integrum capitale nulla pensione soluta. Contractus alex hic est, & æqua est conditio sive tradentis, sive accipientis. Consultit igitur Hostiensis, non præcipit, quod tradens nihil recipiat, si oves pereant, antequam Monasterium aliquid percipiat utilitatis. Consultit, inquam: quoniam, si pensionem conventam in eo casu adhuc vellet, aut exigeret, non auderem ipsum improbare. Jura omnia clamant in eo casu ipsi adhuc esse debitam ex pacto inter contrahentes inito -- *Contractus ex conventionem legem accipere dignoscuntur* -- Regula 85. juris in Sexto: nam Regula *Locupletari* ab Hostiensi producta unice vim habet, dum quis locupletatur cum alterius injuria, vel iactura. In casu porro nulla fieret injuria accipienti, & quia ita fuit inter contrahentes libere conventum, & quia sicuti per interitum ovium ja-

cturam

Auram sentit Monasterium, ita sentire poterat lucrum, & quidem maximum, si paullo post initum contractum tradens obisset. Contractus alex fuit, & statim atque contrahentes libere convenerunt, unusquisque tenetur stare contractui, etsi morte intercedente cedat in favorem unius præ altero.

Magni certe momenti est, quod oves bene valerent, dum fuere traditæ: quoniam, si jam fuissent infectæ, & ad mortem quali paratæ, & id cognovisset tradens, dolose is egisset, & nullam pensionem Monasterium deberet eidem persolvere; immo tradens teneretur ad compensandas omnes expensas -- *Cum fraus, & dolus nemini debeat patrocinium impertiri* -- Cap. *Tua Extra De Clericis non residentibus*, & L. *Si legatarius C. De legatis: ut non accipiat fructum sue calliditatis*.

Magni etiam fieri debet, quod accedat consensus Monasterii. Quum enim hic non agatur de regimine Monasterii, quod spectat ad Abbatem: neque de negotiis communibus ejusdem gerendis, quod est munus Cellarii Cap. *Multa sunt Extra Ne Clerici vel Monachi -- Et in Regula B. Benedicti præcipitur provideri, per quorum manus negotia Monasterii procurentur* --: Sed de novo diuturno onere agatur Monasterio imponendo, quod cedere potest vel in damnum, vel in utilitatem totius Monasterii: omnes Monachi sunt audiendi, vel saltem eorum Patrum Discretorum, qui Monasterium juridice repræsentant, mens & voluntas exploranda est. Id paritate rationis infert Author ex Cap. 1. *De deposito*: quia sicuti pecunia Ecclesiæ commendata, in Ecclesiæ utilitatem conversa, omnibus interest ejusdem Ecclesiæ Canonicis, ut ibidem ponitur: ita novum onus in Monasterii damnum vel utilitatem cedens, ad omnes Fratres professos in Monasterio degentes debet referri. Id perspicue eruitur ex Cap. 3. *Extra De donationibus*, in quo sancitum legimus -- *Ceterum si Abbatem donationem cum Priore, & quibusdam de Conventu, vel solum Abbatem facere contigerit, & postea Conventus pars reclamaverit: data rei quantitas, & illius Terra consuetudo [qua tamen Sacris Canonibus non obviat] est diligentius attendenda: & secundum hoc est donum ratum vel irritum judicandum*.

Quid tenendum sit de duobus aliis quæstis a S. Bernardino positis in eodem capite, ex supradictis patet.

Primum est hujusmodi. Petrus dat in soccidam Joanni viginti oves tali pacto, quod Joannes suis sumptibus & oves, & earum foetus cum diligentia pascere, & servare teneatur; fructuum vero, & foetuum medietas sit Joannis, & alia Petri: oves autem ipsæ, vel aliæ, quæ occasione

sione temporis extabunt, sint ipsius Petri in fine triennii. Quod si ipsæ oves, vel aliquæ earum, aut ipsarum foetus, vel fructus culpa, aut dolo ipsius Joannis, vel ejus nuntii perierint, damnum ad ipsum Joannem spectet. Si autem casu fortuito, vel divino judicio, ad ipsum Petrum pertineat. Quæritur nunc: Utrum liceat?

Respondeo, quod sic, & patet hoc ex dictis in quarto casu primi modi societatis.

(32) Hæc est illa societas, qua nulla planior, nulla simplicior, nulla magis catholica, nulla melior, & in totum respondens Sixtinæ Constitutioni. Tantum igitur abest, ut in ullo vel minimo possit improbari, quin potius miris laudibus excipienda est. Jure quapropter Altfelanus lib. 3. tit. 12. De quinto, postquam hunc casum lucide exposuit, quæsito facto, an sit contractus licitus, brevibus respondit — *Credo, quod sic, quia satis videtur æque bona utriusque conditio.*

Secundum est. Dat quis oves in foccidam ad quinquennium, & de consuetudine est, quod in fine quinquennii dividantur oves, & ipsarum fructus. Oves interim perierunt: numquid rusticus ad aliquid est tradenti obligatus?

Huic quæstioni, quia ex prædictis satis clare non patet, respondeo secundum Baldum in L. 1. C. *Pro socio*, quod oves possunt perire tripliciter. Primo ex natura: & in hoc casu, quia etiam perituræ fuissent penes tradentem, non tenetur aliquid restituere. Quod hic subdit S. Bernardinus, etiam si fuissent æstimatæ, non credo verum, sicuti dixi supra in secundo casu primi modi societatis. Secundo venit damnum ex fortuna nempe fortuito casu, cui obviari non potest; & tunc damnum erit commune L. *Cum duobus* §. *Damna* ff. *Pro socio*. Ideo, si oves valebant viginti florenis, rusticus tenetur restituere decem. Tertio venit damnum ex culpa rustici; & tunc, si ante tempus societatis dividendæ perierunt oves, quia tum omnes erant tradentis L. *Si pascenda* C. *De pascuis*, & etiam dicto §. *Damna*, tenebitur rusticus de omnibus satisfacere tradenti.

Si

Si vero perierunt postquam debebant æqualiter parti, solum dimidiam partem restituat, quia alia jam erat sua.

(33) Paragraphus *Damna*, quem hic allegat Author, non est satis ad ostendendum, quod in casu, de quo agitur, si oves casu fortuito intereant, damnum debeat esse commune: quoniam in eo agitur de animalibus æstimatis, & cum æstimatione traditis, de quibus in præsentis sermo non est. Probari id forte potest, quod accipiens ex pacto inito de dividendis ovibus in fine quinquennii, habeat jus ad medietatem earum, & sit quasi ipsarum dominus: & præsertim si interitus ovium contingat quinto anno jam incepto, quum tunc jam eas pene ex integro acquisierit. Probari item potest ex Regula 45. juris in Sexto -- *Qui sentis onus, sentire debet commodum, & e contra* --; & iccirco si accipiens sentis commodum lucrando oves paullatim, easque dividendo in fine quinquennii, si vivant, sentire pariter debet incommodum, si pereant. Sed ex hoc sequitur, quod, si ante finem societatis, ante tempus pro divisione sanectum, oves pereant culpa accipientis, seu socii minoris, non teneatur hic compensare tradentem ex integro, seu huic solvere pretium omnium ovium, bene vero earum duntaxat, quas ex pacto inito accipiens nondum acquisierat. Ita sane arbitror, quia ex pacto inito accipiens quolibet anno aliquid acquirit, & dum ipse est in culpa, unice tenetur ad compensandum quod adhuc erat alienum, non vero quod jam factum erat suum. Apposite igitur Tabiena ver. *Usura tertio* super hoc eodem casu ab ipso proposito sub persona Petri tradentis, & Joannis accipientis, scribit num. 5. in fine -- *Si vero ob culpam Joannis, tunc teneatur ad totum, quod tunc habebat Petrus in illa societate* --. Nota hæc verba quod tunc habebat. Non enim in idem recidunt ac si scripsisset -- *Ad totum, quod Petrus tradidit in societatem* --. Hæc tamen dicta sint salvo meliori judicio.

Alios casus adjicit idem Sanctus de animalibus grossioris generis, quos etiam hic ponam, ut nullum prætermisisse videar, & omnis ipsius doctrina de contractibus habeatur.

PRIMUS CASUS. Petrus dat Joanni bovem & vitulum usque ad annum nutriendos, ut in fine anni vendantur, & Petrus ante omnia suum extrahat capitale, lucrum deinde dividatur. Dicit Sanctus, quod licitus est hic contractus, si duo concurrant. Primum, quod Petrus retineat periculum fortuitum capitalis. Secundum, quod, si minus ven-

venderentur. in fine anni, Joannes ipsi nihil satisfaciatur. Attendendum etiam est, quod dixi in duobus primis casibus primi modi societatis.

(34) Hunc eundem casum post Archidiaconum, & S. Bernardinum, proponit Sylvester Prieras ver. *Societas secundo* num. 7., & eodem modo respondet. Nihil in eo non æquum, & perfecte non respondens legibus pro honesta, & laudabili societate sancitis.

SECUNDUS CASUS. Petrus locat Joanni duos boves, volens quolibet mense duos sextarios frumenti. Talis contractus est licitus, si concurrant quæ dixi in secundo modo contrahendæ societatis.

(35) Placet adferre verba ipsa S. Bernardini Serm. 40. art. 2. cap. 1. in hujus casus expositione, ejusdemque solutione -- *Petrus locat Joanni duos boves, volens quolibet mense duas minas, seu duos sextarios frumenti, & retinet sibi prædictorum bovm periculum. Quid juris? Dicendum, quod talis locatio sit licita, dummodo tamen sit lucrum, quod respondeat utilitati, quæ potest haberi de bobus; alias illicita esset: nam si nulla de bobus utilitas adveniret, nihil dare deberet: aliter meteret ubi non seminavit, quod utique illicitum est, atque injustum.*

Placet etiam adferre quod adjicit Sylvester loco proxime indicato -- *Si autem de periculo mentio non fiat, & intendit capitale esse firmum, usura est. Si vero intendit subire periculum fortuitum, est licitus contractus, etiam si vellet accipientem substat periculo damni emergentis sua culpa, aut suorum. Si vero pactum dicit, quod accipiens stet periculo fortune, est illicitus, etiam si hoc fiat solum, ut accipiens sit diligentior, cum intentione tamen, quod in veritate non stet, secundum Verucc., quia scandalizativus.*

TERTIUS CASUS. Petrus locat Joanni duos boves æstimatos cum pacto, quod Joannes laboret ipsi duodecim bulbulcos terræ, & in fine anni boves vendantur, Petrus extrahat suum capitale, lucrum vero dividatur. Quid juris?

Licet iste Sanctus aliter sentiat, mihi videtur, quod hic non sit mere contractus locationis: quia periculum rei locatæ non pertinet totum ad locantem, sed sit commune; ut dixi in primo modo societatis casu secundo, & tertio; æstimati enim dati sunt. Contractus est ergo societatis. Sed quia arbitrio boni viri unus magis gravatur, quam
alius,

alius, per ea, quæ dicta sunt in citatis duobus casibus, talis contractus est censendus illicitus.

(36) *Æstimatio per S. Bernardinum præter prudentem quamdam cautionem nihil prorsus efficit. Nil ergo mirum, si de mente ipsius hic contractus reducitur ad locationem. Hoc semel posito, optimum est responsum S. Doctoris ibidem scribentis -- Dicendum, quod talis contractus licitus est, si ipse Petrus observat duo. Primo, quod retineat sibi periculum dictorum bovm. Secundo, quod promittat ipsi Joanni se satisfacere de labore, quem sustinebit in laborando terras; & hoc ad arbitrium boni viri: quæ satisfactio computetur in hoc, quod dat sibi medietatem lucri bovm. Sed si nullum luerum fieret de bobus, tunc Petrus recompensare tenetur pro expensis factis a Joanne, de ipsa scilicet bovm sorte. Uno predictorum duorum deficiente contractus illicitus est. Eodem modo respondit Sylvester nuper laudatus, S. Bernardini doctrinæ nihil detrahens, & nihil adiciens. Sed quoniam Author superius docuit æstimationem esse quasi venditionem, & per eam damnum sive periculum capitalis reddi commune; immo ego ipse hanc opinionem præ cæteris adamavi tanquam legibus magis consentaneam: jure Author hunc habet ceu contractum societatis, & insuper addit eundem esse illicitum. Illicitus certe: & quia socius minor gravatur tum onere certo pascendi boves, & custodiendi, tum onere pariter certo laborandi terram socii majoris sine ulla spe fructuum, & cum sola compensatione medietatis incrementi bovm, quod potest contingere, & non contingere, quodque etiam contingeret, non responderet oneribus certis eidem impositis. Et etiam quia contra leges æstimationis socius major retinet sibi dominium totius capitalis, cujus dimidium facta æstimatione transfertur in accipientem. Et insuper, quia in contractu non statuitur quid agendum, si capitale pereat; immo conditio apposita de capitali extrahendo, & rehabetendo, præbet fundamentum suspicandi, tradentem velle capitale salvum. Et tandem, quia in hoc contractu non servatur æqualitas. Socius enim major habet pro se, quod ut in pluribus cedit in utilitatem ipsius, & socius minor, quod ut in pluribus ipsi detrimento est.*

QUARTUS CASUS. Petrus locat Joanni duos boves ad laborandum ad quartam partem lucri & damni. Dicit S. Bernardinus, quod hic contractus est licitus: dummodo Petrus promittat Joanni se satisfacturum competenter pro labore, quem sustinet, si ibi non fuerit lucrum. Alioquin erit illicitus.

(37) Verba hæc posita in casu -- *ad quartam partem lucri & damni* --, vel respiciunt tradentem, ut scilicet sit eum velle subire duntaxat quartam

tam partem damni, si capitale pereat, & quartam pariter lueri partem duntaxat exigere ex iis, quæ boves laborando adquirent: Vel ad accipientem referuntur, ut is subeat solum quartam partem damni, si boves pereant, & pariter unice habeat quartam partem eorum, quæ labore boum adquirentur: reliquum vero tum damni tum lueri pertineat ad dominum animalium, seu ad dantem. Si respiciunt tradentem, quemadmodum respicere scribit Sylvester Prieras loco jam semel iterumque indicato, qui insuper ponit boves esse nutriendos expensis accipientis: dico cum eodem contractum hunc esse illicitum, nedum ob causam ab ipso adductam, videlicet quia tradens vult capitale pro majori parte saluum; sed etiam ob duplices alias rationes. Primo, quia in hoc contractu turpis habetur inæqualitas; conductor enim seu socius minor, etsi perecipiat tres partes lueri, subit tamen insimul periculum tantundem damni, & insuper gravatur expensis animalium, custodia eorumdem, & labore propriæ personæ, dum locator, seu socius major sine labore & expensis quasi certus est de luero, & in casu damni vix minimam sentit ipsius partem. Secundo, quia hic contractus, si intime inspiciatur, reducitur ad mutuum interpretatum; de industria enim socius major retinet sibi periculum quartæ partis damni, ut pereipiat lucrum quasi certum sine ullis expensis, & eum capitali pro majori parte salvo. Hoc ergo minimum periculum, quod sibi retinet, non est lex proveniens ex animo ineundi honestam societatem, sed velamentum animi sceneratitii, & pallium usuræ. Si postmodum verba illa referantur ad accipientem, quemadmodum ea retulere S. Bernardinus, & Author, dico eum iisdem contractum duntaxat esse licitum, cum Petrus promittit Joanni mercedem labori personæ respondentem, posito quod lucrum perceptum ex labore boum non superaret operas, & expensas, quæ omnes jure contractus fieri debent a Joanne accipiente. Ratio est evidens quia sine hoc promisso longe melior est conditio Petri quam Joannis, qui ultra periculum solvendi quartam partem damni, si animalia casu fortuito perirent, exponitur evidenti periculo perdendi operas proprias, laborem propriæ personæ, si lucrum, quod pereipitur ex labore boum, non esset majus solito.

QUINTUS CASUS. Petrus locat Joanni duos boves pro certis sextariis frumenti cum pacto, quod si meliorentur, conductor habeat medietatem commodi, & si moriantur, vel deteriores fiant, medietatem periculi. Talis casus est usurarius quia potior est conditio tradentis, quam suscipientis; nunquam enim tantam utilitatem habere potest conductor de melioratione boum, quantum damnum susti-

nere potest de morte ipsorum. Usura ergo est Cap. *In Civitate*, & Cap. *Consuluit Extra De usuris*.

Si vero Petrus taliter locans tantum pretium pro locatione solum acciperet, quantum daretur pro uno solo bove, tunc liceret, dicit iste Sanctus: quia ibi esset contractus duplex, emptionis scilicet unius bovis, pro quo nihil accipit, & conductionis alterius, pro quo solvitur. Et ego dico, quod ibi esset contractus triplex, scilicet etiam societatis: quia in fine anni dividitur melioramentum. Iterum igitur dico, quod est illicitus: quia magis gravatur Joannes, quam Petrus in expensis boum, & labore custodiæ, cum tamen tantum ponat de capitali sicuti Petrus, ut patet ex dictis in primo modo societatis, & etiam in secundo: nisi forte ita constituta sit pensio unius bovis, quod ipse Joannes merito debeat ipsum alere.

(38) Hic est ille contractus vulgo collaticus, de quo jam dixi annotationibus 10. 13. & 16. proxime præteritis. Quum Author in primo casu primi modi societatis ultra medium mordicus tenuerit, in societatibus animalium contrahentes non posse pacisci de reddendo communi periculo fortis: tum ut sibi cohæreret, improbare debuit præsentem contractum, eumque habere tanquam usuræ labe pollutum, tum etiam propter rationem ibi ab eodem productam. Sed quum ego vestigia sequens Benedicti XIV., Episcoporum Amerinorum, & Sacræ Congregationis Concilii contractum collaticum dixerim usuræ flagitio vacare; arbitrari pariter debeo casum hic propositum, qui ipse est contractus collaticus, non esse illicitum: dummodo servantur conditiones ab Episcopo Amerino De Lazaris præstitutz. Ea lector relege annotatione 13. proxime præcedenti.

Gratulor interim, quod tum S. Bernardinus, tum Author in assignanda pensione solvenda socio majori proxime accesserint ultimæ conditioni, ab Episcopis Amerinis constitutz, & adprobata.

Magni postmodum facio quod hic ait Author post S. Bernardinum, videlicet -- *Nunquam enim tantam utilitatem habere potest conductor de melioratione boum, quantum damnum sustinere potest de morte ipsorum* --. Ad turpem hanc inæqualitatem declinandam subdit S. Bernardinus eodem Serm. 40. Art. 2. cap. 2. -- *Nisi sextaria, que pro conductione dimidii bovis darentur, sufficienter æquivalerent conductioni quartæ partis, idest dimidii bovis: puta si bos ad arandum pro anno sufficienter pro quatuor sextariis conducatur, quod dentur duo sextaria pro dimidio bovis* --. Et ego ad hanc

hanc eandem inæqualitatem tollendam, innixus L. *Manifestissimi* §. *Sed cum in secundam C. De furtis, & servo corrupto*, & *Institut. De societate* §. *Illud*, dixi annotatione 13., quod, dum periculum fit commune per æstimationem, vel per pactum, communis pariter reddi debeat fors ipsa: quia incremento bonum respondet eorum decrementum, & e contra, nec alia via periculum, quod imponitur accipienti, compensari potest: & sine sorte facta communi semper accipiens remanebit gravatus, & turpis in contractu erit inæqualitas. Dura, probe scio, dura tradentibus, seu fociis majoribus videbitur hujusmodi doctrina. Sed æque dura, & forte durior iisdem videri debebit sententia Pontas, Gennetti, Collecti, aliorumque, de qua dixi eadem annotatione 13.; quod nempe, dum fit æstimatio, accipiens fit dominus totius sortis, & tradens unice potest recipere pretium æstimatum, nec ullo modo ipsi licet quicquam de fructibus percipere. Sed doctrina illa est, nico saltem iudicio, necessaria, & ad tollendam inæqualitatem, & ad coercendos socios majores, qui ducti cupidine lucri certi nullum immotum relinquunt lapidem, ut socios minores, accipientes scilicet, plerumque inopes gravent quam maxime possunt.

SEXTUS CASUS. Petrus dat Joanni duos boves æstimatorum cum hoc pacto, quod cum eis laboret usque ad annum, & eos fideliter nutriet suis expensis: atque in fine anni Petrus habeat prædictam æstimationem cum quarta parte lucri, si inde lucratus fuerit, vel tantum minus ipsa æstimatione, quantum ascendit quarta pars damni, si damnum inde supervenerit: Joannes vero habeat tres partes lucri, & damni. Talis contractus est illicitus, ut patet ex secundo casu primi modi societatis.

(39) Hic casus in idem quasi recidit cum quarto fere nunc exposito, dempta sola æstimatione, quæ in hoc exprimitur, in illo autem non dicitur appositæ. Pene idem igitur applicari potest responsum. Sed melius

Quum æstimatio per S. Bernardinum nihil efficiat, & apponatur solius cautionis ergo, hic contractus per ipsum erit licitus, si tradens boves retineat periculum totius capitalis, & damnum, quod imponitur accipienti, solum afficiat decrementum animalium, si id contingat. Si vero damni nomine nedum veniat decrementum sortis, sed etiam fors ipsa, tunc contractus habendus erit tanquam illicitus, & quia tradens vult capitale pro majori parte salvum, & quia plus æquo gravat accipientem. In sententia postmodum Authoris, qui tuctur æstimationem esse quasi venditionem, & per æstimationem socium minorem tantum ponere in societatem, quan-

tum ponit socius major, quidquid damni nomine intelligatur, hic contractus semper erit illicitus: quia imponere accipienti tres partes damni est contra naturam æstimationis.

SEPTIMUS CASUS. Petrus dat Joanni unam vaccam æstimatam cum pacto, quod de primis fructibus vult extrahere suum capitale, & quod postea fructus dividantur ad invicem. Si autem vacca interim moriatur sine culpa Joannis, aut ejus nuncii, totum damnum sit Petri, & ad ipsum solum pertineat. Talis contractus est illicitus, ut patet in secundo casu primi modi societatis.

(40) Super hoc casu scribit Sanctus Bernardinus loco nuper laudato -- *Dicendum, quod talis contractus licitus esse videtur secundum quosdam: nam, licet Petrus prius sortem suam recipiat, tamen inconueniens non videtur, quum in se suscipiat periculum fortuiti casus, & divini iudicii: sed verior sententia est, quæ tenet, quod talis contractus illicitus est: nam evidenter apparet, quod potior est conditio locatoris, quam conductoris: quia poterit evenire, quod, postquam Petrus suam sortem receperit, vacca cum omni sætu & fructu peribit, & sic de omnibus expensis, & laboribus habitis circa vaccam ipse Joannes nihil habebit, quod injustum esse videtur. Ideo verius dicendum est, quod talis contractus illicitus est --.* Idem omnino respondet Sylvester Prieras loco proxime citato. Et hic contractus est contra naturam æstimationis ab Authore expositæ, & declaratæ in secundo casu primi modi societatis; & ideo brevibus ipse respondet eundem esse illicitum. Memento Concilii Mediolan. primi jam pluries laudati, in quo sancitum fuit -- *Nec fiat pactum, ut fors sit semper salva etiam ex primis sætibz* --. Verum utique est, quod Concilium ibidem fuit locutum de animalibus inæstimatis, quæ nempe sine prævia æstimatione traduntur. Sed paritate rationis idem omnino inferitur, dum animalia traduntur æstimata; nihil enim interest, quod animalia æstimata sint, vel inæstimata, cum tradens pacificetur de rehabendo integro capitali ex primis fructibus. Pactum hoc in seipso inspectum impium est, & iniquum, & propter periculum, cui exponit accipientem amittendi operas, & expensas, si animalia perirent: & quia dum tradens recipit fructus loco capitalis, hic unice percipit lucrum, alter vero unice patitur damnum contra leges societatis. Sive igitur hujusmodi pactum adjiciatur animalibus inæstimatis, sive iisdem æstimatis apponatur, naturam non immutat; & ideo semper erit illicitum.

Hunc eundem casum post S. Antoninum part. 2. tit. 1. cap. 7. §. 41. proponit Natalis Alexander in sua Theologia Dogmatica & Morali lib. 3. cap.

cap. 7. art. 5. Regula 29., & cum memorato Sancto Archipræsule respondet inquit -- *Contractum hunc iniquum esse, & illicitum, quia multo potior est conditio locatoris, quam conductoris. Contingere enim potest, ut, postquam Petrus sortem suam receperit, vacca cum omni sætu fructuque pereat: Sicque Joannes damnum patiatur impensarum omnium, & laborum in vacca pascenda, & custodienda satiarum.*

OCTAVUS CASUS. Petrus locat Joanni duos boves æstimatos viginti florenis cum pacto, quod, ubi consuetum est dare quolibet anno duodecim sextaria frumenti, det sibi solum octo: ita tamen quod ipse conductor stet ad periculum tertiæ partis boum. Talis contractus secundum hunc Sanctum est licitus: dummodo Petrus satisfaciatur Joanni de labore suo. Sed per ea, quæ dicta sunt, mihi videtur, quod hoc relinquendum sit arbitrio boni viri, qui semoto partium studio consideret, quantum magis gravatur Joannes propter periculum tertiæ partis ipsi impositum respectu veri lucri, quod eidem debetur.

(41) Hunc contractum esse licitum scribit Sylvester ibidem, hanc rationem producens -- *quia, licet pars capitalis sit salva, tamen ipsa salva emptæ est quatuor sextariis; unde ibi est affectuatio* --. S. Bernardinus, ut audisti, qui hunc casum exhibet eodem Serm. 40. Art. 2. cap. 3., ipsum unice permittit -- *Si Petrus satisfacit Joanni de labore suo* --, putans sine hac conditione Joannem esse plus æquo gravatum ob periculum tertiæ partis boum eidem impositum, quod non satis compensatur per sextarios pauciores, quos in quocumque eventu tenetur persolvere. Author demum id relinquit arbitrio boni viri; quia, etsi in hoc casu non serventur ea omnia, quæ de mente ipsius per legem sancita sunt in animalibus æstimatis, casus tamen considerari potest, & expendi secundum pacta inter contrahentes inita. Et ipse igitur eundem casum relinquo arbitrio boni viri; quoniam pensari debent & qualitas animalium, & tempus pro locatione præstitutum, & pretium tunc commune expensarum, quæ omnia, quum eadem semper non sint, non idem pariter semper possulant judicium.

NONUS CASUS. Petrus locat Joanni duos boves pro certis sextariis frumenti, & non facit mentionem de periculo.

Respondeo, quod necesse est, ut periculum, quod sine culpa conducentis, aut ipsius nuncii evenire potest, sibi

retineat, sicuti patet in secundo modo societatis contrahendæ.

(42) Egregie Sanctus Bernardinus ibidem — *In hoc casu advertendum est, quod, si Petrus vult capitale habere firmum, tunc quidem usura est. Sed si intendit fortuitum periculum in se suscipere, tunc casus licitus est, sicut etiam eodem modo hoc licitum est agere in vectura equi. Si tunc insuper morientur boves per Joannis incuriam, eos satisfacere teneretur --.* Sed pone, quod Petrus locator moriatur ante expletam locationem. Constat tunc de contractu. Non constat de animo locatoris. Quid tum juris? Judicari tunc debet de contractu prout in se est secundum leges æquitatis. In se est contractus simplicis locationis, & ille ipse, quem Author exposuit declarans secundum modum societatis. In locatione dominium rei remanet penes dominum L. *Non solet ff. Locati.* In locatione periculum casus fortuiti pertinet ad locatorem, non ad conductorem L. *In judicio C. De locato.* In locatione demum conductor tenetur de dolo, & de culpa, L. *Si ut certo §. 2. ff. Commodati.* Secundum has leges igitur feratur judicium.

DECIMUS CASUS. Petrus dat Joanni duas vaccas hoc pacto, quod eas pascat, & cum eisdem terram colat: ita tamen quod de primis fructibus Petrus recipiat medietatem pretii ipsarum, qua recepta, & vaccæ, & istarum fructus posthac æqualiter dividantur; hoc etiam addito, quod annuatim Joannes det Petro unum sextarium frumenti pro eo quod cum ipsis vaccis terram colit. Si autem vaccæ moriantur, damnum sit commune.

Respondeo, quod secundum istum Sanctum hic contractus est licitus: quia una vacca locatur, & pro pastu ipsius conductor habet lucrum laboris dictæ vaccæ, quum ipse unam tantum ponat, & Petrus ponat alteram. Sed verius credo, quod non sit licitus, quia Joannes magis gravatur quam Petrus, si res bene consideretur; ipse enim ponit unam vaccam, sicuti Petrus, & ultra hoc laborem custodiæ, & expensas. Non ergo salvatur illa vera societas, quæ ibi est ultra contractum locationis.

(43) Fructuum nomine hic non intelligitur lucrum, quod vacca arando potest acquirere utrisque sociis: quum hoc ipsum lucrum in responso

ponso adjudicetur soli conductori pro pascu vaccæ. Veniunt ergo lac, & vituli; & ideo non videtur opportuna responsio, quam huic eadem casui dedit Sylveſter Prieras loco supra memorato scribens -- *Quia dans locat unam vaccam, quæ est sua, quæ arat, & fructificat pro fructu, & sextario frumenti: & loco pascus accipiens habet satum--*; sætus enim est ex illis fructibus, de quibus hic sermo, quos & Sylveſter ipse in expositione casus posuit debere fieri communes, postquam tradens receperit ex ipsis medietatem pretii capitalis. Pascui igitur vaccæ unice respondere potest lucrum, quod vacca præbere valet, terram colendo, seu arando. Hoc semel posito: an in contractu habeatur æqualitas, sicuti contendit S. Bernardinus, & post eum Sylveſter: vel deterior sit conditio accipientis, sicuti docet Author, præsertim quum vacca arare non possit, nec aliquid hac via lucrari sine proprio conductoris labore, qui & ipse est mercede dignus: judicent alii. Velle ex primis fructibus exigere, & recipere medietatem pretii capitalis, casum mihi reddit vehementissime suspectum: quoniam, si, hoc pretio percepit, vaccæ interirent, socius minor remaneret non modice gravatus; teneretur enim persolvere tradenti dimidium pretii capitalis, & pro labore proprio, pro pascu vaccarum, pro earundem custodia non haberet, nisi modicum illud lucrum, quod vaccæ, ipsi inserviendi in colendis prædiis, potuissent adferre. Hortaret ergo contractantes, ut ab hujusmodi contractibus se abtinerent, & vel simplicem inirent locationem, vel sinceram & planam societatem sine tot tantisque pactis a tradentibus excogitatis ad seipsos, quantum fieri potest, reddendos tutos in omni eventu, & ad pauperes rusticos accipientes gravandos, atque illaqueandos.

UNDECIMUS CASUS. Quod licet locanti certa animalia recipere certam annuam pensionem: dummodo conductor non gravetur, sicuti dictum est in secundo modo societatis. Item dicit ille Sanctus, quod tali locanti licet pactum facere, quod damnum & periculum sit commune; quo in casu sequendum est arbitrium boni viri; aliter non liceret ita pacisci. Item dicit, quod tali locanti non licet pactum facere, quod periculum sit solius conductoris: nisi de eo periculo, & damno, quod procederet culpa ipsius. Patet hoc in secundo modo societatis.

(44) Hæc pene omnia jam legibus confirmavi tum annotatione 24. super tertio Article secundæ Considerationis, tum annotatione 19. super hoc eodem Article. Recole igitur quæ illic dixi. Postremæ doctrinæ hic

traditæ ab Authore videbitur forte contrarium quod scripsi annotatione primo indicata, videlicet contrahentes in locatione posse convenire de periculo fortis, ipsum imponendo conductori, quemadmodum eo loci ostendi L. *Si quis domum* §. 2. ff. Locati, & L. *Item queritur* §. 5. eodem tit.: quodque probat Ferraris ver. *Locatio* num. 79., & 80. de equo conducto, extendendo periculum ad quoscumque casus fortuitos etiam insuetos, non autem ad mortem naturalem equi ex causis naturalibus obvenientem. Sed omnia hæc componi peroptime possunt adserendo memoratas leges loqui de pura putaque locatione, S. Bernardinum vero de locatione, quæ secum habet quandam speciem societatis adnexam, sicuti ut in pluribus sunt locationes eorum animalium, de quibus in præfati Articulo sermo est.

Sancto Bernardino concinit S. Antoninus -- *In aliis quidem contractibus* [inquit S. Archipræsul] *valeat pactum appositum præter naturam contractus, ut damnum spectet ad suscipientem, ut in commodato & similibus. At aliter se res habet in societate, quia talis non est vera societas, cum sit contra ejus naturam. Societas enim est quadam fraternitas, ut dicitur in ff. tit. PRO SOCIO L. VERUM. Unde sequitur, quod tale pactum non sit præter, sed contra naturam contractus: unde non valet --* Verba sunt memorati Sancti par. 2. tit. 1. cap. 7. §. 37., quæ adversus contractum trinum ex integro, & opportune produxit Natalis Alexander loco proxime laudato Regula 26.. Opportune quapropter Astesanus lib. 3. tit. 12. de quinto -- *Verum est tamen, quod conductor potest in se recipere periculum rei conductæ, quantum est de natura contractus. Tamen in casu proposito non est solum locatio, & conductio, sed etiam societas in bonum melioratione, & deterioratione.*

Cæterum dempto pacto, communi sententia docemur tum in puris locationibus, tum in locationibus cum societate commixtis omne periculum spectare ad locatorem, nisi damnum contingat culpa conductoris, ut in antecessum semel iterumque significavi.

DUODECIMUS CASUS a Sancto exhibitus est secundus modus societatis contrahendæ, quem ipse supra declaravi.

(45) En verba ipsa S. Bernardini ibidem art. 3. cap. unico -- *Secundus casus est talis. Habet quis viginti capita, & tradit illa pascenda, & custodienda sub certa mercede pecunie, vel participatione proventuum gregis, sic tamen, quod Dominus retinet sibi periculum capitis prædictorum. In tali quidem contractu non est usura, quia in eo nulla intervenit ratio mutui. Secus autem est, si Dominus sibi periculum non retineret, sed conductori imputaretur: quia tunc contractus esset illicitus --* Idem sentit D. Antoninus loco modo citato §. 39. inquiens -- *Et tunc, si Dominus ipsorum retinet sibi periculum animalium, est contractus locationis, & de se licitus. Sed si non retinet sibi periculum, sed imputat conductori, est illicitus; nisi forte illud damnum procederet mere ex negligentia custodia.*

Infiniti

Infiniti alii modi societatis possent adduci cum pacto expresso: quia, ut dictum est, plura sunt negotia quam vocabula *L. Natura ff. De præscriptis verbis*. Sed alios non adducam; tradita enim fuit sufficiens doctrina de huiusmodi in primo casu primi modi societatis, ubi de pactis inter socios. Et istos casus, quos præmisi, superfluos iudicarem, nisi mihi proposuissem nullum prætermittere ex illis, qui a Sancto Bernardino exhibentur. Nullam postmodum doctrinam ipse tradit de societate, quæ sit sine pacto. Et ideo recurrendum est ad ea quæ dicta sunt in illis sex modis large acceptis pro omni scilicet modo, quo animalia dantur in societatem, in quibus notitia peroptima invenitur.

Suscipe ergo, Lector, quod Deo dante ad finem perduxim. Nec mireris, si ordinem ipsius Sancti non sum imitatus: quia, ut præmisi, multa erant addenda, ut notitiam facerent clariorem, ac minuenda superflua, ne tædium facerent studiosis. Peragere melius alio ordine non prospexi.

Rogo ergo te, ut eo animo per ipsum percurras, quo tibi ampla caritate offertur. Vale, & ora pro me. (46)

E X P L I C I T

Opus Contractuum per Venerabilem Fratrem
Angelum de Clavasio ordinatum.

(46) Plura certe sunt negotia, quam vocabula -- *Natura enim rerum conditum est, ut plura sint negotia, quam vocabula L. Natura ff. De præscriptis verbis*: non quia tot tantique societatis modi necessarii sint ad commercium fovendum, ad pauperes sublevandos, ad communem Reipublicæ felicitatem; sed quia homines lucro inhiantes in dies singulos excogitant novos modos, quibus magis magisque, & certius lucrari possint. Multa excogitarunt circa societatem pecuniæ, & mercium; sed multo plura circa societatem animalium: & hæc pene omnia, ut tradentes minus subeant periculum capitalis, & accipientes graventur supra vi-

res, coacti portare onus indebitum, ipsisque impositum ab avaritia tradentium. Sancta, & honesta fraternitas societatis, cujus per leges prærogativa specialis est bona fides, & quæ exhibita modo plano, & simplici, præcipuum deberet esse refugium, & levamen eorum pauperum, qui propria industria, propriisque laboribus veillent sibi, silisque suis querere victum; jam redacta est ad lapidem offensionis, ad motivum, & causam majoris miseriæ, & pene extremæ ipsorum egestatis. Utinam de medio tollerentur quotquot avara cupido majoris lucri, & lucri pene certi, in mundum invexit societates præter illam planam, simplicem, & perfecte catholicam, de qua mox dicam. Non tanta miseria laborarent populi. Non tantum defudarent Theologi. Non adeo vexarentur Confessarii in extricandis pene innumeris tradentium inventis, altutis, & cavillis. Scio quidem non omnes hujusmodi modo societatis a Theologis improbari, complures immo ab iisdem declarari nec usuræ, nec injustitiæ labe pollutos, sicuti nuper ostensum est. Nihil tamen minus, ut aperiam quod sentio, in praxi pene omnes scatent periculis: quia pene omnes eo tendunt, ut potiozem faciant conditionem tradentis plerumque divitis, multæque facultatis, deteriorem vero constituent accipientem fere semper exigæ facultatis, & inopem.

Hæc est societas plana, simplex, perfecte catholica, quæ nec retroactis temporibus in suspensionem vocata est, nec posthac vocabitur unquam: levamen pauperum, utilitas divitum, & felicitas populorum. *Sed potius cuncti noverint* [Sixtus V. in sua Constitutione *Detestabilis* §. 2.] *Societates hujusmodi, eum in posterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide, sicut decet, justis, & æquis conditionibus, & pactis, secundum juris dispositionem, ac sine ulla prorsus fraude, palliatione, aut usurariæ pravitatis labe, aut suspitione incundas, seu contrahendas esse; ita ut non ad certam summam, aut quantitatem ab omni periculo, & damno, ut præfertur, immunitatem, lueri nomine persolvendam, neque ad capitale, si casu fortuito perierit, restituendum socius accipiens teneatur. Si vero finita societate ipsum capitale extat, ei, qui illud in societatem contulerit, restituatur..... Ac præterea iidem contrahentes fructus, expensas, & damna in commune conferant, & prout æquum, & justum fuerit, sibi communicent, atque dividant.*

Clarius tamen. Socius major ponat sortem, & socius minor industriam atque operam. Socius major retineat sibi totum dominium sortis, totum periculum ejusdem, ut ipsi soli crescat, si perit, ipsi soli superfit, si superest, ipsi soli crescat, ipsi soli decrescat. Socius autem minor fideliter, & attente labore, sortem diligens custodiat, nihilque intentatum relinquat, ut ea fructum afferat, & de dolo teneatur, teneatur de culpa tum lata, tum levi. Fructus & lucram arbitrio boni vari dividantur,

tur, habito respectu ad sortem unius, ad indultriam & operam alterius in societate pecuniæ, & mercium; in societate vero animalium considerando sortem traditam a socio majori, expensas autem, custodiam, & laborem, quæ omnia præstantur, & sunt a socio minori, seu accipiente. Quid quæso planius, quid simplicius? Quid quæso magis æquum, magis justum, magis indultriæ, & negotiationi catholicorum hominum consentaneum? Non gravatur tradens, quia remanet solus dominus rei suæ, & ex hac alterius adjutorio illud quærit lucrum, quod ipse vel propter decentiam sui status, vel propter propriam imperitiam ex re sua nunquam posset elicere. Non gravatur item accipiens, quia non tenetur nisi de dolo, & culpa, ipsique præbetur commodum quærendi sibi, suæque familiæ victum, propriam adhibendo indultriam, & laborem manuum suarum. Cæteri societatis modi ab hominibus inventi, ut ut ex his plurimi a Theologis, qui intime pervadere nequeunt animos, sineque tradentium, ab usura pluries salventur, & ab injustitia, sicuti reipsa in se inspecti sæpenumero nec usuræ, nec injustitiæ inculari possunt: iterum dico, in praxi non vacant periculis, quia multoties non sunt pure, sincere, & bona fide, sicut decet, & experientia teste plerumque, & fere semper cedunt in grave accipientium detrimentum.

Omnia tamen hæc huc usque posita, & declarata meliori judicio submitto. Judicio præsertim indubitato, irreformabili, & falli nescio Sanctæ Romanæ Ecclesiæ, ex animo amplectens egregiam illam Divi Bernardi sententiam Epistola 174. juxta Edition. Parisiens. an. 1572., quæ est ad Canonicos Lugdunenses -- *Quæ autem dixi absque præjudicio sane dicta sunt sanius sapientis. Romanæ præsertim Ecclesiæ auctoritati, atque examini totum hoc... reservo: ipsius, si quid aliter sapio, paratus judicio emendare.*



BENEDICTI XIV., PII V., & SIXTI V. CONSTITUTIONES.

Quum in hac Tractatione mentio sæpe numero fiat quarundam Constitutionum, quæ sunt, & esse debent veluti regula nonnullorum contractuum; arbitror, me rem gratam Lectori facturum, si eas de verbo ad verbum hîc exscribam, ut easdem præ oculis ipse habeat, quoties de iis contractibus ferendum erit iudicium.

ENCYCLICA

BENEDICTI XIV. ad Episcopos Italiæ
super Usuris.

BENEDICTUS PP. XIV.

Venerabilis Frater, salutem, & Apostolicam Benedictionem.

Vix pervenit ad aures nostras, ob novam controversiam (nempe, an quidam contractus validus judicari debeat) nonnullas per Italiam disseminari sententias, quæ sanæ doctrinæ haud consentaneæ viderentur; cum statim nostri Apostolici muneris partem esse duximus, opportunum asserre remedium, ne malum ejusmodi, temporis diuturnitate, ac silentio, vires magis acquireret; aditumque ipsi intercludere, ne latius serperet, & incolumes adhuc Italiæ Civitates labefactaret.

Quapropter eam rationem, consiliumque suscepimus, quo Sedes Apostolica semper uti consuevit: Quippe rem totam explicavimus nonnullis ex Venerabilibus Fratribus Nostris Sanctæ Romanæ Ecclesiæ Cardinalibus, qui Sacræ Theologiæ scientia, & Canonici Disciplina studio ac peritia plurimum commendantur: Accivimus etiam plures Regulares in utraque facultate præstantes, quorum aliquos ex Monachis, alios ex Ordine Mendicantium, alios demum ex Clericis Regularibus selegimus; Præsulem quo-

quoque Juris utriusque laurea præditum, & in Foro diu versatum adhibuimus. Diem quartam indiximus Julii, qui nuper præterit, ut coram Nobis illi omnes convenirent, quibus naturam totius negotii declaravimus; quod illis antea cognitum perspectumque deprehendimus.

Post hæc præcepimus, ut omni partium studio, omnique cupiditate soluti, rem totam accurate perpenderent, suasque opiniones scripto exararent: non tamen expetivimus ab ipsis, ut judicium ferrent de contractu, qui controversiæ causam initio præbuerat, cum plura documenta non suppeterent, quæ necessario ad id requirebantur; Sed ut certam de usuris doctrinam constituerent, cui non mediocriter detrimentum inferre videbantur ea, quæ nuper in vulgus spargi cœperunt. Jussa fecerunt universi; nam suas sententias palam declararunt in duabus Congregationibus, quarum prima coram Nobis habita est die 18. Julii, altera vero die prima Augusti, qui menses nuper elapsi sunt; ac demum eandem sententias Congregationis Secretario scriptas tradiderunt.

Porro hæc unanimi consensu probaverunt.

I. Peccati genus illud, quod usura vocatur, quodque in contractu mutui propriam suam sedem, & locum habet, in eo est repositum, quod quis ex ipsomet mutuo, quod suapte natura tantundem duntaxat reddi postulat, quantum receptum est, plus sibi reddi velit, quam est receptum; ideoque ultra sortem, lucrum aliquod, ipsius ratione mutui, sibi deberi contendat. Omne propterea hujusmodi lucrum, quod sortem superet, illicitum, & usurarium est.

II. Neque vero ad istam labem purgandam, ullum arcessiri subsidium poterit, vel ex eo, quod id lucrum non excedens & nimium, sed moderatum; non magnum, sed exiguum sit; vel ex eo, quod is, a quo id lucrum solius causâ mutui deposcitur, non pauper, sed dives existat; nec datam sibi mutuo summam relicturus otiosam, sed ad fortunas suas amplificandas, vel novis coemendis prædiis, vel quæstuosius agitandis negotiis, utilissime sit impensurus. Contra mutui siquidem legem, quæ necessario in dati atque redditi æqualitate versatur, agere ille convincitur, quisquis, eadem æqualitate semel posita, plus aliquid a quolibet, vi mutui ipsius, cui per æquale jam satis est factum, exigere adhuc non veretur: proindeque si acceperit, restituendo erit obnoxius ex ejus obligatione Justitiæ, quam commutativam appellant, & cujus est, in humanis contractibus æqualitatem cujusque propriam & sancte servare, & non servatam exacte reparare.

III. Per hæc autem nequaquam negatur, posse quandoque una cum mutui contractu quosdam alios, ut ajunt, titulos, eosdemque ipsimet universum naturæ mutui minime innatos & intrinsecos, sorte concurrere, ex quibus justa omnino legitimaque causâ confurgat quiddam amplius supra sortem ex mutuo debitam rite exigendi. Neque item negatur, pos-

posse multoties pecuniam ab unoquoque suam, per alios diversæ prorsus naturæ a mutui natura contractus, recte collocari & impendi, sive ad proventus sibi annuos conquirendos, sive etiam ad licitam mercaturam, & negotiationem exercendam honestaque indidem lucra percipienda.

IV. Quemadmodum vero in tot ejusmodi diversis contractuum generibus, si sua cujusque non servatur æqualitas, quidquid plus justo recipitur, sin minus ad usuram, (eo quod omne mutuum tam apertum, quam palliatum absit) at certe ad aliam veram injustitiam, restituendi onus pariter asserentem, spectare compertum est; Ita si rite omnia peragantur, & ad Justitiæ libram exigantur, dubitandum non est, quin multiplex in iisdem contractibus licitus modus & ratio suppetat humana cominercia & fructuosam ipsam negotiationem ad publicum commodum conservandi, ac frequentandi. Absit enim a Christianorum animis, ut per usuras, aut similes alienas injurias florere posse lucrosa commercia existiment; cum contra ex ipso Oraculo Divino discamus, quod *Justitia elevat gentem, miseros autem facit populos peccatum*.

V. Sed illud diligenter animadvertendum est, falso sibi quemquam, & nonnisi temere persuasurum, reperiri semper, ac præsto ubique esse, vel una cum mutuo titulos alios legitimos, vel secluso etiam mutuo, contractus alios justos, quorum vel titulorum, vel contractuum præsidio, quotiescumque pecunia, frumentum, aliudve id generis alteri cuicumque creditur, toties semper liceat auctarium moderatum, ultra sortem integram salvamque, recipere. Ita si quis senserit, non modo Divinis Documentis, & Catholicæ Ecclesiæ de Usura judicio, sed ipsi etiam humano communi sensui, ac naturali rationi procul dubio adversabitur. Neminem enim id saltem latere potest, quod multis in casibus tenetur homo, simplici ac nudo mutuo alteri succurrere, ipso præsertim Christo Domino edocente -- *Volenti mutuari a te, ne avertaris* --, & quod similiter multis in circumstantiis, præter unum mutuum, alteri nulli vero, justoque contractui locus esse possit. Quisquis igitur suæ conscientiæ consultum velit, inquiret prius diligenter, oportet, vere ne cum mutuo justus alius titulus; vere ne justus alter a mutuo contractus occurrat, quorum beneficio, quod quærit lucrum, omnis labis experts, & immune reddatur.

His verbis complectuntur, & explicant Sententias suas Cardinales, ac Theologi, & Viri Canonum peritissimi, quorum consilium in hoc gravissimo negotio postulavimus; Nos quoque privatum studium nostrum conferre in eandem causam non prætermisimus, antequam Congregationes haberentur, & quo tempore habebantur, & ipsis etiam peractis; Nam præstantium Virorum Suffragia, quæ modo commemoravimus, diligentissime percurramus. Cum hæc ita sint, adprobamus, & confirmamus quæcumque in sententiis superius expositis continentur; Cum Scrip-
ptores

ptores plane omnes, Theologiæ, & Canonum professores, plura sacrarum Literarum testimonia, Pontificum Decessorum nostrorum Decreta, Conciliorum, & Patrum auctoritas, ad easdem Sententias comprobandas penè conspirare videantur. Insuper apertissime cognovimus Auctores, quibus contrariæ Sententiæ referri debent; & eos pariter, qui illas fovent, ac tuentur, aut illis ansam, seu occasionem præbere videntur; Neque ignoramus, quanta Sapientia, & gravitate Defensionem veritatis susceperint Theologi finitimi illis Regionibus, ubi controversiæ ejusmodi principium habuerunt. Quare has literas Encyclicas dedimus universis Italiæ Archiepiscopis, Episcopis, & Ordinariis, ut hæc Tibi, Venerabilis Frater, & cæteris omnibus innotescerent; & quoties Synodos celebrare, ad Populum verba facere, eumque sacris doctrinis instruere contingerit, nihil omnino alienum proferatur ab iis Sententiis, quas superius recensuimus. Admonemus etiam vehementer, omnem sollicitudinem impendere, ne quis in vestris Diocæsisbus audeat Literis, aut Sermonibus contrarium docere: Si quis autem parere detrectaverit, illum obnoxium, & subiectum declaramus pœnis per sacros Canones in eos propositis, qui mandata Apostolica contempserint ac violaverint.

De contractu autem, qui novas has controversias excitavit, nihil in præsentia statuimus; Nihil etiam decernimus modo de aliis contractibus, pro quibus Theologi, & Canonum Interpretes in diversas abeunt Sententias; Attamen pietatis vestræ Studium, ac Religionem inflammandam existimamus, ut hæc, quæ subjicimus, executioni demandetis.

Primum gravissimis verbis Populis vestris ostendite, usuræ labem ac vitium a Divinis Literis vehementer improbari; Illud quidem varias formas atque species inducere, ut Fideles Christi sanguine restitutos in libertatem & gratiam, rursus in extremam ruinam præcipites impellat; Quocirca si pecuniam suam collocare velint, diligenter caveant, ne cupiditate omnium malorum fonte rapiantur, sed potius ab illis, qui doctrinæ ac virtutis gloria supra cæteros efferuntur, consilium exposcant.

Secundo loco, qui viribus suis, ac sapientiæ ita confidunt, ut responsum ferre de iis quæstionibus non dubitent, (quæ tamen haud exiguum sacræ Theologiæ, & Canonum scientiam requirunt) ab extremis, quæ semper vitiosa sunt, longe se absterneant: Etenim aliqui tanta severitate de iis rebus judicant, ut quamlibet utilitatem ex pecunia desumptam accusent, tamquam illicitam, & cum usura conjunctam; Contra vero nonnulli indulgentes adeo, remissique sunt, ut quodcumque emolumentum ab usuræ turpitudine liberum existiment. Suis privatis opinionibus ne nimis adhæreant; sed priusquam responsum reddant, plures Scriptores examinent, qui magis inter cæteros prædicantur; Deinde eas partes suscipiant, quas tum ratione, tum auctoritate plane confirmatas intelligent. Quod si disputatio insurgat, dum contractus aliquis in examen adducitur, nullæ omni-

omnino contumeliæ in eos confingantur, qui contrariam Sententiam sequuntur, neque illam gravibus Censuris notandam asserant, si præsertim ratione, & præstantium Virorum testimoniis minime careat; Siquidem convicia, atque injuriæ vinculum Christianæ charitatis infringunt, & gravissimam Populo offensionem, & scandalum præferunt.

Tertio loco, qui ab omni usuræ labe se immunes, & integros præstare volunt, suamque pecuniam ita alteri dare, ut fructum legitimum solummodo percipiant, admonendi sunt, ut contractum instituendum antea declarent, & conditiones inferendas explicant, & quem fructum ex eadem pecunia possulent: Hæc magnopere conferunt non modo ad animi sollicitudinem & scrupulos evitandos, sed ad ipsum contractum in foro externo comprobandum. Hæc etiam aditum intercludunt disputationibus, quæ non semel concitandæ sunt, ut clare pateat, utrum pecunia, quæ rite data alteri esse videtur, revera tamen palliatam usuram contineat.

Quarto loco vos hortamur, ne aditum relinquatis ineptis illorum Sermonibus, qui dictitant, de usuris hoc tempore quæstionem institui, quæ solo nomine contineatur, cum ex pecunia, quæ qualibet ratione alteri conceditur, fructus ut plurimum comparetur. Etenim quam falsum id sit, & a veritate alienum, plane deprehendimus, si perpendamus, naturam unius contractus ab alterius natura prorsus diversam & sejunctam esse; Et ea pariter discrepare magno opere inter se, quæ a diversis inter se contractibus consequuntur. Revera discrimen apertissimum intercedit fructum inter, qui jure licito ex pecunia defumitur, ideoque potest in utroque Foro retineri; Ac fructum, qui ex pecunia illicitè conciliatur, ideoque Fori utriusque judicio restituendus decernitur. Constat igitur haud inanem de usuris quæstionem hoc tempore proponi ob eam causam, quod ut plurimum ex pecunia, quæ alteri tribuitur, fructus aliquis excipitur.

Hæc potissimum vobis indicanda censuimus, sperantes fore, ut mandetis executioni quæcumque per has literas a Nobis præscribuntur; Opportunis quoque remediis consulitis, uti confidimus, si forte ob hanc novam de usuris controversiam in Diocesi vestra turbæ concitentur, vel corruptelæ ad labefactandum sanæ doctrinæ candorem & puritatem inducantur: Postremo vobis & Gregi curæ vestræ concedito Apostolicam benedictionem impertimur. Datum Romæ apud Sanctam Mariam Majorem die prima Novembris MDCCXLV. Pontificatus Nostri anno sexto.

CONSTITUTIO PII PP. V.³¹⁹

SUPER CENSIBUS.

PIUS EPISCOPUS.

SERVUS SERVORUM DEI.

Ad perpetuam rei memoriam.

CUM onus Apostolicæ Servitutis obeuntes cognoverimus innumeros celebratos fuisse, & in dies celebrari Censuum Contractus, qui nedum non continentur intra limites a nostris Antecessoribus eisdem Contractibus statutos, verum etiam, quod deterius est, contrariis omnino pactionibus, propterea ardentem avaritiæ stimulum, Legum etiam Divinarum manifestum contemptum præferunt, non potuimus, animarum, prout tenemur, saluti consulentes, ac piarum mentium petitionibus etiam satisfaciennes, tam gravi morbo lethiferoque veneno salutari antidoto non mederi.

§. 1. Hac igitur nostra Constitutione statuimus, Censum, seu annum redditum creari, constituere nullo modo posse, nisi in re immobili, aut quæ pro immobili habeatur de sui natura frugifera, quæ nominatim certis finibus designata sit.

§. 2. Rursum nisi vere in pecunia numerata, præsentibus testibus, ac Notario, & in actu celebrationis Instrumenti, non autem prius recepto integro iusto pretio.

§. 3. Solutiones quas vulgo anticipatas appellant, fieri, aut in pactum deduci prohibemus.

§. 4. Conventiones directæ, vel indirecte obligantes ad casus fortuitos eum, qui alias ex natura contractus non tenetur, nullo modo valere volumus.

§. 5. Quemadmodum nec pactum auferens, aut restringens facultatem alienandi rem Censui suppositam, quia volumus rem ipsam semper, & libere, ac sine solutione laudemii, seu quinquagesimæ, aut alterius quantitatæ vel rei, tam inter vivos, quam in ultima voluntate alienari.

§. 6. Ubi autem vendenda sit, volumus Dominum Censui aliis omnibus præferri, eique denuntiari conditiones, quibus vendenda sit, & per mensem expectari.

§. 7. Pacta continentia morosum Censui debitorem teneri ad interesse lucri cessantis, vel ad Cambium, seu certas expensas, aut certa salaria, seu expensas medio juramento Creditoris liquidandas, aut rem Censui subjectam, sive aliquam ejus partem amittere, aut aliud Jus ex eodem contractu, sive aliunde acquisitum perdere, aut in aliquam poenam cadere, ex toto irrita sint, & nulla.

X

§. 8.

§. 8. Immo, & Censum augeri, & novum creari super eadem, vel alia re in favorem ejusdem, aut personæ per eum suppositæ pro Censibus temporis, vel præteriti, vel futuri, omnino prohibemus.

§. 9. Sicuti etiam annullamus pacta continentia solutiones onerum ad eum spectare, ad quem alias de Jure, & ex natura contractus non spectarent.

§. 10. Postremo Census omnes in futurum creandos non solum re in totum, vel pro parte perempta, aut infructuosa in totum, vel pro parte effecta, volumus ad ratam perire, sed etiam posse pro eodem pretio extinguï: Non obstante longissimi etiam temporis, ac immemorabili, immo centum, & plurium annorum præscriptione, non obstantibus aliquibus pactis directe talem facultatem auferentibus, quibuscumque verbis aut Clausulis concepta sint.

§. 11. Cum vero traditione pretii redditus extinguendus erit, volumus per bimestre ante id denunciari ei, cui pretium dandum erit, & post denunciam intra annum tamen etiam ab invito pretium repeti posse, & ubi pretium nec volens intra bimestre solvat, nec ab invito intra annum exigatur, volumus nihilominus quodcumque redditum extinguï posse, prævia tamen semper denuncia, de qua supra, & non obstantibus his, de quibus supra; idque observari mandamus etiam quo ad pluries, ac pluries denunciatum fuisset, nec unquam effectus secutus fuisset.

§. 12. Pacta etiam continentia pretium Census extra casum prædictum, ab invito, aut ob pœnam, aut ob aliam causam repeti posse, omnino prohibemus.

§. 13. Contractusque sub alia forma post hac celebrandos fœneratitios judicamus, & ita illis propterea non obstantibus, quidquid vel expresse, vel tacite contra hæc nostra mandata dari, remitti, aut dimitti contingat, a Fisco volumus posse vindicari.

§. 14. Hanc autem salutiferam sanctionem nedum in Censu noviter creando, verum etiam in creato quocumque tempore alienando, modo post publicationem Constitutionis creatus sit, perpetuo, & in omnibus servari volumus.

§. 15. Declarantes pretium semel Censui constitutum numquam posse ob temporum, aut contrahentium qualitatem, seu aliud accidens, nec quo ad ultimo contrahentes minui, vel augeri.

§. 16. Et licet Legem ipsam ad contractus jam celebratos non extendamus; illos tamen omnes, in quos sub alia forma pervenerunt Census, hortamur in Domino, ut singulos contractus Censuræ bonorum Religiosorum subjiciant, & animarum saluti consulant.

§. 17. Non obstantibus quibuscvis Constitutionibus, & Ordinationibus Apostolicis, statutis, & consuetudinibus; nec non privilegiis, & Litteris, etiam per quoscumque Romanos Pontifices Prædecessores nostros, ac etiam Nos sub quibuscumque tenoribus, & formis, ac cum quibuscvis Clausulis

lis

lis etiam derogatoriis derogatoriis, nec non irritantibus Decretis, ex quavis causa etiam per modum Legis universalis, aut alias quomodolibet editis, sive in favorem Universitatum, Communitatum, Collegiorum, Congregationum, Civitatum, & Locorum concessis, approbatis, & innovatis, quibus omnibus, & singulis illorum tenores presentibus pro expressis habentes, quatenus directe, vel indirecte presenti nostræ Constitutioni in toto, vel in parte contrarientur, specialiter, & expresse derogamus; ceterisque contrariis quibuscumque.

§. 18. Volumus autem quod presentes in Cancellaria, & acie Campi Floræ publicentur, & inter Constitutiones extravagantes perpetuo valituras conscribantur.

§. 19. Et quia difficile foret presentes ad singula quæque loca deferri, volumus, & etiam declaramus, quod earum transumptis, etiam impressis alicujus Notarii subscriptis, ac sigillo alicujus Prælati munitis, eadem prorsus fides ubique adhibeatur, quæ presentibus adhiberetur, si forent exhibitæ, vel ostensæ.

§. 20. Nulli ergo omnino &c.

Dat. Romæ apud S. Petrum anno Incarnationis Dominicæ millesimo quingentesimo sexagesimo nono quartodecimo Kalendas Febr. Pontificatus nostri anno quarto.

Sequuntur Declarationes dubitationum desuper exortarum.

P I U S P P. V.

Ad perpetuam rei memoriam.

ETI Apostolica Sedes magna adhibita industria operam det, omnia perspicue promulgare, vix tamen est ut umquam satis queat usquequaque cavere quin scrupulosæ quorundam mentes novos illi sensus inducant, quorum perplexitate multi in dubium evocantur.

§. 1. Pridem enim per Constitutionem nostram de Censuum creatione inter alia volumus, Census omnes in futurum creandos non solum re in totum, vel pro parte perempta, aut infructuosa in totum vel pro parte effecta ad ratam perire, sed etiam pro eodem pretio extingui posse. Ac pacta continentia morosum Census debitorem ad interesse lucri cessantis, vel ad cambium seu salaria, & expensas medio creditoris juramento liquidandas teneri, aut rem Censui subjectam, sive aliquam ejus partem amittere, aut aliud Jus, sive ex eodem contractu, sive aliunde acquisitum perdere, aut in aliquam poenam cadere, ex toto nulla, atque irrita esse. Censum autem, seu annuum redditum non nisi in re immobili, aut quæ pro immobili habetur ex sui natura fructifera, atque nominatim certis finibus designata sit. Sed nec Censum ipsum, nisi vere in pecunia numerata presentibus Notario, & testibus in actu celebrationis Instrumenti, non autem prius recepto integro, iustoque pretio creari constitutive nullo modo posse.

§. 2. Deinde per Dilectum Filium Octavium Spinolam Regni Siciliæ

Magistrum Portulanum hac de causa ad nos destinatum, accepimus in dicto Regno Siciliæ scrupulum exoriri, an rerum prædictarum, infructuositas etiam annalis, aut alias temporalis intelligatur.

§. 3. Et an per nullitatem pactorum aliorum prædictorum, etiam Jus recuperandi, sive repetendi impensas, quas litigando contra morosos prædictos, aut executores ad eorum loca transmittendo, aut alias ex Judicum mandato subire oportet, auferatur.

§. 4. Præterea an tam pro ipsis expensis quam etiam pro Censu recuperando contra tertium possessorem procedi? Et etiam Fidejussores dari, aliave bona prædii Censu gravati eviçtione, & ipsius Censûs solutione hypothecari? Denique, an Censûs hujusmodi super pluribus rebus inter se divisus constitui possit?

§. 5. Postremo an id, quod de pecunia numerata dicitur, prohibeat quominus in dotium assignatione Censûs creari possit?

§. 6. Nos hæc discrimina, quantum in nobis est, tollere cupientes, tenore præsentium declaramus rem infructuosam, quæ tota, vel ex parte infructuosa perpetuo redditur, non autem ex qua fructus uno, duobus, pluribusque annis, sive tempestate, sive alio casu non proveniunt, salva alias Juris communis dispositione intelligi debere.

§. 7. Præterea exactionem illarum expensarum prohiberi, quæ ex pacto, vel conventionione tantum inter contrahentes inita, & instrumento Censûs specialiter appositæ resciri permittuntur, non autem ex, quæ ex dicti Juris dispositione repetendæ veniunt, & mandato Judicis adjudicantur.

§. 8. Ceterum Fidejussores dari, aliave bona hypothecari pro prædii Censûs gravati eviçtione, aut si prædium in alium devenerit, aut si aliquis tertius Fidejussor intercefferit, tertium possessorem, vel ejus bona obligari minime prohibemus. Hæc autem omnia pro eviçtione duntaxat, non autem solutione poenæ adjudicari posse intelligimus.

§. 9. Postremo in Dotium assignandarum casu Censuum erectionem, & Constitutionem prædictam respectu actualis numerationis coram Notario, & Testibus faciendæ locum non habere. Sed in hoc casu Censûs ipsos etiam pecunia ad manum non habita creari posse declaramus.

§. 10. Denique, ut periculis, quæ ex transportatione pecuniarum frequentem in dicto Regno eveniunt, occurratur, permittimus ut si in creatione Censûs pecunia ad manum commode haberi nequiverit, illius loco Emptor apocam, seu schedulam bancariam idoneam integri pretii in ipso emptionis actu debeat exhibere.

§. 11. Constitutione nostra prædicta tam in casu Dotium, quam ceteris omnibus in ea contentis, in suo robore permanentibus.

§. 12. Volumus autem &c.

Datum Roma apud S. Petrum sub annulo Piscatoris. Die 10 Junii 1570. Pontificatus nostri anno quinto.

CON-

CONSTITUTIO PII PP. V.

SUPER CAMBIIIS.

PIUS EPISCOPUS.

SERVUS SERVORUM DEI.

Ad perpetuam rei memoriam.

IN eam pro nostro pastoralis officio curam diligenter incumbimus, ut Domini nostri ovibus opportuna pro animarum salute remedia adhibere minime differamus.

§. 1. Cum itaque ad aures nostras pervenerit, legitimum cambiorum usum, quem necessitas, publicaue utilitas induxit, sæpenumero ob illiciti quæstus cupiditatem depravari, ut sub illius prætextu usuraria pravitas a nonnullis exerceatur. Nos petitionibus, quæ super his Nobis nuper factæ sunt, hac perpetuo valitura decretali respondendum esse duximus, ut neque dolosis sua fraus suffragetur, neque ignaros perdat inscitia: sic enim Pastoris officium exequimur, dum gregem Nobis commissum ab æternæ damnationis periculo eripere modis omnibus studemus.

§. 2. Primum igitur damnamus ea omnia cambia, quæ sicca nominantur, & ita confinguntur, ut contrahentes ad certas nundinas, seu ad alia loca cambia celebrare simulent, ad quæ loca ii, qui pecuniam recipiunt, literas quidem suas cambii tradunt, sed non mittuntur, vel ita mittuntur, ut transacto tempore unde processerant, inanes referantur, aut etiam nullis hujusmodi literis traditis pecunia ibi denique cum interesse reposcitur, ubi contractus fuerat celebratus, nam inter dantes, & recipientes, usque a principio ita convenerat, vel certe talis intentio erat, neque quisquam est, qui in nundinis, aut locis supradictis hujusmodi literis receptis solutionem faciat. Cui malo simile etiam illud est, cum pecuniæ, sive depositi, sive alio nomine ficti cambii traduntur, ut postea eodem in loco, vel alibi cum lucro restituantur. Sed, & in ipsis cambiis, quæ realia appellantur, interdum, ut ad Nos perfertur, campores præstitutum solutionis terminum, lucro ex tacita, vel expressa conventionem recepto, seu etiam tantummodo promisso, differunt. Quæ omnia Nos usuraria esse declaramus, & ne fiant districtius prohibemus. Porro ad tollendas quoque in cambiis, quantum cum Deo possumus, occasionem peccandi, fraudesque sceneratorum statuimus, ne deinceps quisquam audeat, sive a principio, sive alias, certum, & determinatum interesse, etiam in casum non solutionis pacisci, neque realia cambia aliter quam pro primis nundinis, ubi illæ celebrantur, ubi vero non cele-

brantur, pro primis terminis juxta receptum locorum usum exercere, abusu illo prorsus rejecto, cambia pro secundis, & deinceps nundinis, sive terminis, exercendi. Curandum autem erit in terminis, ut ratio habeatur longinquitatis, & vicinitatis locorum, in quibus solutio destinatur, ne, dum longiores præfiguntur, quam loca destinatæ solutionis desiderant, scenerandi detur occasio.

§. 3. Quicumque contra hanc nostram Constitutionem commiserit, pœnis a sacris Canonibus contra usurarios inflictis, se noverit subiacere. Eos vero, qui conspirationes fecerint, vel congeitam undique pecuniam ita ad se redegerint, ut quasi monopolium pecuniæ facere videantur, pœnis quæ a jure contra exercentes monopolia constitutæ sunt, retineri sancimus.

§. 4. Volumus autem quod præsentis literæ in Camera Apostolica, & ad valvas Basilicæ Principis Apostolorum de Urbe, & Cancellariæ, etiam Apostolicæ publicentur, & in ipsa Camera rescribantur.

§. 5. Et quia difficile foret eas ad singula quæque loca deferri, quod earum transumptis &c.

Nulli ergo &c.

Datum Romæ apud S. Petrum, Anno Incarnationis Dominicæ, millesimo quingentesimo septuagesimo primo, 5. Kal. Februarii, Pon. nostri Anno VI.



CONSTITUTIO SIXTI PP. V.

SUPER SOCIETATE.

SIXTUS EPISCOPUS.

SERVUS SERVORUM DEI.

Ad perpetuam rei memoriam.

DEteſtabilis avaritiæ ingluvies, & inſatiabilis lucrandi cupiditas malorum omnium radix, uſque adeo exœecat mortalium mentes, ut multi nimis avidè lucro inhiantes, in laqueos & inſidias diaboli miſere incident; irrepit enim verſute, & callide antiquus humani generis hoſtis per varios dolos, & fallacias, & incautos homines quæſtus dulcedine captos, & delinitos opprimit, atque eo perducit, ut ſe ipſos in uſurarum voraginem, Deo hominibuſque odioſam, ſacris canonibus damnatam, & Chriſtianæ caritati contrariam fœde immergant, & dum vanas, & terrenas divitias quærunt, veras ac cœleſtes amittant, ſicuti nuper cum magno dolore audivimus, hoc malum in quaſdam Provincias pervaliſſe. Nam multi ſpecioſum, & honeſtum ſocietatis nomen, ſuis ſcœneratiis contractibus prætexendo, hoc quaſi colore, & ſuoco, mercatoribus, opificibus, negotiatoribus, & aliis perſonis ſuper eorum mercibus, officinis, tabernis, panariis, aliſque rebus, ac bonis, pecunias ſuas, aut alias res, ſocietatis nomine conferunt; vel greges, armenta, aut certa animalia agricolis, ſeu terrarum cultoribus, paſtoribus, aliſque ruſticis, ſeu quibuſvis perſonis dant in ſocietatem ſive ad foccidam, ut vocant, ea conditione, ut ſors ipſa ſeu caput, quod vulgo dicitur capitale, tam pecuniarum, quam animalium, & rerum, ſalvum ſemper, & integrum exiſtat pro eo, qui non induſtriam aut operas, ſed pecunias, animalia, aut res huiusmodi in ſocietatem confert, utque omne periculum, & damnum ab altero ſocio recipiente ſubſtineatur, contra æquitatem, & ſocietatis juſtitiam diverſimodè paſciſcuntur; eoſdemque ſocios cum quibus contrahunt, plerumque pauperes, & egenos, ſuoque labore, & induſtria viſitantes ad ſortem, ſeu capitale reſtituendum, quicumque tandem caſus, & rerum eventus conſequatur, pacto, & obligatione obſtringunt, ſimulque etiam certam lucri quantitatem, & ſummam, veluti tot pro quolibet centenario, in ſingulos annos, aut menſes per alterum ſocium, durante ſocietate ſolvendam, præſcribunt, ac præſcribunt; eamque ſummam, & quantitatem non ſubductis rationibus accepti, & expenſi, quod in codices, ſeu tabulas ſocietatis referri ſolet, neque factò calculo, vel computo, pro ipſius

lucri, vel damni modo variabilem, sed laborem, & curam computandi, & calculandi se invicem remittere, & renunciare asserentes, quovis tempore certam constituunt.

§. 1. Proinde Nos, qui hoc potissimum munus, nostræque pastoralis sollicitudinis maxime proprium arbitramur, ut gregem Dominicum fidei nostræ creditum ab omni offensione, & æternæ vitæ discrimine tutum, in via salutis, cœlesti gratia adjutrice, dirigere nitamur, hujusmodi morbi contagionem antequam in communem fidelium perniciem latius serpat, quantum Deo favente possumus, tollere cupientes, de attributæ Nobis Apostolicæ potestatis plenitudine, hac nostra perpetuo valitura Constitutione damnamus, & reprobamus omnes, & quoscumque contractus, conventiones, & pactiones posthac ineundos, seu ineundas, per quos, seu quas cavebitur personis, pecunias, animalia, aut quaslibet alias res societatis nomine tradentibus, ut etiam si fortuito casu quamlibet jacturam, damnum, aut amissionem sequi contingat, fors ipsa seu capitale semper salvum sit, & integrum a socio recipiente restituatur, sive ut de certa quantitate, vel summa in singulos annos, aut menses, durante societate respondeatur. Statuimusque hujusmodi contractus, conventiones, & pactiones, usurarios, & illicitos posthac censerī debere; atque in posterum non licere iis, qui pecunias vel animalia, aut alias res in societatem tradent, de certo lucro, ut præfertur, percipiendo, inter se pacisci, & concordare; neque etiam, sive ad certum, sive ad incertum lucrum convenerint, socios qui ea recipient, ad sortem, seu capitale salvum, & integrum, ubi illud casu fortuito perierit, vel amissum erit, reddendum, quovis pacto, aut promissione sibi obligare. Ac ne de cetero societates ineantur sub hujusmodi pactis, & conditionibus, quæ usurariam pravitatem sapiunt, districte interdiciamus, & prohibemus.

§. 2. Sed potius cuncti noverint societates hujusmodi, cum in posterum unus pecuniam, animalia, aut alias res, & bona, alter vero operam, vel industriam confert, pure, sincere, & bona fide sicut decet, iustis, & æquis conditionibus, & pactis, secundum juris dispositionem, ac sine ulla prorsus fraude, palliatione, aut usurariæ pravitatis labe, aut suspicione, ineundas seu contrahendas esse; ita ut non ad certam summam, aut quantitatem, ab omni periculo, & damno, ut præfertur immunem, luci nomine persolvendam, neque ad capitale, si casu fortuito perit, restituendum, socius accipiens teneatur. Si vero finita societate ipsum capitale extat, ei, qui illud in societatem contulerit, restituatur, nisi socio recipienti fuerit communicatum, aut aliter inter ipsos contrahentes super eo legitime conventum sit. Ac præterea iidem contrahentes, fructus, expensas, & damna in commune conferant, & prout æquum & justum fuerit, sibi communicent, atque dividant.

§. 3. Decernentes, siqui contractus, conventiones, & pactiones in
futu-

futurum contra nostram hujusmodi prohibitionem de facto initi fuerint, nullam ex eis, tamquam per hanc eandem Constitutionem nostram damnatis, & reprobatis, etiam si juramento, aut in forma Camere Apostolicæ, vel alias quomodolibet roborati fuerint, obligationem civilem, aut naturalem oriri, nullamque actionem realem, aut personalem, aut iudicis officium, neque aliud quodcumque jus cuiquam competere, neque quo ad sortem, seu capitale integrum recuperandum, quod casu fortuito perierit, aut amissum erit, neque quoad certas summas, & quantitates in singulos annos aut menses lucris socialis nomine promissas.

§. 4. Si qui vero in posterum sub prædictis conditionibus, & pactis contrahere temere præsumperint, aut prætextu similium contractuum, conventionum, & pactuum societatis nomine initorum, qui hucusque durant, ad exactionem dictæ sortis, seu capitalis, sive illius pretii, & valoris, postquam illud in toto vel in parte casu fortuito perierit, aut amissum sit, aut certæ summæ, vel quantitatis annuæ, aut mensuæ sibi promissæ in futurum, procedere ausi fuerint, eos universos, & singulos in poenas contra manifestos usurarios, & sceneratores, a sacris Canonibus, & Conciliis generalibus latis, & promulgatis, eo ipso incurrere, & contra illos, uti manifestos usurarios, & sceneratores, via juris, aliisque opportunis remediis procedi posse, & debere.

§. 5. Sicque ab omnibus censi, & ita quoad præmissa universa, & singula per quoscumque Iudices, & Commissarios, quavis auctoritate fungentes, etiam causarum Palatii Apostolici Auditores, ac S. R. E. Cardinales, sublata eis, & eorum cuilibet, quavis aliter iudicandi, & interpretandi facultate, & auctoritate, ubique iudicari, & definiri debere, necnon irritum, & inane, si secus super his per quoscumque quavis auctoritate scienter, vel ignoranter contigerit attentari.

§. 6. Mandamus vero universis, & singulis locorum Ordinariis, per quasque Provincias, & Regna Christiani Orbis constitutis, & quibusvis nostris, & Sedis Apostolicæ, etiam de latere Legatis, ac Vicelegatis, ceterisque officialibus, præsertim Provinciarum, & locorum Status nostri Ecclesiastici, ut in suis quisque Civitatibus, Diocæses, Provinciis, & locis præsentem nostram Constitutionem publicari, & inviolate observari curent, & contra personas, quæ in futurum, præter & contra prohibitionem hanc nostram pacisci, aut exigere ausi fuerint, tamquam publicos usurarios, & sceneratores per viam accusationis, vel denunciationis, aut inquisitionis, & ex mero officio, prout eis videbitur, procedant, eosque culpabiles repertos condignis poenis, ut supra dictum est, afficiant; invocato etiam, si opus fuerit, auxilio brachii secularis.

§. 7. Non obstantibus quarumcumque Civitatum, Provinciarum, & locorum juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, &

litteris

literis Apostolicis, quorumcumque tenorum existant, sive per modum Constitutionis, & legis perpetuæ quomodolibet concessis, etiam sæpius approbatis, & innovatis, quæ omnia nolumus cuiquam de cetero suffragari.

§. 8. Ut autem præsentis literæ ad omnium notitiam deducantur, neve aliquis earum ignorantiam prætereunda valeat, volumus, ut illæ in valvis Basilicarum Principis Apostolorum de Urbe, & Sancti Joannis Lateranen., & Cancellariæ Apostolicæ, atque in acie Campi Floræ, per aliquem ex nostris Cursoribus de more publicentur, dimissis, & affixis earum exemplis in acie, & valvis prædictis.

§. 9. Earumque transumptis etiam impressis, &c.

Nulli ergo &c.

Datum Romæ apud Sanctum Marcum, Anno Incarnationis Dominicæ, millesimo quingentesimo octuagesimo sexto, decimo secundo Kalendas Novembris, Pontificatus nostri Anno II.



IN-

I N D E X

Rerum præcipuarum, quæ hoc in Opere continentur.

Abusus in contractu Societatis a Sixto V. damnatus. V. *Societatis contractus*.

Accessorium naturam sequitur principalis: pag. 210.

Actio empti, & actio venditi quid significant: pag. 65.

Actus humani boni, & mali. Actus indifferentes: pag. 145.

Actus vitiosus excusari non potest, nisi ab eo vitiositas removeatur: pag. 170.

Æqualitas in contractibus servanda: pag. 64. 67. 264.

Æquitas servanda in emptione & venditione: pag. 102. 176.

Æstimatio lucri cessantis, & damni emergentis a quibus, & qualiter sit facienda: pag. 118. & seq.

Alimenta uxoris pro mensura dotis sunt æstimanda: pag. 98.

Animalia. V. *Socida, sive societas Animalium*.

Animalium fructus quomodo partiendi. V. *Socida*, &c.

Antidora quid significant: pag. 78. & seq. 123. & seq.

Ars campforia quid sit: pag. 188. Quo tempore inventa fuerit, sub iudice lis est: ibid.

Assicuratio quid sit: pag. 165. Licita est, dummodo quinque conditiones concurrant: ibid.

Avaritia in negotiationibus cavenda: pag. 186.

Basilius Macedo Imperator usuras vetuit, sed Leo ejus filius quasi coactus permisit: pag. 147. & seq.

Benedicti XIV. Constitutio super usuris: pag. 118. 314. & seq.

Beneficium seu gratitudinem pro mutuo in pactum deducere usurarium est: pag. 123. & seq.

Bistracli nomen, quid sibi velit: pag. 5.

Bona fides præscribere potest. V. *Possessor bone fidei*.

Cambium (contractus) quid sit. Ejus divisio: pag. 188. & seq. Conditiones, ut licite fiat: pag. 189. Iusti tituli pro lucro in cambiis percipiendi: ibid. Quænam cambia licite exercentur: pag. 189. & seq. 193. Lucrum moderatum ex cambio: pag. 193. Cambium siccum damnatur: pag. 190. 323.

Cam-

- Cambium reale locale, seu per literas licitum est, dummodo nonnullæ conditiones servantur: pag. 194. 197.
- Cambium ad terminum solutionis, seu ad Nundinas, an licitum: pag. 200.
- Cambium civicum quid sit: pag. 203. An liceat: pag. 204.
- Cambium cum recambio explicatur: pag. 202. Idem est ac cambium siccum repetitum: pag. 203.
- Cambium obliquum quid sit, explicatur: pag. 204. Quid de hoc sentiendum: pag. 205.
- Campfor quis sit, quive Campfarius: pag. 188.
- Campforis officium exercere privatis personis in Gallia prohibitum: pag. 194.
- Campfores quid lucri in cambio percipere jure valeant: pag. 196.
- Capitale in Societate positum num, hac absoluta, ad ponentem redire debeat: pag. 229. 234. & seq. Concina doctrina hac super re Sixti V. declarationi non cohæret: pag. 236. Hujusmodi capitale an licite periculo recipientis tradatur: pag. 28. & seq.
- Capitalis periculum in Societate proprium est tradentis, non accipientis: pag. 264. & seq. Objectum dissolvitur: pag. 265. & seq. An periculum Capitalis possit ex pacto sociis fieri commune: pag. 267. & seq.
- Carolus Magnus usuram sacris Canonibus & Divinæ auctoritati contrariam asseruit: pag. 149.
- Cautela a Confessariis adhibenda super consuetudine in Animalium Societate: pag. 263.
- Censuarius dicitur qui censum vendit, qui emit, Censualista: pag. 213.
- Census. Varia hujus nominis acceptio: pag. 212.
- Census (contractus) quid sit: pag. 212. Multiplex est: ibid. & seq. Quinam liciti, vel illiciti censeantur: pag. 213. & seq. — Census realis conditiones: pag. 214. & 215. An omnino servandæ: ibid. An de novo constitui licite possit: pag. 63.
- Census consignativus quid sit: pag. 213. 297. — Census redimibilis, & irredimibilis an liciti: pag. 216. & seq. — Census redimibilis in gratiam venditoris licitus est: pag. 172. 216. Census vitalitius quid sit: pag. 297. An licitus: pag. 217. 297. — Census vitalitius fructuarius nec juri naturali, nec Ecclesiastico adversatur: pag. 67. & seq.
- Centesima in jure quid significet: pag. 147.
- Clerici. Ad Clericos adhortatio: pag. 3.
- Commodatum (contractus) quid sit: pag. 76.
- Commodum, vel incommodum rei venditæ pertinet ad emptorem: pag. 179.
- Condictio, seu condicere quid sit: pag. 75. Ejus etymon: ibid.
- Conditiones, seu circumstantiæ & modi licitæ mercaturæ. *Prima*, quod a persona seculari exerceatur: pag. 7. *Secunda*, quod ob bonam cau-

- causam fiat: pag. 8. *Tertia*, quod fiat tempore debito, scilicet non in Festo: pag. 9. *Quarta*, quod non fiat in Ecclesia, vel loco sacro: pag. 11. *Quinta*, quod non vendantur merces ultra justum pretium: ibid. & seq. Dubia solvuntur: pag. 14. & seq. *Sexta*, quod fiat sine mendacio & perjurio: pag. 28. & seq. *Septima*, quod fiat sine fraude: pag. 30. & seq.
- Conductor. V. *Locatarius*. Si ejus dolo periculum eveniat rei locatæ, ipse Locatorem indemnem servare tenetur: pag. 283. Periculum rei locatæ imponere Conductori est contra naturam locationis: pag. 187. Quo casu id liceat: pag. 188.
- Conductor an rem sibi locatam alteri locare possit: pag. 284.
- Consuetudinem vim legis habere probatur: pag. 261. & seq.
- Consuetudo vim legis habens quid sit: pag. 263. Ad hanc inducendam quot actus requiruntur: pag. 261. & seq. Consuetudo optima legis interpres: pag. 231.
- Consuetudo æqua servanda est, iniqua servari non potest: pag. 260. & seq.
- Contractus. De locis, ubi hac de re agit S. Bernardinus Sen.: pag. 1.
- Contractus quid sit: pag. 1. Quadruplici de causa vitari potest: pag. 59.
- Contractus alii nominati; alii innominati: pag. 286. & seq. Horum quatuor species: ibid. Contractus ex conventionem legem recipiunt: pag. 225.
- Contractus emptionis, & venditionis cum pacto retrovendendi, & redimendi tripliciter contingere potest: pag. 102. 171. An liceat: pag. 103. 171. & seq.
- Contractus emptionis, & venditionis, ubi notabilis sit excessus in re, vel in pretio, rescindi potest: pag. 63.
- Contractus Locationis Animalium: pag. 282. & seq. 288. Varii in hanc rem casus elucidentur: pag. 300. & seq.
- Contractus aleæ, seu fortis licitus est: pag. 297. & seq. Collaticus: pag. 304. quid sit: pag. 268. Licetum esse probatur: ibid. Quibus sub conditionibus: pag. 274.
- Contractus trinus, seu trium contractuum exponitur: pag. 246. & seq. An liceat? Dissensio inter Theologos: ibid. Quid senserit Benedictus XIV.: ibid. & seq. Foeneratitium esse probatur: pag. 250. & seq. A Sixto V. & a Facultate Paris. exploditur: pag. 249. Quomodo in mutuum resolvatur: pag. 250. & seq.
- Contractus Mohatra. V. *Mohatra*. Alios vid. sub propriis nominibus.
- Contrariorum eadem est ratio: pag. 276.
- Creditor num ex alterius possessione fructus lucrari possit: pag. 113. & seq. Quid Judex hac super re juste decernit: pag. 114. & seq.
- Custos mercedem accipiens pro rei custodia qua de culpa teneatur: pag. 183. & seq.

- D**amnū quid sit: pag. 84. Alicui dupliciter infertur: *ibid.* & seq.
 Damnum emergens iustus titulus in mutuatore recipiendi aliquid
 ultra sortem: pag. 87. 92. Conditiones ad hoc necessario requiruntur:
 pag. 121. & seq.
 Damnum sortis in Societate positæ, secluso pacto, nequit esse commu-
 ne: pag. 240.
 Debitor ad omnia damna tenetur, quibus ob sui culpam creditor evasit
 obnoxius: pag. 93. & seq. — Debitores iniusti: pag. 117.
 Defectus mercium. *V. Merces*.
 Deponens an licite pro re deposita quidpiam a depositario recipere pos-
 sit, ac retinere: pag. 167. & seq.
 Depositarius num re deposita uti licite possit: pag. 167. Num lucrum
 ex tali usu perceptum deponenti restituere teneatur: pag. 168.
 Depositum (contractus) quid sit: pag. 167. Duplex deponendi modus:
ibidem.
 Doctorum quorundam discrimen in eo, quod spectat iudicium ferre de
 usuræ vitio in contractibus: pag. 118. 317.
 Doctorum ac Theologorum super usuris unanime iudicium: pag. 315.
 Dolus & fraus quoad venditorem: pag. 33. & seq., quoad emptorem:
 pag. 34.
 Dolus & fraus nemini patrocinium impertiri debent: pag. 35. 177. 298.
 Dominium rei venditæ quandonam in emptorem transfertur: pag. 77.
 Donatio propter nuptias, defunctæ uxore, cui restituenda: pag. 104.
 Dos quid sit: pag. 104. — Dos datur ad onera matrimonii sustinenda:
 pag. 96. atque ideo ejus fructus sunt mariti: pag. 97. -- Fructus
 pignoris pro dote accepti num in sortem a viro sint computandi:
ibid. -- Fructus dotis nondum solutæ non computandos in sortem,
 quomodo intelligatur: pag. 99. & seq. -- Dos, secuto divortio ex
 causa licita, tota uxori restituenda: pag. 105. — Dotis restitutio:
 pag. 103, viro defuncto, cui facienda: pag. 104.
 Dubium. In dubiis tutior pars est eligenda: pag. 225.

- E**leemosinæ præceptum exponitur: pag. 86. Perstringuntur avari:
ibid.
 Emens prædium cum pacto retrovendendi num citra usuram venditori
 illud locare possit: pag. 177.
 Emens rem pro minore pretio, quam valeat tempore emptionis, an sit
 usurarius: pag. 52. & seq.
 Emere minoris iusto pretio iniquum est: pag. 11. & seq.
 Emere merces viliori pretio, ut carius vendantur, licitum est: Qua
 ratione id liceat: pag. 182. 183. & seq.

Em-

Emptio quid sit: pag. 77. Emptio usuraria: pag. 181 & seq.
 Emptor detrahens aliquid de iusto pretio in damnum venditoris, usuræ, vel injulitiæ reus est: pag. 201. -- Tenetur ad interesse creditori solvendum, quoties ob moram solutionis hic damnum patiatur: pag. 289.
 Emptoris utilitas non cadit sub dominio venditoris: pag. 23.

Feudum. De Feudis Ecclesiastico, & Laicali dubia discutiuntur: pag. 110. & seq.

Fidejussio quid sit: pag. 165.

Fidejussor quis sit: pag. 165. An iste aliquid licite recipiat ob suspensionem alienæ obligationis: pag. 166. -- Juste usuras repetit a debitore, ut se servet indemnem: pag. 90. 91. & seq.

Fraudes in mercatura: pag. 30. & seq.

Fructus dotis. V. *Dos*, *Maritus*, *Heredes mariti*.

Fructus, & periculum rei locatæ ad Dominum pertinent: pag. 283. V. *Conductor*. Quandoque fructus pertinent ad conductorem: pag. 284.

Fructus ex pignore in sortem computari debent: pag. 96. Excipiuntur fructus ex pignore dotis uxoris, si quatuor concurrant: pag. 96. & seq. -- Fructus tamen excedentes onera doti respondentia & debita, in sortem sunt computandi: pag. 98. sicut & fructus pignoris pro dote ab extraneo assignata: pag. 100.

Frumentum servare, ut carius vendatur, an licitum: pag. 30.

Gener usque dum dote caret, pignoris fructus percipit: pag. 96. Conditiones quatuor, ut absque usuræ labe hujusmodi fructus suos faciat: ibid. & seq.

Genus. Varia hujus nominis intelligentia penes Logicos, & Jurisconsultos: pag. 130.

Grossus, moneta quædam argentea: pag. 36.

Heredes mariti quando nam viduam alere teneantur: pag. 103. Hujusmodi nequeunt fructus dotis facere suos: pag. 104.

Homo liber nec vendi, nec emi potest. V. *Res vendibiles*.

Ignorantia juris, & facti; crassa & supina explicantur: pag. 28. & seq. Injustitia pretii. V. *Pretium*.

Intentio prava inficit actionem: pag. 132. Usurarium efficit. V. *Usura*.

Interesse quid sit: pag. 87. 120. Multiplex ejus divisio: pag. 119. & seq.

Iustus titulus percipiendi aliquid in mutuo ultra sortem: pag. 116. & seq. Interesse in mutuo taxandum est juxta circumstantias loci, temporis, &c.: pag. 87.

Jus naturale quid sit: pag. 40. Jure naturæ æquum est neminem cum alterius damno & injuria fieri locupletiozem: pag. 93. 289. 296.

Jus percipiendi pecuniam an vendi possit. V. *Pecunia*. An itidem licite vendi possit jus ad fructus possessionis alterius: pag. 102. V. *Reditus prædiales*.

Juramentum. Jurans se usuras soluturum tenetur ad solutionem: pag. 92. Quas tamen jam solutas potest in judicio repetere: *ibid.* -- Mutuator potest ab Ecclesiastica potestate compelli ad relaxandum hujusmodi juramentum a mutuuario factum: *ibid.*

L Ex qualis esse debeat: pag. 263.

Locatarius, sive Conductor quis intelligatur: pag. 76. 187. Varia fortitur nomina: *ibid.*

Locatio (contractus) quid sit: pag. 76. 187. Quid sit Conductio: pag. 76. Res, quæ locari possunt: *ibid.* & seq. Locationis contractus exponitur: pag. 283. & seq. Transfert usum rei locatæ, non vero dominium: pag. 127.

Locator quis dicatur: pag. 76. 187. Est Dominus rei locatæ: *ibid.* 284. Periculum casus fortuiti in locatione ad Locatorem spectat: pag. 308.

Lucrum exigere ex re aliena iniquum est: pag. 163.

Lucrum ex mutuo vi mutui non querere, præceptum est: pag. 87. Illud in mutuo sperare non licet; licet vero proprium vitare damnum: pag. 191. & seq. -- Lucrum ex mutuo ob temporis dilationem, usurarium est: pag. 199.

Lucrum cessans ob mutuum justus titulus exigendi aliquid ultra sortem: pag. 84. & seq. -- Conditiones veri lucri cessantis: *ibid.* -- Lucri cessantis titulus verus, & fictus expenditur: pag. 84. & seq. -- Lucrum cessans in mutuatore non est, si pecuniæ negotiationi jam destinatæ otiosam substituere possit: pag. 85. 117.

Lucrum ex sola temporis ratione proveniens illicitum est: pag. 43. & seq.

Lucrum moderatum in emptionibus & venditionibus licite sperari potest: pag. 66. Immoderatum vero penitus improbatum: *ibid.* -- Lucrum percipere ex re vendita & emptæ, nulla lege prohibetur: pag. 103. Idem exigere ob mercis periculum in se susceptum, an liceat: pag. 164. -- Majus lucrum in cambio locali seu per literas, quam in minuto seu manuali: pag. 197. -- Quam lucri partem percipere licite valeat qui pecuniam posuit in societate: pag. 230. Licet ne lucrum expetere ex capitali tradito mercatori, siue ille lucretur, siue non: pag. 205. & seq.

Ludovicus XII. Galliarum Rex pœnas statuit contra usurarios: pag. 149.

- M**aritus jure naturæ tenetur alere filios; uxorem vero jure naturæ alere non tenetur, sed Pater uxoris: pag. 105. Defuncta uxore, maritus nequit amplius suos facere fructus dotis: ibid.
- Mendacium & perjurium in venditionibus: pag. 28. & seq. Mercatoribus mentiri ac pejerare solitis absolutio Sacramentalis est differenda, donec pravam habitum emendaverint: pag. 29.
- Mercatores quinquam sint utiles Reipublicæ: pag. 2. & seq. Quinquam perniciiosi: pag. 4. & seq. Dubia solvuntur: pag. 2. & seq. -- Triplex mercatorum genus: pag. 3.
- Mercatura num licita censeatur: pag. 6. Ejus circumstantiæ & modi. V. *Conditiones licite mercatura*. Clericis & Ecclesiasticis prohibita: pag. 7. & seq. V. *Negotiatio*.
- Mercatus diebus Feltis fieri prohibetur: pag. 9. & seq. Item in Ecclesiis & locis sacris: pag. 11.
- Merces an scienti, & volenti carius vendi possint, & vilius emi: pag. 23. Defectus mercium quando debeant emporibus aperiri: pag. 35. & seq.
- Metus attenuat culpam; non tamen eam prorsus excludit: pag. 209.
- Mohatra (contractus) quid sit: pag. 24. Ab omnibus omnino damnatur: ibid. & seq.
- Monopolium quid sit: pag. 30. Unde nam derivetur hoc nomen: ibid. Quodnam vetitum censeatur: ibid. & seq.
- Munus a lingua, vel ab obsequio exigere pro mutuo, usura est: pag. 73.
- Munuscula post mutuum recipere quando liceat: pag. 153. Id tamen quandoque nitiosum fieri potest: pag. 154. Cautelæ in hoc servandæ: ibid. Mutuatores laudandi, qui nihil omnino recipiunt: ibid.
- Mutuare quandoque præceptum est, quandoque consilium: pag. 86. & seq. 138. -- Mutuare cum pacto an liceat: pag. 130. & seq. -- Mutuare cum onere libertatis læsivo usura est: pag. 53. & seq. -- Mutuum pro mutuo in pactum deduci nequit: pag. 133. & seq. -- Mutuum dare rusticis, ut possessiones colant, an sit usura: pag. 127. & seq. Mutuare granum vetus, ut novum exinde recipiatur, num sit usurarium: pag. 132. & seq. -- Mutuare principaliter cum spe remunerationis, usura est: pag. 125. Item ob spem lucri: pag. 164.
- Mutuator an licite recipiat, quod gratis a mutuuario rependitur: pag. 138. & seq. Signa ut dignoscatur, an mutuarius gratis rependat, nec ne: pag. 141. In dubio nec retinere, nec acceptare potest: ibid. Mutuator licite usuras exigit, ut se servet indemnom: pag. 88. 196. 199. Item ad sua recuperanda: pag. 89. & seq. Mutuus genero ob jus percipiendi fructus ex possessione pignori obligata pro dote, num usurarius censeatur: pag. 101.

- Mutuum quid sit: pag. 74. 75. 76. 152. -- Mutuum inter, & commodatum, locationem, emptionem, & venditionem discrimen: pag. 74. & seq. Transfert rei dominium cum ipsius usu: pag. 127. Secluso iusto titulo nequit in mutuo aliquid exigi ultra sortem: pag. 209. Conditiones observandæ, ut absque usuræ labe ultra sortem quidpiam recipiatur: pag. 157. Mutuum pro mutuo recipere, quando, & quomodo liceat: pag. 125. & seq.
- Mutuum dare coactus sub usuris quid agere debeat: pag. 210. Coactus num licite usuras recipiat: *ibid.* -- Dare mutuum ad redimendam injustam vexationem, licet: pag. 72. 129. non autem justam vexationem in iudicio: pag. 72. -- Pro re quæ pecunia non mensuratur, an liceat: pag. 54. & seq. 71. Mutuum ne citra usuram erit, si detur ad captandum amorem, & benevolentiam mutuatarii? pag. 54. 71. 78.
- Mutuum recipere ad usuram an liceat, & quando. Variæ hac de re opinionones: pag. 149. 150. -- Mutuum sub usuris absque necessitate recipi non potest: pag. 151. Qualis exigatur necessitas: *ibid.*
- Mutuum usurarium sub pallio venditionis, & locationis: pag. 178. & seq. Signa ad huiusmodi fraudem detegendam: pag. 177. & seq. Mutuum similiter usurarium sub pallio cambii: pag. 202. & seq. Sub pallio Societatis: pag. 250. 253. Mutuum sub pallio emptionis: pag. 180. & seq.
- Mutuum Societati admixtum an liceat: pag. 255. Quomodo habeatur in societate animalium: pag. 278.

- N**egotiatio quid sit: pag. 66. 184. -- Per se non est prohibita, nec mala: immo licita: pag. 184. ob finem lubrici: moderati: *ibid.* Quæ nam illicita, & improbanda: pag. 8. & seq. 183. 184. & seq. Negotiationis licitæ circumstantiæ quæ nam sint: pag. 38.
- Negotiatio Clericis, & Ecclesiasticis prohibita: pag. 7. non tamen omnis: pag. 8. Clerici nomine quid hic veniat: pag. 7.
- Nemo iudex in propria causa: pag. 263.
- Nicænum Concilium usuras damnat: pag. 148.
- Nomen in iure quid significet: pag. 65.
- Nummus non parit nummum: pag. 61. 202.
- Nundinæ in Italia, & Francofurti: pag. 190.

- O**bligatio antidotalis quid sit: pag. 142. V. *Antidota.*
- Obligatio restitutionis pro damno illato: pag. 84. & seq.
- Operæ socii num in sortem sint computandæ: pag. 244. & seq.

- P**actum de proprio capitali, quod in societate positum est, extrahendo e primis fructibus, injustum est: pag. 268. & seq. An liceat
pa-

- pacifici de capitali salvo in contractu Societatis : pag. 229. & seq.
 Pactum in Societate Animalium. V. *Soccida*, &c. Pactum retro-
 vendendi, & redimendi. V. *Venditio*.
 Papa quæ sunt juris Divini, relaxare non potest : pag. 112.
 Pecunia a pecoribus dicta : pag. 61. Varia ejus acceptio : ibid. In-
 ducta pro rerum pretio, & ad emendum disposita : ibid. De se ste-
 rilis, & infructifera : ibid. 146. Non est vendibilis : pag. 60. 124.
219. Jus tamen percipiendi pecuniam vendi potest : pag. 61. 62.
219.
 Pecunia locari potest, & ideo aliquid lucri exigi ex hujusmodi locatio-
 ne : pag. 126. & seq.
 Periculum animalium. V. *Societas Animalium*. Periculum casus fortuiti
 in locatione. V. *Locator*. Periculum rei locatæ. V. *Conductor*.
 Periculum facti, & juris in mutuo exponitur : pag. 162. Intrinsecum,
 & extrinsecum : pag. 155. Num propter periculum extrinsecum ali-
 quid possit recipi ultra fortem, lis est inter Theologos : ibid. & seq.
 Doctrina Fagnani hac super re : pag. 159. & seq. -- Periculum for-
 tis ubi commune est, ibi & commune lucrum : pag. 276. & seq.
 Perjurium. V. *Mendacium*.
 Permutationis contractus quomodo exerceatur : pag. 134. Æqualitas in
 hoc servanda : ibid.
 Pignus, aut res obligata pro dote, mortuo viro, cui reddenda : pag. 104.
 Pii V. Constitutio super Censibus ; ejusque Declarationes hac super re :
 pag. 319. & seq. Alia ejusdem Constitutio super Cambiis : pag. 223.
 & seq.
 Pœna, quo ad mutuum, triplex, conventionalis, judicialis, legalis :
 pag. 82. Conventionalis an liceat : ibid. & seq. Gravis pericu-
 lis obnoxia est : pag. 84. Hinc mutuatoris intentio per Confessarium
 exploranda : ibid. Signa ad dignoscendum, an juste hac pœna exi-
 gatur, nec ne : pag. 108. Dum debitor culpa vacat, pœna exigi
 non potest : ibid. 109. Soluta parte debiti, nequit exigi tota pœ-
 na : pag. 108. Quomodo intelligatur : pag. 109.
 Pœna judicialis & legalis seu canonica quandonam juste exigi possit :
 pag. 109. & seq.
 Pœnæ monetarum corruptoribus & adulterantibus indictæ : pag. 37.
 Possessor bonæ fidei id solum restituere tenetur, in quo factus est di-
 tior : pag. 295. Potest bonæ fidei possessor præscribere : pag. 143. 296. :
 Malæ vero fidei nullo modo potest : pag. 295. & seq.
 Præcepta judicialia veteris Legis per Christum abrogata : pag. 173.
 Præscriptio rerum mobilium, & immobilium : pag. 296.
 Pretium justum quid sit, & quoruplex : pag. 13. & seq. Pretii natu-
 ralis latitudo expenditur : ibid. Pretium rei non est commensuran-
 dum

dum ad ementium utilitatem: pag. [23](#), [27](#). Injustitia pretii rei venditæ ob dilatam solutionem: pag. [49](#). Quid agendum ad hanc injustitiam evitandam: *ibid*.

Propositiones usuram spectantes a SS. Pontificibus proscriptæ: pag. [118](#), [199](#).

R Edhibitio quid sit: pag. [33](#).

Reditus pecuniarii, scil. jus percipiendi reditus pecuniarios, emi licite possunt, si quatuor conditiones concurrant: pag. [60](#), & seq.

Reditus prædiales quid sint: pag. [2](#). Hujusmodi reditus, nempe jus percipiendi fructus ex alterius possessione, vendi, & emi licite possunt: pag. [63](#), & seq. [102](#). Cautelæ in hac emptione servandæ: pag. [63](#). Præfati reditus sive fructuarii, sive pecuniarii de novo constitui licite possunt: pag. [219](#).

Regula illa: *Res tantum valet, quantum vendi potest*, quomodo accipienda: pag. [22](#).

Res, si perit, Domino perit: pag. [127](#). Quo sensu hæc regula intelligenda sit: pag. [187](#).

Res, quæ locari possunt. V. *Locatio*. Res vendibiles quænam sint: pag. [59](#), & seq.

Res publica pupillo æquiparatur: pag. [218](#), & seq.

Restitutio dotis. V. *Dos*. In restitutione pecuniæ mutuatiæ quid spectari debeat: pag. [192](#).

Sensus verborum Christi: *Mutuum date nihil inde sperantes*, exponitur: pag. [137](#).

Servi fiunt aut jure gentium, aut jure civili: pag. [59](#).

Sixti V. Constitutio super Societate: pag. [325](#), & seq.

Soccida Animalium. V. *Societas*.

Societas (contractus) in quo repõsita sit: pag. [221](#). Est quædam fraternitas: *ibid*. [225](#). Æqualitas in hoc contractu servanda, quæ? pag. [224](#), [246](#). In pecunia tripliciter fieri potest: pag. [221](#). Discrimen inter Societatem & Mutuum: pag. [226](#). Inter Societatem & Locationem: pag. [256](#). Hic contractus est licitus: pag. [222](#), [223](#). Societatem in re turpi nullam esse decernitur: pag. [22](#). Abusus in hoc contractu a Sixto V. damnatus: pag. [208](#). Quomodo Societas in mutuum transeat: pag. [266](#). Societas leonina quid sit: pag. [240](#), [294](#). Societas vera quæ nam sit: pag. [312](#). Qui nam contrahere valeant Societatem: pag. [222](#).

Societas seu Soccida Animalium (contractus) quid sit: pag. [255](#). Tria in hac Societate animadvertenda: *ibid*, & seq. Qualiter contrahatur: pag. [257](#), & seq. Animalia diversimode traduntur in soccidam: pag. [258](#), & seq. Pactum, quod periculum fortis sit accipientis,

- ris, iniquum est: pag. 264. & seq., nisi animalia ejus culpa perierint: pag. 269. & seq. Omne rei dominium transferri in accipientem, repugnat: pag. 286. An periculum animalium æstimatum sociis debeat esse commune: pag. 270. & seq. Assignatur discrimen inter animalia æstimata, & inæstimata: pag. 279. & seq.
- Societas an, sociis vita functis, in hæredibus perseveret: pag. 289. & seq. Quomodo solvatur: pag. 290. & seq.
- Societas large sumpta, reipsa contractus emptionis & venditionis, quæ sit: pag. 289.
- Societatis quatuor casus, quos D. Bernardinus licitos asseruit: pag. 292.: tres alii quos illicitos judicavit: pag. 293. & seq. Plura de Societate pecuniæ dubia solvuntur: a pag. 222. usque ad 254. Plures item casus de Societate Animalium explicantur: a pag. 259. usque ad 310.
- Socii an, & quomodo licite pacifcantur quo ad capitale: pag. 238. & seq. quo ad damnum commune fortis: pag. 270. quo ad fructus, & tempus societatis animalium: ibid. 277. & seq. -- Quod a sociis positum est, absoluta societate, qualiter dividendum: pag. 243. & seq. Qui plus in societate posuit, æquum est, ut plus inde lucrum reportet: pag. 277. & seq. Quomodo de damno & lucro æqualiter participare debeant: pag. 245. In conductione alicujus fundi quomodo ad pensionem teneantur: pag. 232. Sumptus societatis causa factæ, sociis sunt communes: pag. 231. 241. & seq.
- Sors quid sit: multiplex est: pag. 70.
- Spes muneris gratuiti in mutuatore quando liceat: pag. 76. & seq. Spes lucri, ut principalis causa mutui, mutuatorem usurarium reddit: pag. 135. & seq. 138. 199. Quidpiam ex mutuo sperare, vel exigere tanquam ex gratitudine debitum, usura est: pag. 136. & seq.
- Stochos* quid significet: pag. 4. 5.
- Synallagma* vox græca quid sibi velit: pag. 1.

TEmpus quid sit: pag. 39. An vendi possit. V. *Venditio*. Non est justus titulus recipiendi aliquid in mutuo ultra sortem: pag. 39. & seq. 168.

Theologorum dissidium in *Caput Naviganti*: pag. 156. 159.

Thesaurus quid sit: pag. 25. ² Casus de Thesauro invento proponitur: pag. 25. & seq.

Titulus lucri cessantis, & damni emergentis. V. *Damnum emergens*. *Lucrum cessans*.

VEndens prædium pecunia credita num citra usuram possit pensionem exigere, seu pretii interesse, donec pretium sit solutum: pag. 17.
Ven-

I N D E X.

341

- Usura mentalis: pag. [140.](#) statim atque probari possit, usurarius etiam in foro judiciali ad restitutionem cogendus est: pag. [140.](#)
- Usuræ a mutuatore, vel ab ejus hæredibus restituendæ: pag. [79. & seq.](#)
- Usuræ duplex genus, spiritualis una, corporalis altera: pag. [69.](#) Item triplex usuræ genus, scil. lucratoria, compensatoria, punitoria: pag. [91.](#)
- Usurarium intentio efficit: pag. [66.](#) [154.](#) [198.](#) [202.](#) Plurima circa usuram dubia dissolvuntur: a pag. [71.](#) usque ad pag. [229.](#)
- Ufus rei ab ejus dominio secernitur: pag. [127.](#)
- Utilitas emptoris. V. *Emptoris utilitas.*
- Uxor marito est onus jure matrimonii, filii vero jure naturæ: pag. [105.](#)



MAG 2003554



